



Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.4.8





Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.4.8



Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.4.8





Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.1.4.8



Early European Books, Copyright © 2010 ProQuest LLC.

Images reproduced by courtesy of the Biblioteca Nazionale Centrale di Firenze.

Ald.1.4.8



Ab. 1/4





*Ex Libris Joannis Nenoini*  
1874

IBL CENTRALE  
ALDINI  
1  
4  
8  
BIBLIOTECA NAZIONALE




















M  
C  
CA  
I  
PA  
S  
LIB

MARCI TVLLII CICERONIS  
OFFICIORVM LIBRI TRES:  
CATO MAIOR, VEL DE SENECTVTE:  
LAEIVS, VEL DE AMICITIA:  
PARADOXA STOICORVM SEX:  
SOMNIVM SCIPIONIS, EX  
LIBRO SEXTO DE REPVBICA.

*Quæ qui leget, facile, quantum in ijs  
emendandis studium sit adhi-  
bitum, intelliget.*

*Additæ sunt in extremo opere uariæ  
lectiones è libris manuscri-  
ptis, et ex ingenio.*



PAVLVS MANVTIVS ALDI F.

M. D. XLV.



PAVLVS MANVTIVS ALDI F.  
BENEDICTO RHAM-  
BERTO S. D.

**N**on ignoras Benedicte Rhamberte, sen-  
suum esse quandam in hominibus si-  
militudinem; quæ cum in consuetudi-  
ne cognita est, efficitur, ut, inter quos  
id accidit, amor exoriat. ab hoc  
quasi fonte multorum amicitia manarunt. multos eti-  
am beneficium cum obligasset, cumq; id, quod accepe-  
rant, memoria conseruatum grato animo redderent,  
idq; uterque fieri ob ingenij bonitatem, & uoluntatis  
erga se propensionem existimaret: statim est illam opi-  
nionem beneuolentia consecuta. itaq; duæ causæ sunt,  
quamobrem homines ament inter se: sed hæc posterior,  
quæ à rebus externis originem ducit, cum illa superio-  
re, quæ à natura proficiscitur, nullo pacto uidetur esse  
comparanda. illa enim primum habet eam suauita-  
tem, qua, ut opinor, & certe nulla maior est, cum  
eos, quibus utimur, & ijsdem rebus quibus nos, et æque  
atq; nos affici sentimus: deinde, etiam qui in dando &  
accipiendo beneficio fructus est, eo non eget. nam si hæc  
actio bene merendi interdum & est, & esse potest in  
iis, qui uoluntate non admodum coniuncti sunt: quan-  
to facilius existet apud eos, quorum animi ita consen-  
tiunt, ut quasi natura hortante easdem res appetere, ab  
ijsdem fugere uideantur? at uero qui officiorum com-  
moditatibus adducti in amicitiam coierunt; etiam si al-  
ter alterum initio summe diligat; tamen, si quando ac-



Rhamberte, sen  
 hominibus si  
 in consuetudi  
 inter quos  
 oritur, ab hoc  
 ruit. multos est  
 id, quod accip  
 animo reddere,  
 et voluntati  
 est illam opi  
 dua causa sunt,  
 sed hac posterior,  
 cum illa superio  
 peccata videtur esse  
 deum eam fructu  
 illa maior est, cum  
 quibus nos et equi  
 in qui in dando et  
 eger. nam si hac  
 esse potest in  
 amicitia sunt: quare  
 animi ita consue  
 in res appetere, ab  
 ad officium com  
 erant; etiam si al  
 non si quando acc

cidet, id quod accidere saepe solet, ut ea, qua diligere coe  
 perunt, causa tollatur, certe eorum animi pedetentim in  
 amore languescent. quo in genere animaduertis Rham  
 berte quam multi quotidie labantur. de quibus, facile  
 est intelligere, quid sentias, cum ab eorum instituto tua  
 ratio tam uehementer abhorreat: probe enim te, qua  
 nostra debeat esse in iungendis amicitijs cautio, qua in  
 iisdem colendis religio, quod item in omni uita praestan  
 dum officium sit, horum librorum, quos nunc tibi in  
 scriptos ad te mittimus, lectio erudiuit. sensi in me ipso;  
 quem ab opibus non magnopere firmum, aut ne fir  
 mum quidem, tamen octauum abhinc annum tanto  
 studio es complexus, quantum, qui ab omni re para  
 tissimus sit, remunerando compensare uix possit. cumq;  
 rerum mearum status, ut sunt humana, interdum mu  
 taretur: memoria teneo, te, nunquam immutatum, can  
 dem semper cum mihi, tum fratribus meis uoluntatem  
 ac beneuolentiam praestitisse. cum uero maior aliquan  
 to inter nos consuetudo esse coepisset, quod quidem est  
 factum, postea quam te in nostram uicinitatem contu  
 listi: facile sentio, ad meam uitam recte conforman  
 dam quanto mihi obseruatio tuorum morum fuerit ad  
 iumento. collocationes uero de literis nostrae quid non  
 dicam delectationis, sed utilitatis habuerunt? equidem,  
 si liceret, totos dies uellem tecum ponere. quarum enim  
 ego rerum cognitione delector, earum in omni genere  
 quae tui sit iudicii subtilitas, intelligo. sed hanc latine  
 scribendi rationem, in qua multi nunc uolunt excelle  
 re, paucissimi possunt, eam uero sic tenes, ut tuis scri  
 ptis mihi quidem nihil esse purius uideatur. quod eo



mirandum est magis , quia tu non , ut alij , diuturno,  
atque assiduo librorum usu, sed temporum studio subfi-  
ciuorum , hoc ut posses , consecutus es . nam ut omit-  
tam , q̄ tibi , cuius fidei atque prudentiæ Veneti sena-  
tus arcana creduntur,otium non sæpe contingit : ecqui  
dies est , quo non ex amicis tuis aut consilio tibi aliquis,  
aut opera,aut etiam re sit adiuuandus ? qua in consue-  
tudine retinenda nimium diligens esse dum uis , accidit  
sæpe , ut tuum potius ipse commodum , quàm officij co-  
lendi facultatem prætermittas . quo ego me aptius face-  
re sum arbitratus , si hæc opuscula , in quibus maxime  
de officio præcepta traduntur,ad te, quem cognoui esse  
omnium officiosissimum , mitterem . genus hoc Rham-  
berte quoddam est , quo ego eos, qui de me bene meriti  
sunt , remunerari soleo . perpende rem , nulla uidebi-  
tur : animum respice , gratissimum dices . Vale.

Et  
te  
tem  
sop  
iden  
nū  
mag  
mon  
aliqu  
et ad  
cipe  
voles  
profici  
multa  
Socrat  
tuo iud  
nam q  
uero h  
philos  
toris p  
in eo  
deor id



I  
M. TVLLII CICERONIS  
OFFICIORVM AD MARCVM FILIVM  
LIBER I.

¶ Vanquam te Marce fili annum iam au-  
dientem Cratippum, idq; Athenis, abun-  
dare oportet præceptis, institutisq; philo-  
sophiæ, propter summam et doctoris au-  
thoritatem, et urbis, quorum alter te scientia augere po-  
test, altera exemplis: tamen, ut ipse ad meam utilita-  
tem semper cum græcis latina coniunxi, neq; id in philo-  
sophia solum, sed etiam in dicendi exercitatione feci;  
idem tibi censeo faciendum, ut par sis in utriusq; oratio-  
nis facultate. quam quidem ad rem nos, ut videmur,  
magnum attulimus adiumentum hominibus nostris, ut  
non modo græcarum literarum rudes, sed etiam docti  
aliquantulum se arbitrentur adeptos & ad dicendum,  
et ad iudicandum. quamobrem discas tu quidem à prin-  
cipe huius ætatis philosophorum, & discas, quam diu  
noles: (tam diu autem uelle debebis, quoad te, quantum  
proficias, non poenitebit) sed tamen nostra legens non  
multum à Peripateticis dissidentia, (quoniam utriq; &  
Socratici, & Platonici esse uolumus) de rebus ipsis utere  
tuo iudicio: nihil enim impedio: orationem autem lati-  
nam profecto legendis nostris efficies pleniorē. nec  
uero hoc arroganter dictum existimari uelim: nam  
philosophandi scientiam concedens multis; quod est ora-  
toris proprium, apte, distincte, ornatèq; dicere, quoniam  
in eo studio ætatem consumpsi, si id mihi assumo, ui-  
deor id meo iure quodam modo uendicare. quamobrem

A iiij



## C I C E R O N I S

magnopere te hortor mi Cicero, ut non solum orationes  
 meas, sed hos etiam de philosophia libros, qui iam se illis  
 ferè æquarunt, studiose legas: uis enim dicendi maior  
 est in illis; sed hoc quoq; colendum est æquabile, et tem-  
 peratum orationis genus. Et id quidem nemini uideo  
 Græcorum adhuc contigisse, ut idem utroque in genere  
 laboraret, sequereturq; Et illud forense dicendi, Et hoc  
 quietum disputandi genus: nisi forte Demetrius Phale-  
 reus in hoc numero haberi potest, disputator subtilis,  
 orator parum uehemens; dulcis tamen, ut Theophrasti  
 discipulum possis agnoscere. nos autem quantum in  
 utroque profecerimus, aliorum sit iudicium: utrumque  
 certe secuti sumus. equidem Et Platonem existimo, si  
 genus id forense dicendi tractare uoluisset, grauissime,  
 Et copiosissime potuisset dicere: Et Demosthenem, si il-  
 la, quæ à Platone didicerat, tenuisset, Et pronunciare  
 uoluisset, ornate, splendideq; facere potuisset. eodemq;  
 modo de Aristotele, Et Isocrate iudico: quorum uter-  
 que suo studio delectatus, contempsit alterum. sed,  
 cum statuissem aliquid hoc tempore ad te scribere, Et  
 multa posthac, ab eo exordiri uolui maxime, quod Et  
 ætati tuæ esset aptissimum, Et auctoritati meæ gra-  
 uissimum. nam, cum multa sint in philosophia et gra-  
 uia, Et utilia, accurate, copioseq; à philosophis dispu-  
 tata, latissime patere uidentur ea, quæ de officiis tradi-  
 ta ab illis, Et præcepta sunt: nulla enim uitæ pars ne-  
 que publicis, neque priuatis, neque forensibus, neque  
 domesticis in rebus, neque si tecum agas quid, neque si  
 cum altero contrahas, uacare offi. io potest: in eoq; co-  
 lendo sita uitæ est honestas omnis, et in negligendo tur-



pitudo . atque hæc quidem quæstio communis est omnium philosophorum : quis est enim , qui nullis officij præceptis tradendis philosophum se audeat dicere ? sed sunt non nullæ disciplinæ , quæ , propositis malorum et bonorum finibus , officium omne peruertunt : nam , qui summum bonum sic instituit , ut nihil habeat cum uirtute coniunctum ; idq̃ ; suis commodis , non honestate metitur ; hic si sibi ipse consentiat , & non interdum naturæ bonitate uincatur , fit , ut neq̃ ; amicitiam colere possit , nec iustitiam , nec liberalitatem : fortis uero , dolorem summum malum iudicans ; aut temperans , uoluptatem summum bonum statuens , esse certe nullo modo potest . quæ quanquam ita sunt in promptu , ut res disputatione non egeat ; tamen sunt à nobis alio loco disputata . hæc disciplinæ igitur , si sibi consentaneæ esse uelint , de officio nihil queant dicere : neq̃ ; ulla officij præcepta firma , stabilia , coniuncta naturæ tradi possunt , nisi aut ab ijs , qui solam , aut ab ijs , qui maxime honestatem propter se dicant expetendam . itaq̃ ; propria est ea præceptio Stoicorum , & Academicorum , et Peripateticorum : quoniam Aristonis , Pyrrhonis , & Herilli iampridem explosa sententia est : qui tamen haberent ius suum disputandi de officio , si rerum aliquem delectum reliquissent , ut ad officij inuentionem aditus esset . sequemur igitur hoc quidem tempore , & in hac quæstione potissimum Stoicos , non ut interpretes ; sed , ut solemus , è fontibus eorum , iudicio , arbitrioq̃ ; nostro , quantum , quoq̃ ; modo uidebitur , hauriemus . Placet igitur , quoniam omnis disputatione de officio futura est , ante definire , quid sit officium : quod à Panætio prætermisum esse miror : om-



nis enim, quæ à ratione suscipitur de aliqua re, institutio debet à definitione proficisci; ut intelligatur, quid sit id, de quo disputetur. Omnis de officio duplex est quæstio. unum genus est, quod pertinet ad finem bonorum: alterum, quod positum est in præceptis, quibus in omnes partes usus uitæ confirmari possit. Superioris generis huiusmodi exempla sunt; omnia ne officia perfecta sint; nunquid officium aliud alio maius sit; & quæ sunt generis eiusdem. Quorum autem officiorum præcepta traduntur, ea, quanquam pertinent ad finem bonorum, tamen id minus apparet, quia magis ad institutionem uitæ communis spectare videntur. de quibus est nobis his libris explicandum. Atq; etiam alia diuisio est officij. nam & medium quoddam officium dicitur, et perfectum. perfectum autem officium, rectum (opinor) uocemus, quod Græci κατόρθωμα; hoc autem, commune, quod ἡ κοινὸν uocant. atq; ea sic definiunt, ut, rectum quod sit, id perfectum officium esse definiant; medium autem officium id esse dicant, quod cur factum sit, ratio probabilis reddi possit. Triplex igitur est, ut Panætio uidetur, consilij capiendi deliberatio. nam honestum ne factu sit, an turpe, dubitant, id, quod in deliberationem cadit. in quo considerando, sæpe animi in contrarias sententias distrahuntur. tum autem inquirunt, aut consultant, ad uitæ commoditatem, iucunditatemq; ad facultates rerum, atque copias, ad opes, ad potentiam, quibus & se possint iuuare; & suos, conducat id, nec ne, de quo deliberant: quæ deliberatio omnis in rationem utilitatis cadit. tertium dubitandi genus est, cum pugnare uidetur cū honesto id, quod

primi  
hinc  
matru

2. h. b. n.

3. h. b. n.



uidetur esse utile : cum enim utilitas ad se rapere, honestas contra reuocare ad se uidetur, fit, ut distrahatur in deliberando animus, afferatq; ancipitem curam cogitandi. hac in diuisione, cum præterire aliquid maximum uitium in diuidendo sit, duo prætermissa sunt : nec enim solum, utrum honestum, an turpe sit, deliberari solet ; sed etiam, duobus propositis honestis, utrū honestius ; itemq; duobus propositis utilibus, utrum utilius. ita, quam ille triplicem putauit esse rationem, in quinque partes distribui debere reperitur. primum igitur est de honesto, sed dupliciter ; tum pari ratione de utili, post de comparatione eorum differendum.

Principio generi animantium omni est à natura tributum, ut se, uitam, corpusq; tueatur, declinetq; ea, quæ nocitura uideantur ; omniaq; quæ sint ad uiuendum necessaria, inquirat, & parat, ut pastum, ut latibula, ut alia eiusdem generis. commune item animantium omnium est coniunctionis appetitus procreandi causa, & cura quædam eorum, quæ procreata sunt. sed inter hominem, & belluam hoc maxime interest, quod hæc tantum, quantum sensu mouetur, ad id solum, quod adest, quodq; præsens est, se accommodat, paululum admodum sentiens præteritum, aut futurum : homo autem, qui rationis est particeps, per quam consequentia cernit, principia, & causas rerum uidet, earumq; progressus, & quasi antecessiones non ignorat, similitudines comparat, rebusq; præsentibus adiungit, atque anneclit futuras ; facile totius uitæ cursum uidet, ad eamq; degendam præparat res necessarias : eademq; natura in rationis hominem conciliat ho-



mini & ad orationis, & ad uitæ societatem; ingene-  
ratq; in primis præcipuum quendam amorem in eos,  
qui procreati sunt; impellitq;, ut hominum coetus &  
celebrari inter se, & sibi obedire uelit; ob easq; cau-  
sas studeat parare ea, quæ suppeditent ad cultum, &  
ad uictum, nec sibi soli, sed coniugi, liberis, cæte-  
risq;, quos charos habeat, tueriq; debeat. quæ cura  
exsuscitat etiam animos, & maiores ad rem gerendam  
facit. in primisq; hominis est propria, ueri inquisitio,  
atque inuestigatio. itaque, cum sumus necessarijs ne-  
gocijs, curisq; uacui, tum auemus aliquid uidere, au-  
dire, ac discere; cognitionemq; rerum aut occulta-  
rum, aut admirabilium, ad bene, beateq; uiuendum  
necessariam ducimus. ex quo intelligitur, quod uerum,  
simplex, sincerumq; sit, id esse naturæ hominis aptissi-  
mum. huic ueri uidendi cupiditati adiuncta est appe-  
titi quædam principatus, ut nemini parere animus  
bene informatus à natura uelit, nisi præcipienti, &  
docenti, aut utilitatis causa iuste, & legitime impe-  
ranti: ex quo animi magnitudo existit, humanarumq;  
rerum contemptio. nec uero illa parua uis naturæ est,  
rationisq;, quod unum hoc animal sentit, quid sit or-  
do, quid sit quod deceat in factis diætijsq;, qui modus.  
itaque eorum ipsorum, quæ aspectu sentiuntur, nul-  
lum aliud animal pulchritudinem, uenustatem, conue-  
nientiam partium sentit. quam similitudinem natura,  
ratioq; ab oculis ad animum transferens, multo etiam  
magis pulchritudinem, constantiam, ordinem in con-  
silijs, factisq; conseruandum putat; cauetq;, ne quid  
indecore, effæminatæue faciat; tum, in omnibus &



opinionibus, & factis ne quid libidinoſe aut faciat, aut cogitet. quibus ex rebus conflatur, & efficitur id, quod quaerimus, honeſtum; quod etiam ſi nobilitatum non ſit, tamen honeſtum ſit; quodq; uere dicimus, etiam ſi à nullo laudetur, laudabile eſſe natura. Formam quidem ipſam Marce fili, & tanquam faciem honeſti uides. quæ ſi oculis cerneretur, mirabiles amores (ut ait Plato) excitaret ſapientiæ. Sed omne, quod honeſtum eſt, id quatuor partium oritur ex aliqua: aut enim in perſpicientia ueri, ſolertiq; uerſatur; aut in hominum ſocietate tuenda, tribuendoq; ſuum cuique, & rerum contractarum fide; aut in animi excelsi, atque inuicti magnitudine, ac robore; aut in omnium, quæ ſunt, quæq; dicuntur, ordine, & modo, in quo ineſt modeſtia, & temperantia. quæ quatuor quamquam inter ſe colligata, atque implicita ſunt: tamen ex ſingulis certa officiorum genera naſcuntur: uelut ex ea parte, quæ prima deſcripta eſt, in qua ſapientiam, & prudentiam ponimus, ineſt indagatio, atque inuentio ueri: cuiusq; uirtutis hoc munus eſt proprium: ut enim quiſque maxime perſpicit, quid in re quaque ueriffimum ſit, quiq; & acutiſſime, & celerrime poteſt & uidere, & explicare rationem, is prudentiſſimus, et ſapientiſſimus rite haberi ſolet. quo circa huic, qua ſi materia, quam tractet, & in qua uerſetur, ſubiecta eſt ueritas. reliquis autem tribus uirtutibus neceſſitates propoſitæ ſunt ad eas res parandas, tuendasq; quibus actio uita continetur; ut ſocietas hominum, coniunctioq; ſeruetur; & animi excellentia, magnitudoq; cum in augendis opibus, utilitatibusq; & ſibi, &

*Sapientia  
Prudentia*

*Justitia*

*Fortitudo*

*Temperantia*

*Modestia*

*Veritas*

*Prudentia*



*Sapientia  
et prae-  
clara*

suīs comparandis, tum multo magis in his ipsis despi-  
ciendis eluceat. ordo autem, et constantia, et mo-  
deratio, et ea, quae sunt his similia, uersantur in eo  
genere, ad quod adhibenda est actio quaedam, non so-  
lum mentis agitatio: his enim rebus, quae tractantur  
in uita, modum quendam adhibentes, et ordinem,  
honestatem, et decus conseruabimus. Ex quatuor au-  
tem locis, in quos honesti naturam, uimque diuisimus,  
primus ille, qui in ueri cognitione consistit, maxime na-  
turam attingit humanam: omnes enim trahimur, et  
ducimur ad cognitionis, et scientiae cupiditatem, in  
qua excellere pulchrum putamus: labi autem, errare,  
nescire, et decipi, et malum, et turpe ducimus. in  
hoc genere et naturali, et honesto duo uitia uitanda  
sunt: unum, ne incognita pro cognitis habeamus, hisque  
temere assentiamus: quod uitium effugere qui uolet,  
(omnes autem uelle debebunt) adhibebit ad consideran-  
das res et tempus, et diligentiam. alterum est uitium,  
quod quidam nimis magnum studium, multamque ope-  
ram in res obscuras, atque difficiles conferunt, easdemque  
non necessarias. quibus uitij declinatis, quod in rebus  
honestis, et cognitione dignis opera, curaque ponetur,  
id iure laudabitur: ut in astrologia C. Sulpitium au-  
diuimus, in geometria Sex. Pompcium ipsi cognoui-  
mus, multos in dialectica, plures in iure civili. quae o-  
mnes artes in ueri inuestigatione uersantur: cuius stu-  
dio à rebus agendis abduci, contra officium est: uirtutis  
enim laus omnis in actione consistit: à qua tamen saepe  
fit intermissio, multique dantur ad studia reditus: tum  
agitatio mentis, quae nunquam acquiescit, potest nos in stu-

dijs  
aut  
de  
dom  
de  
tem  
nam  
cuius  
est  
iure  
liber  
nas  
inde  
tem  
ueter  
aut  
Enon  
pinat  
est  
sum  
quod  
appet  
praela  
sumus  
uendit  
terris  
mires  
se aliq  
ducem  
mutatio



dijs cogitationis & sine opera nostra continere. omnis autem cogitatio, motusq; animi aut. in consilijs capiēdis de rebus honestis, & pertinetibus ad bene, beateq; uiuendum, aut in studijs scientiæ, cognitionisq; uersabitur. ac de primo quidem officij fonte diximus. De tribus autem reliquis, latissime patet ea ratio, qua societas hominum inter ipsos, & uita quasi cōmunitas continetur. cuius partes duæ sunt; iustitia, in qua uirtutis splendor est maximus, ex qua boni uiri nominantur; & huic coniuncta beneficentia, quam eandem uel benignitatem, uel liberalitatem appellare licet. Sed iustitiæ primum munus est, ut ne cui quis noceat, nisi lacessitus iniuria; deinde, ut cōmunibus pro cōmunibus utatur, priuatis autem ut suis. sunt autem priuata nulla natura; sed aut ueteri occupatione, ut qui quōdam in uacua uenerunt; aut uictoria, ut qui bello potiti sunt; aut lege, aut pactione, conditione, sorte. ex quo fit, ut ager Arpinas Arpinatum dicatur, Tusculanus Tusculanorum. similisq; est priuatarum possessionum descriptio. ex quo, quia suum cuiusq; fit eorum, quæ natura fuerant cōmunia; quod cuiq; obtigit, id quisq; teneat. eo si quis sibi plus appetet, uiolabit ius humanæ societatis. sed quoniam (ut præclare scriptum est à Platone) non nobis solum nati sumus, sed ortus nostri partem patria, partem parentes uendicant, partem amici; atq; (~~ut~~ placet Stoicis) quæ in terris gignuntur, ad usum hominum omnia creari, homines autem hominū causa esse generatos, ut ipsi inter se alij alius prodesse possent: in hoc naturam debemus ducem sequi, & cōmunes utilitates in medium afferre, mutatione officiorum, dando, accipiendo, tum artibus,

Iustitia

Beneficentia

Liberalitas



C I C E R O N I S

tum opera, tum facultatibus deuincire hominum inter  
homines societatem. Fundamentum autem iustitiæ est  
fides, idest dictorum, conuentorumq; constantia, & ueri  
tas. ex quo, quanquam hoc uidebitur fortasse cuipiam  
durius, tamen audeamus imitari Stoicos, qui studiose ex  
quirunt, unde uerba sint dueta, credamusq; , quia fiat  
quod dictum est, appellatam fidem. Sed iniustitiæ duo  
genera sunt; unum eorum, qui inferunt; alterum eo-  
rum, qui ab iis, quibus inferuntur, si possint, non propul-  
sant iniuriam; nam qui iniuste impetum in quempiam  
facit, aut ira, aut aliqua perturbatione incitatus, is qua  
si manus uolenter uidetur asferre socio: qui autem nõ  
defendit, nec obsistit, si potest, iniuriæ, tam est in uitio,  
quàm si parètes, aut amicos, aut patriam deserat. Atq;  
illæ quidem iniuriæ, quæ nocendi causa de industria in-  
feruntur, sape & metu proficiuntur, cum is, qui alteri  
nocere cogitat, timet, ne, nisi id alteri fecerit, ipse aliquo  
afficiatur incommodo. maximã autem partem ad iniu-  
riam faciendam aggrediuntur non nulli, ut adipiscan-  
tur ea, quæ concupierunt: in quo uitio latissime patet  
auaritia. expetuntur autem diuitiæ tum ad usus uitæ  
necessarios, tum ad perfruendas uoluptates. in quibus  
autem maior est animus, in his pecuniæ cupiditas spes-  
tat ad opes, & ad gratificandi facultatem: ut nuper  
M. Crassus negabat ullam satis magnam pecuniam esse  
ei, qui in Rep. princeps uellet esse, qui suis fructibus exer-  
cium alere non posset. delectant etiam magnifici ap-  
paratus, uitæq; cultus cum elegantia, & copia. quibus  
rebus effectum est, ut infinita pecuniæ cupiditas esset.  
nec uero rei familiaris amplificatio nemini nocens uitu

duo ge-  
nera in-  
iustitiæ

Primum  
Genus  
Iniusti-  
tiæ

Non diuitiam faciendam aggrediuntur non nulli, ut adipiscan-  
tur ea, quæ concupierunt: in quo uitio latissime patet  
auaritia. expetuntur autem diuitiæ tum ad usus uitæ  
necessarios, tum ad perfruendas uoluptates. in quibus  
autem maior est animus, in his pecuniæ cupiditas spes-  
tat ad opes, & ad gratificandi facultatem: ut nuper  
M. Crassus negabat ullam satis magnam pecuniam esse  
ei, qui in Rep. princeps uellet esse, qui suis fructibus exer-  
cium alere non posset. delectant etiam magnifici ap-  
paratus, uitæq; cultus cum elegantia, & copia. quibus  
rebus effectum est, ut infinita pecuniæ cupiditas esset.  
nec uero rei familiaris amplificatio nemini nocens uitu

per ar-  
autem  
nio, ca-  
tem in-  
Nulla  
id latia  
possunt  
tio, ne di-  
clarant  
diuina, et  
se opinio  
hoc gene-  
dissimili-  
tentia, ge-  
quid in re  
multum i-  
que plera  
cogitata  
tino aliq-  
preparat  
satis dicti  
serenitatis  
micitias,  
etiam in  
busiam  
tumari  
est, ne  
sophos  
quodq;  
inter



peranda est : sed fugienda semper iniuria . Maxime  
autem adducuntur plerique, ut eos iniustitiæ capiat obli-  
uio, cum in imperiorum, honorum, gloriæ uel cupidita-  
tem inciderint : quod enim est apud Ennium ,  
Nulla sancta societas , nec fides regni est ,  
id latius patet : nam quidquid eiusmodi est, in quo non  
possint plures excellere, in eo plerunq; fit tanta conten-  
tio, ut difficillimum sit sanctam seruare societatem . de-  
clarauit id modo tempestas C. Caesaris, qui omnia iura  
diuina, et humana peruerit propter eum, quem sibi ip-  
se opinionis errore finxerat, principatum . est autem in  
hoc genere molestum, quod in maximis animis, splendi-  
dissimisque ingenijs plerunq; existunt honoris, imperij, po-  
tentiae, gloriæ cupiditates : quo magis cauendum est, ne  
quid in eo genere peccetur . sed in omni iniustitia per-  
multum interest , utrum perturbatione aliqua animi ,  
quæ plerunq; breuis est, et ad tempus , an consilio, et  
cogitata fiat iniuria : leuiores enim sunt ea, quæ repen-  
tino aliquo motu accidunt ; quàm ea, quæ meditata, et  
preparata inferuntur . ac de inferenda quidem iniuria  
satis dictum est . Prætermittendæ autem defensionis, de-  
serendiq; officij plures solent esse causæ : nam aut ini-  
micitias, aut laborem, aut sumptus suscipere nolunt; aut  
etiam negligentia , pigritia, inertia, aut suis studiis, qui-  
busdam uel occupationibus sic impediuntur, ut eos, quos  
tutari debeant, desertos esse patiantur . itaq; uidendum  
est, ne non satis sit id, quod apud Platonem est in philo-  
sophos dictum ; quod in ueri inuestigatione uersentur,  
quodq; ea, quæ plerique uehementer expetunt, de quibus  
inter se digladiari solent, contemnant, et pro nihilo du-

13  
ad os sum

Alterum  
genus  
iniusti-  
tiae



## C I C E R O N I S

cant, propterea iustos esse : nam dum alterum iustitiæ  
 genus assequuntur, inferenda ne cui noceant iniuria ; in  
 alterum incidunt : discendi enim studio impediti , quos  
 tueri debent, deserunt : itaque eos ne ad Remp. quidem  
 accessuros putat, nisi coactos . æquius autem erat id vo-  
 luntate fieri : nam hoc ipsum ita iustum est, quod recte  
 fit , si est uoluntarium . Sunt etiam, qui aut studio rei  
 familiaris tuendæ, aut odio quodam hominum suum se  
 negotium agere dicant<sup>r</sup>, ne facere cuiquam uideantur  
 iniuriam . qui, dum altero iniustitiæ genere uacant , in  
 alterū incurrunt : deserunt enim uitæ societatem, quia  
 nihil conferunt in eam studij, nihil operæ, nihil faculta-  
 tum . Quoniam igitur duobus generibus iniustitiæ pro-  
 positis, adiunximus causas utriusq; generis, easq; res an-  
 te constituimus, quibus iustitia continetur ; facile, quod  
 cuiusque temporis officium sit, poterimus , nisi nosmet  
 ipsos ualde amabimus, iudicare : est enim difficilis cura  
 rerum alienarum : quanquam Terentianus ille Chre-  
 mes humani nihil à se alienum putat . sed tamen, quia  
 magis ea percipimus, atque sentimus, quæ nobis ipsis aut  
 prospera, aut aduersa eueniunt, quàm illa, quæ cæteris,  
 quæ quasi longo intervallo interiecto uidemus ; aliter  
 de illis, ac de nobis , iudicamus . quocirca bene præcipi-  
 unt, qui uetant quidquam agere , quod dubites æquum  
 sit, an iniquum : æquitas enim lucet ipsa per se, dubita-  
 tio autem cogitationem significat iniuriæ . sed incidunt  
 sæpe tempora, cum ea, quæ maxime uidentur digna esse  
 iusto homine, eoq; quem uirum bonum dicimus, commu-  
 tantur, fiuntq; contraria ; ut , non reddere depositum,  
 etiam ne furioso promissum facere , quæq; pertinent ad  
 ueritatem,

uer  
 uat  
 sui  
 no  
 cum  
 non  
 aliq  
 pro  
 buli  
 set  
 eni  
 Hip  
 xim  
 ea q  
 tibi n  
 com  
 ut, si  
 tem  
 lius  
 keris  
 si se d  
 dum  
 ceptus  
 torio  
 iur  
 litio  
 sum  
 bium  
 ut ille  
 ete in



ueritatem, & ad fidem, ea negare interdum, et non ser-  
uare, sit iustum: referri enim decet ad ea, quæ propo-  
sui in principio, fundamenta iustitiæ; primū, ut ne cui  
noceatur; deinde, ut communi utilitati seruiatur. ea  
cum tempore commutantur, commutatur officium, ut  
non semper sit idem: potest enim accidere promissum  
aliquod, & conuentum, ut id effici sit inutile uel ei, cui  
promissum sit; uel ei, qui promiserit: nam si (ut in fa-  
bulis est) Neptunus, quod Theseo promiserat, non fecis-  
set, Theseus filio Hippolito non esset orbatus: ex tribus  
enim optatis (ut scribitur) hoc erat tertium, quod de  
Hippolyti interitu iratus optauit: quo impetrato, in ma-  
ximos luctus incidit. nec promissa igitur seruanda sunt  
ea, quæ sint ijs, quibus promiseris, inutilia: nec, si plus  
tibi noceant, quàm illi prosint, cui quidem promiseris,  
contra officium est, maius damnum anteponi minori:  
ut, si constitueris te cuiuspiam aduocatum in rem præsen-  
tem esse uenturum, atque interim grauiter agrotare fi-  
lius coeperit, non sit contra officium, non facere, quod di-  
xeris; magisq; ille, cui promissum sit, ab officio discedat,  
si se destitutum queratur. Iam, illis promissis non stan-  
dum esse, quis non uidet, quæ coactus quis metu, aut de-  
ceptus dolo promiserit? quæ quidem pleraque iure præ-  
torio liberantur, non nulla legibus. Exsunt etiam in-  
iuriæ sæpe calumnia quadam, & nimis callida, & ma-  
litiosa iuris interpretatione. ex quo illud, Summum ius  
summa iniuria, factum est iam tritum sermone prouer-  
bium. quo in genere etiam in Rep. multa peccantur:  
ut ille, qui, cum triginta dierum essent cum hoste pæ-  
ciæ induciæ, noctu populabatur agros, quòd dicrum es-



## C I C E R O N I S

sent pactæ, non noctium induciæ. nec noster quidem probandus est, si uerum est, Q. Fabium Labeonem, seu quem alium (nihil enim præter auditum habeo) arbitrum Nolanis, & Neapolitanis de finibus agri à senatu datum, cum ad locum uenisset, cum utrisque separatim locutum, ne cupide quid agerent, nec appeterent, atque ut regredi, quam progredi mallerent: id cum utrique fecissent, aliquantum agri in medio relictum est: itaque illorum fines, sicut ipsi dixerant, terminauit: in medio relictum quod erat, populo R. adiudicauit. deprecere hoc quidem, non iudicare est. quocirca in omni re fugienda est talis solertia. Sunt autem quædam officia etiam aduersus eos seruanda, à quibus iniuriam acceperis: est enim ulciscendi, et puniendi modus: atque haud scio, an satis sit eum, qui lacefferit, iniuriæ suæ poenitere, ut ipse ne quid tale posthac committat, et cæteri sine ad iniuriam tardiores. Atque in Rep. maxime conseruanda sunt iura belli: nam cum sint duo genera decertandi, unum per disceptationem, alterum per uim, cumque illud proprium sit hominis, hoc bellugrum; confugiendum est ad posterius, si uiri non licet superiore. quare suscipienda quidem bella sunt ob eam causam, ut sine iniuria in pace uiuatur: parata autem uictoria conseruandi sunt ii, qui non crudeles in bello, nec immanes fuerunt: ut maiores nostri Tusculanos, Aequos, Volscos, Sabinos, Hernicos in ciuitatem etiã acceperunt: at Carthaginem, & Numantiam funditus sustulerunt: nolentem Corinthum: sed credo illos secutos opportunitatem loci maxime, ne posset aliquando ad bellum faciendum locus ipse adhortari. mea quidem sententia, paci, quæ



nihil habitura sit insidiarum, semper est consulendum. in quo si mihi obtemperatum esset, si non optimam, at aliquam Remp. quæ nunc nulla est, haberemus. Et cū ijs, quos ui deuiceris, consulendum est: tum iij, qui armis positis ad imperatorum fidem confugiunt, quamuis murum aries percussisset, recipiendi sunt. in quo tan- toperere apud nostros iustitia culta est, ut iij, qui ciuitates, aut nationes deuictas bello in fidem recepissent, earum patroni essent more maiorum. ac belli quidem æqui- tas sanctissime fœciali populi R. iure perscripta est: ex quo intelligi potest, nullum bellum esse iustum, nisi quod aut rebus repetitis geratur, aut denunciatum ante sit, Et indictum. Pompilius imperator tenebat prouinci- am, in cuius exercitu Catonis filius tyro militabat. cum autem Pompilio uideretur unam dimittere legionem, Catonis quoque filium, qui in eadem legione militabat, dimisit. sed, cum amore pugnandi in exercitu reman- sisset, Cato ad Pompilium scripsit, ut, si eum pateretur in exercitu remanere, secundo cum obligaret militiæ sa- cramento, quia, priore amisso, iure pugnare cum hosti- bus non poterat. adeo summa erat obseruatio in bello mouendo. Marci quidem Catonis senis est epistola ad Marcum filium, in qua scripsit se audisse eum missum factum esse à Consule, cum in Macedonia bello Persico miles esset. monet igitur, ut caueat, ne prælium ineat: negat enim ius esse, qui miles non sit, pugnare cum ho- ste. equidem illud etiam animaduerto, quod, qui pro- prio nomine perduellis esset, is hostis uocaretur, lenitate uerbi tristitiam rei mitigante: hostis enim apud maio- res nostros is dicebatur, quem nūc peregrinum dicimus:



## C I C E R O N I S

inducant duodecim tabulae, A V T status dies cum hoste: itemq; A D V E R S V S hostem aeterna auctoritas. quid ad hanc mansuetudinem addi potest, cum, qui cum bella geras, tam molli nomine appellare? quanquam id nomen durius efficit iam uetustas: à peregrino enim recessit, et proprie in eo, qui contra ferret arma, remansit. Cum uero de imperio decertatur, belloq; quaeritur gloria, causas omnino subesse tamen oportet easdem, quas dixi paulo ante iustas causas esse bellorum. sed ea bella, quibus imperij gloria proposita est, minus acerbè gerenda sunt. ut enim, cum ciuilitè contendimus, aliter, si est inimicus, aliter, si competitor; cum altero certamen honoris, & dignitatis est, cum altero capitis, & famae: sic cum Celtiberis, cum Cimbris bellum ut cum inimicis gerebatur, uter esset, non uter imperaret; cum Latinis, Sabinis, Samnitibus, Pœnis, Pyrrho de imperio dimicabatur. Pœni fœdis fragi, crudelis Annibal, reliqui iustiores. Pyrrhi quidem de captiuis reddendis illa praeclara sententia est.

Nec mi aurum posco, nec mi pretium dederitis:  
Nec cauponantes bellum, sed belligerantes,  
Ferro, non auro uitam cernamus utrique.  
Vos ne uelit, an me regnare hera, quid ue ferat fors,  
Virtute experiamur. & hoc simul accipe dictum:  
Quorum uirtuti, belli fortuna pepercit,  
Eorundem me libertati parcere certum est.  
Dono: ducite: doq; uolentibus cum magnis dijs.  
regalis sanè, & digna Aeacidarum genere sententia.  
atque etiam, si quid singuli, temporibus adducti, hosti  
promiserint, est in eo ipso fides seruanda: ut primo Pu

nic  
m  
p  
fuit  
ci,  
falli  
Mer  
sera  
uor  
ut  
da  
fiat  
u  
gna  
qua  
dga  
Ela  
ac li  
mina  
dena  
fis, q  
mator  
tate c  
tum;  
grati  
uidet  
assent  
alios li  
rem al  
cupidi



nico bello Regulus captus à Pœnis, cum de captiuis com-  
mutandis Romam missus esset, iurassetq; se rediturum,  
primum, ut uenit, captiuos reddendos in senatu non cen-  
suit : deinde, cum retineretur à propinquis, & ab amī-  
cis, ad supplicium redire maluit, quàm fidem hosti datā  
fallere. ac de bellicis quidem officijs satis dictum est.  
Meminerimus autem, & aduersus infimos iustitiam esse  
seruandam. est autem infima conditio & fortuna ser-  
uorum : quibus, non male præcipiunt, qui ita iubēt uti,  
ut mercenarijs ad operam exigendam, & iusta praben-  
da. Cum autem duobus modis, idest aut ui, aut fraude,  
fiat iniuria : fraus quasi uulpeculæ, uis leonis uidetur :  
utrumque alienissimum ab homine est, sed fraus odio di-  
gna maiore. totius autē iniustitiæ nulla capitalior est,  
quàm eorum, qui tum, cum maxime fallunt, id tamen  
agunt, ut uiri boni esse uideantur. de iustitia satis di-  
ctum est. Deinceps (ut erat propositum) de beneficentia,  
ac liberalitate dicatur. qua quidem nihil est natura ho-  
minis accommodatius : sed habet multas cautiones : ui-  
dendum est enim primum, ne obsit benignitas & ijs ip-  
sis, quibus benigne uidebitur fieri, & cæteris : deinde, ne  
maior benignitas sit, quàm facultas : tum, ut pro digni-  
tate cuique tribuatur : id enim est iustitiæ fundamen-  
tum ; ad quam hæc referenda sunt omnia : nam et qui  
gratificantur cuiquam, quod obsit illi, cui prodesse uelle  
uideantur, non benefici, neque liberales, sed perniciosi  
assentatores iudicandi sunt ; & qui alijs nocent, ut in  
alios liberales sint, in eadem sunt iniustitia, ut si in suam  
rem aliena conuertant. sunt autem multi, & quidem  
cupidi splendoris, & gloriæ, qui eripiunt ab alijs, quod

*De Bene-  
ficentia  
ac libera-  
litate*



## C I C E R O N I S

alij largiantur: hiq; arbitrantur se beneficos in suos a-  
 micos uisum iri, si locupletent eos quacunque ratione.  
 id autem tantum abest ab officio, ut nihil magis officio  
 possit esse contrarium. uidendum est igitur, ut ea libe-  
 ralitate utamur, quæ pro sit amicis, noceat nemini. qua-  
 re L. Syllæ, & C. Cæsaris pecuniarum translatio à ius-  
 tis dominis ad alienos non debet liberalis uideri: nihil  
 enim est liberale, quod nō sit idem iustum. Alter locus  
 erat cautionis, ne benignitas maior esset, quàm faculta-  
 tes; quod, qui benigniores uolūt esse, quàm res patitur,  
 primum in eo peccant, quod iniuriosi sunt in proximos:  
 quas enim copias his & suppeditari æquius est, & relin-  
 qui, eas transferunt ad alienos. inest autem in tali libe-  
 ralitate cupiditas rapiendi plerunque, & auferendi per  
 iniuriam, ut ad largiendum suppetant copiae. uidere  
 etiam licet plerosq; nō tam natura liberales, quàm qua-  
 dam gloria ductos, ut benefici uideantur, facere multa,  
 quæ ab ostentatione proficisci magis, quàm à uoluntate  
 uideantur. talis autem simulatio uanitati est coniun-  
 ctior, quàm aut liberalitati, aut honestati. Tertium est  
 propositum, ut in beneficentia delectus esset dignitatis.  
 in quo & mores eius erunt spectandi, in quem benefici-  
 um conferetur, & animus erga nos, & communitas, ac  
 societas uitæ, & ad nostras utilitates officia ante colla-  
 ta. quæ ut concurrant omnia, optabile est: sin minus,  
 plures causæ, maioresq; ponderis plus habebunt. quoni-  
 am autem uiuitur nō cum perfectis hominibus, plenēq;  
 sapientibus, sed cum ijs, in quibus, præclare agitur, si  
 sint simulacra uirtutis: etiam hoc intelligendum puto,  
 neminem omnino esse negligendum, in quo aliqua signi

fic  
 q  
 b  
 i  
 m  
 p  
 u  
 t  
 g  
 b  
 n  
 s  
 m  
 q  
 f  
 a  
 r  
 d  
 a  
 f  
 m  
 q  
 c  
 a  
 n  
 n  
 s  
 s  
 d  
 r  
 a  
 m  
 m  
 m  
 d  
 i  
 o



ficatio uirtutis appareat; colendum autē esse ita quen-  
 que maxime, ut quisque maxime uirtutibus his leniori-  
 bus erit ornatus, modestia, temperantia, ac ipsa, de qua  
 iam multa dicta sunt, iustitia: nam fortis animus, &  
 magnus in homine nō perfectō, nec sapiente feruentior  
 plerunque est: illæ uero uirtutes bonum uirum uiden-  
 tur potius attingere. atque hæc in moribus consideren-  
 tur. De beneuolentia autem, quam quisque habeat er-  
 ga nos, primum illud est in officio, ut ei plurimum tri-  
 buamus, à quo plurimum diligimur, sed beneuolentiam  
 non adolescentulorum more, ardore quodam amoris,  
 sed stabilitate potius, & constantia iudicemus. sin erūt  
 merita, ut non ineunda, sed referenda sit gratia; maior  
 quædam cura adhibenda est: nullum enim officium re-  
 ferenda gratia magis necessarium est. quod si ea, quæ  
 acceperis utenda, maiore mensura, si modo possis, iubet  
 reddere Hesiodus: quidnam beneficio promocati facere  
 debemus? an non imitari agros fertiles, qui multo plus  
 afferunt, quàm acceperunt? etenim si in eos, quos spera-  
 mus nobis profuturos, non dubitamus officia conferre:  
 quales in eos esse debemus, qui iam profuerunt? nam  
 cum duo genera liberalitatis sint, unum dādi beneficij,  
 alterum reddēdi: demus, nec ne, in nostra potestate est;  
 non reddere uiro bono non licet, si modo id facere pos-  
 sit sine iniuria. Acceptorum autem beneficiorum sunt  
 delectus habēdi: nec dubium, quin maximo cuique plu-  
 rimum debeat. in quo tamen in primis, quo quisque  
 animo, studio, beneuolentia fecerit, ponderandum est:  
 multi enim multa faciunt temeritate quadam, sine iu-  
 dicio, uel modo, in omnes, uel repentino quodam, quasi



ueto, impetu animi incitari. quæ beneficia æque magna non sunt habenda, atq; ea, quæ iudicio, considerate, constanterq; delata sunt. Sed in collocando beneficio, et in referenda gratia, si cætera paria sunt, hoc maxime officij est, ut quisque maxime opis indigeat, ita ei potissimum opitulari. quod contra fit à plerisque: à quo enim plurimum sperant, etiam si ille his non eget, tamèn ei potissimum inseruiunt. Optime autem societas hominum, coniunctioq; seruabitur, si ut quisque erit coniunctissimus, ita in eum benignitatis plurimum conferetur. Sed quæ naturæ principia sint communitatis, & societatis humanæ, repetendum altius uidetur. est enim primum, quod cernitur in uniuersi generis humani societate. cuius autem uinculum est ratio, & oratio, quæ docendo, discendo, communicando, disceptando, iudicando conciliat inter se homines, coniungitq; naturali quadam societate. neque ulla re longius absumus à natura ferarum: in quibus inesse fortitudinem sæpe dicimus, ut in equis, in leonibus, iusticiam, æquitatem, bonitatem non dicimus: sunt enim rationis, & orationis expertes. ac latissime quidem patens hominibus inter ipsos, omnibus inter omnes societas hæc est. in qua omnium rerum, quas ad communem usum hominum natura genuit, est seruanda communitas, ut, quæ descripta sunt legibus, & iure ciuili, hæc ita teneantur, ut sit constitutum; è quibus ipsis cætera sic obseruentur, ut in Græcorum prouerbio est, amicorum omnia esse communia. omnia autem communia hominum uidentur ea, quæ sunt generis eiusdem, quod ab Ennio positum in una re, transferri per multas potest:



Ut homo, qui erranti comiter monstrat uiam,  
Quasi lumen de suo lumine accendat, facit,  
Ut nihilo minus ipsi luceat, cum illi accenderit:  
una enim ex re satis præcipitur, ut, quidquid sine detri-  
mento possit commodari, id tribuatur cuique, uel igno-  
to. ex quo sunt illa communia, non prohibere aquam  
profluentem; pati ab igne ignem capere; si quis uelit  
consilium, fidele deliberanti dare. quæ sunt ipsa utilia,  
qui accipiunt; danti non molesta. quare & his uten-  
dum est, & semper aliquid ad communem utilitatem  
afferendum. sed quoniam copię paruæ singulorum  
sunt; eorum autem, qui his egeant, infinita est multitu-  
do: uulgaris liberalitas referenda est ad illum Ennij fi-  
nem: Nihilo minus ut ipsi luceat: ut facultas sit, qua  
in nostros simus liberales. Gradus autem plures sunt  
societatis hominum: ut enim ab illa discedatur infinita-  
te, propior est eiusdem gentis, nationis, linguæ; qua ma-  
xime homines coniunguntur: interius etiam est, eius-  
dem esse ciuitatis: multa sunt enim ciuibus inter se com-  
munia, forum, fana, porticus, uia, leges, iura, iudicia, suf-  
fragia, consuetudines præterea, & familiaritates, mul-  
tæq; cum multis res, rationesq; contractæ. arctior uero  
colligatio est, societas propinquorum: ab illa enim im-  
mensa societate humani generis, in exiguum, angu-  
stumq; concluditur. nam cum sit hoc natura commu-  
ne omnium animantium, ut habeant libidinem pro-  
creandi; prima societas in ipso est coniugio, proxima in  
liberis, deinde una domus, communia omnia. id autem  
est principium urbis, et quasi seminarium Reip. sequun-  
tur fratrum coniunctiones, post consobrinorum, sobri-



## C I C E R O N I S

norumq; : qui cum una domo iam capi non possint, in  
 alias domos, tanquam in colonias, exeunt. sequuntur  
 connubia, & affinitates: ex quibus etiam plures pro-  
 pinqui. quæ propagatio, & soboles, origo est Rerump.  
 sanguinis autem coniunctio, & benevolentia deuincit  
 charitate homines: magnum est enim eadem habere mo-  
 nimenta maiorum, eisdem uti sacris, sepulcra habere  
 communia. sed omnium societatum nulla præstantior  
 est, nulla firmitior, quàm cum uiri boni, moribus similes,  
 sunt familiaritate coniuncti. illud enim honestum, quod  
 sæpe diximus, etiam si in alio cernimus, tamen nos mo-  
 uet, atq; illi, in quo id inesse uidetur, amicos facit. &  
 quanquam omnis uirtus nos ad se allicit, facitq; ut dili-  
 gamus, in quibus ipsa inesse uideatur; tamen iustitia,  
 & liberalitas id maxime efficit. nihil autem est amabi-  
 lius, nec copulantiùs, quàm morum similitudo bono-  
 rum: in quibus enim eadem studia sunt, eademq; uo-  
 luntates, in his fit, ut æque quisq; altero delectetur, ac se  
 ipso: efficiturq; id, quod Pythagoras uult in amicitia,  
 ut unus fiat ex pluribus. magna etiam illa communi-  
 tas est, quæ conficitur ex beneficijs ultro, citroq; datis, ac  
 ceptisq;. quæ mutua, & grata dum sunt, inter quos ea  
 sunt, firma deuinciuntur societate. sed, cum omnia ra-  
 tione, animoq; lustraueris, omnium societatum nulla est  
 gratior, nulla carior, quàm ea, quæ cum Rep. est unicui-  
 que nostrum. chari sunt parentes, chari liberi, propin-  
 qui, familiares: sed omnes omnium charitates patria  
 una complexa est. pro qua quis bonus dubitet mortem  
 oppetere, si ei sit profuturus? quo est detestabilior isto-  
 rum immanitas, qui lacerarunt omni scelere patriam,



Et in ea funditus delenda occupati et sunt, et fuerunt. sed si contentio quædam, et comparatio fiat, quibus plurimum tribuendum sit officij; principes sunt patria, et parentes, quorum beneficijs maxime obligati sumus; proximi liberi, totaq; domus, quæ spectat in nos solos, neque aliud ullum potest habere perfugium; deinceps bene conuenientes propinqui, quibus communis etiam plerunq; fortuna est. quamobrem necessaria uitæ præsidia debentur ijs maxime, quos ante dixi: uita autem, uictusq; communis, consilia, sermones, cohortationes, consolationes, interdum etiam obiurgationes in amicis uigent maxime; estq; ea iucundissima amicitia, quam similitudo morum coniugauit. Sed in his omnibus officijs tribuendis, uidendum erit, quid cuique maxime necesse sit, et quid quisq; nobiscum, uel sine nobis aut possit consequi, aut non possit. ita non ydem erunt necessitudinum gradus, qui et temporum. suntq; officia, quæ alijs magis, quàm alijs, debeantur: ut, uicinum citius adiueris in frugibus percipiendis, quàm aut fratrem, aut familiarem: at si lis in iudicio sit, propinquum potius, et amicum, quàm uicinum defenderis. hæc igitur, et talia circumspectenda sunt in omni officio: et consuetudo, exercitatioq; capienda, ut boni ratiocinatores officiorum esse possimus, et addendo, deducendoq; uidere, quæ reliqui summa fiat, ex quo, quantum cuiq; debeat, intelligas. sed, ut nec medici, nec imperatores, nec oratores, quamuis artis præcepta perceperint, quidquam magna laude dignum sine usu, et exercitatione consequi possunt: sic officij conseruandi præcepta traduntur illa quidem, ut faciamus ipsi; sed rei



magnitudo usum quoque, exercitationemq; desiderat.  
 atque ab ijs rebus, quæ sunt in iure societatis humanæ,  
 quemadmodum ducatur honestum, ex quo ortum est of-  
 ficiū, satis ferè diximus. intelligendum est autem,  
 cum proposita sint genera quatuor, è quibus honestas,  
 officiūq; manaret, splendidissimum uideri, quod ani-  
 mo magno, elatoq; , humanasq; res despiciente factum  
 sit. itaque in probris maxime in promptu est, si quid  
 tale dici potest :

*Magnitudo  
 da animi  
 et fortitudo*

Vos etenim iuuenes animum geritis muliebrem,  
 illaque uirgo uiri : & , si quid huiusmodi :  
 Salmaci da spolia sine sanguine , & sudore .  
 contraq; in laudibus ; quæ magno animo, et fortiter, ex-  
 cellenterq; gesta sunt, ea nescio quo modo quasi pleniore  
 ore laudamus . hinc rhetorum campus de Marathone,  
 Salamine, Plataeis, Thermopylis, Leuctris, Stratocle : hinc  
 noster Cocles, hinc Decij, hinc Cn. et P. Scipiones, hinc M.  
 Marcellus, innumerabilesq; alij : maximeq; ipse populus  
 R. animi magnitudine excellit . declaratur autem stu-  
 dium bellicæ gloriæ, quod statuas quoque uidemus orna-  
 tu ferè militari . sed ea animi elatio , quæ cernitur in  
 periculis , & laboribus, si iustitia uacat , pugnatq; non  
 pro salute communi, sed pro suis commodis, in uitio est :  
 non enim modo id uirtutis non est, sed potius immanita-  
 tis omnem humanitatem repellentis . itaque probe defi-  
 nitur à Stoicis fortitudo, cum eam uirtutem esse dicunt  
 propugnantem pro æquitate . quo circa nemo, qui forti-  
 tudinis gloriam consecutus est, insidijs, & malitia lau-  
 dem est adeptus : nihil enim honestum esse potest, quod  
 iustitia uacat . præclarum igitur Platonis illud : non so-

lum,  
 potius  
 mus  
 re con  
 quam  
 mos, et  
 meq;  
 iustiti  
 magn  
 dicas  
 est, or  
 cupia  
 max  
 uel po  
 omni  
 max  
 ci se  
 stunc  
 quam  
 res, qu  
 rius :  
 beat  
 qui fac  
 & sap  
 xime  
 iudica  
 rim q  
 magn  
 iniusta  
 rie cup



lum, inquit, scientia, quæ est remota à iustitia, calliditas  
 potius, quàm sapientia est appellanda; uerum etiam ani-  
 mus paratus ad periculum, si sua cupiditate, non utilita-  
 te communi impellitur, audaciæ potius nomen habeat,  
 quàm fortitudinis. itaque uiros fortes, & magnani-  
 mos, eosdem bonos, & simplices, ueritatis amicos, mini-  
 meq; fallaces esse uolumus: quæ sunt ex media laude  
 iustitiæ. sed illud odiosum est, quod in hac elatione, &  
 magnitudine animi facillime pertinacia, & nimia cupi-  
 ditas principatus innascitur: ut enim apud Platonem  
 est, omnem morem Lacedæmoniorum inflammatum esse  
 cupiditate uincendi; sic ut quisque animi magnitudine  
 maxime excellit, ita maxime uult princeps omnium esse,  
 uel potius solus esse. difficile autem est, cum præstare  
 omnibus concupieris, seruare æquitatem, quæ est iustitiæ  
 maxime propria. ex quo fit, ut neque disceptatione uin-  
 ci se, nec ullo publico, ac legitimo iure patiantur: exis-  
 stuntq; in Rep. plerunque largitores, & factiosi, ut opes  
 quammaximas consequantur, & sint ui potius superio-  
 res, quàm iustitia pares. sed quo difficilius, hoc præcla-  
 rius: nullum enim est tempus, quod iustitia uacare de-  
 beat. fortes igitur, & magnanimi sunt habendi, non  
 qui faciunt, sed qui propulsant iniuriam. uera autem,  
 & sapiens animi magnitudo honestum illud, quod ma-  
 xime natura sequitur, in factis positum, non in gloria  
 iudicat, principemq; se esse mauult, quàm uideri: ete-  
 nim qui ex errore imperitiæ multitudinis pendet, hic in  
 magnis uiris non est habendus. facillime autem ad res  
 iniustas impellitur, ut quisque est altissimo animo et glo-  
 riæ cupido. qui locus est sanè lubricus, quod uix inue-

6  
 m. lottum



## C I C E R O N I S

duabus re  
bus cerni  
tur animi  
fortis et  
magnus

nitur, qui laboribus susceptis, periculisq; aditis, non quasi mercedem rerum gestarum desideret gloriam. Om-  
nino fortis animus, & magnus duabus rebus maxime cernitur: quarum una in rerum externarum despicien-  
tia ponitur, cum persuasum sit nihil hominem, nisi quod honestum, decorumq; sit, aut admirari, aut optare, aut expetere oportere, nulliq; neq; homini, neq; perturbatio-  
ni animi, nec fortunæ succumbere. altera est res, ut, cum ita sis affectus animo, ut supra dixi, res geras ma-  
gnas illas quidem, & maxime utiles, sed ut uehementer arduas, plenasq; laborum, & periculorum, tum causa ui-  
tæ, tum multarum rerum, quæ ad uitam pertinent. ha-  
rum rerum duarum splendor omnis, & amplitudo est, addo etiam utilitatem, in posteriore: causa autem, et ra-  
tio efficiens magnos uiros est in priore: in eo enim est il-  
lud, quod excellentes animos, & humana contemnentes facit. id autem ipsum cernitur in duobus, si & solum id, quod honestum sit, bonum iudices, & ab omni animi perturbatione liber sis: nam & ea, quæ eximia ple-  
risque, & præclara uidentur, parua ducere, eaque ratio-  
ne stabili, firmaq; contemnere, fortis animi, magniq; di-  
cendum est; & ea, quæ uidentur acerba, quæ multa, et uaria in hominum uita, fortunaq; uersantur, ita ferre, ut nihil à statu naturæ discedas, nihil à dignitate sapien-  
tis, robusti animi est, magnæq; constantiæ. non est au-  
tem consentaneum, qui metu non frangatur, cum fran-  
gi cupiditate; nec, qui inuictum se à labore præstiterit, uinci à uoluptate. quamobrem & hæc uitanda sunt, & pecuniæ fugienda cupiditas: nihil enim est tam an-  
gusti animi, tamq; parui, quàm amare diuitias: nihil

homo  
si non  
tem  
supra  
mis  
expe  
renda  
mi pe  
egrit  
quilli  
stare  
& fi  
tentes  
fuger  
dipes,  
nec pr  
nulli  
posse  
cui pe  
uincere  
cupide  
id poss  
contem  
rum o  
& tu  
ociofo  
clarit  
Remp  
quapri  
capeffe



honestius, magnificentius, quàm pecuniam contemnere,  
 si non habeas; si habeas, ad beneficentiam, liberalita-  
 temq; conferre. cauenda est etiam gloriæ cupiditas, ut  
 supra dixi: eripit enim libertatem, pro qua magnani-  
 mis uiris omnis debet esse contentio. nec uero imperia  
 expetenda, ac potius non accipienda interdum, aut depo-  
 nenda non nunquam. uacandum autem est omni ani-  
 mi perturbatione, tum cupiditate, & metu, tum etiam  
 ægritudine, & uoluptate animi, & iracundia, ut tran-  
 quillitas animi adsit, & securitas, quæ afferat tum con-  
 stantiam, tum etiam dignitatem. multi autem et sunt,  
 & fuerunt, qui eam, quam dico, tranquillitatem expe-  
 tentes à negocijs publicis se remouerunt, ad otiumq; per-  
 fugerunt. in his & nobilissimi philosophi, longeq; prin-  
 cipes, & quidam homines seueri, & graues nec populi,  
 nec principum mores ferre potuerunt: uixeruntq; non  
 nulli in agris, delectati re sua familiari. his idem pro-  
 positum fuit, quod & regibus, ut ne qua re egerent, ne  
 cui parerent, libertate uterentur, cuius proprium est sic  
 uiuere, ut uelis. quare, cum hoc commune sit potentia  
 cupidorum cum ijs, quos dixi, ociosis; alteri se adipisci  
 id posse arbitrantur, si opes magnas habeant; alteri, si  
 contenti sint & suo, & paruo. in quo quidem neu-  
 rum omnino contemnenda est sententia: sed et facili-  
 or, & tutior, & minus alijs grauis, aut molesta uita est  
 ociosorum, fructuosior autem hominum generi, & ad  
 claritatem, amplitudinemq; aptior eorum, qui se ad  
 Remp. & ad magnas res gerendas accommodauerunt.  
 quapropter & his forsitan concedendum sit Remp. non  
 capeffentibus, qui excellenti ingenio, doctrinæ sese dedi-



## C I C E R O N I S

derunt ; & ijs, qui aut uoletudinis imbecillitate, aut aliqua grauiore causa impediti, à Rep. recesserunt, cum eius administranda potestatem alijs, laudemq; concederent. quibus autem talis nulla est causa, si despicere se dicant ea, quæ pleriq; admirentur, imperia, & magistratus, his non modo non laudi, uerum etiam uitio dandum puto. quorum iudicium in eo, quod gloriam contemnant, & pro nihilo putent, difficile factum est non probare : sed uidentur labores, & molestias tum offensionum, tum repulsarum, quasi quandam ignominiam, timere, & infamiam : sunt enim, qui in rebus contrarijs parum sibi constant ; uoluptatem seuerissime contemnant, in dolore sint molliores ; gloriam neglegant, frangantur infamia ; atque ea quidem non satis constanter. sed ijs, qui habent à natura adiumenta rerum gerendarum, abiecta omni cunctatione adipiscendi magistratus sunt, & gerenda Resp. est : nec enim aliter aut regi ciuitas, aut declarari animi magnitudo potest. Capeissentibus autem Remp. nihil minus quam philosophis, haud scio an magis etiam, & magnificentia, & despicientia adhibenda est rerum humanarum, quam sæpe dico, & tranquillitas animi, atque securitas : si quidem nec anxij futuri sunt, & cum grauitate, constantiaq; uicturi. quæ eo faciliora sunt philosophis, quo minus parent multa in eorum uita, quæ fortuna feriat ; et quo minus multis rebus egent ; & quia si quid aduersi eueniat, tam grauitate cadere non possunt. quocirca non sine causa maiores motus animorum concitantur : maioraq; efficienda Remp. gerentibus, quam quietis, quo magis his & magnitudo animi est adhibenda, & uacuitas

ciuitas  
cedit  
sta  
quo  
per  
in om  
libere  
trent  
da est  
propt  
geren  
milit  
concom  
na ma  
Theonij  
lonis, illi  
rie qua  
conflic  
quam il  
hoc sem  
nientiam  
stocles qu  
inuerit  
gestum  
tus. licet  
rum re  
rum di  
parce  
quoniam  
exercita



cuitas ab angoribus . ad rem gerendam autem qui ac-  
 cedit, caueat, ne id modo consideret, quàm illa res hone-  
 sta sit ; sed etiam , ut habeat efficiendi facultatem . in  
 quo ipso considerandum est, ne aut temere desperet pro-  
 pter ignauiam, aut nimis confidat propter cupiditatem.  
 in omnibus autem negotijs prius, quàm aggrediare, ad-  
 hibenda est præparatio diligens . sed cum pleriq; arbi-  
 trentur res bellicas maiores esse, quàm urbanas ; minuē-  
 da est hæc opinio : multi enim bella sæpe quæsuerunt  
 propter gloriæ cupiditatem : atq; in magnis animis, in-  
 genijsq; id plerunq; contingit, eoq; magis si sunt ad rem  
 militarem apti, & cupidi bellorum gerendorum . uere  
 autem si uolumus iudicare, multæ res extiterunt urba-  
 næ maiores , clarioresq; , quàm bellicæ . quamuis enim  
 Themistocles iure laudetur, & sit eius nomen, quàm So-  
 lonis, illustrius ; citeturq; Salamis clarissimæ testis uicto-  
 riæ, quæ anteponatur consilio Solonis , ei, quo primum  
 constituit Areopagitas : non minus præclarum hoc ,  
 quàm illud, iudicandum est : illud enim semel profuit ,  
 hoc semper proderit ciuitati : hoc consilio leges Athe-  
 niensium, hoc maiorum instituta seruantur . & Them-  
 istocles quidem nihil dixerit, in quo ipse Areopagum ad-  
 iuuerit : at ille adiunxit Themistoclem : est enim bellum  
 gestum consilio senatus eius, qui à Solone erat constitu-  
 tus . licet eadem de Pausania, Lysandroq; dicere . quo-  
 rum rebus gestis quanquam imperium Lacedæmonio-  
 rum dilatatum putatur , tamen ne minima quidem ex  
 parte Lycurgi legibus , & disciplinæ conferendi sunt :  
 quin etiam ob has ipsas causas & paratiores habuerunt  
 exercitus, et fortiores . mihi quidem neq; ; pueris nobis,

C

*in res  
 bellicas  
 maiores  
 magis  
 uoluntati*



M. Scaurus C. Mario, neque, cum uersaremur in Rep.  
 Q. Catulus Cn. Pōpeio cedere uidebatur : parua enim  
 sunt foris arma, nisi est consilium domi . nec plus Afri-  
 canus, singularis & uir, & imperator, in excidenda Nu-  
 mantia Reip. profuit, quā eodem tempore P. Nasica  
 priuatus, cum Ti. Gracchum interemit . quanquam hæc  
 quidem res non solum ex domestica est ratione : attin-  
 git enim & bellicam, quoniam ui, manuq; confecta est .  
 sed tamen id ipsum gestum est consilio urbano sine exer-  
 citu . illud autem optimum est, in quo me inuadi solere  
 ab inuidis , & improbis audio :

Cedant arma togæ : concedat laurea linguæ .  
 ut enim alios omittam, nobis Remp. gubernantibus non  
 ne togæ arma cessere ? neq; enim in Rep. periculum fuit  
 grauius unquam, nec maius otium . ita consilijs, diligen-  
 tiaq; nostra celeriter de manibus audacissimorum ci-  
 uium delapsa arma ipsa ceciderunt . quæ res igitur ge-  
 sta est unquam in bello tanta ? quis triumphus conferen-  
 dus ? licet enim Marce fili apud te gloriari, ad quem et  
 hæreditas huius gloriæ, & factorum imitatio pertinet .  
 mihi quidem certe uir abundans bellicis laudibus Cn.  
 Pompeius multis audientibus hoc tribuit, ut diceret fru-  
 stra se tertium triumphum deportaturum fuisse, nisi  
 meo in Rep. beneficio, ubi triumpharet, esset habiturus .  
 sunt ergo domesticæ fortitudines non inferiores militari-  
 bus : in quibus plus etiam, quā in his, operæ , studiūq;  
 ponendum est : omnino enim illud honestum , quod ex  
 animo excelso, magnificoq; querimus , animi efficitur,  
 non corporis uiribus . exercendum tamen est corpus, et  
 ita afficiendum , ut obedire consilio , rationiq; possit in

exce  
 aut  
 cur  
 fori  
 itaq  
 bella  
 filio  
 luit  
 ceri  
 dur  
 fac  
 nifi  
 tiu  
 de g  
 filio  
 lud  
 ra  
 ur  
 rit  
 non  
 & p  
 ur  
 et b  
 post  
 pita  
 diu  
 mer  
 reb  
 in o  
 sunt



exequendis negotijs, & in labore tolerando. honestum autem id, quod exquirimus, totum est positum in animi cura, et cogitatione. in quo non minorem utilitatem afferunt, qui togati Reip. præsunt, quàm qui bella gerunt. itaq; eorum consilio sæpe aut non suscepta, aut confecta bella sunt, non nunquam etiam illata, ut M. Catonis consilio bellum tertium Punicum: in quo etiam mortui ualuit auctoritas. quare expetenda quidem magis est decernendi ratio, quàm decertandi fortitudo: sed cauendum, ne id bellandi magis fuga, quàm utilitatis ratione faciamus. bellum autem ita suscipiatur, ut nihil aliud, nisi pax quæsita uideatur. fortis uero animi, et constantis est non perturbari in rebus asperis, nec tumultuam de gradu deiici, ut dicitur; sed præsentis animi uti consilio, nec à ratione discedere. quanquam hoc animi, illud etiam ingenij magni est, præcipere cogitatione futura, et aliquanto ante constituere, quid accidere possit in utranq; partem; & quid agendum sit, cum quid euenerit; nec committere aliquid, ut aliquando dicendum sit, non putaram. hæc sunt opera magni animi, & excelsi, & prudentia, consilioq; fidentis. temere autem in acie uersari, & manu cum hoste configere, immane quiddam, et belluarum simile est. sed, cum tempus est, necessitasq; postulat, decertandum manu est, & mors seruitutis, turpitudiniq; anteponenda. De euertendis autem, diripiendisq; urbibus ualde illud considerandum est, ne quid temere, ne quid crudeliter fiat. idq; est uiri magnanimi, rebus agitatæ punire fontes, multitudinem conseruare, in omni fortuna recta, atque honesta retinere: ut enim sunt (quemadmodum supra dixi) qui urbanis rebus bel-



## C I C E R O N I S

licas anteponunt; sic reperias multos, quibus periculosa, et callida consilia quietis cogitationibus splendidiora, et maiora uideatur. nunquam omnino periculi fuga committendum est, ut imbelles, timidiq; uideamur: sed fugiendum etiam illud, ne offeramus nos periculis sine causa: quo nihil potest esse stultius. quapropter in aduendis periculis consuetudo imitanda medicorum est, qui leuiter agrotantes leuiter curant, grauioribus autem morbis periculosas curationes, et ancipites adhibere coguntur. quare in tranquillo tempestatem aduersam optare, dementis est: subuenire autem tempestati quauis ratione, sapientis, eoq; magis, si plus adipiscere re explicata boni, quam addubitata mali. periculosa autem rerum actiones partim ijs sunt, qui eas suscipiunt; partim Reip. itemq; alij de uita, alij de gloria, et beneuolentia ciuium in discrimen uocantur. promptiores igitur debemus esse ad nostra pericula, quam ad communia, dimicareq; paratius de honore, et gloria, quam de ceteris commodis. inuenti autem multi sunt, qui non modo pecuniam, sed uitam etiam profundere pro patria parati essent; idem gloria iacturam ne minimam quidem facere uellent, ne Rep. quidem postulante: ut Callicratidas, qui, cum Lacedaemoniorum dux esset Peloponnesiaco bello, multaq; fecisset egregie, uertit ad extremum omnia, cum consilio non paruit eorum, qui classem ab Arginnusis remouendam, nec cum Atheniensibus dimicandum putabant. quibus ille respondit; Lacedaemonios, classe illa amissa, aliam parare posse; se fugere sine suo dedecore non posse. atque haec quidem Lacedaemonijs plaga mediocris fuit, illa pestifera, qua, cum Cleom=

bro  
fixi  
Q  
Vn  
Non  
Ergo  
quod  
nis  
tem  
Re  
un  
ap  
ale  
tem  
la  
m  
qua  
ren  
atq  
fina  
h  
Re  
lia  
tu  
an  
ut  
an  
ho  
gr  
qua



brotus inuidiam timens, temere cum Epaminunda con-  
fixisset, Lacedæmoniorum opes corruerunt. quanto

Q. Maximus melius? de quo Ennius:

Vnus homo nobis cunctando restituit rem:

Non ponebat enim rumores ante salutem.

Ergo postq; magisq; uiri nunc gloria claret.

quod genus peccandi uitandum est etiam in rebus urba-  
nis: sunt enim, qui, quod sentiunt, etiam si optimum sit,  
tamen inuidiæ metu non audent dicere. Omnino, qui  
Reip. præfutura sunt, duo Platonis præcepta teneant:  
unum, ut utilitatem ciuium sic tueantur, ut, quidquid  
agunt, ad eam referant, obliti commodorum suorum:  
alterum, ut totum corpus Reip. curent; ne, dum par-  
tem aliquam tuentur, reliquias deserant: ut enim tute-  
la, sic procuratio Reip. ad utilitatem eorum, qui com-  
missi sunt, non ad eorum, quibus commissi, gerenda est.  
qui autem parti ciuium consulunt, partem negligunt,  
rem perniciosissimam in ciuitatem inducunt, seditionem,  
atq; discordiam: ex quo euenit, ut alij populares, alij  
studiosi optimi cuiusq; uideantur, pauci uniuersorum.  
hinc apud Athenienses magnæ discordiæ ortæ, in nostra  
Rep. non solum seditiones, sed pestifera etiam bella ciui-  
lia. quæ grauis & fortis ciuib; in Rep. dignus principa-  
tu fugiet, atq; oderit, tradetq; se totum Reip. neq; opes,  
aut potentiam consecrabitur, totamq; eam sic tuebitur,  
ut omnibus consulat. nec uero criminibus falsis in odiū  
aut inuidiam quenquam uocabit: omninoq; ita iniustitiæ,  
honestatiq; adhærescet, ut, dum eam conseruet, quamuis  
grauiter offendat, mortem appetat potius, q̄ deserat illa,  
quæ dixi. miserrima est omnino ambitio, honorumq;

C ii



contentio. de qua præclare apud eundem est Platonem: similiter facere eos, qui inter se contenderent, uter potius Remp. administret, ut, si nautæ certarent, quis eorum potissimum gubernaret. idemq; præcepit, ut eos aduersarios existimemus, qui arma contra ferant; non eos, qui suo iudicio tueri Remp. uelint: qualis fuit inter P. Africanum, & Q. Metellum sine acerbitate dissensio. Nec uero audiendi, qui grauitè irascendum inimicis putant, idq; magnanimi, & fortis uiri esse censent. nihil enim laudabilius, nihil magno, et præclaro uiro dignius placabilitate, atq; clementia. In liberis uero populis, & iuris æquabilitate, exercenda etiam est facilitas, & altitudo animi quæ dicitur; ne, si irascamur aut intempestiue accedentibus, aut impudenter rogantibus, in morositatem inutilem, & odiosam incidamus. & tamen ita probanda est mansuetudo, atq; clementia, ut adhibeatur Reip. causa seueritas: sine qua administrari ciuitas non potest. omnis autem & animaduersio, & castigatio contumelia uacare debet, neque ad eum, qui punit aliquem, aut uerbis castigat, sed ad Reip. utilitatem referri. Cauendum est etiam, ne maior pœna, quàm culpa sit; & ne iisdem de causis alij plestantur, alij ne appellentur quidem. Prohibenda autem maxime est ira in puniendo: nunquam enim, iratus qui accedet ad pœnam, mediocritatem illam tenebit, quæ est inter nimium, & parum: quæ placet peripateticis, & recte placet, modo ne laudarent iracundiam, & dicerent utiliter à natura datam. illa uero omnibus in rebus repudianda est: optandumq; ut ij, qui præsumunt Reip. legum similes sint: quæ ad puniendum non iracundia,



sed æquitate ducuntur . Atque etiam in rebus prospere-  
 ris , & ad uoluntatem nostram fluentibus , superbiam  
 magnopere , fastidium , arrogantiamq; fugiamus : nam  
 ut aduersas res , sic secundas immoderate ferre , lenita-  
 tis est : præclaraque est æquabilitas in omni uita , &  
 idem semper uultus , eademq; frons : ut de Socrate ,  
 item de Caio quoque Latio accepimus . Philippum qui-  
 dem Macedonum Regem , rebus gestis , & gloria su-  
 peratum à filio , facilitate uero , & humanitate uideo  
 superiorem fuisse : itaque alter semper magnus , alter  
 sæpe turpissimus fuit : ut recte præcipere uideantur , qui  
 monent , ut , quanto superiores simus , tanto nos summi-  
 sius geramus . Panætius quidem auditorem Africanum ,  
 & familiarem suum solitum ait dicere ; ut equos pro-  
 pter crebras contentiones præliorum ferocitate exultan-  
 ters domitoribus tradere soleant , ut his facilioribus pos-  
 sint uti , sic homines secundis rebus effrenatos , sibiq; præ-  
 fidentes tanquam in gyrum rationis , & doctrinæ du-  
 ci oportere , ut perspicerent rerum humanarum imbe-  
 cillitatem , uarietatemq; fortunæ . Atq; etiam in secun-  
 dissimis rebus maxime est utendum consilio amicorum :  
 hisq; etiam maior , quàm ante , tribuenda est auctoritas :  
 iisdemq; temporibus cauendum est , ne assentatoribus pa-  
 refaciamus aures , nec adulari nos sinamus . in quo fal-  
 li facile est : tales enim nos esse putamus , ut iure lau-  
 demur : ex quo nascuntur innumerabilia peccata , cum  
 homines inflati opinionibus , turpiter iridentur , & in  
 maximis uersantur erroribus . sed hæc quidem hæte-  
 nus . Illud autem sic est iudicandum , maximas geri res ,  
 & maximi animi ab ijs , qui Remp. regant , quod eorum



## C I C E R O N I S

administratio latissime pateat, ad plurimosq; perti-  
 neat: esse autem magni animi, & fuisse multos, etiam  
 in uita ociosa, qui aut inuestigarent, aut conarentur ma-  
 gna quædam, seseq; suarum rerum finibus continerent;  
 aut interiecti inter philosophos, & eos, qui Remp. admi-  
 nistrarent, delictarentur re sua familiari, non eam qui-  
 dem omni ratione exaggerantes, neq; excludentes ab eius  
 usu suos, potiusq; & amicis impartientes, & Reip. si  
 quando usus esset. quæ primum bene parata sit, nulloq;  
 turpi quæstu, neque odioso: tum quamplurimis, modo  
 dignis, se utilem præbeat: deinde augeatur ratione, di-  
 ligentia, parsimonia: nec libidini potius, luxuriaq;, quàm  
 liberalitati, & beneficentiæ pateat. hæc præscripta ser-  
 uantem licet magnifice, grauiter, animosq; uiuere, atq;  
 etiam simpliciter, fideliter, uitaq; hominum amice. sequi-  
 tur, ut de illa reliqua parte honestatis dicendum sit, in  
 qua uerecundia, & quasi quidam ornatus uitæ, tempe-  
 rantia & modestia, omnisq; sedatio perturbationum a-  
 nimi, et rerum modus cernitur. hoc loco continetur id,  
 quod dici latine decorum potest: grace enim πρέπον di-  
 citur. huius uis est ea, ut ab honesto non queat separa-  
 ri: nam et, quod decet, honestum est; et, quod honestū  
 est, decet. qualis autem differentia sit honesti, et decori,  
 facilius intelligi, quàm explanari potest: quidquid enim  
 est, quod deceat, id tum apparet, cum antegressa est ho-  
 nestas: itaq; non solum in hac parte honestatis, de qua  
 hoc loco differendum est, sed etiam in tribus superiori-  
 bus, quid deceat, apparet: nam & ratione uti, atq; ora-  
 tione prudenter; & agere, quod agas, considerate;  
 omniq; in re, quid sit ueri, uidere, & tueri decet: con-

Temperantia  
 et  
 Modestia  
 et  
 uerum



trāq; falli, errare, labi, decipi tam dedecet, quā delirare, & mente captum esse. & iusta omnia decora sunt; iniusta omnia contra, ut turpia, sic indecora. similis est ratio fortitudinis: quod enim uiriliter, animoq; magno fit, id dignum uiro, & decorum uidetur; quod contra, id ut turpe, sic indecorum. quare pertinet quidem ad omnem honestatem hoc, quod dico, decorum, & ita pertinet, ut non recondita quadam ratione cernatur, sed sit in promptu: est enim quiddam, idq; intelligitur in omni uirtute, quod deceat: quod cogitatione magis à uirtute potest, quā re separari: ut enim uenustas, & pulchritudo corporis secerni non potest à ualitudine; sic hoc, de quo loquimur, decorum, totum quidem illud est cum uirtute confusum, sed mente, & cogitatione distinguitur. est autem eius descriptio duplex: nam & generale quoddam decorū intelligimus, quod in omni honestate uersatur; & aliud huic subiectum, quod pertinet ad singulas partes honestatis. atq; illud superius sic ferè defini solet: decorum id esse, quod consentaneum sit hominis excellētiæ in eo, in quo natura eius à reliquis animantibus differat. quæ autem pars subiecta generi est, eam sic definiunt, ut id decorum esse uelint, quod ita naturæ consentaneum sit, ut in eo moderatio, & temperantia appareat cum specie quadam liberali. hæc ita intelligi a philosophis, possumus existimare ex eo decoro, quod poetæ sequuntur, de quo alio loco plura dici solet. sed tum seruare illud poetæ dicimus, quod deceat, cum id, quod quaque persona dignum est, & fit, & dicitur: ut, si aut Aæcus, aut Minos diceret, ODERINT, dum metuant; aut,

*Duplex  
decorum*

*Decorum  
descriptio*

*Decorum  
descriptio*



## C I C E R O N I S

NATIS sepulcrum ipse est parens ;  
 indecorum uideretur, quod eos fuisse iustos accepimus .  
 at Atreo dicente, plausus excitatur : est enim digna per-  
 sona oratio . sed poetæ, quid quenq; deceat , ex persona  
 iudicabunt : nobis autem personam imposuit ipsa natu-  
 ra, magna cum excellentia, præstantiâq; animantium re-  
 liquorum . quocirca poetæ in magna uarietate persona-  
 rum, etiam uiciosis quid conueniat, & quid deceat, uide-  
 bunt : nobis autem cum à natura constâtia, moderatio-  
 nis, temperantiæ, uerecundiæ partes datæ sint, cumq; ea-  
 dem natura doceat non negligere , quemadmodum nos  
 aduersus homines geramus ; efficitur, ut & illud, quod  
 ad omnem honestatem pertinet, decorum, quàm late fu-  
 sum sit, appareat, & hoc, quod spectatur in uno quoq;  
 genere uirtutis: ut enim pulchritudo corporis apta cõ-  
 positione membrorum mouet oculos, & delectat hoc ip-  
 so, q̃ inter se omnes partes cum quodam lepore consen-  
 tiunt ; sic hoc decorũ, quod elucet in uita, mouet appro-  
 bationem eorum, quibuscum uiuitur, ordine, & constan-  
 tia, moderatione dictorum omnium, atq; factorum. ad-  
 hibenda est igitur quædam reuerentia aduersus homi-  
 nes, & optimi cuiusq;, & reliquorum : nam negligere,  
 quid de se quisq; sentiat, non solum arrogantis est , sed  
 etiam omnino dissoluti . est autem, quod differat in om-  
 ni ratione habenda, inter iustitiam , & uerecundiam .  
 iustitiæ partes sunt, non uiolare homines : uerecundiæ ,  
 non offendere : in quo maxime perficitur uis decori .  
 his igitur expositis, quale sit id quod decere dicimus, in-  
 tellectum puto . Officium autem, quod ab eo ducitur ,  
 hâc primum habet uiam, quæ deducit ad conuenientiã,

decorum  
 genera  
 he

officium  
 quod a  
 decoro  
 ducitur

confer  
 niqua  
 et per  
 citate  
 te. set  
 fount  
 apti f  
 qui it  
 uis do  
 est ;  
 pit :  
 ciend  
 tus u  
 merie  
 non p  
 re de  
 tiom  
 tiam,  
 perui  
 stanti  
 gant  
 no sat  
 dum  
 tiam  
 a quo  
 ra .  
 bidit  
 mia g  
 tuq;  
 cy for



conseruationem; natura : quam si sequemur ducem ,  
 nūquam aberrabimus ; sequemurq; & id, quod acutū,  
 & perspicax natura est , & id quod ad hominum so=  
 cietatem accōmodatum ; & id, quod uehemens, atq; for=  
 te . sed maxima uis decori in hac inest parte, de qua di=  
 sputamus : neq; enim solum corporis, qui ad naturam  
 apti sunt, sed multo etiam magis animi motus probādi,  
 qui item ad naturam accōmodati sunt. Duplex est enim  
 uis animorum, atq; natura. una pars in appetitu posita  
 est ; quæ est ògρῶν græce ; quæ hominē huc, & illuc ra=  
 pit : altera in ratione ; quæ docet, & explanat, quid fa=  
 ciendū, fugiendūq; sit . ita fit, ut ratio præsit, appeti=  
 tus uero obtēperet . omni autem actio uacare debet te=  
 meritate, et negligentia ; nec uero agere quidquā, cuius  
 non possis causam probabilē reddere : hæc est enim fe=  
 rē descriptio officij. Efficiendum autē est, ut appetitus ra=  
 tioni obediant, eamq; neq; præcurrāt, nec propter pigri=  
 tiam, aut ignariā deserant ; sintq; tranquilli, atq; omni  
 perturbatione animi careant . ex quo elucebit omnis cō=  
 stantia, omnisq; moderatio. nā qui appetitus longius eua=  
 gantur, & tanq̃ exultantes sine cupiendo, sine fugiēdo  
 nō satis à ratione retinentur, hi sine dubio finem, et mo=  
 dum transeunt : relinquunt enim, & abiciunt obedien=  
 tiam, nec rationi parent, cui sunt subiecti lege naturæ .  
 à quibus nō modo animi perturbantur, sed etiam corpo=  
 ra . licet ora ipsa cernere iratorum, aut eorū, qui aut li=  
 bidine aliqua, aut metu cōmoti sunt, aut uoluptate ni=  
 mia gestiunt : quorū omnium uultus, uoces, motus, sta=  
 tusq; mutātur . ex quibus illud intelligitur (ut ad offi=  
 cij formā reuertamur) appetitus omnes cōtrahendos, se=



## C I C E R O N I S

dandosq; excitandamq; esse animaduersionem, & diligenti-  
 am, ut ne quid temere, ac fortuitu, incōsiderate, ne-  
 gligenterq; agamus: neq; enim ita generati à natura  
 sumus, ut ad ludū, et iocum facti esse uideamur, sed ad  
 seueritatem potius, et ad quædam studia grauiora, atq;  
 maiora. ludo autem, et ioco uti illis quidem licet, sed, si  
 cut somno et quietibus cæteris, tum, cū grauib; serijsq;  
 rebus satisfecerimus. ipsumq; genus iocandi non profu-  
 sum, nec immodestū, sed ingenuum, et facetum esse de-  
 bet: ut enim pueris non omnem licentiā ludendi damus,  
 sed eam, quæ ab honestatis actionibus nō sit aliena; sic  
 in ipso ioco aliquod probi ingenij lumē eluceat. duplex  
 omnino est iocandi genus: unum illiberale, petulans, fla-  
 gitiosum, obscœnum: alterum elegans, urbanū, ingenio-  
 sum, facetum. quo genere nō modo Plautus noster, &  
 Atticorum antiqua comœdia, sed etiam philosophorum  
 Socraticorum libri referti sunt: multa; multorū face-  
 te dicta; ut ea, quæ à sene Catone sunt collecta, quæ uo-  
 cantur ἀποφθέγματα. facilis igitur est distinctio inge-  
 nui, & illiberalis ioci. alter est, si tempore fit, ac remis-  
 so animo, libero dignus: alter ne homine quidē, si rerum  
 turpitudini adhibetur uerborum obscœnitas. ludendi  
 etiam est quidam modus retinendus, ut ne nimis omnia  
 profundamus, elatiq; uoluptate in aliquam turpitudinē  
 delabamur. suppeditant autem et capus noster, & stu-  
 dia uenandi honesta exēpla ludendi. sed pertinet ad o-  
 mnem officij quæstionem semper in promptu habere,  
 quantū natura hominis pecudibus, reliquisq; bestiis ante-  
 cedat: illæ enim sentiunt, nisi uoluptatem, ad eamq; fe-  
 runtur omni impetu: hominis autem mens discendo ali-

tur, &  
 uider  
 si qui  
 ex pe  
 sed no  
 lupat  
 lupat  
 poris n  
 tia, ead  
 qui ali  
 modu  
 ualera  
 tem. a  
 ra exce  
 diffuere  
 honesta  
 dum est  
 personis  
 particip  
 limus be  
 et ex qu  
 tem, qua  
 ribus m  
 uelocita  
 re; ite  
 statem  
 tes. era  
 etiam, m  
 tempori  
 singular



tur, & cogitando semper aliquid aut inquit, aut agit, videndiq; et audiendi delectatione ducitur. quin etiam, si quis est paulo ad uoluptates propensior, modo ne sit ex pecudum genere (sunt enim quidam homines non re, sed nomine) sed si quis est paulo erectior, quamuis uoluptate capiatur, occultat, & dissimulat appetitum uoluptatis, propter uerecundiam. ex quo intelligitur corporis uoluptatem non satis esse dignam hominis praestantia, eamq; contemni, et reijci oportere: sin sit quispiam, qui aliquid tribuat uoluptati, diligenter ei tenendum esse modum eius fruendae. itaque uictus, cultusq; corporis ad ualitudinem referantur, & ad uires, non ad uoluptatem. atq; etiam, si considerare uolumus, quae sit in natura excellentia, & dignitas, intelligemus, quam sit turpe diffuere luxuria, et delicate, ac molliter uiuere; quamq; honestum, parce, continenter, seuerè, sobrieq;. intelligendum est etiam, duabus quasi nos à natura indutos esse personis: quarum una est communis, ex eo, quod omnes participes sumus rationis, praestantiaq; eius, qua antecellimus bestiis, à qua omne honestum, decorumq; trahitur, et ex qua ratio inueniendi officij exquiritur: altera autem, quae proprie singulis est tributa: ut enim in corporibus magnae dissimilitudines sunt (alios enim uidemus uelocitate ad cursum, alios uiribus ad luctandum ualere; itemq; in formis, alijs dignitatem inesse, alijs uenustatem) sic et in animis existunt etiam maiores uarietates. erat in L. Crasso, et L. Philippo multus lepos, maior etiam, magisq; de industria in C. Casare L. filio. at iisdem temporibus in M. Scauro, & in M. Druso adolescente singularis seueritas, in C. Laelio multa hilaritas, in eius

duabus  
personis  
sumus à  
naturā  
indutos



## C I C E R O N I S

familiari Scipione ambitio maior, uita tristior. de Græcis autem dulcem & facetum, festiuiq; sermonis, atq; in omni ratione simulatorem, quem ἑγώωα Græci nominauerunt, Socratem accepimus; contra Pythagoram, & Periclem summam auctoritatem consecutos sine ulla hilaritate. callidum Annibalem ex Pœnorum, ex nostris ducibus Q. Maximum accepimus, facile celare, tacere, dissimulare, insidiari, præripere hostium consilia. in quo genere Græci Themistoclem Atheniensem, & Pheræum Iasonem cæteris anteponunt. in primisq; uersutum, & callidum factum Solonis: qui, quo & tutior uita eius esset, et plus aliquanto Reip. prodesset, furere se simulauit. sunt his alij multum dispares, simplices, & aperti, qui nihil ex occulto, nihil ex insidijs agendum putant, ueritatis cultores, fraudis inimici: itemq; alij, qui quiduis perpetiantur, cuius deseruiant, dum, quod uelint, consequantur: ut Syllam, & M. Crassum uidebamus. quo in genere uersutissimum, & patientissimum Lacedæmonium Lysandrum accepimus; contraq; Callicratidam, qui præfectus classis proximus post Lysandrum fuit. itemq; in sermonibus, alium quidem uidemus, quauis præpotens sit, efficere, ut unus de multis esse uideatur. quod in Catulo & in patre, & in filio, idemq; & n. Q. Mutio Mancino uidimus. audiui et ex maioribus natu hoc idem fuisse in P. Scipione Nasica; contraq; patrem eius, illum, qui Tiberij Gracchi conatus perditos uindicauit, nullam comitatem habuisse sermonis; nec non Xenocratem quidem seuerissimum philosophorum, ob eamq; rem ipsam magnū, clarumq; fuisse. innumerales alia dissimilitudines sunt naturæ, morumq; mi-

nime  
sunt  
deco  
facie  
dama  
mur;  
nos si  
naturæ  
sequi  
illud  
idest  
quam  
bilis  
confer  
tas uia  
nobis  
mo ri  
scrap  
turari  
ipsi al  
debeat  
qui se  
sunt  
eorum  
autem  
eamq;  
propo  
tius, q  
ea pass  
licione



nime tamen uituperandorum. admodum autem tuenda sunt sua cuiq; nō uitiosa, sed tamen propria, quo facilius decorum illud, quod quærimus, retineatur: sic enim est faciendum, ut contra naturam uniuersam nihil contendamus; ea tamen conseruata, propriam naturam sequamur; ut, etiam si sint alia grauiora, atq; meliora, tamē nos studia nostra naturæ regula metiamur: neq; enim naturæ attinet repugnare, nec quidquam sequi, quod assequi nequeas. ex quo magis emergit, quale sit decorum illud: ideo quia nihil decet inuita (ut aiunt) Minerva, idest aduersante, et repugnāte natura. omnino, si quidquam est decorum, nihil est profecto magis, quā æqualitas uniuersæ uitæ, tum singularum actionum: quam conseruare non possis, si aliorum naturam imiteris, omittas tuam: ut enim sermone eo debemus uti, qui notus est nobis, ne, ut quidam, græca uerba inculcantes, iure optimo rideamur; sic in actiones, omnemq; uitā nullam discrepantiam conferre debemus. atq; hæc differentia naturarū tantam habet uim, ut nō nunquam mortem sibi ipsi alius consciscere debeat, alius in eadem causa non debeat: nō enim alia in causa M. Cato fuit, alia ceteri, qui se in Africa Cæsari tradiderunt: atqui ceteris forsitan uitio datū esset, si se interemissent, propterea quod eorum uita lenior, et mores fuerant faciliores: Catoni autem, cum incredibilem tribuisset natura grauitatem, eamq; ipse perpetua constantia roborasset, semperq; in proposito, susceptoq; consilio permansisset, moriendū potius, quā tyranni uultus aspiciendus, fuit. quā multa passus est vlysses in illo errore diuturno, cum et mulieribus (si Circe, et Calypso mulieres appellandæ sunt)



## C I C E R O N I S

inseruaret, et in omni sermone omnibus affabilem se esse  
 uellet; domi uero & contumelias seruorum, ancilla-  
 rumq; pertulit, ut ad id aliquando, quod cupiebat, perue-  
 niret. at Aiax, quo animo traditur, millies oppetere mor-  
 tem, quàm illa perpeti ab alio maluisset. quæ contem-  
 plantes expendere oportebit, quid quisq; habeat sui; eaq;  
 moderari, nec uelle experiri, quàm se aliena deceant: id  
 enim quenque decet, quod est cuiusque suum maxime.  
 suum igitur quisq; noscat ingenium, acremq; se & ui-  
 tiorum, & bonorum suorum iudicem præbeat; ne sce-  
 nici plus, quàm nos, uideantur habere prudentiæ: illi  
 enim non optimas, sed sibi accommodatissimas fabulas  
 eligunt: qui enim uoce freti sunt, Epigonos, Medeamq;;  
 qui gestu, Menalippam, Clytemnæstram: semper Rupi-  
 lius, quæ ego memini, Antiopam, non sæpe Aesopus Aia-  
 cem. ergo histrio hoc uidebit in scena, quod non uidebit  
 sapiens in uita? ad quas igitur res aptissimi erimus, in  
 ijs potissimū elaborabimus. sin aliquando necessitas nos  
 ad ea detruserit, quæ nostri ingenij nō erunt: omnis ad  
 hibenda erit cura, meditatio, diligentia, ut ea si non de-  
 core, at quāminimum indecore facere possimus: nec tā  
 est enitendum, ut bona, quæ nobis data non sunt, sequa-  
 mur, quàm ut uitia fugiamus. Ac duabus his personis,  
 quas supra dixi, tertia adiungitur; quam casus aliquis,  
 uel tempus imponit: quarta etiam, quam nobismet ipsis  
 iudicio nostro accommodabimus: nam regna, imperia, no-  
 bilitates, honores, diuitiæ, opes, eaq; quæ sunt his contra-  
 ria, in casu sita, tēporibus gubernantur; ipsi autem quā  
 personam gerere uelimus, à nostra uoluntate profiscisci-  
 tur: itaque se alij ad philosophiā, alij ad ius ciuile, alij  
 ad eloquentiam

3. personae  
 adiunguntur  
 tum.



ad eloquentiam applicant, ipsarumq; uirtutum in alia alius mauult excellere: quorum uero patres, aut maiores in aliqua gloria præstiterunt, eorum plerique in hoc genere laudis student excellere; ut Q. Mutius P. filius in iure ciuili, Pauli filius Africanus in re militari. quidam autem ad eas laudes, quas à patribus acceperunt, addunt aliquam suam; ut hic idem Africanus eloquentia cumulauit bellicam gloriam: quod idem fecit Timotheus Cononis filius; qui, cum belli laude non inferior fuisset quàm pater, ad eam laudem, doctrinæ, & ingenij gloriam adiecit. fit autem interdum, ut non nulli ommissa imitatione maiorum, suum quoddam institutum consequantur: maximeq; in eo plerunque elaborant ii, qui magna sibi proponunt, obscuris orti parētibus. hæc igitur omnia, cum quærimus quid deceat, complecti animo, & cogitatione debemus. In primis autem constituendum est, quos uos, et quales esse uelimus, et in quo genere uitæ. quæ deliberatio est omnium difficillima: ineunte enim adolescentia, cum inest maxima imbecillitas consilij, tunc id sibi quisque genus ætatis degendæ constituit, quod maxime adamauit: itaque ante implicatur aliquo certo genere, cursuq; uiuendi, quàm potuit, quod optimum esset, iudicare. nam quòd Herculem Prodicus dicit (ut est apud Xenophontem) cum primum pubesceret, quod tempus à natura ad deligendum, quam quisque uiam uiuendi sit ingressurus, datum est, exisse in solitudinem atque ibi sedentem diu secum, multumq; dubitasse, cum duas cerneret uias, unam uoluptatis, alteram uirtutis, utram ingredi melius esset: hoc Herculis Iouis satù edito potuit fortasse cōringere; no-

D



## C I C E R O N I S

bis non item, qui imitamur, quos cuique uisum est, atque  
 ad eorum studia, institutaq; impellimur. plerunq; au-  
 tem parentum praeceptis imbuti, ad eorum consuetudi-  
 nem, moremq; deducimur. alij multitudinis iudicio fe-  
 runtur; quaeq; maiori parti pulcherrima uidentur, ea  
 maxime exoptant. non nulli tamen siue felicitate qua-  
 dam, siue bonitate naturae, siue parentum disciplina, re-  
 etam uitae secuti sunt uiam. illud autem maxime ra-  
 rum genus eorum, qui aut eccellente ingenij magnitu-  
 dine, aut praeclara eruditione, atque doctrina, aut utra-  
 que re ornati, spatium deliberandi habuerunt, quem  
 potissimum uitae cursum sequi uellent. in qua delibera-  
 tione ad suam cuiusque naturam consilium est omne re-  
 uocandum: nam cum in omnibus, quae aguntur, ex eo  
 modo, quo quisq; natus est, ut supra dictum est, quid de-  
 ceat, exquirimus; tum in tota uita constituenda multo  
 est eius rei cura maior adhibenda, ut constare in uitae per-  
 petuitate possimus nobismet ipsis, nec in ullo officio clau-  
 dicare. ad hanc autem rationem quoniam maximam uim  
 natura habet, fortuna proximam, utriusq; omnino ra-  
 tio habenda est in deligendo genere uitae, sed naturae ma-  
 gis: multo enim & firmitior est, & constantior: ut for-  
 tuna non nunquam ipsa mortalis cum immortali natu-  
 ra pugnare uideatur. qui igitur ad naturae suae non ui-  
 tiosae genus, consilium uitae omne contulerit, is constantiam  
 teneat: id enim maxime decet. nisi forte se errasse in-  
 tellexerit in deligendo genere uitae. quod si acciderit  
 (potest autem accidere) facienda morum, institutorumq;  
 mutatio est. eam igitur mutationem, si tempora adiu-  
 uabunt, facilius, commodiusq; faciemus: sin minus, sensim



erit, pedetentimq; facienda: ut amicitias, quæ minus delectent, et minus probentur, magis decere censent sapientes sensim dissuere, quàm repente præcidere. commutato autem genere uitæ, omni ratione curandum est, ut id bono consilio fecisse uideamur. Sed quoniam paulo ante dictum est, imitandos esse maiores: primum illud exceptum sit, ne uitia sint imitanda: deinde, si natura non ferret, ut quædam imitari possint; ut superioris Africani filius, qui hunc Paulo natum adoptauit, propter infirmitatem ualitudinis non tam potuit patris similis esse, quàm ille fuerat sui: si igitur non poterit siue causas defensitare, siue populum concionibus tenere, siue bella gerere; illa tamen præstare debet, quæ erunt in ipsius potestate, iustitiã, fidem, liberalitatem, modestiam, temperantiam; quo minus ab eo id, quod desit, requiratur. optima autem hereditas à patribus traditur liberis, omniq; patrimonio præstantior, gloria uirtutis, rerumq; gestarum: cui dedecori esse, nefas, & uitium iudicandum est. Et quoniam officia non eadem disparibus ætatibus tribuuntur, aliaq; sunt iuuenum, alia seniorum: aliquid etiam de hac distinctione dicendum est. Est igitur adolescentis, maiores natu uereri, ex hisq; eligere optimos, et probatissimos, quorũ consilio, atq; auctoritate nitatur: ineuntis enim ætatis inscitia, senum constituenda, & regenda prudentia est. maxime autem hæc ætas à libidinibus arcenda est, exercendaq; in labore, patientiaq; & animi, & corporis, ut eorum & in bellicis, & ciuilibus officijs uigeat industria. atque etiam cum relaxare animos, & dare se iucunditati uolent, caueant intemperatiam, meminerint uerecundiæ: quod erit fa-



## C I C E R O N I S

cilius, si eiusmodi quoque rebus maiores natu interesse uelint. Senibus autem labores corporis sunt minuendi, exercitationes animi etiam augendæ uidentur: danda uero opera, ut amicos, et iuuentutem, et maxime Remp. consilio, & prudentia quamplurimum adiuuent. nihil autem magis cauendum est senectuti, quàm ne languore, desidiaq; se dedat. luxuria uero cum omni ætati turpis, tum senectuti fœdissima est. sin autem & libidinū intemperantia accesserit, duplex malum est, quòd & ipsa senectus cōcipit dedecus, & facit adolescentium impudentiorem intemperantiam. Ac ne illud quidem alienum est, de magistratum, de priuatorum; de ciuium, de peregrinorum officijs dicere. Est igitur proprium munus magistratus, intelligere, se gerere personam ciuitatis, debereq; eius dignitatem, & decus sustinere, seruare leges, iura describere, ea fidei suæ commissæ meminisse. Priuatum autem oportet æquo, & pari cum ciuibus iure uiuere, neque summissum, & abiectum, neq; se effereantem; tum in Rep. ea uelle, quæ tranquilla, & honesta sint: talem enim & sentire, & bonum ciuem dicere solemus. Peregrini autem & incolæ officium est, nihil præter suum negotium agere, nihil de alio inquirere, minimeq; in aliena esse Rep. curiosum. ita ferè officia reperiuntur, cum quæretur, quid deceat, et quid aptum sit personis, temporibus, ætatibus. nihil est autem, quod tam deceat, quàm in omni re gerenda, consilioq; capiendo seruare constantiam. Sed quoniam decorum illud in omnibus factis, & dictis, in corporis denique motu, et statu cernitur, idq; positum est in tribus rebus, formositate, ordine, ornatu ad actionem apto (difficilius ad elo-



quendum, sed satis erit intelligi) in his autem tribus con-  
 tinetur cura etiam illa, ut probemur ab ipsis, cum quibus, et apud quos uiuamus: his quoque de rebus pauca  
 dicantur. Principio, corporis nostri magnam natura  
 ipsa uidetur habuisse rationem; quæ formam nostram,  
 reliquamq; figuram, in qua esset species honesta, eam po-  
 suit in promptu; quæ autem partes corporis ad natu-  
 ræ necessitatem datæ aspectum essent deformem habi-  
 turæ, atque turpem, eas contexit, atque abdidit. hanc  
 naturæ tam diligentem fabricam imitata est hominum  
 uerecundia: quæ enim natura occultauit, eadem omnes,  
 qui sana mente sunt, remouent ab oculis; ipsiq; necessi-  
 tati, dant operam, ut quam occultissime pareant; qua-  
 rumq; partium corporis usus sunt necessarij, eas neque  
 partes, neque earum usus suis nominibus appellant;  
 quodq; facere non turpe est, modo occulte, id dicere ob-  
 scœnum est; itaque nec actio rerum illarum aperta,  
 petulantia uacat, nec oratio obscœnitate. nec uero au-  
 diendi sunt Cynici, aut si qui fuerunt Stoici penè Cynici,  
 qui reprehendunt, et irrident, quod ea, quæ turpia re-  
 non sunt, uerbis flagitiosa dicamus; illa autem, quæ tur-  
 pia sint, nominibus appellemus suis. latrocinari, frau-  
 dare, adulterari re turpe est, sed dicitur non obscœne:  
 liberis dare operam, re honestum est, nomine obscœnum:  
 pluraque in eam sententiam ab eisdem contra uerecun-  
 diam disputantur. nos autem naturam sequamur, et  
 ab omni, quod abhorret ab ipsa oculorum, auriumq; cõ-  
 probatione, fugiamus. status, incessus, sessio, accubatio,  
 uultus, oculi, manuum motus teneant illud decorum.  
 quibus in rebus duo sunt maxime fugienda, ne quid ef-

D iiij



## C I C E R O N I S

foeminatum, aut molle; aut ne quid durum, aut rusticū sit. nec uero histrionibus, oratoribusq; cōcedendum est, ut ijs hæc apta sint, nobis dissoluta. scenicorum quidem mos tantam habet à uetere disciplina uerecundiam, ut in scena sine subligaculo prodeat nemo: ueretur enim, ne, si quo casu euenerit, ut corporis partes quædam aperiantur, aspiciantur non decore. nostro quidem more cum parentibus puberes filij, cum soceris quidem generi non lauantur. retinenda est igitur huius generis uerecundia, præsertim natura ipsa magistra, & duce. Cum autem pulchritudinis duo genera sint, quorum in altero uenustas sit, in altero dignitas: uenustatem muliebrem ducere debemus, dignitatem uirilem. Ergo & à forma remoueatur omnis uiro non dignus ornatus, & huic simile uitium in gestu, motuq; caueatur: nam & palestirici motus sæpe sunt odiosiores, et histrionum non nulli gestus ineptis non uacant, & in utroque genere, quæ sunt recta, & simplicia, laudantur. Formæ autem dignitas coloris bonitate tuenda est, color exercitationibus corporis. adhibenda est præterea munditia non odiosa, neque exquisita nimis, tantum quæ fugiat agrestem, & inhumanam negligentiam. eadem ratio est habenda uestitus: in quo, sicut in plerisq; rebus, mediocritas optima est. cauendum est autem, ne aut tarditatibus utamur in gressu mollioribus, ut similes pomparum ferculis esse uideamur: aut in festinationibus suscipiamus nimias celeritates: quæ cum fiunt, anhelitus mouetur, uultus mutantur, ora torquentur: ex quibus magna significatio fit, non adesse constantiam. sed multo etiam magis elaborandū est, ne animi motus à natu-



ra recedat: quod assequemur, si caueamus, ne in pertur-  
 bationes, atq; exanimationes incidamus, et si attentos ani-  
 mos ad decori conseruationem tenebimus. motus autem  
 animorum duplices sunt: alteri cogitationis, alteri appe-  
 titus. cogitatio in uero exquirendo maxime uersatur:  
 appetitus impellit ad agendum. curandum est igitur, ut  
 cogitatione ad res quamoptimas utamur, appetitum ra-  
 tioni obedientem praebeamus. Et quoniam magna uis ora-  
 tionis est, eademq; duplex, altera contentionis, altera ser-  
 monis: contentio disceptationibus tribuatur iudiciorum,  
 concionum, senatus; sermo in circulis, disputationibus,  
 congressionibus familiarium uersetur, persequatur etiam  
 conuiuia. contentionis praecepta rhetorum sunt, nulla  
 sermonis. quanquam haud scio, an possint haec quoque  
 esse. sed discentium studiis inueniuntur magistri. huic  
 autem qui studeant, sunt nulli. rhetorum turba refer-  
 ta omnia. quanquam quae uerborum sententiarumq;  
 praecepta sunt, eadem ad sermonem pertinebunt. sed cum  
 orationis iudicem uocem habeamus, in uoce autem duo  
 sequamur, ut clara sit, ut suauis: utrumque omnino à  
 natura petendum est; uerum alterum exercitatio auge-  
 bit, alterum imitatio presse loquentium, et leniter. quid  
 fuit in Catulis, ut eos exquisito iudicio putares uti lite-  
 rarum? quanquam erant literati: sed et alij: hi autem  
 optime uti lingua latina putabantur. sonus erat dulcis:  
 litera neque expressa, neq; oppressa; ne aut obscurum  
 esset, aut nimis putidum. sine contentione uox nec lan-  
 guēs, nec canora. uberior oratio L. Crassi, nec minus fa-  
 ceta: sed bene loquendi de Catulis opinio non minor. sa-  
 le uero conditus, et facietis Caesar, Catuli patris frater,

D iiij



## C I C E R O N I S

uicit omnes; ut in ipso illo forenſi genere dicendi contentionibus aliorum, ſermone uinceret. in omnibus igitur his elaborandum eſt, ſi in omnibus, quod deceat, exquirimus. ſit igitur hic ſermo, in quo Socratici maxime excellunt, lenis, minimeq; pertinax: inſit in eo lepos: nec uero, tanquam in poſſeſſionem ſuam uenerit, excludat alios; ſed cum reliquis in rebus, tum in ſermone communi, uiciſſitudine non nunquam utendum putet. ac uideat in primis, quibus de rebus loquatur; ſi ſerijs, ſeueritatem adhibeat; ſi iocoſis, leporem. in primis provideat, ne ſermo uitium aliquod indicet in eſſe moribus, quod maxime tum ſolet euenire, cum ſtudioſe de abſentibus detrahendi cauſa aut per ridiculum, aut ſeuere, maledice, contumelioſeq; dicitur. habentur autem plerunque ſermones aut de domeſticis negocijs, aut de Rep. aut de artium ſtudijs, & doctrina. danda igitur opera eſt, ut, etiam ſi aberrare ad alia cœperit, ad hæc reuocetur oratio: ſed utcunque aderūt res: neque enim iſdem de rebus, nec in omni tempore, nec ſimiliter delectamur. animaduertendum eſt etiam, quatenus ſermo delectationem habeat, & ut incipiendi ratio fuerit, ita ſit deſinendi modus. ſed quoniam in omni uita reſtiſſime præcipitur, ut perturbationes fugiamus, ideſt motus animi nimios, rationi nō obtemperantes: ſic eiſmodi motibus ſermo debet uacare; ne aut ira exiſtat, aut cupiditas aliqua, aut pigritia, aut ignauia, aut quid tale appareat. maximeq; curandum eſt, ut eos, quibus cum ſermonem conferimus, & uereri, & diligere uideamur. Obiurgationes etiam non nunquam incidunt neceſſariæ: in quibus utendum eſt fortasſe & uocis con-



tentione maiore, & uerborum grauitate acriore. id  
 agendum etiam, ut ea facere non uideamur irati, sed,  
 ut ad urendum, & secandum medici, sic nos ad hoc ge-  
 nus castigandi raro, inuitiq; ueniamus, nec unquam, nisi  
 necessario, si nulla reperietur alia medicina: sed tamen  
 ira procul absit, cum qua nihil recte fieri, nihil conside-  
 rate potest. magna autem ex parte clementi castigatio  
 ne licet uti, grauitate tamen adiuncta, ut seueritas adhi-  
 beatur, & contumelia repellatur. atque etiam illud ip-  
 sum, quod acerbitatis habet obiurgatio, significandum  
 est, ipsius causa, qui obiurgetur, susceptum esse. Rectum  
 est autem, etiam in illis contentionibus, quæ cum inimi-  
 cissimis fiunt, etiam si nobis indigna audiamus, tamen  
 grauitatem retinere, iracundiam repellere: quæ enim  
 cum aliqua perturbatione fiunt, ea neque constanter fie-  
 ri possunt, nec ab ijs, qui adsunt, approbari. deforme  
 etiam est de se ipso prædicare, falsa præsertim, & cum  
irrisione audiētium imitari militem gloriosum. et quo-  
 niam omnia persequimur, uolumus quidem certe; di-  
 cendum est etiam, qualem hominis honorati, & prin-  
 cipis domum placeat esse. cuius finis est usus: ad quem  
 accommodanda est ædificandi descriptio: et tamen adhi-  
 benda dignitatis, commoditatisq; diligentia. Cn. Octa-  
 uio, qui primus ex illa familia Consul factus est, hono-  
 ri fuisse accepimus, quod præclaram ædificasset in Pa-  
 latio, & plenam dignitatis domum: quæ cum uulgo  
 uiseretur, suffragata domino, nouo homini, ad Consula-  
 tum putabatur. hanc Scæurus demolitus, accessionem  
 adiunxit ædibus. itaque ille in suam domum Consula-  
 tum primus intulit: hic summi, et clarissimi uiri filius



## C I C E R O N I S

in domum multiplicatam non repulsam solum retulit,  
 sed ignominiam, & calamitatem: ornanda est enim di-  
 gnitas domo, non ex domo dignitas tota querenda; nec  
 domo dominus, sed domino domus honestenda est. &  
 ut in ceteris habenda ratio non sua solum, sed etiam ali-  
 orum, sic in domo clari hominis, in quam & hospites  
 multi recipiendi, & admittenda hominum cuiusque gene-  
 ris multitudo, adhibenda est cura laxitatis. aliter am-  
 pla domus dedecori domino saepe fit, si est in ea solitu-  
 do, et maxime, si aliquando alio domino solita est frequen-  
 tari: odiosum est enim, cum a praetereuntibus dicitur;  
 O domus antiqua, heu quam dispari dominaris domi-  
 no: quod quidem his temporibus in multis licet dicere.  
 Cauendum est etiam, praesertim si ipse aedifices, ne extra  
 modum sumptu, & magnificentia prodeas. quo in ge-  
 nere multum mali etiam in exemplo est: studiose enim  
 plerique, praesertim in hac parte, facta principum imi-  
 tantur: ut L. Luculli summi viri uirtutem quis? quam  
 multi uillarum magnificentiam imitati sunt? quarum  
 quidem certe est adhibendus modus, ad mediocritatem  
 reuocandus: eademque mediocritas ad communem usum,  
cultumque uitae referenda est. sed haec haecenus. In o-  
 mni autem actione suscipienda, tria sunt tenenda: pri-  
 mum, ut appetitus rationi pareat; quo nihil est ad offi-  
 cia conseruanda accommodatius: deinde, ut animaduer-  
 tatur, quanta illa res sit, quam efficere uelimus; neu  
 minor, ne ue maior cura, & opera suscipiatur, quam  
 causa postulet: tertium est, ut caueamus, ut ea, quae  
 pertinent ad liberalem speciem, & dignitatem, mode-  
 rata sint. modus autem est optimus, decus ipsum tene-

re,  
 aut  
 rat  
 opp  
 nec  
 inser  
 sed il  
 tio.  
 defun  
 rium  
 inagi  
 nam  
 apus  
 portu  
 nis opp  
 so. f  
 ut di  
 dum  
 tio: d  
 ration  
 querin  
 co dict  
 iam du  
 & ad t  
 dicend  
 dus, ut  
 omnia  
 ualdeq;  
 delicat  
 cum he



re, de quo ante diximus, nec progredi longius. horum autem trium præstantissimum est, appetitum obtemperare rationi. Deinceps de ordine rerum, & temporum opportunitate dicendum est. hæc autem scientia continet eam, quam Græci *ὑποτάξις* nominant, non hanc, quã interpretamur modestiam: quo in uerbo modus inest. sed illa est *ὑποτάξις*, in qua intelligitur ordinis conseruatio. itaque, ut eandem nos modestiam appellemus, sic definitur à Stoicis, ut modestia sit scientia earum rerum, quæ agentur, aut dicentur, loco suo collocandarũ. itaque uidetur eadem uis ordinis, & collocationis fore: nam & ordinem sic definiunt, compositionem rerum aptis & accommodatis locis: locum autem actionis, oportunitatẽ temporis esse dicunt. tempus autem actionis opportunum, græce *ὑποκρίσις*, latine appellatur occasio. sic fit, ut modestia hæc, quam interpretamur ita, ut dixi, scientia sit opportunitati idoneorum ad agendum temporum. sed potest eadem esse prudentiæ diffinitio: de qua principio diximus. hoc autem loco de moderatione, & temperantia, & alijs similibus uirtutibus quærimus. itaque, quæ erant prudentiæ propria, suo loco dicta sunt: quæ autem harum uirtutum, de quibus iam dudum loquimur, quæ pertinent ad uerecundiam, & ad eorum approbationem, quibuscum uiuimus, nunc dicenda sunt. Talis est igitur ordo actionum adhibendus, ut, quemadmodum in oratione constanti, sic in uita omnia sint apta, et inter se conueniẽtia: turpe est enim, ualdeq; uitiosum, in re seuera conuiuio dignum, aut delicatum aliquem inferre sermonem. bene Pericles, cum haberet collegam in Prætura Sophoclem, hĩq; de



## C I C E R O N I S

communi officio conuenissent, & casu formosus puer  
 præteriret, dixissetq; Sophocles, o' puerum pulchrum Pe-  
 ricle: at enim, Pericles, Prætozem Sophocle decet non  
 solum manus, sed etiam oculos abstinentes habere. at-  
 que hoc idem Sophocles si in athletarum approbatione  
 dixisset, iusta reprehensione caruisset. tanta uis est &  
 loci, & temporis. ut si quis, cum causam sit acturus, in  
 itinere, aut in ambulatione secum ipse meditetur, aut si  
 quid aliud attentius cogitet, non reprehendatur: at hoc  
 idem si in conuiuio faciat, inhumanus uideatur inscitia  
 temporis. sed ea, quæ multum ab humanitate discre-  
 pant, ut si quis in foro cantet, aut si qua est alia magna  
 peruersitas, facile apparent, nec magnopere admonitio-  
 nem, & præcepta desiderant: quæ autem parua uiden-  
 tur esse delicta, neque à multis intelligi possunt, ab his  
 est diligentius declinandum. ut in fidibus, aut in tibijs,  
 quamuis paulum discrepent, tamē id à sciente animad-  
 uerti solet: sic uiuendum est in uita, ne forte quid dis-  
 crepet; uel multo etiam magis, quo maior, & melior  
 actionum, quàm sonorum concentus est: itaque, ut in  
 fidibus musicorum aures uel minima sentiunt, sic nos,  
 si acres, ac diligentes iudices esse uolumus, animaduer-  
 soresq; uitiorum, magna intelligemus saepe ex par-  
 uis. ex oculorum obtutu, superciliorum aut remissio-  
 ne, aut contractione, ex mœstitia, ex hilaritate, ex risu,  
 ex locutione, ex reticentia, ex contentione uocis, ex sum-  
 missione, ex cæteris similibus facile iudicabimus, quid  
 apte eorum fiat, quid ab officio, naturaq; discrepet. quo  
 in genere non est incommodum, quale quodque eorum  
 sit, ex alijs iudicare, ut, si quid dedecet in illis, uitemus

et i  
 nam  
 que  
 imita  
 num  
 adhib  
 his de  
 ior eni  
 deduct  
 que le  
 etiam  
 et i  
 quisq  
 hender  
 cum al  
 rum in  
 da: et  
 agunt  
 dum:  
 errore  
 contra  
 tiue sin  
 uis bo  
 uero ra  
 dia, sin  
 eos aue  
 que ma  
 merence  
 et coles  
 cedere i



Et ipsi : fit enim nescio quo modo, ut magis in alijs cer-  
 namus, quàm in nobismet ipsis, si quid delinquitur. ita-  
 que facillime corriguntur illi in discendo, quorum uitia  
 imitantur emendandi causa magistri. nec uero alie-  
 num est ad ea eligenda, quæ dubitationem afferunt,  
 adhibere doctos homines, uel etiam usu peritos, et, quid  
 his de uno quoque genere officij placeat, exquirere : ma-  
 ior enim pars eò ferè deferri solet, quo à natura ipsa  
 deducitur. in quibus uidendum est non modo, quid quis  
 que loquatur ; sed etiam, quid quisque sentiat ; atque  
 etiam, de qua causa quisque sentiat. ut enim pictores,  
 Et ij, qui signa fabricant, Et uero etiam poetæ suum  
 quisque opus à uulgo considerari uult, ut, si quid repre-  
 hendendū sit à pluribus, id corrigatur, hīque et secum, et  
 cum alijs, quid in eo peccatum sit, exquirunt : sic alio-  
 rum iudicio permulta nobis Et facienda, Et non facien-  
 da ; Et mutanda, Et corrigenda sunt : quæ uero more  
 aguntur, Et institutis civilibus, de his nihil est præcipien-  
 dum : illa enim ipsa præcepta sunt : nec quenquam hoc  
 errore duci oportet, ut, si quid Socrates, aut Aristippus  
 contra morem, consuetudinemque civilem fecerint, locu-  
 tiue sint, idem sibi arbitretur licere. magnis illi, Et di-  
 uinis bonis hanc licentiam assequabantur. Cynicorum  
 uero ratio tota est eijcienda : est enim inimica uerecun-  
 diæ, sine qua nihil rectum esse potest, nihil honestum.  
 eos autem, quorum uita perspecta in rebus honestis, at-  
 que magnis est, de Rep. sentientes, ac bene meritos, aut  
 merentes, aliquo honore, aut imperio affectos obseruare,  
 Et colere debemus ; tribuere etiam multum senectuti ;  
 cedere ijs, qui magistratū habebunt ; habere delectum



## C I C E R O N I S

ciuis, & peregrini; in ipso quoque peregrino, priuatim  
 ne, an publice uenerit. ad summam (ne agam de singu-  
 lis) communem totius generis hominum conciliationem,  
 et confociationem colere, tueri, seruare debemus. iam de  
 artificijs, & quæstibus, qui liberales habēdi, qui sordidi  
 sint, hæc ferè accepimus. primum improbantur ij quæ-  
 stus, qui in odia hominum incurrunt; ut portitorū, &  
 fœneratorū. illiberales autem, et sordidi quæstus merce-  
 nariorum omnium, quorū operæ, nō quorū artes emun-  
 tur: est enim in illis ipsa merces auctoramētum serui-  
 tutis. sordidi etiam putādi, qui mercantur à mercatori-  
 bus, quod statim uēdant: nihil enim proficiunt, nisi ad-  
 modum mentiantur: nec uero quidquam est turpius  
 uanitate. opificesq; omnes in sordida arte uersantur.  
 nec uero quidquā ingenuum potest habere officina. mi-  
 nimēq; artes probandæ, quæ ministræ sunt uoluptatū;  
 Cetarij, laniij, coqui, fartores, piscatores, ut ait Teren-  
 tius. adde his, si placet, unguentarios, saltatores, to-  
 tumq; ludum talarium. quibus autem artibus aut pru-  
 dentia maior inest, aut non mediocris utilitas quæritur,  
 ut medicina, architectura, ut doctrina rerum honesta-  
 rum; hæ sunt ijs, quorum ordini conueniunt, honestæ.  
 mercatura autem, si tenuis est, sordida putanda est:  
 sin magna, & copiosa, multa undique apportans, mul-  
 tisq; sine uanitate impartiens, non est admodum uitupe-  
 randa: atque etiam, si satiata quæstu, uel contenta po-  
 tius, ut sæpe ex alto in portū, ex ipso portu se in agros,  
 possessionesq; contulerit, uidetur iure optimo posse lau-  
 dari. omniū autem rerum, ex quibus aliquid exquiri-  
 tur, nihil est agricultura melius, nil uberius, nil dul-

ciuis, n  
 cone M  
 hunc la  
 honesta  
 expos  
 fia sord  
 de duob  
 natio e  
 net a p  
 teta c  
 derati  
 rentu  
 officia  
 ne dua  
 quod,  
 efficien  
 digna  
 templ  
 dere m  
 rucum  
 dentian  
 dam in  
 darum  
 dixi, re  
 in qua  
 & soci  
 te; ne  
 id esse  
 tura m  
 actio re



cus, nil libero homine dignius . de qua quoniam in Ca-  
tone Maiore satis multa diximus, illinc assumes, quæ ad  
hunc locum pertinebunt . Sed ab ijs partibus, quæ sunt  
honestatis, quemadmodum officia ducerentur, satis  
expositum uidetur . Eorum autem ipsorum, quæ honesta  
sunt, potest incidere sæpe contentio, & comparatio,  
de duobus honestis utrum honestius : qui locus à Pa-  
nætio est prætermisus . nam cum omnis honestas ma-  
net à partibus quatuor, quarum una sit cognitionis, al-  
tera communitatis, tertia magnanimitatis, quarta mo-  
derationis ; hæ in deligendo officio sæpe inter se compa-  
rentur, necesse est . placet igitur aptiora esse naturæ ea  
officia, quæ ex communitate, quàm ea, quæ ex cognitio-  
ne ducantur : idq; hoc argumento confirmari potest,  
quòd, si contigerit ea uita sapienti, ut omnium rerum  
affluentibus copijs ditetur ; quamuis ea, quæ cognitione  
digna sunt, summo ocio secum ipse consideret, & con-  
templetur, tamen, si solitudo tanta sit, ut hominem ui-  
dere non possit, excedat è uita . princepsq; omnium uir-  
tutum est illa sapientia, quam σοφία Græci uocant : pru-  
dentiam enim, quam Græci φρόνησις dicunt, aliam quàm  
dam intelligimus, quæ est rerum expetendarum, fugien-  
darumq; scientia : illa autem sapientia, quam principem  
dixi, rerum est diuinarum, atque humanarum scientia :  
in qua continetur deorum, & hominum communitas,  
& societas ipsorum inter ipsos . ea si maxima est, ut cer-  
te ; necesse est, quod à communitate ducatur officium,  
id esse maximum : etenim cognitio, contemplatioq; na-  
turæ manca quodam modo, atque inchoata sit, si nulla  
actio rerum consequatur : ea uero actio in hominum

*de duobus  
honestis*



commodis tuendis maxime cernitur : pertinet igitur  
 ad societatem generis humani : ergo hæc cognitioni  
 anteponenda est : atque id optimus quisque re ipsa osten-  
 dit , & indicat : quis est enim tam cupidus perspicien-  
 da , cognoscendâq; rerum natura , ut , si ei tractanti ,  
 contemplantiq; res cognitione dignissimas subito sit  
 allarum periculum , discrimenq; patriæ , cui subuenire ,  
 opitulariq; possit , non illa omnia relinquat , atque abij-  
 ciat , etiam si dinumerare se stellas , aut metiri mundi  
 magnitudinem posse arbitretur ; atque hoc idem in pa-  
 rentis , in amici re , aut periculo fecerit ? quibus rebus in-  
 telligitur , studijs , officijsq; scientiæ præponenda esse offi-  
 cia iustitiæ : quæ pertinet ad hominum utilitatem : qua  
 nihil homini debet esse antiquius . atque illi , quorum  
 studia , uitaque omnis in rerum cognitione uersata est ,  
 tamen ab augendis hominum utilitatibus , & commodis  
 non recesserunt : nam et erudierunt multos , quo melio-  
 res ciues , utilioresq; rebus suis publicis essent ; ut The-  
 banum Epaminundam Lysis Pythagoreus , Syracu-  
 sum Dionem Plato , multiq; multos : nosq; ipsi , quic-  
 quid ad Remp. attulimus , ( si modo aliquid attulimus )  
 à doctõribus , atque doctõribus , atque doctrina instru-  
 eti ad eam & ornati accessimus . neque solum uiui , at-  
 que præsentis studiosos discendi crudiunt , atque docent ,  
 sed hoc idem etiam post mortem monumentis literarum  
 assequuntur : nec enim locus ullus prætermissus est ab  
 ijs , qui ad leges , qui ad mores , qui disciplinam Reip. per-  
 tineret , ut otium suum ad nostrum negotium contulisse  
 uideantur . ita illi ipsi doctrinæ studijs , & sapientiæ  
 dediti , ad hominum utilitatem suam sapientiam , pru-  
 dentiam ,



dentiam, intelligentiamq; potissimum conferunt. ob eā etiam causam eloqui copiose, modo prudenter, melius est, quā uel acutissime sine eloquentia cogitare; quod cogitatio in se ipsa uertitur, eloquentia uero complectitur eos, quibuscum communitate iuncti sumus. atque, ut apum examina non fingendorum fauorum causa cōgregantur, sed, cum congregabilia natura sint, fingunt fauos: sic homines, ac multo etiam magis natura congregati, adhibent agendi, cogitandiq; solertiam. itaque nisi ea uirtus, quæ constat ex hominibus tuendis, idest ex societate generis humani, attingat rerum cognitionem, soliuaga cognitio, & ieiuna uideatur: itemq; magnitudo animi, remota cōmunitate, coniunctioneq; humana, feritas sit quædam, & immanitas. ita sit, ut uincat cognitionis studium consociatio hominum, atque communitas. nec uerum est, quod dicitur à quibusdam, propter necessitatem uitæ, quod ea, quæ natura desideraret, consequi sine alijs, atque efficere non possemus, iccirco istam esse cum hominibus communitatem, & societatem; quod, si omnia nobis, quæ ad uictum, cultumq; pertinent, quasi uirgula diuina (ut aiunt) suppeditarentur, tum optimo quisque ingenio, negotijs omnibus omis- sis, totum se in cognitione, & scientia collocaret. non est ita: nam et solitudinem fugeret, et socium studij quæreret; tum docere, tum discere uellet, tum audire, tum dicere. ergo, omne officium, quod ad coniunctionem hominum, & ad societatem tuendam ualet, anteponendum est illi officio, quod cognitione, & scientia continetur. illud forsitan quærendum sit, num hæc communitas, quæ maxime est apta naturæ, sit etiam moderatio-

E.



## C I C E R O N I S

ni, modestiaq; semper anteponenda . non placet : sunt enim quædam partim ita fœda, partim ita flagitiosa , ut ea ne conseruandæ quidem patriæ causa sapiens fæcturus sit . ea Posidonius collegit permulta , sed ita terra quædam, ita obscœna, ut dictu quoq; uideantur turpia . hæc igitur non suscipiet quisquam Reip. causa, nec Resp. quidem pro se suscipi uolet . sed hæc commodius se res habet, quòd non potest accidere tempus, ut intersit Reip. quidquam illorum facere sapientem . quare sapientem . quare hoc quidem effectum sit in officijs deligendis, hoc genus officiorum excellere, quod teneatur hominum societate : etenim cognitionem, prudentiamq; sequetur considerata actio : ita fit, ut, considerate agere, plaris sit, quàm cogitare prudenter. Atque hæc quidem hæcenus : patefactus est enim locus ipse , ut non sit difficile in exquirendo officio, quod cuique sit præponendum, uidere . in ipsa autem communitate sunt gradus officiorum, ex quibus, quod cuique præstet, intelligi possit ; ut prima dijs immortalibus, secunda patriæ, tertia parentibus, deinceps gradatim reliqua reliquis debeantur . quibus ex rebus breuiter disputatis intelligi potest, non solum id homines solere dubitare, honestum ne, an turpe sit ; sed etiam , duobus propositis honestis, utrum honestius . hic locus à Panætio est (ut supra dixi) prætermisus . sed ad reliqua pergamus .



MARCI TVLLII CICERONIS  
OFFICIORVM AD MAR=

CVM FILIVM LIBER II.

¶

Vemadmodum officia ducerentur ab honestate, Marce fili, atq; ab omni genere virtutis, satis explicatū arbitror libro superiore. sequitur, ut hæc officiorū genera persequar, quæ pertinent ad vitæ cultum, et ad earum rerum, quibus utuntur homines, facultatem, ad opes, ad copias. in quo tum quæri dixi, quid utile, quid inutile; tum, ex utilibus quid utilius, aut quid maxime utile. de quibus dicere aggrediar, si pauca prius de instituto, ac de iudicio meo dixerō. Quamquam enim libri nostri complures non modo ad legendi, sed etiā ad scribendi studium excitauerint: tamen interdum vereor, ne quibusdam bonis uiris philosophiæ nomen sit inuisum, mirenturq; in ea tantum me operæ et temporis ponere. ego autem, quā diu Resp. per eos regebatur, quibus se ipsa cōmiserat, omnes meas curas, cogitationesq; in eam conferebam. cum autem dominatu unius omnia tenerentur, neque esset usquam cōsilio, aut auctoritati locus, socios deniq; tuendæ Reip. summos uiros amisisssem; nec me angoribus dedi, quibus essem confectus, nisi ijs restitisssem; nec rursus indignis homine docto uoluptatibus. atque utinam Resp. stetisset, quo coeperat, statu, nec in homines non tam cōmutandarum rerum, quā euertendarum cupidos incidisset: primum enim, ut stante Rep. facere solebamus, in agendo plus, quā in scribendo operæ poneremus; de-

E ii



## C I C E R O N I S

inde ipsis scriptis non ea, quæ nunc, sed actiones nostras mandaremus, ut sæpe fecimus. cum autem Reip. in qua omnis mea cura, cogitatio, opera poni solebat, nulla esset omnino, illæ scilicet literæ conticuerunt forenses, & senatoriæ. nihil autem agere cum animus non posset, in ijs studijs ab initio uersatus ætatis, existimaui honestissimè molestias deponi posse, si me ad philosophiam retulisssem. cui cum multum adolescens discendi causa temporis tribuisssem, postea quàm honoribus inservire cœpi, meq; totum Reip. tradidi, tantum erat philosophiæ loci, quantum superfuerat amicorum, & Reip. temporibus. id autem omne consumebatur in legendo: scribendi otium non erat. maximis igitur in malis hoc tantum boni affecuti uidemur, ut ea literis mandaremus, quæ nec satis erant nota nostris, & erant cognitione dignissima: quid est enim per deos optabilius sapientia? quid præstantius? quid homini melius? quid homine dignius? hanc qui expetunt igitur, philosophi nominantur: nec quidquam aliud est philosophia, si interpretari uelis, quàm studium sapientiæ. sapientia autem est (ut à ueteribus philosophis definitum est) rerum diuinarum, & humanarum, causarumq;, quibus hæ res continentur, scientia. cuius studium qui uituperat, haud sanè intelligo, quidnam sit, quod laudandum putet. nam siue oblectatio quæritur animi, requiesq; curarum, quæ conferri cum eorum studijs potest, qui semper aliquid acquirunt, quod spectet, & ualeat ad bene, beatèq; uiuendum; siue ratio constatiæ, uirtutisq; quæritur: aut hæc ars est, aut nulla omnino, per quam eas assequamur. nullam dicere maximarum rerum artem esse,

cum  
rum  
rant  
quet  
hac,  
lent  
tem  
ti Re  
tali  
Etia  
uid  
et  
rept  
cogn  
rum  
sequa  
non  
ta  
dicun  
impro  
pediat  
contra  
tare,  
mum  
hoc ip  
paria  
ta  
ter. T  
bilissi  
millum



cum minimarum sine arte nulla sit, hominum est parum considerate loquentium, atque in maximis rebus errantium. si autem est aliqua disciplina uirtutis; ubi ea quaeretur, cum ab hoc discendi genere discesseris? sed haec, cum ad philosophiam cohortamur, accuratius solent disputari: quod alio quidem libro fecimus. hoc autem tempore tantum nobis declarandum fuit, cur orba ti Reip. muneribus ad hoc nos studium potissimum contulissemus. Occurritur autem nobis, & quidem à doctis, & eruditis, quarentibus, satis ne constanter facere uideamur, qui, cum percipi nihil posse dicamus, tamen & alijs de rebus disserere soleamus, & hoc ipso tempore praecepta officij persequamur. Quibus uellem satis cognita esset nostra sententia: non enim sumus ij, quorum uagetur animus errore, nec habeat unquam, quid sequatur: quæ enim esset ista mens, uel quæ uita potius, non solum disputandi, sed etiam uiuendi ratione sublata? nos autem, ut cæteri, qui alia certa, alia incerta esse dicunt, sic ab his dissentientes alia probabilia, cõtra alia improbabilia esse dicimus. quid est ergo, quod me impediat ea, quæ mihi probabilia uideantur, sequi; quæ contra, improbare; atque affirmandi arrogantiam uitare, fugere temeritatem, quæ à sapientia dissidet plurimum? contra autem omnia disputatur à nostris, quòd hoc ipsum probabile elucere non posset, nisi ex utraque parte causarum esset facta contentio. sed hæc explanata sunt in Academicis nostris satis, ut arbitror, diligenter. Tibi autem mi Cicero, quanquam in antiquissima, nobilissimaq; philosophia Cratippo auctore uersaris is si milimo, qui ista præclara pepererunt; tamen hæc nostra,

E iij



finitima uestris, ignota esse nolui. sed iam ad institu-  
 ta pergamus. Quinque igitur rationibus propositis  
 officij persequendi, quarum duæ ad decus, honestatemq;  
 pertinent, duæ ad commoda uitæ, copias, opes, faculta-  
 tes, quinta ad eligendi iudicium, si quando ea, quæ dixi,  
 pugnare inter se uiderentur; honestatis pars perfectæ  
 est: quam quidem tibi cupio esse notissimam. hoc au-  
 tem, de quo nunc agimus, id ipsum est, quod utile appel-  
 latur. in quo uerbo lapsa cōsuetudo deflexit de uia, sen-  
 simq; eò deducta est, ut ab honesto utile secerneret, &  
 constitueret honestum aliquod, quod utile non esset; &  
 utile, quod nō honestum: qua nulla perniciēs maior ho-  
 minum uitæ potuit afferrī. summa quidem auctorita-  
 te philosophi seuerē sanē atque honeste hæc tria genera  
 confusa, cogitatione distinguūt: quidquid enim iustum  
 sit, id utile etiam esse censent; itemq; quod honestum,  
 idem esse iustum: ex quo efficitur, ut quidquid hone-  
 stum sit, idem sit utile. quod qui parum prospiciunt,  
 hi sæpe uersutos homines, & callidos admirantes, eorum  
 malitiam, sapientiam iudicant. quorum error eripien-  
 dus est; omnisq; opinio ad eam spem traducenda, ut ho-  
 nestis consilijs, iustisq; factis, nō fraude, & malitia se in-  
 telligant ea, quæ uelint, consequi posse. quæ ergo ad ui-  
 tam hominum tuendam pertinent, partim sunt inani-  
 mata, ut aurum, argentum, ut ea, quæ gignuntur è ter-  
 ra, ut alia eiusdem generis; partim animalia, quæ ha-  
 bent suos impetus, & rerum appetitus. eorum autem  
 alia rationis expertia sunt, alia ratione utentia. exper-  
 tes rationis sunt equi, boues, reliquæ pecudes, apes, qua-  
 rum opere efficitur aliquid ad hominum usum, atque

uita  
 uisum  
 efficit  
 homin  
 iterum  
 sed qu  
 miorib  
 enim  
 nōm  
 ars  
 uer  
 gati  
 reliq  
 mior  
 quib  
 termin  
 mines  
 reuol  
 autem  
 homin  
 gorum  
 unde  
 sua  
 uer  
 harum  
 quare  
 moles  
 sine  
 bus, m  
 lites



uitam. ratione autem utentium duo genera ponuntur: unum deorum, alterum hominum. deos placatos pietas efficiet, & sanctitas. proxime autem, & secundum deos, homines hominibus maxime utiles esse possunt. earumque iterum rerum, quae noceant, et obsint, eadem diuisio est. sed quia deos nocere non putant, his exceptis homines hominibus plurimum obesse, uel prodesse arbitrantur: ea enim ipsa, quae inanimata diximus, pleraque sunt hominum effecta operis: quae nec haberemus, nisi manus, et ars accessisset; nec his sine hominum administratione uteremur: neque enim ualitudinis curatio, neque nauigatio, neque agricultura, neque frugum, fructuumque reliquorum perceptio, & conseruatio sine opera hominum ulla esse potuisset. iam uero & earum rerum, quibus abundaremus, exportatio, & earum, quibus egeremus, inuectio certe nulla esset, nisi his muneribus homines fungerentur. eademque ratione nec lapides exciderentur à terra ad usum nostrum necessarii, nec ferrum, aurum, aes, argentum effoderetur penitus abditum, sine hominum labore, & manu. tecta uero, quibus & frigoribus uis pelleretur, & caloribus molestia sedarentur, unde aut initio generi humano dari potuissent, aut postea subuenire, si aut uis tempestatis, aut terra motu, aut uetustate cecidissent, nisi communis uita ab hominibus harum rerum auxilia petere didicisset? adde ductus aquarum, deriuationes fluminum, agrorum irrigationes, moles oppositas fluctibus, portus manu factos: quae non sine hominum opere habere possemus. ex quibus omnibus, multisque alijs perspicuum est, qui fructus, quaque utilitates ex rebus istis, quae sunt inanimatae, percipiuntur,

E iij



## C I C E R O N I S

eas nos nullo modo sine hominum manu, atq; opera ca-  
 pere potuisse. qui deniq; ex bestiis fructus, aut quæ cō-  
 moditas, nisi homines adiuuarent, percipi posset? nam  
 & qui principes inueniendi, fuerunt quem ex quaq; bel-  
 lua usum habere possemus, homines certe fuerunt: nec  
 hoc tempore sine hominum opera aut pascere equos, aut  
 domare, aut tueri, aut tempestiuos fructus ex his cape-  
 re possemus: ab eiusdemq; & ea, quæ nocent, interficiū-  
 tur, & quæ usui possunt esse, capiuntur. quid enume-  
 rem artiū multitudinem, sine quibus uita omnino nul-  
 la esse potuisset? quis enim agris subueniret? quæ esset  
 oblectatio ualentium, qui uictus, aut cultus, nisi tā mul-  
 tæ nobis artes ministrarent? quibus rebus exulta ho-  
 minum uita tantū destitit à uictu, & cultu bestiarum.  
 urbes uero sine hominū cœtu non potuissent nec ædifica-  
 ri, nec frequentari: ex quo leges, moresq; cōstitui, tum  
 iuris aqua descriptio, certaq; uiuēdi disciplina; per quos  
 bene, beatēq; uiuitur. quas res et mansuetudo animorū  
 consecuta, & uerecundia est: effectumq; est, ut esset ui-  
 ta munitior, atq; ut dando, & accipiendo, permutādīsq;  
 facultatibus, & cōmodis nulla re egeremus. longiores  
 hoc loco sumus, quā necesse est: quis est enim, cui nō  
 perspicua sint illa, quæ pluribus uerbis à Panatio cōme-  
 morantur, neminem neq; ducem in bello, nec principem  
 domi magnas res, & salutes sine hominum studijs ge-  
 rere potuisse? commemoratur ab eo Themistocles, Peri-  
 cles, Cyrus, Agesilaus, Alexander: quos negat sine adiu-  
 mentis hominum tantas res efficere potuisse. uir in  
 re non dubia testibus non necessarijs. atque ut magnas  
 utilitates adipiscimur conspiratione hominum, atq; con-

sensu  
 ri ab  
 homi  
 accer  
 etiam  
 quæ  
 parat  
 tu, id  
 m, ta  
 quæ  
 pro  
 hon  
 bus  
 fuit  
 opera  
 nostr  
 etiam  
 re o  
 pers  
 quid  
 gis  
 re mo  
 appet  
 tertiu  
 scient  
 ta, et  
 port  
 eos, q  
 mas  
 tem



sensu, sic nulla tam detestabilis pestis est, quæ non homi-  
ni ab homine nascatur. est Dicæarchi liber de interitu  
hominum, peripatetici magni, & copiosi: qui collectis  
cæteris causis, eluisionis, pestilentia, uasitatis, belluarum  
etiam repentinæ multitudinis, quarum impetu docet  
quædam hominum genera esse consumpta; deinde com-  
parat, quanto plures deleti sint homines hominum impe-  
tu, idest bellis, aut seditionibus, quàm omni reliqua cala-  
mitate. cum igitur hic locus nihil habeat dubitationis,  
quin homines plurimum hominibus et prosint, et obsint;  
proprium hoc statuo esse uirtutis, conciliare sibi animos  
hominum, & ad usus suos adiungere. itaq; quæ in re-  
bus inanimis, quæq; in usu, & tractatione belluarum  
fiunt utiliter ad hominum uitam, artibus ea tribuuntur  
operosis: hominum autem studia ad amplificationem  
nostrarum rerum prompta, ac parata, uirorum præstā-  
tium sapientia, & uirtute excitantur: etenim uirtus fe-  
rè omnis in tribus rebus uertitur. quarum una est in  
perspiciendo, quid in quaque re uerum, sincerumq; sit,  
quid consentaneum cuiq;, quid consequens, ex quo quæq;  
gignantur, quæ cuiusque rei sit causa. alterum, cohibe-  
re motus animi turbatos, quos Græci πάθη nominant;  
appetitiones, quas illi ὀρεγµαί, obediētes efficere rationi.  
tertium, iis, quibuscum congregamur, uti moderate, &  
scienter, quorum studiis ea, quæ natura desiderat, exple-  
ta, cumulataq; habeamus: per eos denique, si quid im-  
portetur nobis incommodi, propulsemus, ulciscamurq;  
eos, qui nocere nobis conati sunt; tantaq; pœna afflicta-  
mus, quantam æquitas, humanitasq; patitur. quibus au-  
tem rationibus hanc facultatem assequi possimus, ut ho-



## C I C E R O N I S

minum studia complectamur, eaque teneamus, dicemus, neque ita multo post. sed pauca ante dicenda sunt. Magnam uim esse in fortuna in utranq; partem, uel ad secundas res, uel aduersas, quis ignorat? nam et, cum prospero flatu eius utimur, ad optatos exitus prouehimur: et, cum refluuit, affligimur. hac igitur ipsa fortuna ceteros casus rariores habet; primum ab inanimis procellas, tempestates, naufragia, ruinas, incendia; deinde a bestiis ictus, morsus, impetus. hac igitur (ut dixi) ratio. at uero interitus exercitum, ut proxime trium, saepe multorum; clades imperatorum, ut nuper summi, ac singularis uiri; inuidiae praeterea multitudinis, atque ob eas bene meritorum saepe ciuium expulsioniones, calamitates, fugae. rursusq; secundae res, honores, imperia, uictoriae, quanquam fortuita sunt, tamen sine hominum operibus, et studiis neutram in partem effici possunt. hoc igitur cognito, dicendum est, quonam modo hominum studia ad utilitates nostras allicere, atque excitare possimus. quae si longior fuerit oratio, cum magnitudine utilitatis comparatur: ita fortasse etiam breuior uidebitur. quaecunque igitur homines homini tribuunt ad eum augendum, atque honestandum; aut beneuolentiae gratia faciunt, cum aliqua de causa quempiam diligunt; aut honoris, si cuius uirtutem suspiciunt, et si quem dignum fortuna quam amplissima putant; aut cui fidem habent, et bene rebus suis consulere arbitrantur; aut cuius opes metuunt; aut contra, a quibus aliquid expectant, ut cum Reges, popularesue homines largitiones aliquas proponunt; aut postremo pretio, aut mercede ducuntur. quae sordidissima quidem est ratio,

quae mel-  
soniam  
studia  
utilitate  
per me

et in  
ad ea  
cum  
quoniam  
quem  
ribus  
subor  
ribus  
bene  
ant  
coge  
post  
duct  
ad op  
ri. p  
Quem  
Quem  
mule  
tea fu  
tyran  
terius  
scim  
rum h  
lus em  
tia fid  
pressi  
heris  
in lib  
hil po  
ges al



Et inquinatissima Et ijs, qui ea tenentur, Et illis, qui ad eam confugere conantur: male enim se res habet, cum, quod uirtute effici debet, id tentatur pecunia. sed quoniam non nunquam subsidium hoc necessarium est, quemadmodum sit utendum eo, dicemus, si prius ijs de rebus, quæ uirtuti propiores sunt, dixerimus. atq; etiam subiiciunt se homines imperio alterius, Et potestati pluribus de causis: ducuntur enim aut beneuolentia, aut beneficiorum magnitudine, aut dignitatis præstantia, aut spe, sibi id utile futurum; aut metu, ne ui parere cogantur; aut spe largitionis, promissionisq; capti; aut postremo, ut sæpe in nostra Rep. uidemus, mercede conducti. rerum autem omnium nec aptius est quidquam ad opes tuendas, quàm diligi; nec alienius, quàm time-  
ri. præclare Ennius:

Quem metuunt, oderunt:

Quem quisque odit, perijisse expetit.

multorum autem odys nullas opes posse obistere, si antea fuit ignotum, nuper est cognitum. nec uero huius tyranni solum, quem armis oppressa pertulit ciuitas, interitus declarat, quantum odium hominum ualet ad pestem; sed reliquorum similes exitus tyrannorum; quorum haud ferè quisquam interitum similem effugit: malus enim custos diuturnitatis metus: contraq; beneuolentia fidelis est uel ad perpetuitatem. sed ijs, qui ui oppressos imperio coercent, sit sane adhibenda sæuitia, ut heris in famulos, si aliter teneri non possunt. qui uero in libera ciuitate ita se instruant, ut metuantur; his nihil potest esse dementius: quamuis enim demersæ sint leges alicuius opibus, quamuis tremefacta libertas, emer-



gunt tamen hæc aliquando aut iudicijs tacitis, aut occultis de honore suffragijs : acriores autem morsus sunt in remissa libertatis, quam retenta. quod igitur latissime patet, neque ad incolumitatem solum, sed etiam ad opes, & potentiam ualet plurimum, id amplectamur, ut metus absit, charitas retineatur : ita facillime, quæ uolumus, & priuatis in rebus, & in Rep. consequemur : etenim, qui se metui uolent, à quibus metuuntur, eosdem metuant ipsi, necesse est : quid enim censemus superiorem illum Dionysium, quo cruciatu timoris angisolutum, qui cultros metuens tonsorios candente carbone sibi adurebat capillum ? quid Alexandrum Phœreum, quo animo uixisse arbitramur ? qui ( ut scriptum legimus ) cum uxorem Theben admodum diligeret, tamen ad eam ex epulis in cubiculum ueniens, barbarum, & eum quidem ( ut scriptum est ) compunctum notis Threicijs, districto gladio iubeat anteire, præmittebatq; de stipatoribus suis, qui perscrutarentur arculas muliebres, & ne quod in uestimentis occultaretur telum, exquirerent. ô miserum, qui fideliores & barbarum, & stigmatiam putaret, quam coniugem. nec eum fefellit opinio : ab ea est enim ipse propter pellicatus suspicionem interfectus. nec uero ulla uis imperij tanta est, quæ premente metu possit esse diuturna. testis est Phalaris : cuius est præter ceteros nobilitata crudelitas : qui non ex insidijs interiit, ut is, quem modo dixi, Alexander ; non à paucis, ut hic noster ; sed in quem uniuersa Agrigentinarum multitudo impetum fecit. quid Macedones ? non ne Demetrium reliquerunt, uniuersi q; se ad Pyrrhum contulerunt ? quid La-

cedat  
ferè  
runt  
re, q  
imperi  
bella  
erant  
lorum  
nostr  
maxi  
cios  
nium  
nati  
antea  
amif  
iniqu  
ergo  
floria  
furo  
et ceter  
qui in  
singulor  
que pro  
hender  
ad exer  
siliam  
quam  
runt  
cios, si  
tur ple



cedæmonios iniuste imperantes? nonne repente omnes  
 ferè socij deseruerunt, spectatoresq; se ociosos præbue-  
 runt Leuëtricæ calamitatis? externa libentius in tali  
 re, quàm domestica, recordor. ueruntamen quàm diu  
 imperium populi R. beneficijs tenebatur, non iniurijs,  
 bella aut pro socijs, aut de imperio gerebantur; exitus  
 erant bellorum aut mites, aut necessarij. Regum, popu-  
 lorum, nationum portus erat, & refugium senatus.  
 nostri autem magistratus, imperatoresq; ex una hac re  
 maximam laudem capere studebant, si prouincias, si so-  
 cios æquitate, & fide defendissent: itaque illud patrocini-  
 um orbis terræ uerius, quàm imperium poterat nomi-  
 nari. sensim hanc consuetudinem, & disciplinam iam  
 antea minuebamur, post uero Syllæ uictoriam penitus  
 amisimus: dictum est enim uideri quidquam in socios  
 iniquum, cum extitisset etiam in ciues tanta crudelitas.  
 ergo in illo secuta est honestam causam non honesta ui-  
 ctoria: est enim ausus dicere, hasta posita cum bona in  
 foro uenderet & bonorum uirorum, & locupletum,  
 & certe ciuium, prædam suam se uendere. secutus est,  
 qui in causa impia, uictoria etiam foëdiore non solum  
 singulorum ciuium bona publicaret, sed uniuersas quo-  
 que prouincias, regionesq; uno calamitatis iure compre-  
 henderet: itaque uexatis, & perditis exteris nationibus,  
 ad exemplum amissi imperij portari in triumpho Mas-  
 siliam uidimus, & ex ea urbe triumphari, sine qua nun-  
 quam nostri imperatores ex transalpinis bellis triumphau-  
 runt. multa præterea commemorarem nefaria in so-  
 cios, si hoc uno sol quidquam uidisset indignius. iure igi-  
 tur plectimur: nisi enim multorum impunita scelera



## C I C E R O N I S

tuliffemus, nunquam ad unum tanta perueniffet licentia: à quo quidem rei familiaris ad paucos, cupiditatum ad multos improbos uenit hereditas. nec uero unquam bellorum ciuiliū ſemen, & cauſa deerit, dum homines perſiti haſtam illam cruentam & meminerint, & ſperabunt, quam P. Sylla cum uibratſet, Dictatore propinquo ſuo, idem ſexto & triceſimo anno poſt à ſcleratione haſta eadem non reſceſſit. alter autem, qui in illa Dictatura ſcriba fuerat, in hac fuit Quæſtor urbanus. ex quo debet intelligi, talibus præmijs propoſitis, nunquam de futura bella ciuilia. itaq; parietes urbis modo ſtant, & manent, iſq; ipſi iam extrema ſclera metuentes: Rē uero publicam penitus amiſimus. atq; in has clades incidimus (redeundum eſt enim ad propoſitum) dum metui, quā chari eſſe, & diligere, maluimus. quæ ſi populo R. iniuſte imperanti accidere potuerunt, quid debent putare ſinguli? quod cum perſpicuum ſit, beneuolentiæ uim eſſe magnam, metus imbecillem: ſequitur, ut diſſeramus, quibus rebus poſſimus facillime eam, quam uoluimus, adipiſci cum honore, et fide charitatem. ſed ea nō pariter omnes egemus: nam ad cuiuſq; uitam inſtituendam accommodandum eſt, à multis ne opus ſit, an ſatis ſit à paucis diligere. certum igitur hoc ſit, & id, quod & primum, & maxime neceſſarium, familiaritates habere fidæ amantiū nos amiciū, & noſtra mirantium: hæc enim eſt una res prorsus, ut non differat multum inter ſummos, et mediocres uiros: eaq; utriſq; prope modum comparanda. honore, & gloria, & beneuolentia ciuiū fortasſe nō æque omnes egent: ſed tamen ſi cui hæc ſuppetunt, adiuuant aliquantum tum ad cæte

ra,  
bro  
g'or  
ſed d  
adm  
et pe  
ritud  
homo  
breu  
eiſd  
ad  
quar  
are  
ben  
uolun  
ſuppet  
uetur  
inſtit  
ad m  
ipſum  
nobis  
comm  
moram  
eſſe re  
quide  
præte  
tur, d  
conſe  
haben  
quosq



ra, tum ad amicitias comparandas . sed de amicitia li-  
bro dictum est, qui inscribitur Lælius . nunc dicamus de  
g'loria , quanquam ea quoq; de re duo sunt nostri libri.  
sed attingamus , quando quidem ea in rebus maioribus  
administrandis adiuuat plurimum . Summa igitur,  
et perfecta gloria constat ex tribus his : si diligit mul-  
titude : si fidem habet : si cum admiratione quadam ,  
honore nos dignos putat . hæc autem, si est simpliciter,  
breuiterq; dicendum, quibus rebus pariuntur à singulis,  
eisdem fere à multitudine . sed est alius quoq; quidam  
aditus ad multitudinem, ut in uniuersorum animos tan-  
quam influere possimus . Ac primum de illis tribus, quæ  
ante dixi, beneuolentiæ præcepta uideamus: quæ quidem  
beneficijs capitur maxime : secundo autem loco benefica  
uoluntate beneuolentia mouetur , etiam si res forte non  
suppetit . uehementer autem amor multitudinis cõmo-  
uetur ipsa fama, et opinione liberalitatis , beneficentiæ,  
iustitiæ, fidei, omniumq; earum uirtutum, quæ pertinent  
ad mansuetudinem morum, ac facilitatem . etenim illud  
ipsum, quod decorum, honestumq; diximus , quia per se  
nobis placet , animosq; omnium natura , et specie sua  
commouet, maximeq; quasi perlucet ex ijs, quas comme-  
morauim , uirtutibus , iccirco illos, in quibus eas uirtutes  
esse remur , à natura ipsa diligere cogimur . atque hæ  
quidem causæ sunt diligendi grauissimæ : possunt enim  
præterea non nullæ esse leuiores . Fides autem ut habea-  
tur, duabus rebus effici potest ; si existimabimur adepti  
coniunctam cum iustitia prudentiam : nam et ijs fidem  
habemus, quos plus intelligere , quàm nos, arbitramur,  
quosq; et futura prospicere credimus, et, cum res aga-

*de gloria*



## C I C E R O N I S

tur, in discrimenq; uentum sit, expedire rem, & consi-  
 lium ex tempore capere posse: ( hanc enim omnes existi-  
 mant utilem, ueramq; prudentiam ) iustis autem, & fi-  
 dis hominibus, idest bonis, ita fides habetur, ut nulla sit  
 in his fraudis, iniuriæq; suspicio: itaque his salutem  
 nostram, his fortunas, his liberos rectissime committi ar-  
 bitramur. harum igitur duarum ad fidem faciendam  
 iustitia plus pollet, quippe cum ea sine prudentia satis ha-  
 beat auctoritatis, prudentia sine iustitia nihil ualeat ad  
 faciendam fidem: quo enim quis uersutior, & callidior  
 est, hoc inuisior, & suspectior detracta opinione probita-  
 tis. quamobrem intelligentiæ iustitia coniuncta, quan-  
 tum uolet habebit ad faciendam fidem uirium: iustitia  
 sine prudentia multum poterit: sine iustitia nihil uale-  
 bit prudentia. Sed ne quis sit admiratus, cur, cum inter  
 omnes philosophos constet, à meq; ipso saepe disputatum  
 sit, qui unam haberet, omnes habere uirtutes; nunc ita  
 seiungā, quasi possit quisquam, qui nō idem prudens sit,  
 iustus esse: alia est illa, cum ueritas ipsa limatur in di-  
 sputatione, subtilitas; alia, cum ad opinionem cōmunem  
 omnis accommodatur oratio. quamobrem, ut uulgus, ita  
 nos hoc loco loquimur, ut alios fortes, alios bonos uiros,  
 alios prudentes dicamus: popularibus enim uerbis est a-  
 gendū, et usitatis, cum loquamur de opinione populari:  
 idq; eodē modo fecit Panætius. sed ad propositum reuer-  
 tamur. Erat igitur ex tribus, quæ ad gloriam pertine-  
 rent, hoc tertium, ut cum admiratione hominum hono-  
 re ab his digni iudicaremur. admirantur igitur com-  
 muniter illi quidem omnia, quæ magna, & præter opi-  
 nionem suam animaduertunt; separatim autem in  
 singulis,



singulis, si perspiciunt nec opinata quidem bona: ita-  
 que eos uiros suspiciunt, maximisq; efferunt laudibus, in  
 quibus existimant se excellentes quasdam, & singulares  
 uirtutes perspicere; despiciunt autem eos, & contem-  
 nunt, in quibus nihil uirtutis, nihil animi, nihil neruorū  
 putant: non enim omnes eos contemnunt, de quibus ma-  
 le existimant: nam quos improbos, maledicos, fraudu-  
 lentos putant, & ad faciendam iniuriam instructos, eos  
 haud contemnunt quidem, sed de ijs male existimant.  
 quambrem (ut ante dixi) contemnuntur ijs, qui nec sibi,  
 nec alteri prosunt, ut dicitur; in quibus nullus labor,  
 nulla industria, nulla cura est: admiratione quadam ue-  
 ro afficiuntur ijs, qui anteire ceteros uirtute putantur, et  
 cum omni carere dedecore, tum uero ijs uitijs, quibus  
 alij uō facile possunt obsistere: nam et uoluptates blan-  
 dissimæ dominæ saepe maiores partes animi à uirtute de-  
 torquent; & dolorum cum admoventur facies, præ-  
 ter modum plerique exterrantur: uita, mors, diuitiæ,  
 paupertas omnes homines uehementissime permouent.  
 quæ qui in utranque partem excelsi animo, magnoq; de-  
 spiciunt; cumq; aliqua his ampla, & honesta res obie-  
 cta est, totos ad se conuertit, et rapit: tum quis non ad-  
 miretur splendorem, pulchritudinemq; uirtutis? ergo et  
 hæc animi perspicitiæ admirabilitatem magnam facit:  
 & maxime iustitia, ex qua una uirtute uiri boni appel-  
 lantur, mirifica quædam res multitudini uidetur: nec  
 iniuria: nemo enim iustus esse potest, qui mortem, qui  
 dolorem, qui exilium, qui egestatem timet, aut qui ea,  
 quæ his sunt contraria, æquitati anteposit. maximeq;  
 admirantur eum, qui pecunia non mouetur: quod in



## C I C E R O N I S

quo viro perspectum sit, hunc dignū spectatu arbitran-  
 tur. itaq; illa tria, quæ proposita sunt ad gloriā, omnia  
 iustitia cōficit; et benevolentiam, quod prodesse uult plu-  
 rimis; et ob eandem causam fidem, & admirationem,  
 quod eas res spernit, & negligit, ad quas pleriq; inflam-  
 mati auiditate rapiuntur. ac mea quidem sententia o-  
 mnis ratio, & institutio uitæ adiumenta hominum desi-  
 derat, in primisq; ut habeas, quibuscum possis familia-  
 res conferre sermones: quod est difficile, nisi speciē præ-  
 te boni uiri feras. ergo etiam solitario homini, atque in  
 agro uiam agentī opinio iustitiæ necessaria est, eoque; et-  
 tiam magis, quod si eam non habebunt, iniusti habebun-  
 tur, nullis præsidij septi multis afficiuntur iniurijs. Atq;  
 his etiam, qui uendunt, emunt, conducunt, locant, contra-  
 hendisq; negotijs implicantur, iustitia ad rem gerendam  
 necessaria est. cuius tanta uis est, ut nec illi quidem, qui  
 maleficio, & scelere pascuntur, possint sine ulla particu-  
 la iustitiæ uiuere: nam qui eorum cuipiam, qui unā la-  
 trocinantur, furatur aliquid, aut clam eripit, is sibi ne  
 in latrocinio quidem relinquit locum: ille autem, qui  
 archipirata dicitur, nisi æquabiliter prædam dissipat,  
 aut occidetur a' socys, aut relinquetur. quin etiam le-  
 ges latronum esse dicuntur, quibus pareant, quas obser-  
 uent. itaque propter æquabilem prædæ portionem &  
 Bargulus Illyricus latro, de quo est apud Theopompū,  
 magnas opes habuit; & multo maiores Viriatus Lus-  
 itanus: cui quidem exercitus nostri, imperatoresq; cesse-  
 runt: quem C. Lælius, is, qui sapiens usurpatur, Præ-  
 tor fregit, & comminuit; ferocitatemq; eius ita repres-  
 sit, ut facile bellum reliquis traderet. cum igitur tan-

ta uis  
 augere  
 fuit  
 Medo  
 res uo  
 morat  
 milia  
 unam  
 cum  
 da,  
 comp  
 erin  
 esset  
 eo et  
 inuen  
 ce loq  
 impe  
 opus  
 prud  
 florid  
 tur re  
 pter  
 plifica  
 rendo  
 perpe  
 etiam  
 tiora  
 riam  
 quis  
 si qu



ta uis iustitiæ sit, ut ea etiam latronum opes firmet, atq; augeat, quantam eius uim inter leges, & iudicia, & instituta Reip. fore putamus? mihi quidem non apud Medos solum (ut ait Herodotus) sed apud etiam maiores nostros fruendæ iustitiæ causa uidentur olim bene morati Reges constituti: nam, cum premeretur initio multitudo ab ijs, qui, qui maiores opes habebant, ad unum aliquem confugiebant uirtute præstantem; qui, cum prohiberet iniuria tenuiores æquitate constitueda, summos cum infimis pari iure retinebat. eademq; constituendarum legum fuit causa, quæ Regum: ius enim semper quæsitum est æquabile: neque enim aliter esset ius. id si ab uno iusto, et bono uiro consequeretur, eo erant contenti. cum id minus contingeret, leges sunt inuentæ, quæ cum omnibus semper una, atq; eadem uoce loquerentur. ergo hoc quidem perspicuum est, eos ad imperadum deligi solitos, quorû de iustitia magna esset opinio multitudinis. adiuncto uero hoc, ut iudem etiam prudentes haberentur, nihil erat, quod homines his auctoribus non posse consequi se arbitrarentur. omni igitur ratione colenda, et retinenda iustitia est, tû ipsa propter sese (nam aliter iustitia non esset) tum propter amplificationem honoris, & gloriæ. Sed ut pecuniæ quærendæ non solum ratio est, sed etiam collocandæ, quæ perpetuos sumptus suppeditet, nec solum necessarios, sed etiam liberales: sic gloria quærenda, & collocanda ratione est. quanquã præclare Socrates hanc uiam ad gloriam proximam, et quasi compediariam dicebat esse, si quis id ageret, ut, qualis haberi uellet, talis esset. Quod si qui simulatione, et inani ostentatione, ficto non modo



sermone, sed etiam uultu stabilem se gloriam consequi posse rentur, uehementer errant. uera gloria radices agit, atque etiam propagatur. ficta omnia celeriter, tanquam flosculi, decidunt; nec simulatum potest quicquam esse diuturnum. testes sunt permulti in utranque partem, sed breuitatis causa familia erimus contenti una: Ti. enim Gracchus P. filius tam diu laudabitur, dum memoria rerum Romanarum manebit: at eius filij nec uiui probabantur à bonis, & mortui numerum obtinent iure casorum. Qui igitur adipisci ueram iustitiæ gloriam uolet, iustitiæ fungatur officijs: ea quæ essent, dictum est in superiore libro. sed ut facillime, qualis simus, tales esse uideamur; etsi in eo ipso uis maxima est, ut simus ij, qui haberi uelimus: tamen quædam præcepta danda sunt. nam si quis ab incunte ætate habet causam celebritatis, & nominis, aut à patre acceptam, quod tibi mi Cicero arbitror contigisse; aut aliquo casu, atque fortuna; in hunc oculi omnium conijciuntur, atque in eo, quid agat, quemadmodum uiuat, inquiritur; & tanquam in clarissima luce uersetur, ita nullum obscurum potest nec dictum eius esse, nec factum: quorum autem prima ætas propter humilitatē, & obscuritatem in hominum ignoratione uersatur, hi, simul ac iuuenes esse cœperunt, magna spectare, & ad ea rectis studijs debent contendere. quod eo firmiore animo facient, quia non modo non inuidetur illi ætati, uerū etiam fauetur. Prima igitur est adolescenti commendatio ad gloriam, si qua ex bellicis rebus comparari potest. in qua multi apud maiores nostros existerūt: semper enim ferè bella gerebātur. tua autem ætas in-



cidit in id bellum, cuius altera pars sceleris nimium habuit, altera felicitatis parum. quo tamen in bello, cum te Pompeius alæ alteri præfecisset, magnam laudem & à summo uiro, & ab exercitu consequere, equitando, iaculando, omnia militari labore tolerando. atque ea quidem tua laus pariter cum Rep. cecidit. mihi autem hæc oratio suscepta non de te est, sed de genere toto. quā obrem ad ea, quæ restant, pergamus. Ut igitur in reliquis rebus multo maiora sunt opera animi, quàm corporis: sic ea res, quas persequimur ingenio, ac ratione, gratiores sunt, quàm illæ, quas uiribus. prima igitur commendatio proficiscitur à modestiâ, tum pietate in parentes, tum in suos beneuolentia. facillime autem in optimam partem cognoscuntur adolescentes, qui se ad claros, & sapientes uiros, bene consulentes Reip. contulerunt. quibuscum si frequentes sunt, opinionem afferunt populo, eorum fore se similes, quos sibi ipsi delegerunt ad imitandum. P. Rutilij adolescentiam ad opinionem & innocentiam, & iuris scientiam P. Mutij commendauit domus. nam L. quidem Crassus, cum esset admodum adolescens, non aliunde mutuatus est, sed sibi ipse peperit maximam laudem ex illa accusatione nobili, & gloriosa. & qua ætate qui exercentur, laude affici solent; ut de Demosthene accepimus: ea ætate L. Crassus ostendit, id se in foro optime iam præmeditatū facere, quod etiam tum poterat domi cum laude meditari. sed cum duplex sit ratio orationis, quarum in altera sit sermo, in altera contentio: non est id dubium, quin contentio orationis plurimum possit, & maiorem uim habeat ad gloriam; ea est enim, quam eloquentiam



## C I C E R O N I S

dicimus : sed tamen difficile dictu est, quantopere conciliet animos hominum comitas, affabilitasq; sermonis. exstant epistolæ & Philippi ad Alexandrum, et Autipatri ad Cassandrum, et Antigoni ad Philippum, trium prudentissimorum, ( sic enim accepimus ) quibus præcipiunt, ut oratione benigna multitudinis animos ad beneuolentiam alliciant, militesq; blando appellando sermone deliniant. quæ autem in multitudine cum contentione habetur oratio, ea sæpe uniuersam excitat gloriâ : magna est enim admiratio copiose, sapienterq; dicentis : quæ qui audiunt, intelligere etiam, & sapere plus, quam cæteros arbitrantur. si uero inest in oratione mixta modestiæ grauitas, nil admirabilius fieri potest, eoq; magis, si ea sunt in adolescente. sed cum sint plurima causarum genera, quæ eloquentiam desiderant ; multiq; in nostra Rep. adulescentes & apud iudices, & apud senatum dicendo laudem affecti sint : maxima admiratio est in iudicijs : quorum ratio duplex est : nam ex accusatione, & defensione constat : quarum & si laudabilior est defensio, tamen etiâ accusatio probata per sæpe est. dixi paulo ante de Crasso : idem fecit adolescens M. Antonius : etiam P. Sulpitij eloquentiam accusatio illustrauit, cum seditiosum, & inutilem ciuem C. Norbanum in iudicium uocauit. sed hoc quidem non est sæpe faciendum ; nec unquam, nisi aut Reip. causa, ut duo Luculli ; aut patrocínio, ut nos pro Siculis, pro Sardis, pro M. Albutio Iulius Cæsar. in accusando etiam M. Aquilio L. Fusij cognita industria est. semel igitur, non sæpe certe. sin erit, cui faciendum sit sæpius ; Reip. tribuat hoc muneris ; cuius inimicos ulcisci sæpe, non est reprehendendum : modus

tam  
videt  
peric  
mire  
eo su  
mis p  
ligent  
indie  
lo pe  
eloq  
seru  
coru  
bona  
& m  
do, p  
est, si  
quam  
quod  
non a  
Pau  
tia de  
ueniat  
geriq;  
contra  
rino  
tis ad  
piscen  
est. c  
indige  
cuplet



tamen adfit. duri enim hominis, uel potius uix hominis uidetur, periculum capitis inferre multis: id enim tum periculosum ipsi est, tū etiam sordidum ad famā, committere, ut accusator nominetur: quod contigit M. Bruto summo genere nato, illius filio, qui iuris civilis in primis peritus fuit. atque etiam hoc praeceptum officij diligenter tenendum est, ne quem unquam innocentem in iudicium capitis arcessas: id enim sine scelere fieri nullo pacto potest: nam quid est tam inhumanum, quā eloquentiam, à natura ad salutem hominum, et ad conseruationem datam, ad bonorum pestem, perniciemque conuertere? nec tamen, ut hoc fugiendum est, ita habendum est religioni contrarium, nocentem aliquando, et nefarium, impiūque defendere. uult hoc multitudo, patitur consuetudo, fert etiam humanitas. iudicis est, semper in causis uerum sequi; patroni, non nunquam uerisimile, etiam si minus sit uerum, defendere: quod scribere, praesertim cum de philosophia scriberem, non auderem, nisi idem placeret grauissimo Stoicorum Panætio. maxime autem et gloria paritur, et gratia defensionibus, eoque maior, si quando accidit, ut ei subueniatur qui potentis alicuius opibus circumueniri, uergerique uideatur; ut nos et saepe alias, et adolescentes contra L. Syllae dominantis opes pro Sex. Roscio Amerino fecimus: quae, ut scis, extat oratio. Sed expositis adolescentium officijs, quae ualeant ad gloriam adipiscendam, deinde de beneficentia, ac liberalitate dicendum est. cuius est ratio duplex: nam aut opera benigne fit indigentibus, aut pecunia. facilius est haec posterior, locupletari praesertim; sed illa lautior, ac splendidior, et ui

*No tamen  
in iudicio  
afractu  
habet*

*Benefici*



ro forti, clarôq; dignior: quanquam enim in utroque  
 inest gratificandi liberalis uoluntas; tamen altera ex  
 arca, altera ex uirtute depromitur; largitioq;, quæ fit  
 ex re familiari, fontem ipsum benignitatis exhaurit:  
 ita benignitate benignitas tollitur: qua quo in plures  
 usus sis, eo minus in multos uti possis. at, qui opera, id est  
 uirtute, & industria benefici, & liberales erunt, primû,  
 quo pluribus profuerint, eo plures ad benigne faciendû  
 adiutores habebunt: deinde consuetudine beneficentiæ  
 paratiores erunt, & tanquam exercitatiores ad bene de  
 multis promerendû. præclare in epistola quadam Ale-  
 xandrum filium Philippus accusat, quòd largitione be-  
 neuolentiam Macedonum consecetur. quid te (malum)  
 inquit, rationis in istam spem induxit, ut eos tibi fideles  
 putares fore, quos pecunia corrupisses? an tu id agis, ut  
 Macedones non te Regem suum, sed ministrum & præ-  
 bitorê putent? quo quid sordidius Regi? melius etiam,  
 quòd largitionem corruptelam dixit esse: fit enim dete-  
 rior qui accipit, atque ad idem semper expectandum  
 paratior. hoc ille filio: sed præceptum putemus omni-  
 bus. quamobrem id quidem non est dubium, quin illa  
 benignitas, quæ constat ex opera, & industria, & hone-  
 stior sit, & latius pateat, & possit prodesse pluribus.  
 non nunquam tamen est largiendum: nec hoc benigni-  
 tatis genus omnino repudiandum est: & sæpe idoneis  
 hominibus indigentibus de re familiari impertiendum,  
 sed diligenter, atque moderate: multi enim patrimonia  
 effuderunt inconsulte largiendo: quid autem est stul-  
 tius, quàm, quod libenter facias, curare, ut id diutius fa-  
 cere non possis? atque etiam sequuntur largitionem ra-



pinæ : cum enim dando egere coeperunt , alienis bonis manus asferre coguntur : ita, cum beneuolentia comparandæ causa benefici esse uelint , non tanta studia assequuntur eorum, quibus dederunt ; quanta odia eorum, quibus ademerunt . quæmobrem nec ita claudenda est res familiaris, ut eam benignitas aperire non possit; nec ita referanda , ut pateat omnibus : modus adhibeatur, isq; referatur ad facultates. omnino meminisse debemus id, quod à nostris hominibus sapissime usurpatum, iamq; in prouerby consuetudinem uenit, largitionem fundum non habere : etenim quis potest esse modus , cum & iidem qui consueuerunt , & illud idem alij desiderent ? omnino duo sunt genera largorum, quorum alteri prodigi, alteri liberales : prodigi, qui epulis, et uiscerationibus, & gladiatorum muneribus, ludorum, uenationumq; apparatu pecunias profundunt in eas res, quarum memoriam aut breuem, aut nullam sint relicturi omnino: liberales autem, qui suis facultatibus aut captos à prædonibus redimunt, aut æs alienum suscipiunt amicorum causa, aut in filiarum collocatione adiuuant, aut opitulantur uel in re quærenda, uel augenda . itaque miror, quid in mentem uenerit Theophrasto in eo libro, quem de diuitijs scripsit : in quo multa præclare, illud absurde : est enim multus in laudanda magnificentia, & apparatione popularium munerum: taliumq; sumptuum facultatem, fructum diuitiarum putat. mihi autem ille fructus liberalitatis, cuius exempla pauca posui , multo & maior uidetur, & certior . quanto Aristoteles grauius, & uerius nos reprehendit, qui has effusiones pecuniarum non admiremur, quæ fiunt ad multitudinē deli-



## C I C E R O N I S

niendam . at ij , qui ab hostibus obsidentur , si emere  
 aquæ sextarium mina cogerentur , hoc primo auditu in  
 credibile nobis uideri , omnesq; mirari ; sed cum attende  
 rimus , ueniam necessitati dare ; in his immanibus iactu  
 ris , infinitisq; sumptibus nihil nos magnopere mirari ;  
 cum præsertim neque necessitati subueniatur , nec digni  
 tas augeatur ; ipsaq; illa delinizio multitudinis ad bre  
 ue tempus , exiguumq; duratura sit , eaq; à leuissimo  
 quoque animo ; in quo tamen ipso unà cum satietate me  
 moria quoque moriatur uoluptatis . bene etiam colligi  
 tur , hæc pueris , & mulierculis , & seruis , & seruorum  
 simillimis liberis esse grata ; graui uero homini , & ea ,  
 quæ sunt , iudicio certo ponderanti , probari posse nullo  
 modo . quanquam intelligo , in nostra ciuitate inuete  
 rasse iam bonis temporibus , ut splendor Aedilitatum  
 ab optimis uiris postuletur . itaque P. Crassus cum co  
 gnomine Diues , tum copiis , functus est Aeditio maxi  
 mo munere . & paulo post L. Crassus cum omnium  
 hominum moderatissimo Q. Mutio magnificentissima  
 Aeditate functus est : deinde C. Claudius App. filius :  
 multi post , Lucullus , Hortensius , Silanus . omnes autem  
 P. Lentulus me Consule uicit superiores . hunc est Scau  
 rus imitatus . magnificentissima uero nostri Pompeij  
 munera secundo Consulatu . in quibus omnibus , quid  
 mihi placeat , uides . uitāda tamen est suspicio auaritiæ :  
 nam Mamercio homini ditissimo prætermissio Aeditā  
 tis , Consulatus repulsam attulit . quare & , si postula  
 tur à populo , bonis uiris si non desiderantibus , attamen  
 approbantibus , faciendum est , modo pro facultatibus ;  
 nos ipsi ut fecimus : et , si quando aliqua res maior , aut



utilior populari largitione acquiritur; ut Orestis nuper prandia in semitis decimæ nomine magno honori fuerunt. ne M. quidem Scio uitio datum est, quod in caritate annonæ asse modium populo dedit: magna enim se, et inueterata inuidia, nec turpi iactura, quando erat Aedilis, nec maxima liberauit. sed honori summo nuper nostro Miloni fuit, quod gladiatoribus emptis Reip. causa, quæ salute nostra continebatur, omnes P. Clodij conatus, furoresq; compressit. causa igitur largitionis est, si aut necesse est, aut utile. in his autem ipsis medio critatis regula optima est. L. quidem Philippus Q. filius, magno uir ingenio, in primisq; clarus, gloriari solebat se sine ullo munere adeptum esse omnia, quæ haberentur amplissima. dicebat idem Cotta, Curio. nobis quoque licet in hoc quodam modo gloriari: nam pro amplitudine honorum, quos cunctis suffragijs adepti sumus nostro quidem anno, quod contigit eorum nemini, quos modo nominavi, sanè exiguus sumptus Aedilitatis fuit. atque etiam illæ impensæ meliores sunt, muri, naualia, portus, aquarum ductus, omniaq; quæ ad usum Reip. pertinent. quanquam, quod præsens tanquam in manu datur, iucundius est: tamen hæc in posterum gratiora, theatra, porticus, noua templa. uerecundius reprehendo propter Pompeium: sed doctissimi non probant; ut et hic ipse Panætius, quem multum in his libris secutus sum, non interpretatus; et Phalereus Demetrius, qui Periclem principem Græciæ uituperabat, quod tantam pecuniâ in præclara illa Propylea coniecit. sed de hoc genere toto in istis libris, quos de Rep. scripsi, diligenter est disputatum. tota igitur ratio talium largitionum gene-



## C I C E R O N I S

re uitiosa est, temporibus necessaria, & tum ipsa & ad facultates accommodanda, & mediocritate moderanda est. In illo autem altero genere largiendi, quod a liberalitate proficiscitur, non uno modo in disparibus causis affecti esse debemus. alia causa est eius, qui calamitate premitur; & eius, qui res meliores quaerit nullis suis rebus aduersis. propensior benignitas esse debebit in calamitosos: nisi forte erunt digni calamitate. in iis tamen, qui se adiuuari uolent, non ut ne affligantur, sed ut ad altiore gradum ascendant, restricti omnino nullo modo esse debemus, sed in diligendis idoneis iudiciu, & diligentiam adhibere: nam praecclare Ennius;  
Benefacta male locata, malefacta arbitror.

quod autem tributum est bono uiro, et grato, in eo cum ex ipso fructus est, tum etiam ex ceteris: temeritate enim remota, gratissima est liberalitas: eoq; eam studiosius plerique laudat, quod summi cuiusque bonitas commune perfugium est omnium. danda igitur opera est, ut hos beneficijs quamplurimis afficiamus, quorum liberis, posterisque prodatur memoria, ut his ingratis esse non liceat: omnes enim immemore beneficij oderunt; eamq; iniuriam in deterrenda liberalitate sibi etiam fieri, cumq; qui faciat, communem hostem tenuiorum putant. atque haec benignitas etiam Reip. utilis est, redimi e seruitute captos, locupletari tenuiores: quod quidem uulgo solitum fieri ab ordine nostro, in oratione Crassi scriptum copiose uidemus. hanc ergo consuetudinem benignitatis largitioni munerum antepono. haec est grauium hominum, atque magnorum, illa quasi assentatorum populi, multitudinis leuitatem uoluptate quasi titillantiu.

conu  
exige  
dando  
confu  
cicade  
paulo  
modo  
re, sed  
ratio  
sum  
cior  
mon  
etiam  
(ut n  
illu  
name  
urbe  
qui  
nos p  
dem  
ciades  
imper  
in uill  
gition  
trum  
re,  
quar  
tiner  
ioru  
semp



conuenit autem tum in dando munificum esse, tum in exigendo non acerbum; in omniq; re contrahenda, uendendo, emendo, conducendo, locando, in uicinitatibus, & confinijs æquum, & facilem, multa multis de iure suo cōcedentem; à litibus uero, quantum liceat, & nescio an paulo plus etiam quàm liceat, abhorrentē: est enim nō modo liberale, paulum nō nunquam de suo iure decedere, sed interdum etiam fructuosum. habenda autem est ratio rei familiaris; quā quidem dilabi sinere flagitiosum est; sed ita, ut illiberalitatis, auaritiæq; absit suspicio: posse enim liberalitate uti, non spoliātem se patrimonio, nimirum est pecuniæ fructus maximus. Recte etiam à Theophrasto est laudata hospitalitas: est enim (ut mihi uidetur) ualde decorum, patere domos hominū illustrium illustribus hospitibus: idq; etiam Reip. est ornamento, homines externos hoc liberalitatis genere in urbe nostra non egere: est etiam uehementer utile ijs, qui honeste posse multa uolunt, per hospites apud externos populos ualere opibus, et gratia Theophrastus quidem scribit Cimonē Athenis etiam in suos curiales Laciadas hospitalem fuisse: ita enim instituisse, & uillicis imperasse, ut omnia præberentur, quicumque Laciades in uillam suam diuertisset. Quæ autem opera, non largitione beneficia dātur; hæc tum in uniuersam Remp. tum in singulos ciues conferuntur: nam in iure cauere, consilio iuuare, atque hoc scientiæ genere prodesse quamplurimis, uehementer & ad opes augendas pertinent, & ad gratiam. itaque cum multa præclara maiorum, tum quamoptime constituti iuris civilis summo semper in honore fuit cognitio, atq; interpretatio: quam



## C I C E R O N I S

quidem ante hanc confusionem temporum in possessione sua principes retinuerunt: nunc, ut honores, ut omnis dignitatis gradus, sic huius scientiae splendor delectus est: idque eo indignius, quod eo tempore hoc contigit, cum is esset, qui omnes superiores, quibus honore par esset, scientia facile uicisset. haec igitur opera grata multis, et ad beneficiis astringendos homines accommodata. Atque huic arti finitima est dicendi grauior facultas, et gratior, et ornatior: quid enim eloquentia laudabilius, et praestabilius, uel admiratione audientium, uel spe indigentium, uel eorum, qui defensi sunt, gratia? huic quoque ergo a maioribus nostris est in tota dignitate principatus datus. disertus igitur hominis, et facile laborantis, quodque in patriis est moribus, multorum causas et non grauate, et gratuito defendentis, beneficia, et patrocinia late patent. admonerat me res, ut hoc quoque loco intermissionem eloquentiae, ne dicam interitum, deplorarem, nisi uererer, ne de me ipso aliquid uiderer queri. sed tamen uidemus, quibus extinctis oratoribus, quam in paucis spes, quam in paucioribus facultas, quam in multis sit audacia. cum autem omnes non possint, ne multi quidem, aut iuris periti esse, aut disertus; licet tamen opera prodesse multis, beneficia petentem, commendantem iudicibus, et magistratibus, uigilantem pro re alterius, eos ipsos, qui aut consulunt, aut defendunt, rogantem: quod qui faciunt, plurimum gratiae consequuntur, latissimeque eorum manat industria. iam illud non sunt admonendi (est enim in promptu) ut animaduertant, cum alios inuare uelint, ne quos offendant: saepe enim aut eos laedunt, quos non debent; aut

eos, qui  
scient  
sus eo  
quod  
certus  
sanda  
etari  
uulgi  
homi  
quis  
repe  
a q  
deci  
arum  
nini  
re gi  
tem  
disse  
et q  
qui si  
gari  
se de  
grum  
pect  
aut  
ille  
fore  
etia  
tum  
ma



eos, quos non expedit: si imprudentes, negligentia est; si  
 scientes, temeritatis. utendum etiā est excusatione aduer-  
 sus eos, quos inuitus offendas, quacunq; possis, quare id,  
 quod feceris, necesse fuerit, nec aliter facere potueris.  
 certisq; operis, & officijs erit, quod uiolatum est, compē-  
 sandum: sed cum in hominibus iuuādis aut mores spe-  
 ctari, aut fortuna soleat, dictū quidē est procline, itaq;  
 uulgo loquuntur, sese in beneficijs collocandis mores  
 hominū, non fortunam sequi: honesta oratio est: sed  
 quis est tandem, qui inopis, & optimi uiri causae non an-  
 teponat in opera danda gratiam fortunati, et potentis?  
 à quo enim expeditior, & celerior remuneratio fore ui-  
 detur, in eum ferē est uoluntas nostra propensior. sed  
 animaduertendū est diligentius, quae natura rerum sit:  
 nimirum enim inops ille, si bonus est uir, etiam si refer-  
 re gratiam nō potest, habere certe potest. commode au-  
 tem, quicūque dixit: pecuniam qui habeat, non reddi-  
 disse; & qui reddiderit, non habere: gratiam autem  
 & qui reddiderit, habere; & qui habeat, retulisse. at  
 qui se locupletes, honoratos, & beatos putant, hi ne obli-  
 gari quidem beneficio uolunt: quin etiam beneficium  
 se dedisse arbitrantur, cum, ipsi quamuis aliquod ma-  
 gnum acceperint, aequae etiam à se aut postulari, aut ex-  
 pectari aliquid suspicantur: patrocínio uero se usos,  
 aut clientes appellari, mortis instar putant. at uero  
 ille tenuis, cum quid factum sit, sese spectatum, non  
 fortunam putans, non modo illi, qui est meritis, sed  
 etiam illis, à quibus expectat (eget enim multis) gra-  
 tum se uideri studet: neque enim uerbis auget suum  
 munus, si quo forte fungitur; sed etiam extenuat.



## CICERONIS

uidendumq; illud idem, quod, si opulentum, fortunatūq;  
 defenderis, in illo uno, aut forte in liberis eius manet gra-  
 tia; sin autem inopem, probum tamen, & modestum,  
 omnes non improbi humiles, quæ magna in populo mul-  
 tudo est, præsidium sibi paratum uident. quamobrem  
 melius apud bonos, quàm apud fortunatos beneficium  
 collocari puto. danda omnino opera est, ut omni ge-  
 neri satisfacere possimus: sed si res in cōtentionem ue-  
 niret, nimirum Themistocles est auctor adhibendus:  
 qui, cum consuleretur, utrum bono uiro pauperi, aut  
 minus probato diuiti filiam collocaret; ego, inquit, ma-  
 lo uirum, qui pecunia egeat; quàm pecuniam, quæ ui-  
 ro. sed corrupti mores, deprauatq; sunt admiratione  
 diuitiarum. quarum magnitudo quid ad unumquen-  
 que nostrum pertinet? illum fortasse adiuuat, qui ha-  
 bet: ne id quidem semper: sed fac iuuare: potentior  
 sanè sit, honestior uero quo modo? quod si etiam bonus  
 erit uir; ne impediunt diuitiæ, quo minus iuuetur; modo  
 ne adiuuent; sitq; omne iudicium, non quàm locuples,  
 sed qualis quisque sit. Extremum autem præceptum  
 in beneficijs operaq; danda est, ne quid contra æquitatē  
 contendas, ne quid per iniuriam: fundamentum enim  
 perpetuæ commendationis, & famæ est iustitia: sine  
 qua nihil potest esse laudabile. Sed quoniā de eo ge-  
 nere beneficiorū dictum est, quæ ad singulos spectant:  
 deinceps de ijs, quæ ad uniuersos, quæq; ad Remp. perti-  
 nent, disputandum est. Eorū autem ipsorū partim eiuſ-  
 modi sunt, ut ad uniuersos cines pertineant; partim, sin-  
 gulos ut attingāt; quæ sunt etiam gratiora. danda est  
 opera omnino, si possit, utrisq;, nec minus ut etiam sin-  
 gulis



gulis consulatur; sed ita, ut ea res aut prosit, aut certe ne obsit Reip. C. Gracchi frumentaria magna largitio fuit; exhauriebat igitur ararium: modica M. Octavij, & Reip. tolerabilis, & plebi necessaria; ergo & civibus, & Reip. salutaris. in primis autem videndum erit ei, qui Remp. administrabit, ut suum quisque teneat, neque de bonis privatorum publice diminutio fiat: perniciose enim Philippus in Tribunatu, cum legem agrariam ferret; quam tamen antiquari facile passus est, & in eo vehementer se moderatum praeiuit: sed cum in agendo multa populariter, tum illud male; non esse in civitate duo millia hominum, qui rem haberent. capitalis omnino oratio est ad æquationem bonorum pertinens: qua peste quæ potest esse maior? hanc enim ob causam maxime, ut sua tenerentur, Resp. civitatesque constitutæ sunt: nam etsi duce natura congregabantur homines, tamē, spe custodiæ rerum suarum, urbium præsidia quærebant. danda etiam opera est, ne, quod apud maiores nostros sæpe fiebat, propter ararii tenuitatem, assiduitatemque bellorum tributum sit conferendum. idque ne eveniat, multo ante erit providendum. sin qua necessitas huius muneris alicui Reip. obuenerit (malo enim alteri, quàm nostræ, ominari: neque tamen de nostra, sed de omni Rep. disputo) danda erit opera, ut omnes intelligant, si salvi esse uelint, necessitati esse parendum. atque etiam omnes, qui Remp. gubernabunt, consulere debent, ut earum rerum copia sit, quæ sunt necessariae. quarum qualis comparatio fieri soleat, & debeat, nõ est necesse disputare: est enim in promptu. tamen locus attingendus fuit. caput autem est in omni procuracione

G



## C I C E R O N I S

negotij, & muneris publici, ut auaritia pellatur etiam minima suspitio. utinam, inquit C. Pontius Samnis, ad illa tempora fortuna me seruasset, et tunc essem natus, quando Romani dona accipere coepissent: non essem passus diutius eos imperare. nam illi quidem multa secula expectanda fuerunt: modo enim hoc malum in hanc Remp. inuasit: itaq; facile patior tunc potius Pontium fuisse, si quidem in illo tantum fuit roboris. non dum centum, & decem anni sunt, cum de pecunijs repetundis à L. Pisone lata est lex, nulla antea cum fuisset. at uero postea tot leges, & proximæ quæque duriores; tot rei, tot damnati; tantum Italicum bellum propter iudiciorum metum excitatum; tanta sublatis legibus, & iudicijs expilatio, direptioq; sociorum; ut imbecillitate aliorum, non nostra uirtute ualeamus. laudat Africanum Panætius, quod fuerit abstinentis. quidni laudetur? sed in illo alia maiora: laus enim abstinentiæ non hominis est solum, sed etiam temporum illorum. omni Macedonum gaza, quæ fuit maxima, positus est Paulus: tantum in ærarium pecuniæ inuexit, ut unius imperatoris præda finem attulerit tributorum: at hic nihil in domum suam intulit præter memoriam nominis sempiternam. imitatus patrem Africanus nihilo locupletior Carthagine euersa. quid, qui eius collega in Censura fuit, L. Mummius? nunquid copiosior, cum copiosissimam urbem funditus sustulisset, Italiam ornare, quam domum suam maluit: quanquam, Italia ornata, domus ipsa uidetur mihi ornatio. Nullum igitur uitium est tetrius (ut eò, unde egressa est, referat se oratio) quam auaritia, præsertim in principibus, & Remp. gubernantibus:



habere enim quæsiui Remp. non modo turpe est, sed sceleratum etiam, & nefarium. itaque, quod Apollo Pythius oraculo edidit Spartam nulla re alia, nisi auaritia esse perituram, is uidetur non solum Lacedæmonijs, sed & omnibus opulentis populis prædixisse. nulla autem re conciliare facilius beneuolentiam multitudinis possunt ij, qui Reip. præsent, quàm abstinentia, & continentia. qui uero esse populares uolunt, ob eamq; causam aut agrariam rem tentant, ut possessores suis sedibus pellantur; aut pecunias creditas debitoribus condonandas putant; labefaciunt fundamenta Reip. concordiam primum tollunt, quæ esse non potest, cum alijs adimuntur, alijs condonantur pecuniæ; deinde æquitatem, quæ tollitur omnis, si habere suum cuique non licet: id enim est proprium, ut supra dixi, ciuitatis, atque urbis, ut sit libera, & non sollicita sua rei cuiusq; custodia. atq; in hac perniciæ Reip. ne illam quidem consequuntur, quam putant, gratiam: nam, cui res crepta est, inimicus; cui data est, etiam dissimulat se accipere uoluisse; & maxime in pecunijs creditis occultat suum gaudium, ne uideatur non fuisse soluendo. at uero ille, qui accipit iniuriam, & meminit, & præ se fert dolorem suum. nec, si plures sunt ij, quibus improbe datum est, quàm illi, quibus iniuste ademptum est, iccirco plus etiam ualent: non enim numero hæc iudicantur, sed pondere. quam autem habet æquitatem, ut agrum multis annis, aut etiam seculis ante possessum, qui nullum habuit, habeat; qui autem habuit, amittat? at propter hoc iniuria genus Lacedæmonij Lysendrum Ephorum expulerunt, Agin Regem, quod nunquam antea apud eos acciderat,

G ij



## C I C E R O N I S

necauerunt . ex quo eo tempore tantæ discordiæ secutæ sunt, ut tyranni existerent, & optimates exterminarentur, & præclarissime constituta Resp. dilaberetur . nec uero solum ipsa cecidit , sed etiam reliquam Græciam euertit contagionibus malorum , quæ à Lacedæmonijs profectæ manarunt latius . quid nostros Gracchos, Ti. Gracchi summi uiri filios, Africani nepotes ? non ne agrariæ contentiones perdiderunt ? at uero Aratus Sicyonius iure laudatur, qui, cum eius ciuitas quinquaginta annos à tyrannis teneretur , profectus Argis Sicyonem, clandestino introitu urbe est potitus ; cumq; tyrannum Nicoclem improuiso oppressisset, sexcentos exules, qui fuerant eius ciuitatis locupletissimi, restituit, Remq; pub. aduentu suo liberauit . sed, cum magnam animaduerneret in bonis, & possessionibus difficultatem , quòd & eos, quos & ipse restituerat, quorum bona alij possederant, egere iniquissimum arbitrabatur ; & quinquaginta annorum possessiones mouere , non nimis æquum putabat ; propterea quòd tam longo spatio multa hæreditatibus, multa emptionibus, multa dotibus detinebantur : sine iniuria, iudicauit, neq; illis adimi, neq; his non satisfieri, quorum illa fuerant, oportere . cum igitur statuisset opus esse ad eam rem constituendam pecunia , Alexandriam se proficisci uelle dixit , remq; integram ad reditum suum iussit esse : isq; celeriter ad Ptolemæum suum hospitem uenit, qui tum regnabat alter post Alexandriam conditam : qui cum exposuisset , patriam se liberare uelle, causamq; docuisset , à Rege opulento uir summus facile impetrauit, ut grandi pecunia adiuuaretur : quam cum in Sicyonem attulisset, adhibuit sibi in



consilium quindecim principes, cum quibus causas cognouit & eorum, qui aliena detinebant; & eorum, qui sua amiserant; præfecitq; æstimandis possessionibus, & ut persuaderent alijs, ut pecuniam accipere mallent, & possessionibus cederent; alijs, ut commodius putarent numerari sibi quod tanti esset, quàm suum recuperare. ita perfectum est, ut omnes constituta cōcordia sine querela discederent. ò uirum magnum, dignumq; , qui in nostra Rep. natus esset. sic par est agere cum ciuibus, non, ut bis iam uidimus, hastam in foro ponere, & bona ciuium uoci subicere præconis. at ille Græcus, id quod fuit sapientis, & præstantis uiri, omnibus consulendum putauit. eaq; est summa ratio, & sapientia summi ciuis, commoda ciuium defendere, non diuellere, atq; omnes æquitate eadem continere. habitent gratis in alieno. quid ita? ut, cum ego emerim, ædificauerim, tuear, impendam, tu me inuito fruarere meo? quid est aliud, nisi alijs sua eripere, alijs dare aliena? tabulæ uero nouæ quid habent argumenti, nisi ut emas mea pecunia fundum, & eum tu habeas, ego non habeam pecuniam? quamobrem, ne sit æs alienum, quod Reip. noceat. prouidendum est: quod multis rationibus cauere potest, si hoc non fuerit, ut locupletes suum perdant, debitores lucrentur alienum: nec enim ulla res uehementius Remp. continet, quàm fides; quæ esse nulla potest, nisi erit necessaria solutio rerum creditarum: nunquam enim uehementius actum est, quàm me Consule, ne solueretur: armis, et castris tentata res est ab omni genere hominum, & ordine. quibus sic restiti, ut hoc tantum malum de Rep. tolleretur. nunquam nec maius æs alienum fuit;



## C I C E R O N I S

nec melius, nec facilius dissolutum est : fraudandi enim spe sub ara solvendi necessitas consecuta est. at uero hic noster uictor, nunc quidem uictus, quæ cogitarat, ea perfecit, cum eius iam nihil interesset. tanta in eo peccandi libido fuit, ut hoc ipsum cum delectaret, peccare, etiam si causa non esset. ab hoc igitur genere largitionis, ut alijs detur, alijs auferatur, uberunt ijs, qui Remp. tuebuntur ; in primisq; operam dabunt, ut iuris, et iudiciorum aequitate suum quisq; teneat ; Et neq; tenuiores propter imbecillitatem circumueniantur, neque locupletibus ad sua uel tenenda, uel recuperanda obsit inuidia : præterea quibuscunque rebus uel belli, uel domi poterunt, Remp. augeant imperio, agris, uetigalibus. hæc magnorum hominum sunt : hæc apud maiores nostros factitata : hæc genera officiorum qui persequuntur, cum summa utilitate Reipub. magnam ipsi adipiscuntur Et gratiam, Et gloriam. In his autem utilitatum præceptis Antipater Tyrius, Stoicus, qui Athenis nuper est mortuus, duo præcepta censet esse a Panætio prætermissa, ualitudinis curationem, Et pecuniæ. quas res à summo philosopho præteritas arbitror, quòd essent faciles : sunt certe utiles. Sed ualitudo sustentatur notitia sui corporis, et obseruatione earum rerum, quæ res aut prodesse soleant, aut obesse ; Et continentia in uictu omni atq; cultu, corporis tuendi causa, Et prætermittendis uoluptatibus ; postremo arte eorum, quorum ad scientiam hæc pertinent. Res autem familiaris quæri debet ijs rebus, à quibus abest turpitudine ; conseruari autem diligentia, Et parsimonia ; ijsdem etiam rebus augeri. has res commodissime Xenophon Socraticus persecutus est



in eo libro, qui Oeconomicus inscribitur. quem nos, ista  
ferè atate cum essemus, quæ es tu nunc, è Græco in lati-  
num conuertimus. Sed utilitatum comparatio (quo-  
niam hic locus erat quartus à Panatio prætermisus) sæ-  
pe est necessaria: nam & corporis commoda cum ex-  
ternis, & externa cum corporis, & ipsa inter se corpo-  
ris, & externa cum externis comparari solent. cum ex-  
ternis, corporis hoc modo comparantur; ualere ut ma-  
lis, quàm diues esse: cum corporis externa, hoc modo;  
diues esse potius, quàm maximis corporis uiribus: ipsa  
inter se corporis comparantur sic; bona ualetudo uolu-  
ptati anteponatur, uires celeritati: externorum autem,  
ut gloria diuitis, uestigia urbana rusticis. ex quo ge-  
nere comparationis illud est Catonis senis: à quo cum  
quereretur, quid maxime in re familiari expediret, re-  
spondit, bene pascere; quid secundum, satis bene pasce-  
re; quid tertium, bene uestire; quid quartum, arare:  
et, cum ille, qui quaesierat, dixisset; quid fœnerari? tum  
Cato, quid hominem, inquit, occidere? ex quo, & multis  
alijs intelligi debet, utilitatum comparationes solere fie-  
ri, reſtèq; hoc adiunctum esse quartum, exquirendo-  
rum officiorum genus. sed toto hoc de genere, de quæ-  
renda, de collocanda pecunia, etiam de utenda, commo-  
dius à quibusdam optimis uiris ad medium Ianum se-  
dentibus, quàm ab ullis philosophis ulla in schola, dispu-  
tatur. sunt tamen ea cognoscenda: pertinent enim ad  
utilitatem, de qua hoc libro disputandum est. reliqua  
deinceps persequemur.



MARCI TVLLII CICERONIS  
OFFICIORVM AD MAR-  
CVM FILIVM LIBER III.

P.

Scipionem Marce fili, eum, qui pri-  
mus Africanus appellatus est, dicere  
solitum scripsit Cato, qui fuit ferè eius  
æqualis, nunquam se minus ociosum  
esse, quàm cum ociosus; nec minus so-  
lum, quàm cum solus esset. magnifica uero uox, &  
magno uiro, & sapiente digna; quæ declarat illum &  
in ocio de negocijs cogitare, et in solitudine secum loqui  
solitum; ut neque cessaret unquam, & interdum collo-  
quio alterius non egeret. itaque duæ res, quæ languo-  
rem afferunt cæteris, illum acuebant, ocium, & soli-  
tudo. uellem & nobis hoc idem uere dicere liceret: sed  
si minus imitatione tantam ingenij præstantiam conse-  
qui possumus, uoluntate certe proxime accedimus: nam  
& à Reip. forensibusq; negocijs armis impijs, uiq; pro-  
hibiti ocium persequimur; & ob eam causam urbe re-  
lieta, rura peragrantes, sæpe soli sumus. sed nec oci-  
um hoc cum Africani ocio, nec solitudo cum illa com-  
paranda est: ille enim requiescens à Reip. pulcherrimis  
muneribus, ocium sibi sumebat aliquando, & à cœtu  
hominum, frequentiaq; interdum tanquam in portum  
se in solitudinem recipiebat: nostrum autem ocium ne-  
gocij inopia, nec requiescendi studio constitutum est: ex-  
tincto enim senatu, deletisq; iudicijs, quid est, quod di-  
gnum nobis aut in curia, aut in foro agere possimus?  
itaq; in maxima celebritate, atq; in oculis ciuium quon-





dam uiximus, nūc fugientes conspectum sceleratorum,  
 quibus omnia redundant, abdimus nos, quantum licet,  
 & saepe soli sumus. sed quia sic ab hominibus doctis ac  
 cepimus, non solum ex malis eligere minima oportere,  
 sed etiam excerpere ex his ipsis, si quid inesset boni; pro  
 pterea & ocio fruor, non illo quidem, quo debeat is, qui  
 quondam peperisset ocium ciuitati; nec eam solitudinē  
 languere patior, quam mihi affert necessitas, non uolun  
 tas. quanquam Africanus maiorem laudem uel meo iu  
 dicio assequebatur: nulla tamen eius ingenij monimen  
 ta mandata literis, nullum opus ocij, nullum solitudinis  
 munus extat. ex quo intelligi debet, illum mentis agita  
 tione, inuestigationeq; earum rerum, quas cogitando cō  
 sequebatur, nec ociosum, nec solum unquam fuisse. nos  
 autem, qui non tantum roboris habemus, ut cogitatione  
 tacita à solitudine abstrahamur, ad hanc scribendi ope  
 ram omne studium, curamq; conuertimus. itaq; plura  
 breui tempore euerfa, quàm multis annis stante Rep.  
 scripsimus. sed cum tota philosophia mi Cicero frugi  
 fera, & fructuosa, nec ulla pars eius inculta, ac deserta  
 sit; tamen nullus feracior in ea locus est, nec uberior,  
 quàm de officijs; à quibus constanter, honesteq; uiuen  
 di praecepta ducuntur. quare, quanquam à Cratippo  
 nostro, principe huius memoriae philosophorum, hoc te  
 assidue audire, atq; accipere confido: tamen conducere  
 arbitror, talibus aures tuas uocibus undiq; circunsona  
 re, nec eas, si fieri possit, quidquam aliud audire. quod  
 cum omnibus est faciendum, qui uitam honestam ingre  
 di cogitant: tamen haud scio, an nemini potius, quàm  
 tibi: sustines enim non paruam expectationem imitan



da industria nostræ, magnam honorum, nō nullam for-  
 tasse nominis. suscepisti onus præterea graue & Athe-  
 narum, & Cratippi: ad quos cum tanquam ad merca-  
 turam bonarum artium sis profectus, inanem redire tur-  
 pissimum est, dedecorantem & urbis auctoritatem, &  
 magistri. quare, quantum coniti animo potes, quantum  
 labore contendere; (si discendi labor est potius, quàm  
 uoluptas) tantum fac ut efficias; ne ue committas, ut,  
 cum omnia suppeditata sint à nobis, tute tibi defuisse  
 uideare. sed hæc hætenus: multa enim sæpe ad te co-  
 hortandi gratia scripsimus. nunc ad reliquam partem  
 propositæ diuisionis reuertamur. Panætius igitur, qui  
 sine controuersia de officijs accuratissime disputauit,  
 quemq; nos correptione quadam adhibita potissimum  
 secuti sumus; tribus generibus propositis, in quibus deli-  
 berare homines, & consultare de officio solerent; uno,  
 cum dubitarent, honestum ne id esset, de quo ageretur,  
 an turpe; altero, utile ne esset, an inutile; tertio, si id,  
 quod specimen haberet honesti, pugnaret cum eo, quod  
 utile uideretur, quo modo ea discerni oporteret: de duo-  
 bus generibus primis tribus libris explicauit: de tertio  
 autem genere deinceps se scripsit dicturum; nec exol-  
 uit, quod promiserat. quod eo magis miror, quia scri-  
 ptum à discipulo eius Posidonio est, triginta annos uixit  
 se Panætium post quàm illos libros edidisset. quem lo-  
 cum miror à Posidonio breuiter esse tractatum in qui-  
 busdam commentarijs, præsertim cum scribat nullum  
 esse locum in tota philosophia tam necessarium. mini-  
 me uero assentior ijs, qui negant eum locum à Panætio  
 prætermisum, sed consulto relictum, nec omnino scri-

bene  
 siat  
 nem  
 ne Pa  
 dubi  
 deret  
 es ad  
 in ex  
 ceps  
 ritis  
 Rati  
 mo p  
 Ap  
 chris  
 ea, qu  
 par  
 se  
 p  
 rend  
 bit  
 So  
 bon  
 ne  
 ti  
 po  
 So  
 co  
 So  
 esse  
 qu



bendum fuisse, quia nunquam posset utilitas cum honestate pugnare. de quo alterum potest habere dubitationem, adhibendum ne fuerit hoc genus, quod in diuisione Panætij tertium est, an plane omittendum: alterum dubitari non potest, quin à Panatio susceptum sit, sed derelictum: nam, qui è diuisione tripartita duas partes absoluerit, huic necesse est restare tertiam. præterea in extremo libro tertio de hac parte pollicetur se deinceps esse dicturum. accedit eodem testis locuples Posidonius; qui etiam scribit in quadam epistola, P. Rutilium Rufum dicere solere, qui Panatium audierat; ut nemmo pictor esset inuentus, qui Veneris eam partem, quæ Apelles inchoatam reliquisset, absolueret, (oris enim pulchritudo reliqui corporis imitandi spem aufererebat) sic ea, quæ Panatius prætermisisset, et non perfecisset, propter eorum, quæ fecisset, præstantiam neminem esse persecutum. quamobrem de iudicio Panætij dubitari non potest. recte ne autem hanc tertiam partem ad exquirendum officium adiunxerit, an secus, de eo fortasse dubitari potest. nam siue honestum solum bonum est, ut Stoicis placet; siue, quod honestum est, id ita summum bonum est, quemadmodum Peripateticis nostris uidetur, ut omnia ex altera parte collocata, uix minimi momenti instar habeant: dubitandum non est, quin nunquam possit utilitas cum honestate contendere. itaq; accepimus, Socratem solitum execrari eos, qui primum hac natura coherentia opinione disraxisissent. cui quidem ita sunt Stoici assensi, ut etiam, quidquid honestum esset, id utile esse censerent; nec utile quidquam, quod non honestum. quod si is esset Panatius, qui uirtutem propterea colen-



## C I C E R O N I S

dam diceret, quòd ea efficiens utilitatis esset ; ut ij, qui res expetendas uel uoluptate, uel indolentia metiuntur: liceret ei dicere, honestatem aliquando cum utilitate pugnare. sed, cum sit is, qui id solum bonum indicet, quod honestum sit ; quæ autem huic repugnent specie quadam utilitatis, eorum neq; accessione meliorem uitam fieri, nec discessione peiorem : non uidetur huiusmodi debuisse deliberationem introducere ; in qua, quod utile uideatur, cum eo, quod honestum est, comparetur . etenim, quod summum bonum à Stoicis dicitur, cōuenienter naturæ uiuere, id habet hanc, ut opinor, sententiam, cum uirtute congruere semper ; cetera autem, quæ secundū naturam essent, ita legere , si ea uirtuti non repugnarent . quod cum ita sit, putant quidam hanc comparisonem recte nō esse introductam, nec omnino de eo genere quidquam præcipiendum fuisse . atq; illud quidē honestum, quod proprie, uereq; dicitur, id in sapientibus est solis, neq; à uirtute diuelli unquam potest : in ijs autem, in quibus sapientia perfectā nō est, ipsum illud quidem perfectum honestum nullo modo esse potest, similitudines honesti esse possunt . hæc igitur omnia officia, de quibus his libris disputamus, media Stoici appellant; & ea cōmunia sunt, & late patent : quæ et ingenij bonitate multi assequuntur, & progressionē discendi . illud autem, quod rectū idem appellant, perfectum, atq; absolutum est, & ut iidem dicunt, omnes numeros habet, nec, præter sapientem, cadere in quenquam potest . cum autem aliquid actum est, in quo media officia cōparantur, id cumulate uidetur esse perfectum ; propterea quòd uulgus, quid absit à perfecto, ferè non ex toto

intel  
miss  
euen  
laude  
sam, q  
ros, q  
indica  
à sent  
riman  
sapient  
nere  
doles  
scipio  
us, aut  
nis, aut  
plum  
tellig  
nomi  
illi qu  
tia sm  
tum  
cum  
niter  
nes se  
est co  
intel  
bis, q  
sapient  
tuen  
serua



intelligit; quatenus autem intelligit, nihil putat prætermissum. quod autem in poematibus, & in picturis usu euenit, in alijsq; compluribus, ut delectentur imperiti, laudentq; ea, quæ laudanda nō sint; ob eam credo causam, quod insit in his aliquid probi, quod capiat ignaros, qui quidem, quid in unaquaq; re uiri sit, nequeant iudicare: itaq; cum sint docti à peritis, desistunt facile à sententia. hæc igitur officia, de quibus his libris disserimus, quasi secunda quædam honesta dicunt esse, non sapientum modo propria, sed cum omni hominum genere cōmunia: itaq; ij omnes, in quibus est uirtutis indoles, cōmouentur. nec uero, cum duo Decij, aut duo Scipiones fortes uiri commemorantur, aut cum Fabritius, aut Aristides iustus nominatur, aut ab illis fortitudinis, aut ab his iustitiæ, tanquam à sapiente, petitur exemplum: nemo enim horum sic sapiens, ut sapientem intelligi hic uolumus: nec ij, qui sapientes habiti sunt, & nominati, M. Cato, & C. Lælius, sapientes fuerunt; nec illi quidem septem; sed ex mediiorum officiorum frequentia similitudinem quandam gerebant, speciemq; sapientum. quocirca nec id, quod uere honestum est, fas est cum uilis repugnantia comparari: nec id, quod cōmuniter appellamus honestum, quodq; colitur ab ijs, qui bonos se uiros haberi uolunt, cum emolumentis unquam est comparandum: tamq; id honestum, quod in nostrā intelligentiam cadit, tuendum, conseruandumq; est nobis, quā id, quod proprie dicitur, uereq; est honestum, sapientibus: aliter enim teneri non potest, si qua ad uirtutem est facta progressio. sed hæc quidem de ijs, qui cōseruatione officiorum existimantur boni. Qui autem



## C I C E R O N I S

omnia metiuntur emolumentis, & commodis, neque ea uolunt præponderari honestate, hi solent in deliberando, honestum cum eo, quod utile putant, comparare; boni uiri non solent. itaq; existimo Panætium, cum dixerit homines solere in hac cōparatione dubitare; hoc ipsum sensisse, quod dixerit, solere modo, non etiam oportere: etenim non modo pluris putare, quod utile uideatur, quàm quod honestum, sed hæc etiam inter se comparare, & in his dubitare, turpissimum est. quid est ergo, quod non nunquam addubitationem afferre soleat, considerandumq; uideatur? credo, si quando dubitatio accidit, quale sit id, de quo consideretur: sæpe enim tempore fit, ut, quod plerunq; turpe haberi soleat, inueniatur non esse turpe. exempli causa ponatur aliquid, quod pateat latius. Quod potest esse maius scelus, quàm nō modo hominem, sed etiam familiarem occidere? num igitur se obstrinxit scelere, si quis tyrannum occidit quāuis familiarem? populo quidem Romano non uidetur: qui ex omnibus præclaris factis illud pulcherrimū existimat. uicit igitur utilitas honestatem: immo uero honestas utilitatem secuta est. itaq; ut sine ullo errore diiudicare possimus, si quando cum illo, quod honestum intelligitur, pugnare id uidebitur, quod appellamus utile; formula quædam constituenda est: quam si sequemur in cōparatione rerum, ab officio nunquam recedemus. erit autem hæc formula Stoicorum rationi disciplinæq; maxime consentanea. quam quidem in his libris propterea sequimur, quod, quanquam à ueteribus Academicis, & Peripateticis nostris, qui quondam iidem erant, qui Academici, quæ honesta sunt, anteponuntur



ijs, quæ uidetur utilia, tamen splendidius hæc ab eis dis-  
seruntur, quibus, quidquid, honestum est, idem utile ui-  
detur, nec utile quidquam, quod non honestum, quàm  
ab ijs, quibus est honestum aliquod non utile, aut utile  
non honestum. nobis autem nostra Academia magnam  
licentiam dat, ut, quodcunq; maxime probabile occur-  
rat, id nostro iure liceat defendere. sed redeo ad for-  
mulam. Detrahere igitur aliquid alteri, & hominem  
hominis incommodo suum augere cōmodum, magis est  
cōtra naturam, quàm mors, quàm paupertas, quàm do-  
lor, quàm cætera, quæ possunt aut corpori accidere, aut  
rebus externis: nam principio tollit conuietum huma-  
num, & societate: si enim sic erimus affecti, ut propter  
suum quisq; emolumentum spoliaret, aut uiolet alterum,  
disrumpi necesse est eam, quæ maxime est secundum na-  
turam, humani generis societatem. ut, si unumquodque  
membrum sensum hunc haberet, ut posse putaret se ua-  
lere, si proximi membri ualitudinem ad se traduxisset,  
debilitari, & interire totum corpus necesse esset: sic, si  
unusquisque nostrum rapiat ad se cōmoda aliorum, de-  
trahatq; quod cuique possit, emolumentum sui gratia, socie-  
tas hominum, & communitas euertatur necesse est.  
nam, sibi ut quisq; malit, quod ad usum uitæ pertineat,  
quàm alteri acquirere, concessum est nō repugnante na-  
tura. illud quidem natura non patitur, ut aliorum spo-  
lijs nostras facultates, copias, opes augeamus. neque ue-  
ro hoc solum natura, idest iure gentium, sed et legibus  
populorum, quibus in singulis ciuitatibus Resp. continē-  
tur, eodem modo constitutum est, ut non liceret sui cō-  
modi causa nocere alteri: hoc enim spectant leges, hoc



## C I C E R O N I S

uolunt, incolumem esse ciuium coniunctione: quam qui dirimunt, eos morte, exilio, uinculis, damno coercet. atque hoc multo magis exigit ipsa naturæ ratio, quæ est lex diuina, & humana: cui parere qui uelit (omnes autem parebunt, qui secundum naturam uolunt uiuere) nunquam committet, ut alienum appetat, & id, quod alteri detraxerit, sibi assumat. etenim multo magis est secundum naturam celsitas, & animi magnitudo, itemque cõmunitas, iustitia, liberalitas, quàm uoluptas, quàm uita, quàm diuitiæ. quæ quidem cõtemnere, & pro nihilo ducere, comparantem cum utilitate cõmuni, magni animi, & excelsi est. detrahere autem alteri sui commodi causa, magis est contra naturam, quàm mors, quàm dolor, quàm cetera generis eiusdem: itemque magis est secundum naturam, pro omnibus gētibus, si fieri possit, conseruandis, aut iuuandis maximos labores, molestiasque suscipere, imitantes Herculem illum, quem hominum fama beneficiorum memor in concilio cœlestium collocauit, quàm uiuere in solitudine non modo sine ullis molestis, sed etiam in maximis uoluptatibus, abundantem omnibus copiis, ut excellas etiam pulchritudine, & uiribus. quocirca optimo quisque, splendidissimoque ingenio longe illam uitam huic anteponit. ex quo efficitur, hominem naturæ obedientem, homini nocere non posse. deinde, qui alterum uiolat, ut ipse aliquid commodi consequatur; aut nihil se existimat contra naturam facere; aut magis fugiendam censet mortem, paupertatem, dolorem, amissionem etiam liberorum, propinquorum, amicorum, quàm facere cuiquam iniuriam. si nihil existimat contra naturam fieri hominibus uiolandis: quid cum eo differas,



seras, qui omnino hominem ex homine tollat? sin fugiendum id quidē censet, sed multo illa peiora, mortem, paupertatem, dolorem: errat in eo, quod ullum aut corporis, aut fortunæ uitium, animi uitius grauius existimat. ergo unum debet esse omnibus propositum, ut eadem sit utilitas inuiscuiusque, & uniuersorum; quam si ad se quisq; rapiat, dissoluetur omnis humana cōsociatio. atq; si etiā hoc natura præscribit, ut homo homini, quicumq; sit, ob eam ipsam causam tamen, q̄ is homo sit, consultū uelit, necesse est secūdum eandem naturam omnium utilitatem esse cōmunem. quod si ita est, una contineamur omnes, & eadem lege naturæ. idq; ipsum si ita est, certe uiolare alterum lege naturæ prohibemur. uerum autem primum: uerum igitur & extremum. nam illud quidem absurdum est, quod quidam dicunt, parenti se, aut fratri nihil detracturos cōmodi sui causa, aliam rationem esse ciuium reliquorū. hi sibi nihil iuris, & nullam societatem communis utilitatis causa statuunt esse cum ciuibus: quæ sententia omnem societatem distrahit ciuitatis. qui autem ciuium rationem dicunt esse habendam, externorum negant; hi dirimunt communem humani generis societatem: qua sublata, beneficentia, liberalitas, bonitas, iustitia funditus tollitur: quæ qui tollunt, etiam aduersus deos immortales impij iudicandi sunt: ab ijs enim constitutam inter homines societatem euertūt: cuius societatis arctissimum uinculum est, magis arbitrari esse contra naturam, hominem homini detrahere sui cōmodi causa, quā omnia incommoda subire uel externa, uel corporis, uel etiā ipsius animi, quæ uacent iustitia: hæc enim uirtus omnium est domina,

H



## C I C E R O N I S

& regina uirtutum . Forsitan quispiam dixerit : non  
 ne igitur sapiens, si fame ipse conficiatur, abstulerit ci-  
 bum alteri homini ad nullam rem utili ? minime uero :  
 non enim mihi est uita mea utilior, quàm animi talis af-  
 fectio, neminem ut uiolem cōmodi mei gratia . Quid ?  
 si Phalarim crudelem tyrannum, & immanem uir bo-  
 nus, ne ipse frigore conficiatur, uestitu spoliare possit,  
 non ne faciat ? Hæc ad iudicandum sunt facillima : nā,  
 si quid ab homine ad nullam partem utili utilitatis tuæ  
 causa detraxeris, inhumane feceris, contrāq; naturæ le-  
 gem : sin autem is tu sis, qui multam utilitatem Reip.  
 atq; hominum societati, si in uita remaneas, afferre pos-  
 sis ; si quid ob eam causam alteri detraxeris, non sit re-  
 prehendum : sin autem id non sit eiusmodi, suum  
 cuiq; incommodum ferendum est potius, quàm de alte-  
 rius commodis subtrahendum . non igitur magis est cō-  
 tra naturam morbus, aut egestas, aut quid eiusmodi,  
 quàm detractio, atq; appetitio alieni . sed communis uti-  
 litatis derelictio contra naturam est : est enim iniusta :  
 itaq; lex ipsa naturæ, quæ utilitatem hominum conser-  
 uat, & continet, decernit profecto, ut ab homine inerti,  
 atq; inuili ad sapientem, bonum, fortemq; uirum trās-  
 ferantur res ad uiuendum necessariae ; qui si occiderit,  
 multum de cōmuni utilitate detraxerit : modo hoc ita  
 faciat, ut ne ipse de se bene existimans, seseq; diligens,  
 hanc causam habeat ad iniuriam . itaq; semper officio  
 fungatur, utilitati consulens hominum, & ei, quam sæ-  
 pe cōmemoro, humane societati . Nam, quod ad Phala-  
 rim attinet, perfacile iudicium est : nulla est enim socie-  
 tas nobis cum tyrannis, sed potius summa distractio :

neq; e-  
 nestur  
 que im-  
 est : et  
 sa sang-  
 nocent  
 minus f-  
 human-  
 stiones  
 quiri-  
 turam  
 eius pri-  
 riorib-  
 ei possi-  
 se id q-  
 pe non  
 ab sola  
 solent  
 conce-  
 a et p-  
 prater  
 sin ho-  
 bis qu-  
 dum  
 balil  
 prin-  
 lia et  
 enim  
 ro m  
 non



neq; est contra naturā spoliare eum, si possis, quem honestum est necare. atq; hoc omne genus pestiferum, atque impium ex hominum cōmunitate exterminandum est: etenim, ut membra quādam amputantur, si & ipsa sanguine, & tanquam spiritu carere cōeperunt, & nocent reliquis partibus corporis; sic ista in figura hominis feritas, & immanitas belluæ à cōmuni tanquam humanitate corporis segregāda est. huius generis quæstiones sunt omnes eæ, in quibus ex tempore officium exquiritur. eiusmodi igitur credo res Panætium persecuturum fuisse, nisi aliquis casus, aut occupatio consilium eius præuenisset: ad quas ipsas consultationes ex superioribus libris satis multa præcepta sunt, quibus perfici possit, quid sit propter turpitudinē fugiendum; quid sit id, quod idcirco fugiendum non sit, quia omnino turpe non est. Sed quoniam operi inchoato, propè tamen absoluto tanquam fastigium imponimus, ut geometræ solent non omnia docere, sed postulare, ut quādam sibi concedantur, quo facilius, quæ uelint, explicent: sic ego à te postulo mi Cicero, ut mihi concedas, si potes, nihil præter id, quod honestū sit, esse propter se expetendum. sin hoc non licet propter Cratippum: at illud certe dabis, quod honestum sit, id esse maxime propter se expetendum. mihi utrūvis satis est; & cum hoc, tum illud probabilius uidetur, nec præterea quidquam probabile. Ac primum Panætius in hoc loco defendendus est, q̄ nō utilia cum honestis pugnare dixerit aliquando posse, (neq; enim ei fas erat) sed ea, quæ uiderentur utilia. nihil uero utile, quod nō idem honestum; nec honestum, quod non idem utile sit saepe testatur; negatq; ullam pestem



## C I C E R O N I S

maiores in uitam hominum intrasse, quam eorum opinionem, qui ista distraxerint. itaq; non, ut aliquando anteponeremus uilia honestis, sed ea sine errore diiudicarem, si quando incidissent, induxit eam, quæ uideretur esse, non quæ esset, repugnantiam. hanc igitur partem relictam explebimus, nullis adminiculis, sed, ut dicitur, Marte nostro: neque enim quidquam de hac parte post Panætium explicatum est, quod mihi probaretur de us, quæ in manus meas uenerunt. cum igitur aliqua species utilitatis obiecta est, nos commoueri necesse est. sed si, cum animum attenderis, turpitudinem uideas adiunctam ei rei, quæ speciem utilitatis attulerit; tunc utilitas non requirenda est; sed intelligendum, ubi turpitudine sit, ibi utilitatem esse non posse. quod si nihil est tam contra naturam, quam turpitudine, (recta enim, et conuenientia, et constantia natura desiderat, aspernaturq; contraria) nihilq; tam secundum naturam, quam utilitas: certe in eadem re uili turpitudine esse non potest. itemq; si ad honestatem nati sumus, eaque aut sola expetenda est, (ut Zenoni est uisum) aut certe omni pondere grauior est habenda, quam reliqua omnia, quod Aristoteli placet: necesse est, quod honestum sit, id esse aut solum, aut summum bonum; quod autem bonum, id certe utile; itaq; quidquid honestum, id utile. quare error hominum non proborum cum aliquid, quod utile uisum est, arripuit, id continuo secernit ab honesto. hinc sicæ, hinc uenena, hinc falsa testamenta nascuntur, hinc furta, hinc peculatus, expilationes, dirptionesq; sociorum, & ciuium, hinc opum nimiarum potentia non ferenda: postremo etiam in liberis ciuitatibus existunt regnandi cupidita-



tes : quibus nihil nec tetrius , nec fœdus excogitari po-  
 test : emolumenta enim rerum fallacibus iudicijs uident;  
 poenam, non dico legum, quas sæpe perrumpunt, sed ip-  
 sius turpitudinis, quæ acerbissima est, nō uident. quam-  
 obrem hoc quidem deliberantium genus pellatur è me-  
 dio, (est enim totum sceleratum, & impium) qui delibe-  
 rant, utrum id sequantur, quod honestum esse uideant,  
 an se scientes scelere contaminent : in ipsa enim dubita-  
 tione facinus inest, etiam si ad id non peruenerint. ergo  
 ea deliberanda omnino non sunt, in quibus est turpis ip-  
 sa deliberatio . atq; etiam in omni deliberatione, cœlan-  
 di, et occultandi spes, opinioq; remouenda est : satis enim  
 nobis ( si modo in philosophia aliquid profecimus ) per-  
 suasum esse debet, si omnes deos, hominesq; cœlare possi-  
 mus, nihil tamen autare, nihil iniuste, nihil libidino-  
 se, ni-  
 hil incontinententer esse faciendum . hinc ille Gyges indu-  
 citur à Platone : qui, cum terra discessisset magnis qui-  
 busdam imbris, in illum hiatus descendit, æneumq;  
 equum (ut ferunt fabulæ) animaduertit, cuius in lateri-  
 bus fores essent : quibus apertis, hominis moriui uidit  
 corpus magnitudine inusitata, annulumq; aureum in di-  
 gito : quem ut detraxit, ipse induit . erat autem regius  
 pastor . tum in concilium pastorum se recepit . ibi cum  
 palam eius annuli al palmam conuerterat, a nullo uide-  
 batur, ipse autem omnia uidebat : idem rursus uideba-  
 tur, cum in lucem annulum inuerterat. itaq; hac oppor-  
 tunitate annuli usus, Regina stuprum intulit; eaq; adiu-  
 trice Regem dominum interemit, susulitq; quos obstare  
 arbitrabatur : nec in his quisquam eum facinoribus po-  
 tuit uidere . sic repente annuli beneficio Rex ortus est



Lydiæ. hunc igitur ipsum annulum si habeat sapiens, nihil plus sibi licere putet peccare, quàm si non haberet: honesta enim bonis uiris, non occulta quærentur. atq; hoc loco philosophi quidam, minime mali illi quidem, sed non satis acuti, fictam, & cōmentitiā fabulam dicunt prolatam à Platone. quasi uero ille aut factum id esse, aut fieri potuisse defendat. hæc est uis huius annuli, & huius exempli; si nemo sciturus, nemo ne suspicaturus quidem sit, cum aliquid diuitiarum, potentiæ, dominationis, libidinis causa feceris, si id dijs, hominibusq; futurum sit semper ignotum, sis ne factururus. negant id fieri posse. quanquam non potest id quidem: sed quæro, quod negant posse, id si posset, quidnā facerent? urgent rustice sanè: negant enim posse, & in eo perstant: hoc uerbum quid ualeat, non uident: cum enim quærimus, si possint cœlare, quid facturū sint; non quærimus, possint ne cœlare; sed tanquam tormenta quadam adhibemus, ut, si responderint se impunitate proposita facturū ros, quod expediat, facinorosos se esse fateantur; negēt, omnia turpia per se ipsa fugienda esse concedant. sed iam ad propositum reuertamur. incidunt sæpe multæ causæ, quæ conturbant animos utilitatis specie; non, cū hoc deliberetur, relinquenda ne sit honestas propter utilitatis magnitudinem (nam id quidem improbum est) sed illud, possit ne id, quod utile uideatur, fieri non turpiter. cum Collatino Tarquinio collegæ Brutus imperium abrogabat, poterat uideri facere id iniuste: fuerat enim in Regibus expellendis socius Bruti, consiliorum etiam adiutor. cum autem consilium hoc principes cepissent, cognationem Superbi, nomenq; Tarquiniorum, et

memor  
consule  
piacere  
con: su  
in Regi  
latis an  
us, sed  
om: on  
quod util  
mari can  
lem, nec  
ri, uel Ro  
to omitt  
sed sua et  
nondam  
ingit, cu  
posse, ut  
manu d  
petere, q  
ri surrip  
officia in  
possi; t  
est, sed  
ceperunt  
uolupte  
quon  
tra ius  
dier; i  
perfor  
ctia, q



memoriam regni esse tollendam, quod erat utile patriæ  
 consulere; id erat ita honestum, ut etiam ipsi Collatino  
 placere deberet. itaque utilitas ualuit propter honesta-  
 tem: sine qua nec utilitas quidem esse potuisset. at in  
 eo Rege, qui urbem condidit, non ita: species enim uti-  
 litatis animum pepulit eius: cui cum uisum esset, utili-  
 us, solum se quam cum altero regnare, fratrem inter-  
 emit. omisit hic et pietatem, et humanitatem, ut id,  
 quod utile uidebatur, neque erat, assequi posset. et tamen  
 muri causam opposuit specimen honestatis, nec probabi-  
 lem, nec satis idoneam. peccauit igitur, pace uel Quiri-  
 ni, uel Romuli dixerim. nec tamen nostræ nobis utilita-  
 tes omittendæ sunt, alijsque tradendæ, cum his ipsi egeamus:  
 sed suæ cuique utilitati, quod sine alterius iniuria fiat, ser-  
 uiendum est. scite Chrysippus, ut multa; qui stadium,  
 inquit, currit, eniti, et contendere debet, quam maxime  
 possit, ut uincat; supplantare eum, quicum certet, aut  
 manu depellere nullo modo debet. sic in uita sibi quæque  
 petere, quod pertineat ad usum, non iniquum est; alte-  
 ri surripere, ius non est. maxime autem perturbantur  
 officia in amicitijs: quibus et non tribuere, quod recte  
 possis; et tribuere, quod non sit æquum, contra officium  
 est. sed huius generis totius breue, et non difficile præ-  
 ceptum est: quæ enim uidentur utilia, honores, diuitiæ,  
 uoluptates, et cætera generis eiusdem, hæc amicitia nū-  
 quam anteponenda sunt. at neque contra Remp. neque cō-  
 tra iusiurandum, ac fidem, amici sui causa uir bonus fa-  
 ciet; nec si iudex quidē erit de ipso amico: ponit enim  
 personam amici, cum induit iudicis. tantum dabit ami-  
 citiæ, ut ueram amici causam esse malit; ut perorandæ

H iij



litis tempus, quoad per leges liceat, accommodet. cum uero iurato dicenda sententia sit, meminerit deum se adhibere testem, id est (ut ego arbitror) mentem suam, qua nihil homini dedit ipse deus diuinius. itaq; praeclarum à maioribus accepimus morem rogandi iudicis, si eum teneremus: QVAE salua fide facere possit. haec rogatio ad ea pertinet, quae paulo ante dixi honeste amico à iudice posse concedi: nā si omnia facienda sint, quae amici uelint, non amicitiae tales, sed coniurationes putandae sunt. loquor autem de cōmunibus amicitijs: nam in sapientibus uiris atq; perfectis nihil potest esse tale. Damonem, & Pythiam Pythagoreos ferunt hoc animo inter se fuisse, ut, cum eorum alteri Dionysius tyrannus diem necis destinauisset, & is, qui morti addictus esset, paucos sibi dies cōmendātorum suorum causa postulauisset, uas factus sit alter eius sistendi; ut, si ille non reuertisset ad diem, moriendū esset sibi ipsi. qui cum ad diem se recepisset, admiratus eorum fidem tyrānus, petiuit, ut se in amicitiam tertium ascriberent. cum igitur id, quod utile uidetur in amicitia, cū eo, quod honestum est, cōparatur, iaceat utilitatis species, ualeat honestas. cū autem in amicitia, quae honesta non sunt, postulabuntur, religio, & fides anteponantur amicitiae: & sic habebitur is, quē exquirimus, delectus officij. sed utilitatis specie in Rep. saepissime peccatur, ut in Corinthi disturbance nostrī, durius etiam Athenienses, qui sciuerunt, ut Aeginetis, qui classe ualebant, pollices praeciderentur. hoc uisum est utile: nimis enim imminebat propter propinquitatē Aegina Piraeo: sed nihil, quod crudele, utile: est enim hominū naturā, quam sequi debemus, maxime



inimica crudelitas . male etiam, qui peregrinos urbibus  
 uti prohibent, eosq; exterminant, ut Petronius apud pa-  
 tres nostros, Papius nuper . nam esse pro ciue , qui ciuis  
 non sit, rectum est non licere ; quam tulerunt legem sa-  
 pientissimi consules Crassus, & Scaeuola : usu uero ur-  
 bis prohibere peregrinos, sanè inhumanum est . illa præ-  
 clara , in quibus publicæ utilitatis species præ honestate  
 contemnitur . plena exemplorum est nostra Resp. cum  
 sepe aliàs, cum maxime bello Punico secundo ; quæ Can-  
 nensi calamitate accepta maiores animos habuit, quàm  
 unquam rebus secundis . nulla fuit timoris significatio,  
 nulla mentio pacis . tanta uis est honesti, ut speciem uti-  
 litatis obscuraret . Athenienses cum Persarum impetum  
 nullo modo possent sustinere, statuerentq; , ut urbe reli-  
 cta, coniugibus, & liberis Træzene depositis, naues con-  
 scenderent, libertatemq; Graciæ classe defenderent, Cyr-  
 silam quendam suadentem, ut in urbe manerent, Xer-  
 xemq; reciperent, lapidibus obruerunt . atque ille sequi  
 uilitatem uidebatur : sed ea nulla erat repugnante ho-  
 nestate . Themistocles post uictoriam eius belli , quod  
 cum Persis fuit , dixit in concione, se habere consilium  
 Reip. salutare, sed id sciri opus non esse : postulauit, ut  
 aliquem populus daret , quicum communicaret . datus  
 est Aristides . huic ille, classem Lacedæmoniorum , quæ  
 subducta esset ad Gythium, clam incendi posse : quo fa-  
 cto , frangi Lacedæmoniorum opes necesse esset . quod  
 Aristides cum audiuisset, in concionem magna expecta-  
 tione uenit, dixitq; perutile esse consilium, quod Themis-  
 tocles afferret, sed minime honestum . itaq; Athenien-  
 ses, quod honestum non esset , id ne utile quidem puta-



runt, totamq; eam rem, quam ne audiuissent quidem,  
 auctore Aristide repudiauerunt: melius hi, quam nos,  
 qui piratas immunes, socios uectigales habemus. ma-  
 neat ergo, quod turpe sit, id nunquam esse utile, ne tum  
 quidem, cum id, quod esse utile putes, adipiscare: hoc  
 enim ipsum utile putare, quod turpe sit, calamitosum  
 est. sed incidunt (ut supra dixi) saepe causae, cum repu-  
 gnare utilitas honestati uideatur; ut animaduertendū  
 sit, repugnet ne plane, an possit cum honestate coniungi.  
 eius generis haec sunt quaestiones: si, exempli gratia, uir  
 bonus ab Alexandria profectus Rhodum magnum fru-  
 menti numerum aduexerit in Rhodiorum inopia, & fa-  
 me, summamq; annonae caritate, si idem sciat complures  
 mercatores ab Alexandria soluisse, nauesq; in cursu fru-  
 mento onustas petentes Rhodum uiderit, dicturus ne sit  
 id Rhodis, an silentio suum quamplurimo uenditurus.  
 sapientem, & bonum uirum fingimus: de eius delibera-  
 tione, & consultatione querimus, qui coelaturus Rho-  
 dios non sit, si id turpe iudicet; sed dubitet, an turpe nō  
 sit. in huiusmodi causis aliud Diogeni Babylonio uide-  
 ri solet, magno, & graui Stoico; aliud Antipatro disci-  
 pulo eius, homini acutissimo: Antipatro, omnia patefa-  
 cienda, ut ne quid omnino, quod uenditor norit, emptor  
 ignoret; Diogeni, uenditorem, quatenus iure civili con-  
 stitutum sit, dicere uitia oportere, cetera sine insidijs age-  
 re, & quoniam uendat, uelle quamoptime uendere. ad-  
 uexi, exposui; uendo meum non pluris, quam ceteri;  
 fortasse etiam minoris, cum maior est copia: cui fit in-  
 iuria? exoritur Antipatri ratio ex altera parte. quid  
 agis? tute, cum hominibus consulere debeas, & seruire



humanae societati; eaq; lege natus sis, ut ea habeas prin-  
cipia naturæ, quibus parere, et quæ semper sequi debe-  
as, ut utilitas tua communis utilitas sit, iucissim et æque  
communis utilitas tua sit: cœlabis homines, quid ijs ad-  
sit & commoditatis, & copiae? respondebit Diogenes  
fortasse sic: aliud cœlare, aliud est tacere: neque ego  
nunc te cœlo, si tibi non dico, quæ natura deorum sit,  
quis sit finis bonorum: quæ tibi plus prodesse cogni-  
ta, quam tritici uilitas: sed non, quidquid tibi audire  
utile est, id mihi dicere necesse est. immo uero, inquit  
ille, necesse est: si quidem inter homines natura memi-  
nisti coniunctam societatem. memini, inquit ille: sed  
num ista societas talis est, ut nihil suum cuiusque sit?  
quod si ita est, nec uendendum quidem quidquam est,  
sed donandum. uides in hac tota disceptatione non il-  
lud dici: quamuis hoc turpe sit, tamen, quoniam expe-  
dit, faciam; sed ita expedire, ut turpe non sit: ex alte-  
ra autem parte, ea re, quia turpe sit, non esse faciendum.  
uendat ædes uir bonus propter aliqua uitia, quæ ipse no-  
rit, ceteri ignorent: pestilentes sint, & habeantur salu-  
bres: ignoretur in omnibus cubilibus apparere serpen-  
tes: male materiata, ruinosæ: sed hoc præter dominum  
nemo sciat: quæro, si hoc emptoribus uenditor non di-  
xerit, ædesq; uendiderit pluris multo, quam se uenditu-  
rum putarit, num id iuste, aut improbe fecerit? ille ue-  
ro, inquit Antipater, improbe facit: quid enim est aliud,  
erranti uiam non monstrare, quod Athenis execrationi-  
bus publicis sancitum est, si hoc non est, emptorem pati  
ruere, & per errorem in maximam fraudem incurre-  
re? plus etiam est, quam uiam non monstrare: nam



## C I C E R O N I S

est, scientem in errorem alterum inducere. Diogenes contra: num te emere coegit, qui ne hortatus quidem est? ille, quod non placebat, proscripsit: tu, quod placebat, emisisti. quod si, qui proscribunt uillam bonam (ut ipsi asserunt) beneque aedificatam, non existimantur fefellisse, etiam si illa nec bona est, nec aedificata ratione: multo minus, qui domum non laudarunt: ubi enim iudicium emptoris est, ibi fraus uenditoris quae potest esse? sin autem dictum non omne praestandum est: quod dictum non est, id praestandum putas? quid uero est stultius, quam uenditorem eius rei, quam uendat, uitia narrare? quid autem tam absurdum, quam si domini iussu ita praeco praedicet, domum pestilentem uendo? sic ergo in quibusdam causis dubiis, ex altera parte defenditur honestas; ex altera ita de utilitate dicitur, ut id, quod utile uideatur, non modo honestum facere sit, sed etiam, non facere, turpe. haec est illa, quae uidetur utilium fieri cum honestis saepe, dissensio: quae diiudicanda sunt: non enim, ut quae reremus, exposuimus, sed ut explicaremus. non igitur uidetur nec frumentarius ille Rhodius, nec hic aedium uenditor coelare emptores debuisse: neque enim id est coelare, quidquid reticeas; sed cum, quod tu scias, id ignorare emolumenti tui causa uelis eos, quorum intersit id scire. hoc autem coelandi genus quale sit, et cuius hominis, quis non uidet? certe non aperti, non simplicis est, non ingenui, non iusti, non uiri boni; uersuti potius, obscuri, astuti, fallacis, malitiosi, callidi, ueteratoris, uafri. haec tot, et alia plura non ne inutile est uitiorum subire nomina? quod si uituperandi sunt, qui reticuerunt: quid de iis existimandum est, qui orationis uanitatem



adhibuerunt? C. Canius eques R. homo nec infacetus,  
 & satis literatus, cum se Syracusas otiandi causa, non  
 negotiandi (ut ipse dicere solebat) contulisset, dictitabat  
 se hortulos aliquos uelle emere, quò inuitare amicos, &  
 ubi se oblectare sine interpellatoribus posset. quod cum  
 percrebuisset, Pythius ei quidam, qui argentariam face-  
 ret Syracusis, dixit, uenales quidem se hortos non habe-  
 re, sed licere uti Canio, si uellet, ut suis: & simul ad coe-  
 nam inuitauit in posterum diem. cum ille promississet,  
 tum Pythius, ut argentarius, qui esset apud omnes ordi-  
 nes graciosus, piscatores ad se conuocauit, & ab ijs peti-  
 uit, ut ante suos hortulos postera die piscarentur; di-  
 xitq; , quid eos facere uellet. ad coenam tempore uenit  
 Canius. opipare paratum erat conuiuium. cymbarum  
 ante oculos multitudo. pro se quisq;, quod ceperat, asse-  
 rebat. ante pedes Pythij pisces abijciebantur. tum Ca-  
 nius, quæso, inquit, quid est ò Pythi, tantum ne piscium?  
 tantum ne cymbarum? & ille, quid mirum? inquit:  
 hoc loco est, Syracusis quidquid est piscium: hic aqua-  
 tio: hac uilla isti carere non possunt. incensus Canius  
 cupiditate, contendit à Pythio, ut uenderet. grauante ille  
 primo. quid multa? impetrat: emit homo cupidus, &  
 locuples tanti, quanti Pythius uoluit, et emit instructos:  
 nomina facit: negotium conficit. inuitat Canius poste-  
 ra die familiares suos: uenit ipse mature: scalmum nul-  
 lum uidet: quærit ex proximo uicino, num feriæ quæ-  
 dam piscatorum essent, quòd eos nullos uideret: nullæ,  
 quod sciam, inquit ille: sed hic piscari nulli solent: itaq;  
 heri mirabar, quid accidisset. stomachari Canius: sed  
 quid faceret? non dum enim Aquilius collega, & fami-



liaris meus protulerat de dolo malo formulas . in quibus ipsis, cum ex eo quærerem, quid esset dolus malus; respondebat, cum esset aliud simulatum, aliud actum . hoc quidem sanè luculenter, ut ab homine perito definiendi . ergo & Pythius, & omnes aliud agentes, aliud simulantes, perfidi, improbi, malitiosi sunt . nullum igitur factum eorum potest utile esse, cum sit tot uitij inquinatum . quòd si Aquiliana definitio uera est, ex omni uita simulatio, dissimulatioq; tollenda est . ita nec, ut emat melius, nec, ut uendat, quisquam simulabit, aut dissimulabit uir bonus . atque iste dolus malus etiam legibus erat uindicatus : ut tutela Duodecim tabulis, & circumscripção adolescentium lege Pleatoria, & sine lege, iudicijs, in quibus, EX FIDE BONA, additur . reliquorum autem iudiciorum hæc uerba maxime excellent, in arbitrio rei uxoriæ, MELIVS, AEQVIVS: in fiducia, VT INTER BONOS BENE AGIER. quid ergo? aut in eo, quod melius, æquius est, potest ulla pars inesse fraudis? aut, cum dicitur, inter bonos bene agier, quidquam agi dolo, aut malitiose potest? dolus autem malus simulatione, & dissimulatione (ut ait Aquilius) continetur . tollendum est igitur in rebus contrahendis omne mendacium . non licitatore, uenditor, nec, qui contra se liceatur, emptor opponet: uterq; si ad loquendum uenerit, non plus, quàm semel, loquetur . Quintus quidem Scauola P. filius, cum postulasset, ut sibi fundus, cuius emptor erat, semel indicaretur, idq; uenditor ita fecisset, dixit se pluris aestimare, ad didit centum millia . nemo est, qui hoc uiri boni fuisse neget: sapientis negant: ut si minoris, quàm potuisset,

contra  
asse lic.  
atum  
munt.



uendidisset . hæc igitur est illa perniciēs , quòd alios bonos , alios sapientes existimant . ex quo Ennius : Nequidquam sapere sapientem , qui sibi ipsi prodesse nequiret . uere id quidem , si , quid esset prodesse , mihi cum Ennio conueniret . Hecatonem quidem Rhodium , discipulum Panætij , uideo in ijs libris , quos de officijs scripsit . Q. Tiberoni , dicere , sapientis esse , nihil contra mores , leges , instituta facientem , habere rationem rei familiaris : neque enim solum nobis diuites esse uolumus , sed liberis , propinquis , amicis , maximeque Reip. singulorum enim facultates , et copiae , diuitiae sunt ciuitatis . huic Scauola factum , de quo paulo ante dixi , placere nullo modo potest : etenim omnino se negat facturum compendij sui causa , quod non liceat . huic nec laus magna tribuenda est , nec gratia . sed siue et simulatio , et dissimulatio dolus malus est , per paucae res sunt , in quibus dolus iste malus non uersetur : siue uir bonus est is , qui prodest , quibus potest , nocet nemini , recte iustum uirum , bonum non facile reperiemus . nunquam igitur est utile peccare , quia semper est turpe : et quia semper est honestum uirum bonum esse , semper est utile . ac de iure quidem praediorum sancitum est apud nos iure ciuili , ut in his uendendis uitia etiam dicerentur , quae nota essent uenditori . nam , cum ex Duodecim tabulis satis esset cautum , ea praestari , quae essent lingua nuncupata , quae qui inficiatus esset , duplicem poenam subiret : à iurisconsultis etiam reprobentiae poena est constituta : quidquid enim inest praedio uitij , id , statuerunt , si uenditor sciret , nisi nominatim dictum esset , praestari oportere . ut , cum in arce augurium Augures acturi essent , iussissentque T. Claudium

Titum



## C I C E R O N I S

Centimalum, qui ædes in Cœlio monte habebat, demoli-  
 ri eas, quarum altitudo officeret auspicijs: Claudius  
 proscripsit, insulam uendidit: emit P. Calphurnius Lana-  
 rius. huic ab Auguribus illud idem denunciatum est.  
 itaque Calphurnius, cum demolitus esset, cognouissetq;  
 Claudium ædes postea proscripsisse, quàm esset ab Au-  
 guribus demoliri iussus, arbitrum illum adegit: QUID  
 QUID sibi de ea re facere oporteret ex fide bona. M.  
 Cato sententiam dixit, huius nostri Catonis pater: ut  
 enim cæteri ex patribus, sic hic, qui illud lumen proge-  
 nuit, ex filio est nominandus. is igitur iudex ita pronun-  
 ciavit: cum in uenundando rem eam scisset, & nō pro-  
 nunciauisset, emptori damnum præstari oportere. igi-  
 tur ad fidem bonam statuit pertinere, notum esse empto-  
 ri uitium, quod nosset uenditor. quòd si recte diiudica-  
 uit, non recte frumentarius ille, non recte ædium pesti-  
 lentium uenditor tacuit. sed huiusmodi reticentiæ iure  
 civili omnes comprehendi non possunt; quæ autem pos-  
 sunt, diligenter tenentur. M. Marius Gratidianus propin-  
 quus noster C. Sergio Oratæ uendiderat ædes eas, quas  
 ab eodem ipse paucis ante annis emerat. hæ Sergio ser-  
 uiebant: sed hoc in mancipio Marius non dixerat. ad-  
 ducta res in iudicium est. Oratam Crassus, Gratidia-  
 num defendebat Antonius. ius Crassus urgebat; quod  
 uitium uenditor non dixisset sciens, id oportere præsta-  
 ri: æquitatem Antonius; quoniam id uitium ignotum  
 Sergio non fuisset, qui illas ædes uendidisset, nihil fuisse  
 necesse dici; nec eum esse deceptum, qui id, quod eme-  
 rat, quo iure esset, teneret. quorsum hæc? ut illud in-  
 telligas, non placuisse maioribus nostris astus. sed aliter  
 leges,

leges, ad  
 manu  
 et intell  
 dis, ne q  
 infidia, re  
 agitur  
 dunt, sic  
 gum pond  
 incutit i  
 prauation  
 neq; aut de  
 sanum e  
 si dicendi  
 uis homin  
 dem genti  
 itaq; maio  
 luctum: e  
 quod ante  
 ri iuris ge  
 gum nulla  
 ead; ipse  
 mis natu  
 uerba illa  
 DEM V  
 TVSV  
 BON  
 SINE  
 quid sit  
 uola Po  
 omnibus



leges, aliter philosophi tollunt astutias : leges , quatenus manu tenere res possunt : philosophi, quatenus ratione, & intelligentia . ratio igitur hoc postulat, ne quid insidiase, ne quid simulate, ne quid fallaciter. sunt ne igitur insidiæ, tendere plagas, etiam si excitaturus non sis , nec agitaturus ? ipsæ enim feræ nullo insequente sæpe incidunt. sic, tu cum ædes proscribas, tabulam tanquam plagam ponas, domum propter uitia uendas, in eam aliquis incurrat imprudens . hoc quanquam uideo propter deprauationem consuetudinis neque more turpe haberi , neq; aut lege sanciri, aut iure civili, naturæ tamen lege sancitum est : societas enim est ( quod etsi sæpe dictum est, dicendum tamen est sæpius ) latissime quidem quæ pateat, hominum inter homines ; interior eorum, qui eiusdem gentis sunt ; propior eorum, qui eiusdem ciuitatis . itaq; maiores aliud ius gentium, aliud ius ciuile esse uoluerunt : quod enim ciuile, nõ idem continuo gentium ; quod autem gentium, idem ciuile esse debet . sed nos ueri iuris, germanæq; iustitiæ solidam, & expressam effigiem nullam tenemus : umbra, & imaginibus utimur : easq; ipsas utinam sequeremur : feruntur enim ex optimis naturæ principijs, et ueritatis exemplis : nam quanti uerba illa ? VTINE PROPTER TE, FIDEM VETVAM CAPTVS, FRAVDA TV SVESIM : quàm illa aurea ? VT, INTER BONOS BENE AGIER OPORTET, ET SINE FRAVDATIONE. sed, qui sint boni, et quid sit bene agi, magna quæstio est. Quintus quidẽ Scæuola Pontifex Maximus summam uim esse dicebat in omnibus ijs arbitrijs, in quibus adderetur ex fide bona :



## C I C E R O N I S

fideiq; bonæ nomen existimabat manare latissime, idq;  
 uersari in tuteis, societatibus, fiducia, mādatis, rebus em-  
 ptis, uenditis, conductis, locatis: quibus uita societas con-  
 tinetur: in his magni esse iudicis statuere, præsertim cū  
 in plerisq; essent iudicia contraria, quid quenque cuique  
 præstare oporteret. quocirca astutiæ tollendæ sunt, eaq;  
 malitia, quæ uult quidem uideri se esse prudentiam, sed  
 abest ab ea, distatq; plurimum: prudentia est enim loca-  
 ta in delectu bonorum, et malorum; malitia, si omnia,  
 quæ turpia sunt, mala sunt, mala bonis antepone. nec  
 uero in prædijs solum ius ciuile ductum à natura, mali-  
 tiam, fraudemq; uindicat; sed & in mancipiorum uen-  
 ditione uenditorum fraus omnis excluditur: qui enim  
 scire debuit de sanitate, de fuga, de furtis, præstat edicto  
 Aedilium. hæredum alia causa est. ex quo intelligitur,  
 quoniam iuris natura fons sit, hoc secundum naturam  
 esse, neminem id agere, ut ex alterius prædetur inficitia.  
 nec ulla perniciēs uitæ maior inueniri potest, quàm in  
 malitia simulatio intelligentiæ. ex quo illa innumerabi-  
 lia nascuntur, ut utilia cum honestis pugnare uideantur:  
 quotus enim quisque reperietur, qui, impunitate, et  
 ignorance omnium proposita, abstinere possit iniuria?  
 periclitemur, si placet, in ijs quidem exemplis, in quibus  
 peccare uulgus hominum fortasse non putat: neq; enim  
 de sicarijs, ueneficis, testamentarijs, furibus, peculatori-  
 bus hoc loco differendum est; qui non uerbis sunt, &  
 disputatione philosophorum, sed uinculis, & carcere ca-  
 stigandi. sed hæc consideremus, quæ faciunt ijs, qui ha-  
 bentur boni. L. Minutij Basilij, locupletis hominis, falsum  
 testamentum quidam è Græcia Romam attulerunt.

quod q  
 M. Cr  
 uis po  
 rentur  
 cinor  
 facin  
 non u  
 rum no  
 prors  
 se her  
 uon: (o  
 equam  
 li. præ  
 de inu  
 fuit, ut  
 qui non  
 hi quid  
 rar, si  
 sed im  
 uile in  
 nam ead  
 hoc non  
 facinus  
 uerum  
 rore di  
 lerum  
 si digi  
 nomen  
 tum qu  
 casu



quod quo facilius obtinerent, scripserunt hæredes secum M. Crassum, & Q. Hortensium, homines eiusdem ciuitatis potentissimos: qui, cum illud falsum esse suspicerentur, sibi autem nullius essent conscij culpæ, alieni facinoris munusculum non repudiauerunt. quid ergo? satin hoc est, ut non deliquisse uideantur? mihi quidem non uidetur. quanquam alterum amari uiuum, alterum non odi mortuum. sed cum Basilus M. Satirium sororis filium nomen suum ferre uoluisset, eumq; fecisset hæredem; hunc dico patronum agri Piceni, & Sabini: (o turpem notam temporum illorum) non erat æquum principes ciuitatis rem habere, ad Satirium nihil præter nomen peruenire. etenim si is, qui non defendit iniuriam, neque propulsat à suis, cum potest, iniuste facit, ut in primo libro differui: qualis habendus est is, qui non modo repellit, sed etiam adiuuat iniuriam? mihi quidem etiam ueræ hæreditates non honestæ uidentur, si sint malitiosis blanditijs officiorum, non ueritate, sed simulatione quasitæ. atqui in talibus rebus aliud utile interdum, aliud honestum uideri solet: falso: nam eadem utilitatis, quæ honestatis, est regula. qui hoc non præuiderit, ab hoc nulla fraus aberit, nullum facinus: sic enim cogitans; est istud quidem honestum, uerum hoc expedit; res à natura copulatas audebit errore diuellere: qui fons est fraudum, malificiorum, scelerum omnium. itaq; si uir bonus habeat hanc uim, ut, si digitis concrepuerit, possit in locupletium testamenta nomen eius irrepere, hac ui non utatur, ne si exploratum quidem habeat id omnino neminem unquam suspecturum. at si dares hanc uim M. Crasso, ut digitorum



## C I C E R O N I S

percussione hæres posset scriptus esse, qui re uera non esset hæres; in foro, mihi crede, saltaret. homo autem iustus, & is, quem sentimus uirum bonum, nihil cuiquam, quod in se transferat, detrahet. hoc qui admiratur, is se, quis sit uir bonus, nescire fatetur. at uero, si quis uoluerit animi sui complicatam notionem euoluere, iam se ipse doceat, cum uirum bonum esse, qui prosit, quibus possit; noceat nemini, nisi laceffit in iniuria. quid ergo? hic non noceat, qui quodam quasi ueneno perficiat, ut ueros hæredes moueat, in eorum locum ipse succedat? non ergo faciat, dixerit quis, quod utile sit, quodque expediat? immo intelligat, nihil nec expedire, nec utile esse, quod sit iniustum. hoc qui non didicerit, bonus esse non poterit. Fimbriam consularem, audiebam de patre nostro puer, iudicem M. Lutatium Pythiam fuisse, equiti R. sane honesto, cum is sponsonem fecisset, N I bonus uir esset: itaque ei dixisse Fimbriam, se illam rem nunquam iudicaturum, ne aut spoliaret fama probatum hominem, si contra iudicasset; aut statuisse uideretur uirum bonum aliquem esse, cum ea res innumerabilibus officiis, & laudibus contineretur. huic igitur uiro bono, quem Fimbria etiam, non modo Socrates, nouerat, nullo modo uideri potest quidquam esse utile, quod non honestum sit. itaque talis uir non modo facere, sed ne cogitare quidem quidquam audebit, quod non audeat prædicare. hæc, non ne est turpe, dubitare philosophos, quæ ne rustici quidem dubitent? à quibus natum est id, quod iam tritum est ueritate prouerbum: cum enim fidem alicuius, bonitatemque laudat, dignum esse dicunt, quicum in tenebris mices. hoc quam habet uim, nisi il-

lem, niti  
nullo re  
tio, nega  
paulo an  
omnium  
q; id qua  
modo pot  
effici non  
re. at ex  
cerati. C.  
& septim  
tatu unq  
cuius Lega  
eo imperat  
R. crimin  
lem fecisse  
largitatur  
que factus  
fecisse qua  
tu, & a  
dixerit.  
ri functu  
rium Tri  
mami sen  
ribus illi  
conscrip  
iudicio  
meridie  
Marinus  
milet co



lam, nihil expedire, quod non deceat, etiam si id possis  
 nullo refellente obtinere? uides ne igitur hoc prouer-  
 bio, neque Gygi illi posse ueniam dari, neque huic, quem  
 paulo ante fingebam digitorum percussione hereditates  
 omnium posse ad sese conuertere? ut enim, quod turpe  
 est, id quamuis occultetur, tamen honestum fieri nullo  
 modo potest: sic, quod honestum non est, id utile ut sit,  
 effici non potest, aduersante etiam, & repugnante natu-  
 ra. at enim, cum permagna præmia sunt, est causa pec-  
 candi. C. Marius, cum à spe Consulatus longe abesset,  
 & septimum annum post Praturam iaceret, neque peti-  
 turus unquam Consulatum uideretur, Q. Metellum,  
 cuius Legatus erat, summum uirum, & ciuem, cum ab  
 eo imperatore suo Romam missus esset, apud populum  
 R. criminatus est, bellum illum producere; si se Consu-  
 lem fecissent, breui tempore aut uiuum, aut mortuum  
 Iugurtham se in potestatem populi R. redacturum. ita-  
 que factus est ille quidem Consul, sed à fide, iustitiâq; di-  
 scessit, qui optimum, & grauissimum ciuem, cuius Lega-  
 tus, & à quo missus esset, in inuidiam falso crimine ad-  
 duxerit. nec noster quidem Gratidianus officio boni ui-  
 ri functus est tum, cum Prætor esset, collegiumq; præto-  
 rium Tribuni pl. adhibuissent, ut res numaria de com-  
 muni sententia constitueretur: iactabatur enim tempo-  
 ribus illis numus, sic, ut nemo posset scire, quid haberet.  
 conscripserunt communiter edictum cum pœna, atque  
 iudicio; constitueruntq; ut omnes simul in Rostra post  
 meridiem descenderent. & cæteri quidem alius alio:  
 Marius à subsellis in Rostra rectà: idq; quod commu-  
 niter compositum fuerat, solus edixit: et ea res (si quæ=



## C I C E R O N I S

ris) ei magno honori fuit: omnibus uicis statuæ factæ sunt: ad eas thus, & cerei. quid multa? nemo unquam multitudini fuit charior. hæc sunt, quæ conturbant homines in deliberatione non nunquam, cum id, in quo uiolatur æquitas, non habetur ita magnum; illud autem, quod ex eo paritur, permagnum uidetur. ut Mario præripere collegis, & Tribunis pl. popularem gratiam, non ita turpe; Consulem ob eam rem fieri, quod sibi tunc proposuerat, ualde utile uidebatur. sed omnium una regula est, quam cupio tibi esse notissimam: aut illud, quod utile uidetur, turpe ne sit: aut si turpe est, ne uideatur esse utile. quid igitur? possumus ne aut illum Marium uirum bonum iudicare, aut hunc? explica, atque excute intelligentiam tuam, ut uideas, quæ sit in ea species, forma, & notio uiri boni. cadit ergo in uirum bonum mentiri emolumenti sui causa, criminari, præripere, fallere? nihil profecto minus. est ergo ulla res tanti, aut commodum ullum tam expetendum, ut uiri boni & splendorem, & nomen amittas? quid est, quod afferre tantum utilitas ista, quæ dicitur, possit, quantum auferre si boni uiri nomen eripuerit, fidem, iustitiamq; detraxerit? quid enim interest, utrum ex homine se conuertat quis in belluam, an in hominis figura immanitatem gerat belluæ? quid, qui omnia recta, & honesta negligunt, dummodo potentiam consequantur; non ne id faciunt, quod is, qui etiam socerum habere uoluit eum, cuius ipse audacia potens esset? utile enim uidebatur plurimum posse alterius inuidia: id quàm iniustum in patriam, quàm inutile, quàm turpe esset, non uidebat. ipse autem socer in ore semper Græcos uersus

Euripi  
honori  
Nam  
violat  
capit  
lum, qu  
quid igit  
notat  
domin  
ceru. ha  
mens est  
turumq;  
sem p  
ciat  
aqua id  
ne, aut  
re, p  
diffin  
eo qui se  
neat  
dem sic  
unum  
nem. qu  
hili con  
nio, cum  
enim cu  
nocturn  
ma? M  
inquit  
prodice



Euripidis de Phœnissis habebat : quos dicam, ut potero ;  
incondite fortasse , sed tamen ut res possit intelligi :  
Nam si uiolandum est ius , regnandi gratia  
Violandum est : alijs rebus pietatem colas .  
capitalis Eteocles, uel potius Euripides , qui id unum so-  
lum, quod omnium sceleratissimum fuerat , exceperit .  
quid igitur minuta colligimus, hæreditates, mercaturas,  
uenditiones fraudulentas ? ecce tibi , qui Rex populi R.  
dominusq; omnium gentium esse concupierit, idq; perse-  
cerit . hanc cupiditatem si quis honestam esse dicit , a-  
mens est : probat enim legum, & libertatis interitum ;  
earumq; oppressionem tetram, & detestabilem, glorio-  
sam putat. qui autem fateatur honestum non esse in ea  
ciuitate, quæ libera fuit, quæq; esse debeat , regnare, sed  
ei, qui id facere possit, esse utile ; qua hunc obiurgatio-  
ne, aut quo potius conuitio à tanto errore coner auerte-  
re ? potest enim, dij immortales, cuiquam esse utile fœ-  
dissimum, et teterrimum parricidium patriæ, quamuis,  
eo qui se obstrinxerit, ab oppressis ciuibus parens nomi-  
netur ? honestate igitur dirigenda utilitas est , & qui-  
dem sic, ut hæc duo uerbâ inter se discrepare, sed tamen  
unum sonare uideantur . nunc abeo ad uulgi opinio-  
nem . quæ maior utilitas, quàm regnandi esse possit ? nî-  
hil contra inutilius ei, qui id iniuste consecutus sit, inue-  
nio, cum ad ueritatem cæpi reuocare rationem: possunt  
enim cuiquam esse utiles angores, sollicitudines, diurni et  
nocturni metus, uita insidiarum periculorumq; plenissi-  
ma ? Multi iniqui, atq; infideles regno , pauci boni sunt,  
inquit Accius : at cui regno ? quod à Tantalos, et Pelope  
proditum iure obtinebatur . nam quanto plures ei Regi



## C I C E R O N I S

putas, qui cum exercitu populi R. populum ipsum Ro-  
 manum oppressisset, ciuitatemq; non modo liberam, sed  
 etiam gentibus imperantem seruire sibi coegisset? hunc  
 tu quas conscientiae labe in animo censes habuisse? quae  
 uulnera? cuius autem uita ipsi potest utilis esse, cum  
 eius uitae ea conditio sit, ut, qui illam eripuerit, in ma-  
 xima gratia futurus sit, et gloria? quod si haec utilia  
 non sunt, quae maxime uidentur, quia plena sunt de-  
 decoris, ac turpitudinis: satis persuasum esse debet, ni-  
 hil esse uile, quod non honestum sit. quanquam id qui-  
 dem cum saepe aliàs, tum Pyrrhi bello à C. Fabritio Con-  
 sule iterum, et à senatu nostro iudicatum est. cum e-  
 nim rex Pyrrhus populo R. bellum ultro intulisset, cumq;  
 de imperio certamen esset cum Rege generoso, ac poten-  
 te, perfuga ab eo uenit in castra Fabritii, eiq; est polli-  
 citus, si praeuium ei proposuisset, se, ut clam uenisset,  
 sic clam in Pyrrhi castra rediturum, et eum ueneno ne-  
 caturum. hunc Fabritius reducendum curauit ad Pyr-  
 rhum: idq; eius factum à senatu laudatum est. atqui,  
 si speciem utilitatis, opinionemq; quaerimus, magnum  
 illud bellum perfuga unus, et grauem aduersarium  
 imperii sustulisset: sed magnum dedecus, et flagitium,  
 quicum laudis certamen fuisset, eum non uirtute, sed sce-  
 lere superatum. utrum igitur utilius uel Fabritio, qui  
 talis in hac urbe, qualis Aristides Athenis, fuit; uel se-  
 natui nostro, qui nunquam utilitatem à dignitate seiun-  
 xit, armis cum hoste certare, an uenenis? si gloriae cau-  
 sa imperium expetendum est, scelus absit, in quo non  
 potest esse gloria: sin ipsae opes expetuntur quoquo mo-  
 do, non poterunt esse utiles cum infamia. non igitur uti-

lis illa  
 sylva p  
 uetigat  
 dederat  
 perio: p  
 cuncta u  
 re quida  
 nli impe  
 lenia so  
 cum Cat  
 tar praef  
 publicari  
 debetene  
 leremus  
 salutem  
 sem Tra  
 additae  
 quia non  
 m, non  
 officio H  
 maxima  
 partem  
 tat offi  
 in mari  
 ram fa  
 ducit  
 pueri  
 quia  
 minin  
 de nat



lis illa L. Philippi Q. filij sententia : quas ciuitates L. Sylla pecunia accepta ex S. C. liberauisset, ut ea rursus uectigales essent, neq; ijs pecuniam, quam pro libertate dederat, redderemus. est ei senatus assensus. turpe imperio : piratarum enim melior fides, quam senatus. at aucta uectigalia : utile igitur. quousq; audebunt dicere, quidquam utile, quod non honestum? potest autem ulli imperio, quod gloria debet fultum esse, & beneuolentia socioru, utile esse odium, & infamia? ego etiam cum Catone meo saepe disseni : nimis enim mihi uidebatur praefraete ararium, uectigaliaq; defendere; omnia publicanis negare, multa socijs; cum in hos benefici esse deberemus, cum illis sic agere, ut cum colonis nostris solemus; eoq; magis, quod illa ordinum coniunctio ad salutem Reip. pertinebat. male etiam Curio, cum causam Transpadanoru equam esse dicebat; semper autem addebat, vincat utilitas. potius diceret, non esse equam, quia non esset utilis Reip. quam, cum equam esse diceret, non esse utilem fateretur. plenus est sextus liber de officijs Hecatonis talium quaestionu : sit ne boni uiri, in maxima caritate annonae fam liam non alere, in utranq; partem disputat : sed tamen ad extremum utilitate putat officium dirigi magis, quam humanitate. querit, si in mari iactura facienda sit, equi ne pretiosi potius iacturam faciat, an seruuli uilis. hic aliud res familiaris, aliud ducit humanitas. si tabulam de naufragio sultus arriperit, extorquebit ne eam sapiens, si potuerit? negat, quia sit iniurium. quid dominus nauis? eripiet ne suu? minime, non plus, quam si nauigantem in altum eycere de nauis uelit, quia sua non sit: quoad enim peruentu sit



## C I C E R O N I S

ed, quò sumpta nauis est, non domini est nauis, sed nauigantium. quid, si in una tabula sint duo naufragi, hiq; sint sapientes, sibi uterq; rapiat, an alter cedat alteri? cedat uero, sed ei, cuius magis intersit uel sua, uel Reip. causa uiuere. quid, si hæc paria in utroq; nullum erit certamen; sed quasi in sorte, aut in micando uictus, alteri cedit alter. quid, si pater fana expilet, cuniculos agat ad ærarium, indicet ne id magistratibus filius? nefas id quidem est: quin etiam defendat patrem, si arguatur. nõ igitur patria præstat omnibus officiis? immo uero: sed ipsi patriæ conducit, pios habere ciues in parentes. quid, si tyrannidem occupare, si patriam prodere conabitur pater, silebit ne filius? immo uero obsecrabit patrem, ne id faciat: si nihil proficiet, accusabit, minabitur etiã: ad extremum, si ad perniciẽ patriæ res spectabit, patriæ salutem anteponet saluti patris. quærit etiam, si sapiens adulterinos numos accipiet imprudens pro bonis, cum id rescierit, soluturus ne sit eos, si cui debeat, pro bonis. Diogenes ait, Antipater negat: cui potius assentior. qui uinum fugiens uendat sciens, debeat ne dicere? nõ necesse putat Diogenes, Antipater uiri boni existimat. hæc sunt quasi controuersie in iure Stoicorum. in mancipio uendendo, dicenda ne uicia? non ea, quæ nisi dixeris, redhibeatur mancipium iure civili; sed hæc, mendacem esse, aleatorem, furacem, ebriosum, alteri dicenda uidentur, alteri non dicenda. si quis aurum uendens, orichalcum se putat uendere, indicet ne ei uir bonus aurum illud esse, an emat denario quod sit millenarium? persficiũ iam est, et quid mihi uideatur, et quæ sit inter eos philosophos, quos nominaui, controuersia. pacta, & promissa

semper  
 Prætor  
 sapient  
 illo me  
 canento  
 derit in  
 impetret  
 in uictum  
 inuaria  
 sapiens  
 in uictum  
 quem hæc  
 se factum  
 puerus ill  
 promiss  
 quoniam  
 fias me  
 te eam p  
 tolerat, s  
 turpe no  
 que non  
 Phædon  
 esse dixit  
 tris tolle  
 ictu sul  
 promiss  
 seus ex  
 nes Ne  
 sui, cur  
 impetr



semper ne seruanda sint, quæ nec ui, nec dolo malo (ut Prætores solent dicere) facta sint? si quis medicamentum cuiuspiam dederit ad aquam intercutem, pepigeritque, ne illo medicamento unquam postea uteretur; si eo medicamento sanus factus fuerit, & annis aliquot post incidit in eundem morbum, nec ab eo, quicum pepigerat, impetret, ut item eo liceat uti, quid faciendum sit, cum sit is inhumanus, qui non concedat uti, nec ei quidquam fiat iniuriæ? uitæ, & saluti consulendum est. quid, si quis sapiens rogatus sit ab eo, qui cum heredem faciat, cum ei testamento sestertium millies relinquatur, ut ante, quam hereditatem adeat, luce palam in foro saltet, idque se facturum promiserit, quodd aliter cum heredem scripturus ille non esset: faciat, quod promiserat ille, nec ne? promississe nollem, & id arbitror fuisset grauitatis: sed, quoniam promisit, si saltare in foro turpe ducet, honestius mentietur, si ex hereditate nihil ceperit: nisi forte eam pecuniam in Reip. magnum aliquod tempus contulerit, ut uel saltare eum, cum patriæ consulturus sit, turpe non sit. ac ne illa quidē promissa seruanda sunt, quæ non sunt ijs ipsis utilia, quibus illa promiseris. Sol Phaethonti filio (ut redeamus ad fabulas) facturum se esse dixit, quidquid optasset: optauit, ut in currum patris tolleretur: sublatus est insanus: ante quam cōstitit, iectu fulminis deflagrauit. quanto melius fuerat in hoc promissum patris non esse seruatum? quid, quod Theseus exegit promissum à Neptuno? cui cum tres optationes Neptunus dedisset, optauit interitum Hippolyti filij sui, cum is patri suspectus esset de nouerca: quo optato impetrato, Theseus in maximis fuit luctibus. quid Aga



## C I C E R O N I S

memnon? cū deuouisset Dianæ, quod in suo regno pulcherrimum natum esset illo anno, immolauit Iphigeniā, qua nihil erat eo quidem anno natum pulchrius. promissum potius non faciendum, quā tam tetrum facinus admittendum fuit. ergo & promissa non faciēda non nunquam. Neque semper deposita reddenda sunt. si gladium quis apud te sanæ mentis deposuerit, repetat insaniens; reddere peccatum sit, non reddere officium. quid, si is, qui apud te pecuniam deposuerit, bellū inferat patriæ, reddes ne depositum? non, credo: facies enim cōtra Remp. quæ debet esse charissima. sic multa, quæ natura honesta uidentur esse, temporibus fiunt non honesta. facere promissa, stare conuentis, reddere deposita, cōmutata utilitate fiunt non honesta. ac de ijs quidem, quæ uidentur esse utilitatis contra iustitiam simulatione prudentiæ, satis, arbitrator, dictum. sed quoniam à quatuor fontibus honestatis primo libro officia duximus, in eisdem uersabimur, cum docebimus ea, quæ uidentur esse utilia, neque sunt, quā sint uirtutis inimica. ac de prudentia quidem, quam uult imitari malitia; itemq; de iustitia, quæ semper est utilis, disputatum est. Reliquæ sunt duæ partes honestatis: quarum altera in animi excellentis magnitudine, & præstantia cernitur; altera in conformatione, & moderatione continentiae, & temperatiæ. utile uidebatur Vlyssi (ut quidam poeta tragici prodiderunt: nam apud Homerum optimū auctorem talis de Vlysse nulla suspicio est) sed insimulant eum tragœdiæ simulatione insanie militiam subterfugere uoluisse. non honestū consilium: at utile (ut aliquis fortasse dixerit) regnare, & Ithacæ uiuere otiose

Magnus  
inimicus

cum pa  
in quot  
hac con  
et ab ip  
quidem  
Vlysses  
ximas re  
cuius ipse  
Quod on  
Parere a  
Quod nō  
Ipsi per  
fides sac  
illi uero n  
filiis, id  
re conuen  
dum. sed  
ficti, q  
rum in A  
cedemoni  
re, iurata  
Pauis cap  
i, cum R  
eam, ut  
manere  
quam  
na belli  
dū. qui  
animi  
flores



cum parentibus, cum uxore, cum filio . ullum tu decus  
in quotidianis periculis, & laboribus cum trāquillitate  
hac conferendum putas? ego uero istam contēnendam,  
& abiiciendam; quoniā, quæ honesta non sit, ne utilem  
quidem esse arbitror: quid enim auditurū putas fuisse  
Vlyssēm, si in illa simulatione perseuerasset? qui, cū ma-  
ximas res gesserit in bello, tamen hæc audiuit ab Aiace:

Cuius ipse princeps iurisiurandi fuit,  
Quod omnes scitis, solus neglexit fidem:

Furere assimulauit: ne coiret, institit.

Quod nī Palamedis perspicax prudentia

Istius percepset malitiosam audaciam,

Fides sacrata ius perpetuo falleret.

illi uero non modo cum hostibus, uerum etiam cum flu-  
stibus, id quod fecit, dimicare melius fuit, quā desere-  
re consentientem Græciam ad bellum barbaris inferen-  
dum. sed dimittamus & fabulas, & externa: ad rem  
factaq; ueniamus. M. Attilius Regulus, cum Consul ite-  
rum in Africa ex insidijs captus esset, duce Xatippo La-  
cedæmonio, imperatore autem patre Annibalis Amilca-  
re, iuratus missus est ad senatum, ut, nisi redditi essent  
Pœnis captiui nobiles quidam, rediret ipse Carthaginē.  
is, cum Romam uenisset, utilitatis speciem uidebat: sed  
eam, ut res declarat, falsam iudicauit: quæ erat talis,  
manere in patria, esse domi suæ cum uxore, cū liberis;  
quam calamitatem accepisset in bello, cōmunem fortu-  
næ bellicæ iudicantem, tenere consularis dignitatis gra-  
dū. quis hæc neget esse utilia? quid censes? magnitudo  
animi, & fortitudo negat. an locupletiores quæris au-  
ctores? harum enim est uirtutum propriū nil extime-



## C I C E R O N I S

scere omnia humana despicere, nihil, quod homini acci-  
dere possit, intolerandum putare : itaq; quid fecit ? in  
senatum uenit : mandata exposuit : sententiam ne dice-  
ret, recusauit : quàm diu iureiurando hostium tenere-  
tur, non esse se senatorem . atq; illud etiam: (ò stultum  
hominem, dixerit quispiã, & repugnãtem uilitati suã)  
reddi captiuos, negauit esse utile : illos enim adollescẽtes,  
& bonos duces, se iam confectum senectute . cuius cũ  
ualuisset auctoritas, captiui retenti sunt, ipse Carthagi-  
nem redijt, neq; eum charitas patriæ retinuit, nec suo-  
rum . neq; uero tamen ignorabat se ad crudelissimum  
hostem, & ad exquisita supplicia proficisci : sed iusiurã-  
dum conseruandum putabat . itaq; tum, cum uigilãdo  
necabatur, erat in meliore causa, quàm si domi senex ca-  
ptiuus, periurus, & consularis remansisset . a. stulte, qui  
non modo non censuerit captiuos remittendos, uerum  
etiam dissuasit . quo modo stulte ? etiam ne, si Reip.  
conducebat ? potest autem, quod inutile Reip. sit, id cuiq;  
cui utile esse ? peruertunt homines ea, quæ sunt funda-  
menta naturæ, cum utilitatem ab honestate seiungunt :  
omnes enim expetimus utilitatem, ad eamq; rapimur ;  
nec facere aliter ullo modo possumus : nam quis est, qui  
utilia fugiat ? aut quis potius, qui ea non studiosissime  
persequatur ? sed quia nusquã possumus, nisi in laude,  
decore, honestate, utilia reperire, propterea illa prima, et  
summa habemus, utilitatis nomen nõ tam splendidum,  
quàm necessarium ducimus . quid est igitur, dixerit  
quis, in iureiurando ? num iratum timemus Iouem ? at  
hoc quidem commune est omnium philosophorum, non  
eorum modo, qui deũ nihil habere ipsum negotij dicũt,

et nã  
per age  
si deom  
cere pot  
tur nã f  
ret. an  
num igit  
tum ille  
Fregisti  
quonquã  
tur. add  
quidã ut  
bona, q  
conferuã  
sed in non  
dum rati  
de uile f  
tur. hæc  
Non fuit  
in f. f. f. f.  
tra Regi  
sed in tur  
intelligi  
autem d  
dum est  
sed ad i  
O fides  
qui igit  
Capitol  
oration



Et nihil exhibere alteri ; sed eorum etiam, qui deū sem-  
 per agere aliquid, et moliri uolunt, nunquam nec ira-  
 sci deum, nec nocere. quid autem iratus Iupiter plus no-  
 cere potuisset, quā nocuit sibi ipse Regulus ? nulla igitur  
 uis fuit religionis, quæ tantam utilitatem peruertere-  
 ret. an, ne turpiter faceret ? primum minima de malis.  
 num igitur tantum mali turpitudine ista habebit, quan-  
 tum ille cruciatus ? deinde illud etiam apud Accium,  
 Fregisti ne fidem ? neq; dedi, neque do infideli cuiquam,  
 quanquam ab impio rege dicitur, luculente tamen dici-  
 tur. addunt etiam : quemadmodū nos dicamus, uideri  
 quædā utilia, quæ non sint ; sic se dicere, uideri quædam  
 honesta, quæ non sint : ut hoc ipsum uidetur honestum  
 conseruādi iurisiurandi causa ad cruciatum reuertisse,  
 sed sit non honestum, quia, quod per uim hostiū esset æ-  
 etum, ratū esse non debuit. addunt etiā ; quidquid ual-  
 de utile sit, id fieri honestum, etiam si antea non uidere-  
 tur. hæc ferè contra Regulum. sed prima uideamus.  
 Non fuit Iupiter metuendus, ne iratus noceret, quia neq;  
 irasci solet, neq; nocere. hæc quidem ratio non magis cō-  
 tra Regulum, quā contra omne iusiurandum ualet.  
 sed in iureiurando, non qui metus, sed quæ uis sit, debet  
 intelligi : est enim iusiurandū affirmatio religiosa. quod  
 autem affirmatiue, quasi deo teste, promiseris, id tenen-  
 dum est : iam enim nō ad iram deorum, quæ nulla est,  
 sed ad iustitiā, et ad fidē pertinet : nā præclare Ennius,  
 O fides alma, apta pennis, et iusiurandum Iouis.  
 qui igitur iusiurādum uiolat, is fidem uiolat : quam in  
 Capitolio uicinam Iouis Optimū Maximi, ut in Catonis  
 oratione est, maiores nostri esse uoluerunt. at enim ne



## C I C E R O N I S

iratus quidem Iupiter plus Regulo nocuisset, quàm sibi nocuit ipse Regulus : certe, si nihil malū esset, nisi dolere . id autem nō modo non summū malum, sed nec malum quidem esse, maxima auctoritate philosophi affirmant . quorum quidem testem nō mediocrem, sed haud scio an grauissimum, Regulū nolite, quæso, vituperare : quem enim locupletiores quærimus, quàm principem Reip. qui retinendī officij causa cruciatum subierit uoluntarium ? nam, quod aiunt minima de malis, id est ut turpiter potius, quàm calamitose : an est ullum maius malum turpitudine ? quæ si in deformitate corporis habeat aliquid offensionis, quāta illa deprauatio, & fœditas turpificati animi debet uideri ? itaq; neruosius qui ista differunt, solum audēt malum dicere id, quod turpe sit : qui autem remissius, hi tamen nō dubitant summum malum dicere . nam illud quidem, Neque dedi, neque do fidem infideli cuiquam, idcirco recte à poeta dicitur, quia, cum tractaretur Atræus, personæ seruiendū fuit . sed si hinc sibi sumunt, nullam esse fidē, quæ infideli data sit: uideant, ne quærat latebra periurio . est autem etiam ius bellicum, fidesq; iurisiurandi sæpe hosti seruanda : quod enim ita iuratum est, ut mens deferentis conciperet fieri oportere, id obseruandū est ; quod aliter, id si non fecerit, nullum periurium est : ut, si prædonibus pactū pro capite pretium non attuleris, nulla fraus est, ne si iuratus quidem id non feceris : nam pirata nō est ex perduellium numero definitus, sed cōmunis hostis omnium . cum hoc nō fides esse debet, nec iusiurandum cōmune : nō enim, falsum iurare, peierare est ; sed, quod ex animi tui sententia



tentia iuraueris, sicut uerbis concipitur, more nostro, id non facere, periurium est: scite enim Euripides; Iuravi lingua, mentem iniuratam gero.

Regulus uero non debuit conditiones, pactionesq; bellicas, & hostiles perturbare periurio: cum iussio enim, et legitimo hoste res gerebatur: aduersus quem et totum ius foeciale, & multa sunt iura communia. quod ni ita esset, nūquam claros uiros senatus uinctos hostibus dedidisset. at uero T. Veturius, & Sp. Posthumius, cum iterum Cōsules essent, quia, cum male pugnatum apud Caudium esset, legionibus nostris sub iugum missis pacem cum Samnitibus fecerant, dediti sunt his: iniussu enim populi, senatusq; fecerant. eodemq; tempore T. Numitius, Q. Aemilius, qui tum Tribuni pl. erant, quod eorum auctoritate pax erat facta, dediti sunt, ut pax Samnitum repudiaretur. atq; huius deditiois ipse Posthumius, qui dedebatur, suator, et auctor fuit. quod item multis annis post C. Mancinus: qui, ut Numan- tinis, quibuscum sine senatus auctoritate foedus fece- rat, dederetur, rogationem suasisit eam, quam L. Fu- rius, & Sex. Attilius ex S. C. ferebant: qua accepta, est hostibus deditus. honestius hic, quā Q. Pompeius: quo, cum in eadem causa esset, deprecante, accepta lex nō est. hic ea, quae uidebatur utilitas, plus ualuit, quā honestas: apud superiores utilitatis species falsa, ab honestatis auctoritate superata est. at non debuit ratum esse, quod erat actum per uim. quasi uero forti uiro uis possit adhiberi. cur igitur ad senatum proficisce- batur, cū praesertim de captiuis dissuasurus esset? quod maximum in eo est, id reprehenditis: non enim suo iu-

K



dicio stetit ; sed suscepit causam, ut esset iudicium senatus : cui nisi ipse auctor fuisset , captiui profecto Poenis redditi essent . ita incolumis in patria Regulus restitisset . quod quia patriæ non utile putauit, ideo honestum sibi & sentire illa , & pati credidit . nam quod aiunt, quod ualde utile sit, id fieri honestum : immo uero, esse non fieri : est enim nihil utile, quod idem non honestum : nec, quia utile , honestum est ; sed , quia honestum, utile . quare ex multis mirabilibus exemplis haud facile quis dixerit hoc exemplo aut laudabilius, aut præstantius . sed ex tota hac laude Reguli, unum illud est admiratione dignum, quod captiuos retinendos censuerit . nam quod rediit, nobis non mirabile uidetur : illis quidem temporibus aliter facere non potuit : itaque ista laus non est hominis, sed temporum : nullum enim uinculum ad stringendam fidem iureiurando maiores arctius esse uoluerunt . id indicant leges in Duodecim tabulis, indicant sacra , indicant fœdera , quibus etiam cum hoste deuincitur fides ; indicant notationes , animaduersionesque Censorum , qui nulla de re diligentius , quam de iureiurando indicabāt . L. Manlio A. filio, cum Dictator fuisset, M. Pomponius Tribunus pl. diem dixit, quod is paucos sibi dies ad Dictaturam gerendam addidisset . criminabatur etiam, quod Titum filium, qui Torquatus postea est appellatus, ab hominibus relegasset, et ruri habitare iussisset . quod cum audiuisset adolescens filius, negotium exhiberi patri, accurrisse Romam, et prima luce Pomponij domum uenisse dicitur . cui cum esset nuntiatum ; quod illum iratum allaturum ad se aliquid contra patrem arbitraretur , surrexit e lectulo, remotisque

arbitr  
sus est  
statim  
patrem  
actus P  
fili d  
re. rem  
hic T. I  
co pro  
uenit :  
& fuga  
gens in  
no laud  
decem il  
natum  
erant p  
fuit. si  
uno mo  
bis, ex d  
uerisse  
paulo p  
aliquid  
castra,  
no re  
fuit ig  
itaque  
etius  
homi  
set, ap  
castra



arbitris ad se adolescentē iussit uenire. at ille, ut ingres-  
sus est, confestim gladium distrinxit, iurauitq; se illum  
statim interfectorum, nisi iusiurandum sibi dedisset, se  
patrem missum esse facturum. iurauit hoc terrore co-  
actus Pomponius: rem ad populū detulit: docuit, cur  
sibi à causa desistere necesse esset: Manliū missum fe-  
cit: tantum temporibus illis iusiurandum ualebat. atq;  
hic T. Manlius is est, qui ad Anienem Gallo, quem ab  
eo prouocatus occiderat, torque detractō, cognomen in-  
uenit: cuius tertio Consulatu Latini ad Vesperim fusi,  
& fugati: magnus uir in primis: & qui nuper indul-  
gens in patrem, idem atterbus, & seuerus in filium. sed  
ut laudandus Regulus in conseruando iureiurando: sic  
decem illi, quos post Cannensem pugnam iuratos ad se-  
natum misit Annibal, in castra redituros ea, quorum  
erant potiti Pœni, nisi de redimendis captiuis impetrauis-  
sent, si nō redierunt, uituperandi. de quibus non omnes  
uno modo: nam Polybius, bonus auctor in primis, scri-  
bit, ex decem nobilissimis, qui tunc erant missi, nouē re-  
uertisse à senatu re non impetrata; unū ex decem, qui  
paulo post, quā egressus erat è castris, redisset, quasi  
aliquid esset oblitus, Romæ remansisse: reditu enim in  
castra, liberatum se esse iureiurando interpretabatur:  
nō recte: fraus enim distringit, non dissoluit periuriū.  
fuit igitur stulta calliditas, peruerse imitata prudentiā.  
itaque decreuit senatus, ut ille ueterator, & callidus uir  
ētus ad Annibalem duceretur. sed illud maximū: octo  
hominum millia tenebat Annibal, non quos in acie cepis-  
set, aut qui periculo mortis diffugissent, sed qui relictī in  
castris fuissent à Paulo, et Varrone Cōsulibus: eos sena-



## C I C E R O N I S

tus non censuit redimendos, cum id parua pecunia fieri  
 potuisset; ut esset insitum militibus nostris aut uincere,  
 aut emori. qua quidē rē audita fractum animū Anniba-  
 lis scribit idē, quod senatus, populusq; R. rebus afflictis  
 tam excelsō animo fuisset. sic honestatis comparatione  
 ea, quæ uidentur utilia, uincuntur. Acilius autem, ille,  
 qui græce scripsit historiam, plures ait fuisse, qui in ca-  
 stra reuertissent, eadem fraude, ut iureiurando libe-  
 rarentur; eosq; à Censoribus omnibus ignominis no-  
 tatos. sit iam huius loci finis: perspicuum est enim, quæ  
 timido animo, humili, demisso, fractoq; fiant, quæ-  
 le fuisset Reguli factum, si aut de captiuis, quod ipsi  
 opus esse uideret, non quod Reipublicæ, censuisset, aut  
 domi remanere uoluisset; nō esse utilia, quia sunt flagi-  
 tiosa, foeda, & turpia. Restat quarta pars, quæ deco-  
 re, moderatione, modestia, continentia, temperantia con-  
 tineatur. potest igitur quidquam esse utile, quod sit huic  
 talium uirtutum choro contrarium? atqui ab Aristippo  
 Cyrenæici, atque Annicerij philosophi nominati, omne  
 bonum in uoluptate posuerunt; uirtutemq; censuerunt  
 ob eam rem esse laudandam, quod efficiens esset uolupta-  
 tis. quibus obsoleis floret Epicurus, eiusdē ferē adiu-  
 tor, auctorq; sententiæ. cum his, uelis equisq; (ut dici-  
 tur) si honestatem tueri, ac retinere sententia est, decer-  
 tandum est: nam si nō modo utilitas, sed uita omnis bea-  
 ta, corporis firma constitutione, eiusq; constitutionis spe  
 explorata (ut à Metrodoro scriptum est) contineatur; cer-  
 te hæc utilitas, & quidem summa (sic enim censent) cū  
 honestate pugnabit. nam ubi primum prudentiæ locus  
 dabitur? an, ut conquirat undiq; suauitates? quàm mi-

Tempora  
 H. L.



ser uirtutis famulatus seruientis uoluptati? quod autē  
munus prudentiæ? an legere intelligenter uoluptates?  
fac nihil isto esse iucundius: quid excogitari potest tur  
pius? iam, qui dolorem summum malum dicat, apud  
eum quem habet locum fortitudo, quæ est dolorum, la  
borumq; contemptio? quamuis enim multis in locis di  
cat Epicurus, sicut hic dicit, satis fortiter de dolore; ta  
men non id spectandum est, quid dicat, sed quid consen  
taneum sit ei dicere, qui bona uoluptate terminauerit,  
mala dolore; ut si illum audiam de continentia, et tem  
perantia. dicit ille quidem multa multis locis: sed aqua  
hæret, ut aiunt: nam quo modo potest temperantiam  
laudare is, qui ponat summum bonum in uoluptate? est  
enim temperantia libidinum inimica, libidines autem con  
sectatrices uoluptatis. atque in his tamen tribus generi  
bus, quoquo modo possunt, non incallide tergiuersan  
tur. prudentiam introducunt scientiam suppeditantem  
uoluptates, depellentem dolores. fortitudinem quoque  
aliquo modo expediunt, cum tradunt rationem negli  
genda mortis, perpetiendiq; doloris. etiam temperan  
tiam inducunt, non facillime illi quidem, sed tamen quo  
quo modo possunt: dicunt enim, uoluptatis magnitudi  
nem doloris detractiōe fieri. iustitia uacillat, uel iacet  
potius, omnesq; hæc uirtutes, quæ in communitate cernū  
tur, & in societate generis humani: neque enim boni  
tas, nec liberalitas, nec comitas esse potest, nō plus quā  
amicitia, si hæc nō per se expetantur, sed ad uoluptatē,  
utilitatem uel referantur. conferamus igitur in pauca:  
nam ut utilitatem nullam esse docuimus, quæ honestati  
esset contraria; sic omnem uoluptatē dicimus hone



stati esse contrariam. quo magis reprehendendos Calli-  
phonem, & Dinomachum iudico; qui se dirempturos  
controuersiam putauerunt, si cum honestate uolupta-  
tem, tanquam cum homine pecudem, copulauissent. nō  
recipit istam coniunctionē honestas, aspernatur, repellit.  
nec uero finis bonorum, & malorum, qui simplex esse  
debet, ex dissimilibus rebus misceri, et temperari potest.  
sed de hoc hactenus magna enim res, alio loco pluribus  
uerbis disputata. nunc ad propositum. quemadmo-  
dum igitur, si quando ea, quæ uideretur utilitas, hone-  
stati repugnat, diiudicanda res sit, satis est supra discu-  
tatum. sin autem speciem utilitatis etiam uoluptas ha-  
bere dicatur, nulla potest esse ei cum honestate coniun-  
ctio: nam ut tribuamus aliquid uoluptati, condimenti  
fortasse non nihil, utilitatis certe nihil habebit.

Habes à patre munus Marce fili, mea quidem senten-  
tia, magnum: sed perinde erit, ut acceperis. quanquam  
tibi hi tres libri inter Cratippi commentarios, tanquam  
hospites, erunt recipiendi. sed ut, si ipse uenissem Athe-  
nas, quod quidem esset factum, nisi me de medio cursu  
clara uoce patria reuocasset, aliquando me quoque au-  
dires: sic, quoniam his uoluminibus ad te profecta uox  
mea est, tribues his temporis, quantum poteris; poteris  
autem, quantum uoles. cum uero intellexero, te hoc sci-  
entiæ genere gaudere, tum et præsens tecum propediem  
(ut spero) &, dum aberis, absens loquar. Vale igitur  
mi Cicero; tibiq; persuade, te mihi quidem esse cha-  
rissimum, sed multo fore chariorem, si talibus moni-  
mentis, præceptisq; lætabere.



M. TVLLII CICERONIS CATO MA-  
IOR, VEL DE SENECTUTE AD  
T. POMPONIVM ATTICVM.

DIALOGI PERSONAE,  
SCIPIO, CATO, LAELIVS.

Tite, si quid ego adiuto, curam'ue leuassō,  
O' Quæ nūc te coquit, et uersat sub pectore fixa,  
Ecquid erit præmij?

licet enim uersibus ijsdem mihi affari te Attice, quibus  
affatur Flaminium ille uir, haud magna cum re, sed  
fide plenus. quanquam certo scio, non, ut Flaminium,  
solicitari te Attice sic noctesq; , diesq; : noui enim mo-  
derationem animi tui, & æquitatem : teq; non cogno-  
men solum Athenis deportasse, sed humanitatem, &  
prudentiam intelligo. & tamen suspicor ijsdem re-  
bus te, quibus me ipsum, interdum grauius commoueri.  
quarum cōsolatio & maior est, et in aliud tempus diffe-  
renda. nunc autem mihi uisum est, de senectute aliquid  
ad te scribere : hoc enim onere, quod mihi tecum cōmu-  
ne est, aut iam urgentis, aut certe aduentantis senectutis  
& te, & me ipsum leuari uolo. etsi te quidē id mo-  
deste, ac sapienter, sicut omnia, & ferre, & laturū esse  
certo scio. sed mihi, cum de senectute uellem aliquid  
scribere, tu occurrebas dignus eo munere, quo uterque  
nostrum communiter uteretur. mihi quidem ita incun-  
da huius libri confectio fuit, ut non modo omnes abster-  
serit senectutis molestias, sed efficerit mollem etiam, &  
iucundam senectutem. nunquam igitur satis laudari  
digne poterit philosophia : cui qui pareat, omne tempus

K iiij



## C I C E R O N I S

ætatis sine molestia possit degere . sed de cæteris & di-  
 ximus multa , & sæpe dicemus . hunc uero librum de  
 senectute ad te misimus . omnem autem sermonem tri-  
 buimus non Tithono, ut Aristo Chius , ne parum esset  
 auctoritatis in fabula ; sed M. Catoni seni, quo maiore  
 auctoritatem haberet oratio : apud quem Lælium , &  
 Scipionem facimus admirantes, quòd is tam facile senec-  
 tutem ferat, ijsq; cum respondentem : qui si eruditius  
 uidebitur disputare, quàm consuevit ipse in suis libris,  
 attribuito græcis literis, quarum constat eum perstudiosum  
 fuisse in senectute . sed quid opus est plura ? iam enim  
 ipsius Catonis sermo explicabit nostram omnem de senec-  
 tute sententiam . S C I . Sæpenumero mirari soleo  
 cum hoc C. Lælio tum cæterarum rerum tuam excellen-  
 tem M. Cato, perfectamq; sapientiam, tum uel maxime,  
 quòd senectutem tuam nunquam tibi grauem esse sen-  
 serim : quæ plerisque senibus sic odiosa est , ut onus se  
 Aetna grauius dicant sustinere . CA . Rem haud sanè  
 Scipio , & Læli difficilem admirari uidemini : quibus  
 enim nihil opis est in ipsis ad bene , beatèq; uiuendum ,  
 ijs omnis grauis est ætas : qui autem omnia bona à se  
 ipsis petunt, ijs nihil potest malum uideri, quod natura  
 necessitas afferat : quo in genere in primis est senectus :  
 quam ut adipiscantur, omnes optant ; eandem accusant  
 adepti : tanta est inconstantia, stultitia, atq; peruersitas .  
 Obrepere aiunt eam citius, quàm putassent . primum,  
 quis coegit eos falsum putare ? qui enim citius adoles-  
 centiæ senectus, quàm pueritiæ adolescentia obrepit ? de  
 inde, qui minus grauis esset ijs senectus, si octingentesi-  
 mum annum agerent , quàm octogesimum ? præterita



enim ætas, quamvis longa, cum effluxisset, nulla consola-  
tione permulcere posset stultam senectutem. quocirca,  
si sapientiam meam admirari soletis, quæ utinam digna  
esset opinione uestra, nostroq; cognomine; in hoc su-  
mus sapientes, quod naturam optimam ducem, iâquam  
deum, sequimur, eiq; paremus: à qua non uerisimile est,  
cum ceteræ partes ætatis bene descriptæ sint, extremum  
actum, tanquam ab inerti poeta, esse neglectum. sed ta-  
men necesse fuit esse aliquod extremum, & tanquam  
in arborum baccis, terræq; frugibus, maturitate tempesti-  
ua quasi uictum, & caducum: quod ferendum est mol-  
liter sapienti: quid enim est aliud gigantum more bel-  
lare cum dijs, nisi naturæ repugnare? L A E. Atqui  
Cato gratissimū nobis, ut etiā pro Scipione pollicear, fe-  
ceris, si, quoniā speramus, et uolumus quidem senes fieri,  
ante multo à te didicerimus, quibus facillime rationibus  
ingrauescentem ætatem ferre possimus. C A. Faciam  
uero Læli, præsertim si utriq; uestrum gratum, ut dicis,  
futurum est. L A E. Volumus sanè, nisi molestum est  
tibi Cato, tanquam aliquam uiam longam confeceris,  
qua nobis quoq; ingrediendum sit, istuc, quò peruenisti,  
uidere quale sit. C A. Faciam, ut potero, Læli: sæpe  
enim interfui querelis meorum aequalium, ( pares au-  
tem cum paribus ueteri prouerbis facillime congregan-  
tur ) quas C. Salinator, quas Sp. Albinus, homines con-  
sulares, nostri ferè æquales, deplorare solebant; tum,  
quod uoluptatibus carerent, sine quibus uitam nullam  
putarent; tum, quod spernerentur ab ijs, à quibus es-  
sent coli soliti. qui mihi non id uidebantur accusare,  
quod esset accusandū: nam si id culpa senectutis acci-



## C I C E R O N I S

deret, eadem mihi usu euenirent, reliquisq; omnibus maioribus natu: quorū ego multorum cognoui senectutē sine querela, qui se à libidinum uinculis laxatos esse non moleste ferrent, nec à suis despicerentur. sed omnium istiusmodi querelarum in moribus est culpa, non in ætate: moderati enim, nec difficiles senes, nec inhumani tolerabilem agunt senectutem: importunitas autem, & inhumanitas omni ætate molesta est. LAE. Est, ut dicis, Cato: sed fortasse dixerit quispiam, tibi propter opes, et copias, et dignitatem tuam, tolerabilem senectutem uideri, id autem non posse multis contingere. CA. Est istud quidem Læli aliquid, sed nequaquā in isto sunt omnia. ut Themistoclem ferunt Seriphio cuidam in iurgio respondisse, cum ille dixisset, non illum sua, sed patriæ gloria splendorem assecutū: nec hercle, inquit, si ego Seriphius essem, nobilis; nec, si tu Atheniēsis essis, clarus unquam fuisses. quod eodē modo de senectute potest dici: nec enim in summa inopia leuis esse senectus potest, ne sapienti quidē, nec insipienti in summa copia nō grauis. aptissima omnino sunt Scipio, & Læli arma senectutis, artes, exercitationesq; uirtutū. quæ in omni ætate cultæ, cum multum, diuq; uixeris, mirificos afferunt fructus; non solum quia nunquam deserunt, nec in extremo quidem tempore ætatis; (quanquā id maximum est) uerū etiam quia conscientia bene actæ uitæ, multorūq; benefactorum recordatio iucundissima est. ego quidem Q. Maximum, eum, qui Tarentum recepit, adolescens ita dilexi senem, ut æqualem: erat enim in illo uiro comitate condita grauitas: nec senectus mores mutauerat. quam eum colere cœpi non admodum grandem natu,



sed tamen iam aetate prouectum: anno enim post, quàm primum Consul fuerat, ego natus sum: cumq; eo quartum Consule adolescentulus miles profectus sum ad Capuam, quintoq; anno post ad Tarentum Quæstor: deinde Aedilis, quadriennio post factus sum Prætor, quem magistratum gessi Consulibus Tuditano, & Cethego, cum quidem ille admodum senex suator legis Cinciae de donis, & muneribus fuit. hic & bella gerebat, ut adolescentens, cum plane' grandis esset: & Annibalem iuueniliter exultantem patientia sua mollebat: de quo præclare familiaris noster Ennius:

Vnus homo nobis cunctando restituit rem:  
Non ponebat enim rumores ante salutem.

Ergo postq; , magisq; uiri nunc gloria claret.

Tarentum uero qua uigilantia, quo consilio recepit? cum quidem me audiente Salinatori, qui amisso oppido fugerat in arcem, glorianti, atque ita dicenti; mea opera Q. Fabi Tarentum recepisti; certe, inquit, ridens, nisi tu amisisses, nunquam recepissem. nec uero in armis præstantior, quàm in toga; qui Consul iterum, Sp. Caruius collega quiescente, C. Flaminio Tribuno pl. quoad potuit, restitit, agrum Picenum, et Gallicum uiritim contra senatus auctoritatem diuidenti: Augurq; cum esset, dicere ausus est, optimis auspicijs ea geri, quæ pro Reip. salute gererentur; quæ contra Remp. fierent, contra auspicijs fieri. multa in eo uiro præclara cognoui: sed nihil est admirabilius, quàm quo modo ille mortem Marci filij tulit, clari uiri, & consularis. est in manibus uiri laudatio: quam cum legimus, quem philosophum non contemnimus? nec uero ille in luce modo, atque in



## C I C E R O N I S

oculis ciuium magnus ; sed intus, domiq; præstantior.  
 qui sermo? quæ præcepta? quanta notitia antiquitatis?  
 quæ scientia iuris augurij? multæ etiam, ut in homine  
 Romano, literæ: omnia memoria tenebat nō domestica  
 solum, sed etiam externa bella. cuius sermone ita tum  
 cupide fruebar, quasi iam diuinarem id, quod euenit, il  
 lo extincto fore, unde discerem, neminem. quorsum igitur  
 hæc tam multa de Maximo? quia profecto uidetis,  
 nefas esse dictu, miseram fuisse talem senectutem. nec  
 tamen omnes possunt esse Scipiones, aut Maximi, ut ur-  
 bium expugnationes, ut pedestres, nauales'ue pugnas, ut  
 bella à se gesta, ut triumphos recordentur: est enim  
 quiete, & pure, & eleganter actæ ætatis placida, ac le-  
 nis senectus: qualem accepimus Platonis; qui uno, &  
 octogesimo anno scribens mortuus est: qualem Isocra-  
 tis; qui cum librū, qui Panathenæicus inscribitur, quar-  
 to, & nonagesimo anno scripsisse dicitur, uixitq; quin-  
 quennium postea: cuius magister Leontinus Gorgias  
 centum, & septem compleuit annos; neque unquam in  
 suo studio, atq; opere cessauit. qui, cum ex eo quærere-  
 tur, cur tandiu uellet esse in uita, nihil habeo, inquit, q̃  
 accusem senectutem. præclarum responsum, & docto  
 homine dignum: sua enim uitia insipientes, & suam  
 culpam in senectutem conferunt: quod non faciebat is,  
 cuius modo mentionem feci, Ennius.

Sicut fortis equus, spatio qui sæpe supremo  
 vicit Olympia, nunc senio confectus quiescit.  
 equi fortis, & uictoris senectuti comparat suam: quem  
 quidem probe meminisse potestis: anno enim undeuige-  
 simo post eius mortem hi Consules, L. Flaminius, & M.



Attilius, facti sunt : ille autem Cepione, & Philippo iterum Cōsulibus mortuus est, cum ego quidem quinq; et sexaginta annos natus legem Voconiam uoce magna, et bonis lateribus suassem . annos septuaginta natus ( tot enim uixit Ennius ) ita ferebat duo, quæ maxima putantur, onera, paupertatem, senectutem, ut eis penè delectari uideretur. Etenim, cum cōplector animo, quatuor causas reperio, cur senectus misera uideatur ; unam, quòd auocet à rebus gerendis ; alterā, quòd corpus faciat infirmum ; tertiam, quòd priuet omnibus ferè uoluptatibus ; quartam, quòd haud procul absit à morte . carū, si placet, causarum quantū quæque ualeat, quantumq; iusta sit, uideamus. A' rebus gerēdis senectus abstrahit : quibus ? an ijs, quæ iuuentute geruntur, & uiribus ? nulla ne igitur res seniles sūt, quæ uel infirmis corporibus, animo tamen administrantur ? nihil igitur agebat Q. Maximus ? nihil L. Paulus pater tuus Scipio, socer optimi uiri filij mei ? cæteri senes, Fabritij, Curij, Corūcani, cum Remp. consilio, & auctoritate defendebant, nihil agebant ? ad App. Claudij senectutem accedebat etiam, ut cæcus esset : tamen, cum sententia senatus inclinaret ad pacem, & foedus faciendum cum Pyrrho, non dubitauit dicere illa, quæ uersibus persecutus est Ennius :  
Quò uobis mentes, reëta quæ stare solebant  
Antehac, dementi sese flexere ruina ?  
cæteraq; grauiissime : notum uobis enim carmen : et tamen ipsius Appij extat oratio. atq; hæc ille egit septem & decem annis post alterum Consulatum, cum inter duos Consulatus anni decem interfuissent, Censorq; ante Consulatum superiorem fuisset : ex quo intelligitur,



## C I C E R O N I S

Pyrrhi bello grandem sanè fuisse : & tamen sic à pa-  
 tribus accepimus . nihil igitur asserunt , qui in re geren-  
 da uersari senectutem negant : similesq; sunt , ut si qui  
 gubernatorem in nauigando agere nihil dicat , cum alij  
 malos scandant , alij per foros cursent , alij sentinam ex-  
 hauriant ; ille autem clauum tenens , sedeat in puppi  
 quietus . non facit ea , quæ iuuenes . at uero multo ma-  
 iora , & meliora facit : non enim uiribus , aut uelocita-  
 tibus , aut celeritate corporum res magnæ geruntur , sed  
 consilio , & auctoritate , & sententia ; quibus non modo  
 non orbari , sed etiam augeri senectus solet . nisi forte  
 ego uobis , qui & miles , et Tribunus , et Legatus , & Con-  
 sul uersatus sum in uario genere bellorum , cessare nunc  
 uideor , cum bella non gero : at senatui , quæ sunt geren-  
 da , præscribo , & , quo modo Carthagini male iam diu  
 cogitanti bellum inferatur , multo ante denūtio . de qua  
 non ante uereri desinam , quàm illā excisam esse cognō  
 uero . quam palmam utinam dii immortales tibi Scipio  
 referuent ; ut aui reliquias persequare : cuius à morte  
 hic tertius , & trigessimus est annus : sed memoriam il-  
 lius uiri excipient omnes anni consequentes . anno ante  
 me Censorem mortuus est , nouē annis post meum Con-  
 sulatum ; cum Consul iterum , me Consule creatus es-  
 set . num igitur , si ad centesimū annum uixisset , senectu-  
 tis eum suæ poeniteret ? nec enim excursionē , aut saltu ,  
 nec eminus hastis , aut comminus gladijs uteretur , sed  
 consilio , ratione , sententiā . quæ nisi essent in senibus , non  
 summum consilium maiores nostri appellassent sena-  
 tum . apud Lacedæmonios quidem ij , qui amplissimum  
 magistratum gerunt , ut sunt , sic etiam appellantur sec-

ms. quod  
 Ruff. per  
 uas repe  
 tem omi  
 Nauy ludi  
 Prætoriba  
 uerius q  
 tatis. at m  
 ne etiam  
 cium non  
 am etate  
 (latere sol  
 id eorum p  
 uerit ( qui  
 nā legendi  
 quapiam  
 uerisset .  
 confusio q  
 ti quid Pon  
 quem mala  
 do perman  
 clari , & h  
 quia. Sop  
 cu. qui pre  
 re uideret  
 modum re  
 nis intera  
 liari rem  
 lem. quod  
 Oedipum



nes . quòd si legere, & audire uoleis externa, maximas  
 Resp. per adolescentulos labefactatas, à senibus susten-  
 tatas reperietis : Cedo, qui uestram Rempublicam tan-  
 tam amisistis tam cito ? sic enim percunctanti, ut est in  
 Næuij ludo, respondentur & alia, & hæc in primis :  
 Proueniebant oratores noui, stulti adolescentuli.  
 temeritas est uidelicet florentis ætatis, prudentia sene-  
 ctutis. at memoria minuitur : credo, nisi exerceas eam,  
 aut etiam si sis natura tardior . Themistocles omnium  
 ciuium nomina perceperat . num igitur censetis eum ,  
 cum ætate processisset, qui Aristides esset, Lysimachum  
 salutare solitum ? equidem non modo eos noui, qui sunt,  
 sed eorum patres etiam, & auos : nec sepulcra legens,  
 uereor ( quod aiunt ) ne perdam memoriam : his enim  
 ipsis legendis redeo in memoriam mortuorum . nec uero  
 quenquam senum audiui oblitum, quo loco thesaurum  
 obruisset . omnia, quæ curant, meminerunt, uadimonia  
 constituta, qui sibi, quibus ipsi debeant . quid iurisconsul-  
 ti, quid Pontifices, quid Augures, quid philosophi senes ?  
 quàm multa meminerunt ? manent ingenia senibus, mo-  
 do permaneat studium, & industria ; nec ea solum in  
 claris, & honoratis uiris, sed in uita etiam priuata, &  
 quieta . Sophocles ad summam senectutem tragædias fe-  
 cit . qui propter studium cum rem familiarem negligere  
 uideretur, à filijs in iudicium uocatus est, ut, quemad-  
 modum nostro more male rem gerentibus patribus bo-  
 nis interdici solet . sic illum, quasi desipientem, à re fami-  
 liari remouerent iudices . tum senex dicitur eam fabu-  
 lam, quam in manibus habebat, & proxime scripserat,  
 Oedipum Coloneum recitasse iudicibus, quæsisseq; num



## C I C E R O N I S

illud carmen desipientis uideretur : quo recitato, senten-  
 tijs iudicum est liberatus. num igitur hunc, num Hesio-  
 dum, num Simonidem, num Stesichorum, num, quos an-  
 te dixi, Isocratem, Gorgiam, num Homerum, nū philo-  
 sophorū principes Pythagorā, Democritum, num Plato-  
 nem, nū Xenocratem, num postea Zenonem, Cleanthē,  
 aut eum, quem uos etiam Romæ uidistis, Diogenē Stoi-  
 cum coegit in suis studijs obmutescere senectus? an non  
 in omnibus his studiorū agitatio uitæ æqualis fuit? age,  
 ut ista diuina studia omittamus : possum nominare ex  
 agro Sabino rusticos uicinos, & familiares meos, quibus  
 absentibus nunquam fere ulla in agro maiora opera fi-  
 unt, non serendis, non percipiendis fructibus, nō conden-  
 dis. quanquā in ijs hoc minus mirū: nemo enim est tam  
 senex, qui se annum non putet posse uiuere. sed ijdem  
 laborant in eis, quæ sciunt nihil ad se omnino pertinere:  
 Serunt arbores, quæ alteri seculo profint,  
 ut ait Statius noster in Synephebis. nec uero dubitat a-  
 gricola quamuis senex, quærenti, cui serat, respondere;  
 dijs immortalibus, qui me non accipere tantūmodo hæc  
 à maioribus uoluerūt, sed etiam posteris prodere. melius  
 Cæcilius de sene alteri seculo proficiente, q̄ illud idem :  
 Aedepol senectus, si nihil quidquam aliud uitij  
 Apportet secum, cum aduenerit ; unum id satis est,  
 Quòd diu uiuendo, multa, quæ non uult, uidet :  
 & multa fortasse, quæ uult : atque in ea quidem, quæ  
 non uult, sæpe etiam adolescentia incurrit. illud uero  
 idem Cæcilius uitiosius :  
 Tum etiam in senecta hoc reputo miserrimum,  
 Sentire ea ætate esse odiosum se alteri :

iucundum

incunda  
 bas bon  
 nori; fu  
 diligenti  
 quibus ad  
 go me uo  
 as senect  
 ciam se  
 uat felicit  
 quæ et  
 bus gloria  
 tem, senec  
 rex didici  
 nem sitim  
 qui us me  
 sacratem  
 (tūc ab ar  
 huius .  
 eum locu  
 ad hunc  
 quod enim  
 quidquid  
 esse conce  
 senex esse  
 expectasse  
 At hi qu  
 non uer  
 te unque  
 riu. nū  
 runcare



iucundum potius, quàm odiosum: ut enim adolescentibus bona indole præditis sapientes senes delectantur, leuiorq; sit eorum senectus, qui à iuuentute coluntur, & diliguntur; sic adolescentes senum præceptis gaudent, quibus ad uirtutum studia ducuntur. nec minus intelligo me uobis, quàm uos mihi esse iucundos. sed uidetis, ut senectus non modo languida, atq; iners non sit, uerùm etiam sit operosa, & semper agens aliquid, & moliens, tale scilicet, quale cuiusq; studiũ in superiore uita fuit. quid, q̃ etiam addiscunt aliquid: ut Solonem in uersibus gloriantem uidemus, qui se, quotidie aliquid addiscẽtem, senem fieri dicit: ut ego fici, qui græcas literas senex didici. quas quidem sic auide arripui, quasi diuturnam sitim explere cupiens; ut ea ipsa mihi nota essent, quibus me nunc exemplis uti uidetis. quod cum fecisse Socratem in fidibus audirem: uellem equidem et illud: (discebant enim fidibus antiqui) sed in literis certe elaboraui. Nec nunc quidẽ uires desidero adolescentis, (is enim locus erat alter de uirijs senectutis) nõ plus, quàm adolescens etiã uires tauri, aut elephantis desiderabam: quod enim homini naturaliter insitũ est, eo uti decet; et quidquid agas, agere pro uiribus: quæ enim uox potest esse contẽptior, quàm Milonis Crotoniatæ? qui, cũ iam senex esset, athletasq; se in curriculo exercentes uideret, aspexisse lacertos suos dicitur, illacrymansq; dixisse: At hi quidem iam mortui sunt: non uero tam isti, quàm tu ipse nugator: neq; enim ex te unquam es nobilitatus, sed ex lateribus, & lacertis tuis. nihil Sex. Aelius tale, nihil multis annis ante T. Cornucanus, nihil modo P. Crassus: à quibus intra ciuibus

L



## C I C E R O N I S

præscribentur : quorum usq; ad extremum spiritum  
 prouecta est prudentia . orator, metuo, ne languescat se  
 nectute : est enim munus eius non ingenij solum, sed la  
 terum etiam, & uirium . omnino canorum illud in uo  
 ce splendet etiam nescio quo pacto in senectute: quod  
 equidē non amisi adhuc : & tamen uidetis annos meos:  
 sed tamen decorus est sermo senis quietus, & remissus ;  
 facitq; persæpe ipsa sibi audientiam disertis senis compta  
 oratio, & mitis . quod si exequi nequeas , possis tamen  
 Scipioni præcipere, et Lælio : quid enim est iucundius se  
 nectute stipata studijs iuuentutis ? an ne eas quidem ui  
 res senectuti relinquemus, ut adolescentulos doceat, insi  
 tuat, ad omne officij munus instruat ? quo quidem ope  
 re quid potest esse præclarius ? mihi uero Cn. & P. Sci  
 piones, & aui tui duo L. Aemilius, & P. Africanus co  
 mitatu nobilium iuuenum fortunati uidebantur . nec  
 ulli bonarum artium magistri non beati putandi, quā  
 uis consenuerint uires, atq; defecerint : etsi ista ipsa defe  
 ctio uirium adolescentiæ uitijs efficitur sapius, quā se  
 nectutis : libidinosa etenim, & intemperans adolescentia  
 effæctum corpus tradit senectuti . Cyrus quidem apud  
 Xenophontem eo sermone, quem moriens habuit, cū ad  
 modum senex esset, negat se unquam sensisse senectutē  
 suam imbecillio rem factam, quā adolescentia fuisset.  
 ego L. Metellum memini puer, qui, cum quadriennio post  
 alterum Consulatum Pontifex maximus factus esset, ui  
 ginti, & duos annos ei sacerdotio præfuit, ita bonis uiri  
 bus esse in extremo tempore ætatis, ut adolescentiam nō  
 requireret. nihil necesse est de me ipso dicere mihi, quā  
 quam est id quidem senile, ætatiq; nostræ conceditur: ui



detis enim, ut apud Homerum, sapissime Nestor de uir-  
tutibus suis prædicet : tertiam enim iam ætatem homi-  
num uiuebat ; nec erat ei uerendum, ne uera de se præ-  
dicans, nimis uideretur aut insolens, aut loquax : etenim  
( ut ait Homerus ) ex eius lingua melle dulcior fluebat  
oratio : quam ad suauitatem nullis egebat corporis ui-  
ribus . Et tamen ille dux Græciæ nunquā optat, ut Aia-  
cis similes decem habeat, at ut Nestoris : quod si accide-  
rit, non dubitat quin breui Troia sit peritura . sed re-  
deo ad me . quartum annum ago , Et octogesimum .  
equidem posse uellem idem gloriari, quod Cyrus : sed ta-  
men hoc queo dicere, nō me quidem ijs esse uiribus, qui-  
bus aut miles Punico bello, aut Quæstor in eodē bello,  
aut Consul in Hispānia fuerim , aut quadriennio post  
cum Tribunus militaris depugnaui apud Thermopylas  
M. Attilio Glabrione Consule : sed tamen ( ut uos uide-  
tis ) non planè me eneruauit, non afflixit senectus : non  
curia uires meas desiderat, non Rostra, non amici , non  
clientes, non hospites : nec enim unquam sum assensus  
illi ueteri, laudatoq̃ ; prouerbio ; quod monet mature fie-  
ri senem, si diu uelis esse senex . ego uero me minus diu  
senem esse malle, quàm esse senem ante, quàm essem :  
itaq̃ ; nemo adhuc conuenire me uoluit, quin fuerim oc-  
cupatus . at minus habeo uirium, quàm uestrum uter-  
uis . nec uos quidem T. Pontij Cæturionis uires habetis :  
num idcirco ille est præstantior uobis ? moderatio modo  
uirium adsit, Et tantum, quātum quisq̃ ; potest, nitatur :  
næ ille nō magno desiderio tenebitur uirium . Olympiæ  
per stadium ingressus esse Milo dicitur, cum humeris su-  
stineret bouem, utrum igitur has corporis, an Pythago-



## C I C E R O N I S

ræ tibi malis uires ingenij dari? deniq; isto bono utare,  
 dum adsit: cum absit, ne requiras: nisi forte adolescen-  
 tes pueritiam, paululum ætate progressi adolescentiam  
 debeant requirere. cursus est certus ætatis, & uia una  
 naturæ, eaq; simplex; suâq; cuique parti ætatis tempe-  
 stiuitas est data: ut enim infirmitas est puerorum, &  
 ferocitas iuuenum, & grauitas iam cōstantis ætatis; sic  
 senectutis maturitas naturale quiddam habet, quod suo  
 tempore percipi debeat. arbitror te audire Scipio, ho-  
 spes tuus Masinissa quæ faciat hodie, nonaginta annos  
 natus; cum ingressus iter pedibus sit, in equum omnino  
 non ascendere; cum equo, ex equo non descendere; nul-  
 lo imbre, nullo frigore adduci, ut capite operto sit; sum-  
 mæ in eo esse corporis siccitatem; itaq; exequi omnia re-  
 gis officia, & munera. potest igitur exercitatio, & tē-  
 perantia etiam in senectute conseruare aliquid pristi-  
 ni roboris. non sunt in senectute uires: nec postulan-  
 tur quidem uires à senectute. ergo & legibus, & insti-  
 tutis uacat ætas nostra muneribus ijs, quæ non possunt  
 sine uiribus sustineri. itaq; non modo, quod non possu-  
 mus, sed ne quantum possumus quidem, cogimur. at  
 ita multi sunt imbecilles senes, ut nullum officij, aut om-  
 nino uitæ munus exequi possint. at id quidem non pro-  
 prium senectutis est uitium, sed commune ualetudinis.  
 quàm fuit imbecillis P. Africani filius, is, qui te adopta-  
 uit? quàm tenui, aut nulla potius ualetudine? quòd nisi  
 ita fuisset, alterum ille extitisset lumen ciuitatis: ad pa-  
 ternam enim magnitudinem animi, doctrina uberior ac-  
 cesserat. quid mirum igitur in senibus, si infirmi sunt  
 aliquando, cum ne id quidem adolescentes effugere pos-

(se: res)  
 uia dilig  
 contra mot  
 ueludini  
 di & pot  
 pimentur  
 id etiam m  
 quæ, nisi t  
 uine. &  
 uine ing  
 ne. nam q  
 gipat cre  
 quæ senect  
 is: ut p  
 sum, nec  
 uiam: sic  
 uia senem  
 filio & fili  
 Appian reg  
 mon tiqua  
 uat senect  
 uiam impe  
 car libri. d  
 parius mo  
 se ipsa d  
 para est, si  
 uos: ne e  
 ne in quo  
 sequitur  
 sequitur



sint? resistendum Læli, & Scipio senectuti est; & eius  
 uitia diligentia corrigenda sunt: pugnandum, tanquā  
 contra morbum, sic contra senectutem: habenda ratio  
 ualitudinis: utendum exercitationibus modicis: tantū  
 cibi, & portionis adhibendum, ut reficiantur uires, nō op  
 primantur. nec uero corpori solum subueniendum est,  
 sed etiam menti, atq; animo multo magis: nanque hæc  
 quoq; nisi tanq̃ lumini olcum instillis, extinguuntur se  
 nectute. & corpora quidem defatigatione, & exerci  
 tatione ingrauescunt: animi autem se exercendo leuan  
 tur. nam, quos ait Cæcilius comicus stultos senes, hos si  
 gnificat credulos, obliuiosos, dissolutos: quæ uitia sunt  
 non senectutis, sed inertis, ignauæ, somniculosæ senectū  
 tis: ut petulantia, ut libido magis est adolescentum, q̃  
 senum, nec tamen omnium adolescentum, sed non pro  
 borum: sic ista senilis stultitia, quæ deliratio appellari  
 solet, senum leuium est, non omnium. quatuor robustos  
 filios, & filias quinque, tantam domum, tantas clientelas  
 Appius regebat & senex, & cæcius: intentum enim ani  
 mum tāquam arcum habebat: nec languescens succū  
 bebat senectuti: tenebat non modo auctoritatem, sed  
 etiam imperium in suos: metuebant eum serui, uerebā  
 tur liberi, charum omnes habebāt: uigebat in ea domo  
 patrius mos, et disciplina: ita enim senectus honesta est,  
 si se ipsa defendit, si ius suum retinet, si nemini manci  
 pata est, si usque ad extremum spiritum dominatur in  
 suos: ut enim adolescentem, in quo senile aliquid, sic se  
 nē, in quo adolescentis est aliquid, laudamus. quod qui  
 sequitur, corpore senex esse poterit, animo nunquā erit.  
 septimus mihi originū liber est in manibus: omnia an

L iij



tiquitatis monimenta colligo : causarū illustrium, quas-  
 cunq; defendi, nunc quammaxime conficio orationes: ius  
 augurium, pontificium, ciuile tracto : multum etiam li-  
 teris græcis utor: Pythagoreorumq; more exercēdæ me-  
 moriæ gratia, quodcunq; dixerim, audiuerim, egerim,  
 cōmemoro uesteri. hæ sunt exercitationes ingenij, hæc  
 curricula mentis : in his desudās, atque elaborans, corpo-  
 ris uires non magnopere desidero : adsum amicis : ue-  
 nio in senatum frequens, ultroq; affero res multum, &  
 diu cogitatas, easq; tueor animi, non corporis uiribus.  
 quæ si exequi nequirem, tamen me lectulus oblectaret  
 meus ea ipsa cogitantem, quæ iam agere nō possem: sed,  
 ut possim, facit acta uita : semper enim in his studiis,  
 laboribusq; uiuenti non intelligitur, quando obrepat se-  
 nectus. ita sensim, sine sensu ætas senescit; nec subito  
 frangitur, sed diuturnitate exinguitur. Sequitur  
 tertia uituperatio senectutis, quod eam carere dicūt uo-  
 luptatibus. ò præclarum munus ætatis : si quidem id  
 aufert nobis, quod est in adolescētia uitiosissimum : ac-  
 cipite enim optimi adolescentes ueterem orationem Ar-  
 chytæ Tarētini, magni in primis, & præclari uiri: quæ  
 mihi tradita est, cum essem adolescēs Tarenti cum Q.  
 Maximo. Nullam capitaliorem pestem, quàm corpo-  
 ris uoluptatem, hominibus dicebat à natura datam : cu-  
 ius uoluptatis auidæ libidines, temere, & effrenate ad  
 potiundum incitarentur. hinc patriæ proditiones, hinc  
 Rerump. euerfiones, hinc cum hostibus clandestina collo-  
 quia nasci dicebat: nullum deniq; scelus, nullum magnū  
 facinus esse, ad quod suscipiendum non libido uolupta-  
 tis impelleret : supra uero, & adulteria, & omne tale



flagitium nullis alijs illecebris excitari, nisi uoluptate : cumq; homini siue natura, siue quis deus nihil mente præstabilius dedisset, huic diuino muneri, ac dono nihil tam esse inimicum, quàm uoluptatem : nec enim libidine dominante temperatiæ locum esse, nec omnino in uoluptatis regno uirtutem posse consistere . quod quo magis intelligi posset, fingere animo aliquem iubebat tanta incitatum uoluptate corporis, quanta percipi posset maxima . nemini censebat fore dubium, quin tam diu, dum ita gauderet, nihil agitare mente, nihil ratione, nihil cogitatione consequi posset : quocirca nihil tam detestabile, tamq; pestiferum, quàm uoluptatem ; si quidē ea, cum maior esset, atque longior, omne animi lumen exstingueret . Hæc cum C. Pontio Samnite, patre eius, à quo in Caudino prælio Sp. Posthumius, & T. Veturius Cōsules superati sunt, locutum Archytam, Nearchus Tarentinus hospes noster, qui in amicitia populi R. permanerat, se à maioribus natu accepisse dicebat ; cum quidem ei sermoni interfuisset Plato Atheniensis : quē Tarentum uenisse L. Aemilio, App. Claudio Coss. reperio . quorsum hæc ? ut intelligatis, si uoluptatem aspernari ratione, & sapientia non possumus, magnam habendam senectui gratiam, quæ effecerit, ut non liberet, quod non oporteret : impedit enim consilium uoluptas, rationi inimica ; ac mentis ( ut ita dicam ) præstringit oculos ; nec habet ullum cum uirtute cōmercium . inuitus quidem feci, ut fortissimi uiri T. Flaminij, fratrem L. Flaminij è senatu eicerem septem annis post quàm Consul fuisset : sed notandam libidinem putavi nimiam : ille enim, cum esset Consul in Gallia, exoratus est .

L. iiij



## C I C E R O N I S

in conuiuio à scorto, ut securi feriret aliquem eorum, qui in uinculis essent damnati rei capitalis. tunc fratre suo Censore, qui proximus ante me fuerat, elapsus est. mihi uero, & Flacco neutiquam probari potuit tam flagitiosa, & tam perditā libido, quæ cum probro priuato coniungeret imperij dedecus. sæpe à maioribus natu audiui, qui se porro pueros à senibus audiuisse dicebant, mirari solitum C. Fabritium, quodd, cum apud Regem Pyrrhum Legatus esset, audisset à Thessalo Cineā, Athenis quendam esse, qui se sapientem profiteretur; eumq; dicere, omnia, quæ faceremus, ad uoluptatem esse referenda: quod ex eo audientes Manium Curium, & T. Coruncanum, optare solitos, ut id Samnitibus, ipsiq; Pyrrho persuaderetur; quo facilius uinci possent, cum se uoluptatibus dedissent. uixerat Manius Curius cum P. Decio, qui quinquennio ante eum Consulem se pro Rep. quarto Consulatu deuouerat: norat eundem Fabritius, norat Coruncanus: qui tum ex sua uita, tum ex eius, quem dico, P. Decij factō indicabant esse profecto aliquid natura pulchrum, atque præclarum, quod sua sponte peteretur, quodq; spreto, & contempta uoluptate optimus quisque sequeretur. quorū sum igitur hæc tam multa de uoluptate? quia non modo uituperatio nulla, sed etiam summa laus senectutis est, quod ea uoluptates nullas magnopere desiderat. caret epulis, extructisq; mensis, & frequentibus poculis: caret ergo uinolentia, cruditate, & insomnijs. sed si aliquid dandum est uoluptati, quoniam eius blanditijs non facile obsistimus (diuinus enim Plato escam malorum uoluptatem appellat, quod ea uidelicet homi-



nes capiantur, ut hamo pisces) quanquam immoderatis epulis careat seneſtus, modicis conuiujs tamen poteſt delectari. C. Duillum M. filium, qui Poenos primus claſſe deuicerat, redeuntem à cœna ſenem ſæpe uidebam puer. delectabatur careo funali, & tibicine: quæ ſibi nullo exemplo priuatus ſumpſerat: tatum licentiæ dabat gloria. ſed quid ego alios? ad meipſum iam reuertar. primum habui ſemper ſodales: ſodalitates autem me Quæſtore cõſtitutæ ſunt, ſacris Idæis Magnæ matris acceptis. epulabar igitur cum ſodalibus, omnino modice, ſed erat quidam feruor ætatis; qua progrediente, omnia fiunt etiam in dies mitiora: neq; enim ipſorum conuiuiorum delectationes corporis uoluptatibus magis, quàm cœtu amicorum, & ſermonibus metiebar: bene enim maiores accubationem epularem amicorum, quia uitæ coniunctionem haberet, conuiuium nominarunt, melius, quàm Græci, qui hoc idem tum compotationem, tum concœnationem uocant: ut, quod in eo genere minimū eſt, id maxime probare uideantur. ego uero propter ſermonis delectationem tempeſtiuis conuiujs delector, nec cum æqualibus ſolum, qui pauci admodum reſtant, ſed cum ueſtra etiam ætate, atq; nobiſcum: habeoq; ſeneſtuti magnam gratiam, quæ mihi ſermonis auiditatem auxit, portionis, et cibi ſuſtulit. quod ſi quem etiam iſta delectant, ne omnino bellum indixiſſe uidear uoluptati, cuius eſt etiam fortasſe quidam naturalis modus: non intellico ne in iſtis quidem uoluptatibus ipſis carere ſenſu ſeneſtutem. me uero & magiſteria delectant à maioribus inſtituta; & iſ ſermo, qui more maiorum à ſummo adhibetur magiſtro in poculo; & pocula, ſicut in



## C I C E R O N I S

symposio Xenophontis, minuta, atq; rorantia, & refrige-  
 ratio æstate, & uicissim in hyeme aut sol, aut ignis hy-  
 bernus: quæ quidem in Sabinis etiam persequi soleo:  
 conuiuiumq; uicinorum quotidie cõpleo; quod ad mul-  
 tam noctem, quàm maxime possumus, uario sermone  
 producimus. at non est uoluptatum tanta quasi titilla-  
 tio in senibus. credo: sed nec desideratio quidem: ni-  
 hil autem molestum, quod non desideres. bene Sopho-  
 cles, cum ex eo quidam iam confecto ætate quæreret, ute-  
 retur ne rebus Venereis, dii meliora, inquit: libenter ue-  
 ro istinc tanquam à domino agresti, ac furioso profugi.  
 cupidus enim rerum talium odiosum, & molestum est  
 fortasse carere; satiatis uero, & expletis iucundius est  
 carere, quàm frui. (quanquam non caret is, qui non desi-  
 derat) ergo hoc nõ desiderare dico esse iucundius, quàm  
 frui. quòd si istis ipsis uoluptatibus bona ætas fruitur  
 libentius; primum paruulis fruitur rebus, ut diximus;  
 deinde ijs, quibus senectus, si etiam non abunde potitur,  
 non omnino caret. ut Turpione Ambiuio magis dele-  
 ctatur, qui in prima cauea spectat; delectatur tamen  
 etiam, qui in ultima: sic in adolescentia uoluptates pro-  
 pè intuens magis fortasse lætatur; sed delectatur etiam  
 senectus procul eas spectans, tantum, quantum sat est.  
 at illa quanti sunt, animum tanquam emeritis stipendijs  
 libidinis, ambitionis, contentionis, inimicitiarum, cupidita-  
 tum omnium, secum esse, secumq; (ut dicitur) uiuere? si  
 uero habet aliquod tanquam pabulum studij, atque do-  
 ctrinæ, nihil est otiosa senectute iucundius. mori uideba-  
 mus in studio dimetiendi penè coeli, atque terræ Gallum  
 familiarem patris tui Scipio. quoties illum lux, noctu

aliquid d  
 capisse  
 solis, &  
 uicissim  
 lo suo Pau  
 quam Pse  
 pecum aru  
 (a Centon  
 tam meam  
 portificij,  
 P. Scipionis  
 eius est: ut  
 diu fegram  
 quam reele  
 cu exerceri  
 fuit i iur  
 lapatus cau  
 eadem frou  
 tau et bene  
 nescum illu  
 ante dico)  
 uoluptate a  
 munc ad uo  
 liter delect  
 muni ad fa  
 bene enim  
 imperium  
 sed alias  
 quam me  
 te uis, de



aliquid describere ingressum, quoties nox oppressit, cum  
 cœpisset mane? quàm delectabatur, cum defectiones  
 solis, & lunæ multo nobis ante prædiceret? quid in le-  
 uioribus studiis, sed tamen acutis? quàm gaudebat bel-  
 lo suo Punico Næuius? quàm Truculento Plautus?  
 quàm Pseudulo? uidi etiam senem Linium: qui, cum se-  
 ptem annis ante, quàm ego natus sum, fabulam docuis-  
 set Centone, Tuditanoq; Consulibus, usque ad adolescen-  
 tiam meam processit ætate. quid de P. Licinij Crassi &  
 pontificij, & ciuilibus iuris studio loquar? aut de huius  
 P. Scipionis, qui his paucis diebus Pontifex maximus fa-  
 ctus est? atqui eos omnes, quos commemorauimus, his stu-  
 diis flagrant senes uidimus. Marcum uero Cethegum,  
 quem recte suadæ medullam dixit Ennius, quanto stu-  
 dio exerceri in dicendo uidebamus etiam senem? quæ  
 sunt igitur epularum, aut ludorum, aut scortorum uo-  
 luptates cum his uoluptatibus comparandæ? atq; hæc  
 quidem studia sunt doctrinæ: quæ quidem prudenti-  
 bus, et bene institutis pariter cum ætate crescunt. ut ho-  
 nestum illud Solonis est, quod ait uersiculo quodam, (ut  
 ante dixi) senescere se multa in dies addiscentem: qua  
 uoluptate animi nulla certe potest esse maior. Venio  
 nunc ad uoluptates agricolarum: quibus ego incredibi-  
 liter delector: quæ nec ulla impediuntur senectute, &  
 mihi ad sapientis uitam proxime uidentur accedere: ha-  
 bent enim rationem cum terra; quæ nunquam recusat  
 imperium, nec unquam sine usura reddit, quod accepit,  
 sed aliàs minore, plerunq; maiore cum fœnore. quan-  
 quam me quidem nō fructus modo, sed etiam ipsius ter-  
 ræ uis, ac natura delectat. quæ cum gremio mollito, ac



## C I C E R O N I S

subactō semen sparsum excepit, primum id occatum cohibet; ex quo occatio, quæ hoc efficit, nominata est: de inde tepesactum uapore, & complexu suo diffundit, & elicit herbescentem ex eo uiriditatem: quæ nixa fibris stirpium sensim adolescit, culmoq; erecta geniculato, uaginis iam quasi pubescens includitur: è quibus cū emer serit, fundit frugem spicæ ordine struetam, & contra auium minorum morsum munitur uallo aristarum. quid ego uitium satus, ortus, incrementa commemorem? satiari delectatione non possum; ut meæ senectutis requiem, oblectamentumq; noscatis. omitto enim uim ipsam omnium, quæ generantur è terra; quæ ex fici tantulo grano, aut ex acino uinaceo, aut ex cæterarum frugum, aut stirpium minutissimis seminibus tantos truncos, ramosq; procreet: malleoli, plantæ, sarmenta, uiuira dices, propagines non ne ea efficiunt, ut quemuis admiratione delectent? uitis quidem, quæ natura caduca est, & nisi fulta sit, ad terram fertur, eadem, ut se erigat, clauiculis suis, quasi manibus, quidquid est naeta, complectitur: quam serpentem multiplici lapsu, & erratico, ferro amputans coerceat ars agricolarum, ne siluescat sarmentis, & in omnes partes nimia fundatur. itaque ineunte uere in ijs, quæ relicta sunt, existit tanquam ad articulos sarmentorum ea, quæ gemma dicitur: à qua oriens uua sese ostendit: quæ & succo terræ, & calore solis augescens, primo est peracerba gustui; deinde maturata dulcescit; uestitaq; pampinis, nec modico tepore caret, & nimios solis defendit ardores: qua quid potest esse tum fructu lætius, tum aspectu pulchrius? cuius quidem non utilitas me solum, ut ante dixi, sed etiam



cultura, & ipsa natura delectat; adminiculorum ordi-  
nes, capitum coniugatio, & religatio, & propagatio ui-  
tium, sarmentorum ea, quam dixi, aliorum amputatio,  
& aliorum immissio. quid ego irrigationes, quid agri  
fossiones, repastinationesq; proferam, quibus fit multo  
terra foecundior? quid de utilitate loquar stercoreandi?  
dixi in eo libro, quem de rebus rusticis scripsi: de qua  
doctus Hesiodus ne uerbum quidem fecit, cū de cultu-  
ra agri scriberet. at Homerus, qui multis (ut mihi uide-  
tur) ante seculis fuit, Laertem lenientem desiderium,  
quod capiebat ē filio, colentem agrum, & eum sterco-  
rantem facit. nec uero segetibus solum, et pratis, & ui-  
neis, & arbutis res rusticae laetae sunt, sed pomarijs etiā  
& hortis, tum pecudum pastu, & apum examinibus,  
tum florum omnium uarietate. nec consitiones modo  
delectant, sed etiā insitiones: quibus nihil inuenit agri-  
cola solertius. possum persequi multa oblectamenta re-  
rum rusticarum: sed ea ipsa, quae dixi, sentio fuisse lon-  
giora. ignoscetis autem: nam & studio rerum rusti-  
carum prouectus sum; & senectus est natura loqua-  
cior; ne ab omnibus eam uitijs uidear uendicare. ergo  
in hac uita M. Curius, cum de Samnitibus, de Sabinis, de  
Pyrrho triumphasset, cōsumpsit extremum tempus aeta-  
tis. cuius quidem uillam ego contemplanus (abest enim  
non longe à me) admirari satis non possum uel ipsius  
hominis continentiam, uel temporum disciplinam. Curio  
ad focum sedenti magnum auri pondus Samnites cum  
attulissent, repudiati ab eo sunt: non enim aurum ha-  
bere praeclarum sibi uideri dixit, sed eis, qui haberent  
aurum, imperare. poterat ne tantus animus non iu-



## C I C E R O N I S

cundam efficere senectutem? sed uenio ad agricolas, ne à me ipso recedam. in agris erāt tunc senatores, idest senes; si quidem L. Quintio Cincinnato in agro arāti nunciatum est, eum Dictatorem esse factum. cuius Dictatoris iussu Magister Equitum C. Seruilius Hala Sp. Melium regnum appetentem, & occupantem interemit. à uilla in senatum accersebantur & Curius, & ceteri senes. ex quo, qui eos accersebant, uiatores nominati sunt. num igitur eorum senectus miserabilis fuit, qui se agricultione oblectabant? mea quidem sententia, haud scio, hac an ulla uita beatior esse possit; neq; solum officio, quòd hominum generi uniuerso cultura agrorum est salutaris; sed & delectatione, quam dixi; & saturitate, copiaq; omnium rerum, quæ ad uictum hominum, & cultum etiam deorum pertinent: ut, quoniam hæc quidam desiderant, in gratiam iam cum uoluptate redeamus: semper enim boni, assiduiq; domini referta cella uinaria, olearia, & penuaria est; uillaq; tota locuples est; abundat porco, hædo, agno, gallina, lacte, caseo, melle. iam hortum ipsi agricolæ succidiam alteram appellant. tum conditiora facit hæc superuacaneis operis aucupium, atque uenatio. quid de pratorum uiriditate, aut arborum ordinibus, aut uinearum, oliuetorum uel specie dicam? breui expediam. agro bene culto nil potest esse nec usu uberius, nec specie ornatus: ad quem fruendum non modo non retardat, uerum etiam inuitat, atque allectat senectus: ubi enim potest illa ætas aut calefcere uel apricatione melius, uel igni; aut uicissim umbris, aquis uel refrigerari salubrius? habeant igitur alij sibi arma, sibi equos, sibi hastas, sibi clauam, & pi-

longi sibi mat  
malis celos  
habebit; qui  
miles ad re  
que, quæ so  
ultra laud  
lari, qui Oro  
mili et tam  
lucrat in es  
sorem regem  
plura, cum  
uis uenisset  
et ueteris in  
non fuisse;  
et confutum  
labet et pri  
am ordines,  
uicem odor  
uile, mirari  
iam eius, d  
d Cyrum re  
mei sunt ora  
ebrium ma  
tem eius pro  
scum male  
n Cyre be  
conuicta  
ætas impe  
mis agri  
pus senec



lam, sibi natationes, et cursus: nobis senibus ex lusionibus multis talos relinquunt, & tesseras; id ipsum tamen, ut lubebit; quoniam sine his beata esse senectus potest. multas ad res perutiles Xenophontis libri sunt: quos legite, quaeso, studiose, ut facitis. quam copiose ab eo agri cultura laudatur in eo libro, qui est de tuenda re familiari, qui Oeconomicus inscribitur? atque, ut intelligatis nihil ei tam regale uideri, quam studium agri colendi, Socrates in eo libro loquitur cum Critobulo, Cyrum minorem regem Persarum praestantem ingenio, atque imperij gloria, cum Lysander Lacedaemonius uir summae uirtutis uenisset ad eum Sardis, eique dona a socijs attulisset; & ceteris in rebus comem erga Lysandrum, atque humanum fuisse; & ei quendam conseptum agrum, diligenter consitum ostendisse: cum autem admiraretur Lysander & proceritates arborum, et directos in quincuncem ordines, & humum subactam, atque puram, & suauitatem odorum, qui efflarentur a floribus, tum eum dixisse, mirari se non modo diligentiam, sed etiam solertiam eius, a quo essent illa dimensa, atque descripta: & ei Cyrum respondisse: atqui ego ista sum dimensus: mei sunt ordines, mea descriptio: multae etiam istarum arborum mea manu sunt satae: tum Lysandrum intuetem eius purpuram, et nitorem corporis, ornatumque Persicum multo auro, multisque gemmis, dixisse: recte uero te Cyre beatum ferunt, quoniam uirtuti tuae fortuna coniuncta est. hac igitur fortuna frui licet senibus: nec aetas impedit, quo minus & ceterarum rerum, et in primis agri colendi studia teneamus usque ad ultimum tempus senectutis. Marcum quidem Valerium Coruinum



## CICERONIS

accepimus ad centesimum annum uitam perduxisse, cum esset exacta iam etate in agris, eosq; coleret: cuius inter primum, & sextum Consulatū sex, & quadraginta anni interfuerunt. itaq; quantum spatium etatis maiores nostri ad senectutis initium esse uoluerunt, tantus illi cursus honorum fuit. atq; eius extrema etas hoc beator, quā media, quod auctoritatis plus habebat, laboris uero minus. apex autem senectutis est auctoritas: quanta fuit in L. Cæcilio Metello, quanta in Attilio Calatino: in quem illud elogium, Vnicum plurimæ consentiunt gentes populi primarium fuisse uirum: notum est totum eius carmen incisum in sepulcro. iure igitur grauis, cuius de laudibus omnium esset, fama consentiens. quem uirum nuper P. Crassum Pontificem Maximum, quem postea M. Lepidum eodem sacerdotio præditum uidimus? quid de Paulo, aut Africano loquar? aut iam ante de Maximo? quorum non in sententia solum, sed etiam in nutu residebat auctoritas? habet senectus, honorata præsertim, tantam auctoritatem, ut ea pluris sit, quā omnes adolescentiæ uoluptates. sed in omni oratione mementote eam me laudare senectutem, quæ fundamentis adolescentiæ constituta sit. ex quo id efficitur, quod ego quondam magno cum assensu omnium dixi, miseram esse senectutem, quæ se oratione defenderet. non cani, non rugæ repente auctoritatem afferre possunt: sed honeste acta superior etas, fructus auctoritatis capit extremos: hæc enim ipsa sunt honorabilia, quæ uidentur leuia, atque communia, salutari, appeti, decedi, assurgere, deduci, reduci, consuli: quæ & apud nos, & in alijs ciuitatibus, ut quæque optime morata,



morata, ita diligentissime obseruantur. Lysandrum Lacedæmonium, cuius modo mentionem feci, dicere aiunt solitum, Lacedæmone esse honestissimum domicilium senectutis: nusquam enim tantum tribuitur ætati, nusquam est senectus honoratior. quin etiam memoria proditum est: cum Athenis ludis quidam in theatrum grandis natu uenisset, in magno consessu locum ei à suis ciuibus nusquam datum: cum autem ad Lacedæmonios accessisset, qui, cum Legati essent, in loco certo confederant, consurrexisse omnes, et senem illum sessum recepisse: quibus cum à cuncto consessu plausus esset multiplex datus, dixisse ex ijs quendam, Athenienses scire, quæ recta essent, sed facere nolle. multa in nostro collegio præclara, sed hoc, de quo agimus, in primis, quòd, ut quisque ætate antecellit, ita sententiæ principatum tenet: neque solum honore antecedentibus, sed ijs etiam, qui cum imperio sunt, maiores natu Augures anteponuntur. quæ sunt igitur uoluptates corporum cum auctoritatis præmijs comparandæ? quibus qui splendide uisi sunt, ij mihi uidentur fabulam ætatis peregissee, nec, tanquam inexercitati histriones, in extremo actu corruisse. at sunt morosi, & anxij, & iracundi, & difficiles senes: si querimus, etiam auari: sed hæc morum uitia sunt, non senectutis. at morositas tamen, & hæc uitia, quæ dixi, habent aliquid excusationis, non illius quidem iustæ, sed quæ probari posse uideatur. contemni se putant, despici, illudi. præterea in fragili corpore odiosa omnis offensio est. quæ tamen omnia dulciora fiunt & bonis moribus, & artibus: idq; tum in uita, tum in scena intelligi potest ex ijs fratribus, qui in Adel

M



phis sunt . quanta in altero duritas, in altero comitas ? sic se res habent : ut enim non omne uinum , sic non omnis ætas uetustate coacescit . seueritatem in senectute probo, & eam, sicut alia, modicam ; acerbicatem nullo modo . auaritia uero senilis quid sibi uelit, non intelligo : potest enim quidquam esse absurdius, quàm, quominus uia restat , eo plus uaticini quærere ? Quarta restat causa, quæ maxime angere, atque sollicitam habere nostram ætatem uidetur ; appropinquatio mortis , quæ certe à senectute non potest longe abesse . ò miserum senem, qui mortem contemnendam esse in tam longa ætate non uiderit : quæ aut plane negligenda est, si omnino extinguit animum ; aut etiam appetenda , si aliquò eum deducit, ubi sit futurus æternus . atqui tertium certe nihil inueniri potest . quid igitur timeam, si aut non miser post mortem , aut beatus etiam futurus sum ? quanquam quis est tam stultus, quamuis sit adolescens, cui sit exploratum , se ad uesperum esse uicturum ? quin etiam ætas illa multo plures, quàm nostra, mortis casus habet . facilius in morbos incidunt adolescentes : grauius ægrotant : tristius curantur : itaque pauci ueniunt ad senectutem . quod nisi ita accideret , melius, & prudentius uiueretur : mens enim, & ratio, & consilium in senibus est : qui si nulli fuissent , nullæ omnino ciuitates fuissent . sed redeo ad mortem impendentem . quod illud est crimen senectutis, cum illud uideatis cum adolescentia esse commune ? sensi ego tum in optimo filio meo, tum in expectatis ad amplissimam dignitatem fratribus tuis Scipio , omni ætati mortem esse communem . at sperat adolescens , diu se uictu =



rum : quod sperare idem senex non potest . insipienter sperat : quid enim est stultius , quàm incerta pro certis habere , falsa pro ueris ? at senex ne quid speret , habet quidem . at est eo meliore conditione , quàm adolescens ; cum id , quod sperat ille , hic iam affecutus est . ille uult diu uiuere : hic diu uixit . quanquam , ò dij boni , quid est in hominis uita diu ? da enim supremum tempus : expectemus Tartessiorum regis ætatem : fuit enim ( ut scriptum uideo ) Argæthionius quidam Gadibus , qui octoginta regnauit annos , centum & uiginti uixit . sed mihi ne diuturnum quidem quidquam uidetur , in quo est aliquid extremum : cum enim id aduenerit , tunc illud , quod præterijt , effluxit : tantum remanet quidem , quod uirtute , & recte factis sis consecutus : horæ quidem cedunt , & dies , menses , & anni ; nec præteritum tempus unquã reuertitur ; nec , quid sequatur , sciri potest . quod cuique temporis ad uiuendum datur , eo debet contentus esse : neque enim histirioni , ut placeat , peragenda est fabula ; modo , in quocunq; fuerit ætate , probeatur : neque sapienti usq; , Plaudite , uiuendum : breue enim tempus ætatis satis est longum ad bene , honesteq; uiuendum : sin processeris longius , nõ magis dolendum est , quàm agricolæ dolent , præterita uerni temporis suauitate , æstatem , autumnumq; uenisse : uer enim , tanquam adolescentia , significat , ostenditq; fructus futuros ; reliqua tempora demetendis fructibus , aut percipiendis accommodata sunt : fructus autem senectutis est ( ut sæpe dixi ) in ante partorum bonorum memoria , & copia . omnia uero , quæ secundum naturam fiunt , sunt habenda in bonis . quid est autem tam secundum naturam , quàm se-

M ij



## C I C E R O N I S

nibus emori? quod idem contingit adolescentibus aduer-  
sante, & repugnante natura. itaque adolescentes mori  
sic mihi videntur, ut cum aquæ multitudine uis flammæ  
opprimitur: senes autem, sicut sua sponte, nulla adhibi-  
ta uis, consumptus ignis exstinguitur: & quasi poma ex  
arboribus, si cruda sunt, uis auelluntur; si matura, &  
cocta, decidunt; sic uitam adolescentibus uis aufert, se-  
nibus maturitas: quæ mihi quidem tam iucunda est, ut,  
quo propius ad mortem accedam, quasi terram uideam  
uidere, aliquandoq; in portum ex longa nauigatione es-  
se uenturus. omnium ætatum certus est terminus: se-  
necutis autem nullus certus est terminus; recteq; in ea  
uiuatur, quoad munus officij exequi, & tueri possis, &  
tamen mortem cõtemnere. ex quo fit, ut animosior etiã se-  
necutus sit, q̃ adolescẽtia, & fortior. hoc est illud, quod  
Pisistrato tyranno à Solone respõsum est, cum illi quæ-  
renti, quæ tãdem spe fretus, sibi tam audacẽter obsisteret,  
respondisse dicitur, senectute. sed uiuendi est finis opti-  
mus, cum integra mente, certisq; sensibus opus ipsa suum  
eadem, quæ coagmẽtauit, natura dissoluit, ut nauem, ut  
ædificium idem destruit facillime, qui construxit: sic ho-  
minem eadem optime, quæ cõglutinauit, natura dissol-  
uit: nã omnis conglutinatio recens, ægre; inueterata, fa-  
cile diuellitur. ita fit, ut illud breue uitæ reliquum nec  
auide appetendum senibus, nec sine causa deserendũ sit:  
uetatq; Pythagoras, iniussu imperatoris, idest dei, de præ-  
sidio, & statione uitæ decedere. Solonis quidem sapien-  
tis elogium est, quo se negat uelle suam mortem dolore  
amicorũ, lamentisq; uacare. uult se charum, credo, suis  
esse. sed haud scio, an melius Ennius:

Nemo me  
sciret.  
mortalitas  
esse potest,  
nisi: post mo-  
tus est. sed  
mortem ne  
esse crimi-  
nari id in cer-  
tus horis im-  
pore: de quo  
tar, cum vi-  
tenda patri-  
voluntariam  
non M. Atti-  
pore hosti-  
qui iter Pœ-  
non statum e-  
in Cœmentis  
lum, cuius in  
more sepulta  
quod scripsi  
etiam elacri-  
na arbitra-  
dem non si-  
id docti se-  
detur) re-  
sunt quæ  
adolescen-  
iam consi-



Nemo me lacrymis decoret, neque funera fletu  
 Faxit. Non esse lugendam mortem censet, quam im-  
 mortalitas consequatur. iam sensus moriendi, si aliquis  
 esse potest, is ad exiguum tempus durat, præsertim se-  
 ni: post mortem quidem sensus aut optandus, aut nul-  
 lus est. sed hoc meditatum ab adolescentia debet esse,  
 mortem ut negligamus: sine qua meditatione tranquil-  
 lo esse animo nemo potest: moriendum enim certe est,  
 & id incertum an eo ipso die. mortem igitur omni-  
 bus horis impendentem timens, quis possit animo consi-  
 stere? de qua non ita longa disputatione opus esse uide-  
 tur, cum recorder non solum L. Brutum, qui in libe-  
 randa patria est interfectus; non duos Decios, qui ad  
 uoluntariam mortem cursum equorum incitauerunt;  
 non M. Attilium, qui ad supplicium est profectus, ut  
 fidem hosti datam conseruaret; non duos Scipiones,  
 qui iter Poenis uel corporibus suis obstruere uoluerunt;  
 non auum tuum L. Paulum, qui morte sua luit collegæ  
 in Cannensi ignominia temeritatem; non M. Marcel-  
 lum, cuius interitum ne crudelissimus quidem hostis ho-  
 nore sepulturæ carere passus est; sed legiones nostras,  
 quod scripsi in Originibus, in eum locum sæpe profe-  
 ctas alacri animo, & erecto, unde nunquam se reditu-  
 ras arbitrarentur. quod igitur adolescentes, & ij qui-  
 dem non solum indocti, sed etiam rustici contemnunt,  
 id docti senes extimescent? omnino (ut mihi quidem ui-  
 detur) rerum omnium satietas uitæ facit satietatem.  
 sunt pueritiæ certa studia: num igitur ea desiderant  
 adolescentes? sunt & ineuntis adolescentiæ: num ea  
 iam constans requirit ætas, quæ dicitur media? sunt



etiam huius ætatis : ne ea quidem in senectute quærun-  
tur . sunt autem extrema quadam studia senectutis .  
ergo , ut superiorum ætatum studia occidunt , sic occi-  
dunt etiam senectutis . quod cum euenit , satietas uitæ  
tempus maturum mortis affert . equidem non uideo ,  
cur , quid ipse sentiam de morte , non audeam dicere uo-  
bis . quod eo melius cernere mihi uideor , quo ab ea pro-  
pius absum . Ego uestros patres P. Scipio , tuq; C. Læli,  
uiros clarissimos , mihi amicissimos , uiuere arbitror , &  
eam quidem uitam , quæ est sola uita nominanda : nam ,  
dum sumus in his inclusi compagibus corporis , munere  
quodam necessitatis , & graui opere perfungimur : est  
enim animus cœlestis ex altissimo domicilio depressus ,  
& quasi demersus in terram , locum diuinæ naturæ ,  
æternitatiq; contrarium . sed credo deos immortales  
sparsisse animos in corpora humana , ut essent , qui ter-  
ras tuerentur , quiq; cœlestium ordinem contemplantur ,  
imitarentur eum uitæ modo , atque constantia . nec  
me solum ratio , ac disputatio impulit , ut ita crederem ;  
sed nobilitas etiam summorum philosophorum , & au-  
thoritas . audiebam , Pythagoram , Pythagoreosq; inco-  
las penè nostros , qui essent Italici philosophi quondam  
nominati , nunquam dubitasse , quin ex uniuersa mente  
diuina delibatos animos haberemus . demonstrabantur  
mihi præterea , quæ Socrates supremo uitæ die de im-  
mortalitate animorum disseruisset , is , qui esset sapientis-  
simus oraculo Apollinis iudicatus . quid multa ? sic mi-  
hi persuasi , sic sentio : cum tanta celeritas animorum  
sit , tanta memoria præteritorum , futurorum proui-  
dentiæ , tot artes , tantæ scientiæ , tot inuenta , non posse



eam naturam , quæ res eas contineat , esse mortalem : cumq; animus semper agitetur , nec principium motus habeat , quia ipse se moueat , nec finem quidem habiturum esse motus , quia nunquam se ipse sit relicturus : Et , cum simplex animi natura esset , neque haberet in se quidquam admixtum dispar sui , atque dissimile , non posse eum diuidi : quod si non posset , non posse interire : magnoq; esse argumēto , homines scire pleraque ante quàm nati sint , quod iam pueri , cum artes difficiles discant , ita celeriter res innumerabiles arripiant , ut eas nō tum primum accipere uideantur , sed reminisci , Et recordari . hæc Platonis sunt ferè . Apud Xenophontem autem moriens Cyrus maior hæc dicit : Nolite arbitrari ò mihi charissimi filij , me , cum à uobis discessero , nusquam , aut nullum fore : nec enim , dum eram uobiscum , animum meum uidebatis ; sed eum esse in hoc corpore , ex ijs rebus , quas gerebam , intelligebatis . eundem igitur esse creditote , etiam si nullum uidebitis . nec uero clarorum uirorum post mortem honores permanerent , si nihil eorum ipsorum animi efficerent , quo diutius memoriam sui teneremus . mihi quidem nunquam persuaderi potuit , animos , dum in corporibus essent mortalibus , uiuere ; cum exissent ex ijs , emori : nec uero tum animum esse insipientem , cum ex insipienti corpore euasisset ; sed , cum omni admixtione corporis liberatus , purus , Et integer esse cœpisset , tum esse sapientem . atq; etiam , cum hominis natura morte dissoluitur , cæterarum rerum , perspicuum est , quò quæque discedant : abeunt enim illuc omnia , unde orta sunt : animus autem solus , nec cum adest , nec cum discedit , apparet . iam uero uidetis nihil

M iij



morti esse tam simile, quàm somnum. atqui dormientiū animi maxime declarant diuinitatē suam: multa enim, cum remissi, & liberi sunt, futura prospiciunt. ex quo intelligitur, quales futuri sint, cum se planē corporis uinculis relaxauerint. quare, si hæc ita sunt, sic me colitote, ut deum. sin unā interiturus est animus cum corpore; uos tamen deos uerentes, qui hanc omnem pulchritudinem tuentur, & regunt, memoriam nostrī pie, inuolūtēq; seruabitis. Cyrus quidem hæc moriens. nos, si placeat, nostra uideamus. Nemo unquam mihi Scipio persuadebit, aut patrem tuum Paulum, aut duos auos Paulum, et Africanum, aut Africani patrem, aut patrum, aut multos præstantes uiros, quos enumerare non necesse est, tanta esse conatos, quæ ad posteritatis memoriam pertinerent; nisi animo cernerent, posteritatem ad se pertinere posse. an censes (ut de me ipso aliquid more senum gloriē) me tantos labores diurnos, nocturnosq; domi, militiæq; suscepturum fuisse, si iisdem finibus gloriā meam, quibus uitam, essem terminaturus? non ne melius multo fuisset otiosam ætatem, & quietam, sine ullo labore, aut contentione traducere? sed nescio quo modo animus erigens se, posteritatem semper ita prospiciebat, quasi, cum excessisset è uita, tum deniq; uiéturus esset. quod quidem nī ita se haberet, ut animi immortales essent; haud optimi cuiusq; animus maxime ad immortalē gloriā niteretur. quid, quòd sapientissimus quisq; æquissimo animo moritur, si uulgi iniquissimo? non ne uobis uidetur animus, is, qui plus cernat, & longius, uidere se ad meliora proficisci; ille autem, cuius obtusior sit acies, non uidere? equidem efferor studio patres



uestros, quos colui, & dilexi, uidendi: neq; eos uero so-  
 lum cōuenire aueo, quos ipse cognoui; sed illos etiam,  
 de quibus audiui, & legi, & ipse conscripsi. quò quidē  
 me proficiscentem haud sanè quis facile retraxerit, ne  
 ne tanquam Peliam recoxerit. quòd si quis deus mihi  
 largiatur, ut ex hac aetate repuerascam, & in cunis ua-  
 giam, ualde recusem: nec uero uelim, quasi decurso spa-  
 tio, à calce ad carceres reuocari: quid enim habet uita  
 cōmodi? quid non potius laboris? sed habeat sanè: ha-  
 bet certe tamen aut satietatem, aut modum: non libet  
 enim mihi deplorare uitam, quod multi, & ij docti, se-  
 pe fecerunt: nec me uixisse pœnitet, quoniam ita uixi,  
 ut non frustra me natum existimem: & ex uita ista  
 discedo, tanquam ex hospitio, non tanquam ex domo:  
 commorandi enim natura diuersorium nobis, non habi-  
 tandi dedit. ò praeclarum diem, cum in illud animorū  
 concilium, cœtumq; proficiscar, & cum ex hac turba,  
 & colluxione discedam: proficiscar enim non ad eos so-  
 lum uiros, de quibus ante dixi; sed etiam ad Catonem  
 meū: quo nemo uir melior natus est, nemo pietate prae-  
 stantior: cuius à me corpus crematum est: quod con-  
 tra decuit ab illo meum: animus uero non me deserēs,  
 sed respectūs, in ea profecto loca discessit, quò mihi ipsi  
 cernebat esse ueniendum. quem ego meum casum for-  
 titer ferre uisus sum; non quòd æquo animo ferrem;  
 sed me ipse consolabar, existimans non longinquum in-  
 ter nos digressum, & discessum fore. His mihi rebus  
 Scipio (id enim te cum Lælio admirari solere dixisti) le-  
 uis est senectus, nec solum non molesta, sed etiam iucun-  
 da. quòd si in hoc erro, quòd animos hominū immor-



CICERONIS

tales esse credam; libenter erro, nec mihi hunc errorem, quo delector, dum uiuo, extorqueri uolo. sin mortuus, ut quidam minuti philosophi censent, nihil sentiam; non uereor, ne hunc errorem meum mortui philosophi irrideant. quod si non sumus immortales futuri, tamen extinguui homini suo tempore optabile est: nam habet natura, ut aliarum omnium rerum, sic uiuendi modum. senectus autem peractio aetatis est, tanquam fabulae: cuius defatigationem fugere debemus, praesertim adiuncta satietate. Habui haec, de senectute quae dicerem. ad quam utinam perueniatis, ut ea, quae ex me audistis, re experti probare possitis.

M. TVLLII CICERONIS LAELIVS,  
VEL DE AMICITIA, AD T.  
POMPONIVM ATTICVM.

DIALOGI PERSONAE,  
FANNIVS, SCAEVOLA, LAELIVS.

Mutius Augur Scaeuola multa nar-  
re de C. Laelio socero suo memoriter, et  
iucunde solebat, nec dubitare illum in  
omni sermone appellare sapientem. ego  
autem a patre ita eram deductus ad  
Scaeuolam sumpta uirili toga, ut, quoad possem, et mihi  
liceret, a senis latere nunquam discederem: itaque multa ab  
eo prudenter disputata, multa breuiter, et comode di-  
cta, memoriae mandabam, fierique studebam eius pruden-  
tia doctior. quo mortuo, me ad Pontificem Scaeuolam



contuli : quem unum nostræ civitatis & ingenio, & iustitia præstantissimum audeo dicere . sed de hoc aliàs . nunc redeo ad Augurem . cum sæpe multa narraret , tum memini domi in hemicyclo sedentem ( ut solebat ) cū & ego essem unā , & pauci admodum familiares , in eū sermonem illum incidere , qui tum ferè erat multis in ore : meministi enim profecto ( ut opinor ) Attice , & eo magis , q̃ P. Sulpitio utebare multum , cum is Tribunus pl. capitali odio à Q. Pompeio , qui tum erat Consul , dissideret , quicum coniunctissime , & amantissime uixerat , quanta hominum esset uel admiratio , uel querela . itaq; tum Scauola , cum in eam ipsam mentionem incidisset , exposuit nobis sermonem Lælij de amicitia , habitū ab illo secum , & cum altero genere C. Fannio M. filio paucis diebus post mortem Africani . cuius disputationis sententias memoria mandavi : quas in hoc libro exposui meo arbitrato : quasi enim ipsos introduxi loquentes , ne , inquam , & inquit , sapius interponeretur : atq; id eo feci , ut tanquam à præsentibus coram haberi sermo uideretur . cum enim sæpe mecum ageres Attice , ut de amicitia scriberem aliquid , digna mihi res tum omnium cognitione , tum nostra familiaritate uisa est : itaq; feci non inuitus , ut prodessem multis tuo rogatu . sed , ut in Catone maiore , qui est scriptus ad te de senectute , Cato nem induxi senem disputantem , quia nulla uidebatur aptior persona , quæ de illa ætate loqueretur , quàm eius , qui & diutissime senex fuisset , & in ipsa senectute præcæteris floruiisset : sic , cum accepiissemus à patribus maxime memorabilem C. Lælij , & P. Scipionis familiaritatem fuisse , idonea mihi Lælij persona uisa est , quæ de ami



## C I C E R O N I S

citia ea ipsa differeret, quæ disputata ab eo meminisset  
 magister meus Scauola. genus autem hoc sermorum  
 positum in hominum ueterum auctoritate, & eorū illu-  
 strum, plus nescio quo pacto uidetur habere grauitatis.  
 itaq; ipse mea legens sic afficior interdum, ut Catonem,  
 non me, loqui existimem. sed, ut tū ad senem senex de  
 senectute, sic in hoc libro ad amicū amicissimus de ami-  
 citia scripsi. tum est Cato locutus, quo erat nemo fere  
 senior temporibus illis, nemo prudentior: nunc Lælius  
 & sapiens (sic enim est habitus) & amicitiae gloria ex-  
 cellēs, de amicitia loquitur. tu uelim à me animum pa-  
 rumper auertas, Lælium loqui ipsum putes. C. Fannius,  
 & Q. Mutius ad socerum ueniunt post mortem Afri-  
 cani. ab ijs sermo oritur: respondet Lælius, cuius tota  
 disputatio est de amicitia: quā legens tu ipse cognosces.  
 F A N. Sunt ista uera Læli: nec enim melior uir fuit  
 Africano quisquam, nec clarior. sed existimare debes  
 omnium oculos in te esse coniectos. unum te sapientem  
 & appellant, & existimant. tribuebatur hoc modo M.  
 Catoni: scimus L. Acilium apud patres nostros appella-  
 tum esse sapientem: sed uterq; alio quodam modo. Aci-  
 lius, quia prudens esse in iure civili putabatur: Cato,  
 quia multarum rerum usum habebat, multaq; eius &  
 in senatu, & in foro uel prouisa prudenter, uel acta cō-  
 stanter, uel responsa acute ferebantur, propterea quasi  
 cognomen iam habebat in senectute sapientis. te autem  
 alio quodam modo dicunt non solum natura, & mori-  
 bus, uerum etiam studio, & doctrina esse sapientē; nec  
 sicut uulgus, sed ut eruditi solent appellare sapientem;  
 qualem in reliqua Græcia neminem: nam, qui septem

appellanti  
 parum n  
 quidem et  
 cum. hanc  
 tua te p  
 rior pace  
 Scauola qu  
 gis his p  
 in comen  
 huius ad  
 na (quibus  
 i multi: ut  
 quod enim  
 in uirum  
 esse non c  
 quem ijs m  
 rem consan  
 di scauola  
 per uisum  
 uia: nec ad  
 coningere,  
 ni quod m  
 (ca. nec po  
 ete iudicat  
 gis credo  
 enim (per a  
 Paulum  
 tori max  
 ni anepo  
 ad) sapient



appellantur, eos, qui ista subtilius quærent, in numero sapientum non habent. Athenis unum accepimus, & eū quidem etiam Apollinis oraculo sapientissimum iudicatum. hanc esse in te sapientiam existimant, ut omnia tua in te posita esse ducas, humanosq; casus uirtute inferiores putes. itaq; ex me quærent, credo ex hoc item Scauola, quo nā pacto mortem Africani feras; eoq; magis, q̄ his proximis nonis, cum in hortos D. Bruti Augusti comentandi causa (ut assoler) uenissemus, tu non affuisti, qui diligentissime semper illum diem, & illud munus solitus esses obire. S C AE. Quærent quidem C. Lælii multi, ut est à Fannio dictum: sed ego id respondeo, quod animaduerti, te dolorem, quem acceperis tum summi uiri, tum amantissimi morte, ferre moderate, nec potuisse non comoueri, nec fuisse id humanitatis tuæ: q̄ autem ijs nonis in collegio nostro non affuisses, ualetudinem causam, non mœstitiam fuisse. L AE. Recte tu qui dē Scauola, & uere: nec enim ab isto officio, quod semper usurpauī cum ualerem, abduci incomodo meo debui: nec ullo casu arbitror hoc constanti homini posse contingere, ut ulla intermissio fiat officij. Tu autē Fanni, quod mihi tātum tribui dicis, quantum ego nec agnosco, nec postulo, facis amice. sed (ut mihi uideris) nō recte iudicas de Catone: aut enim nemo, quod quidē magis credo; aut, si quisquam, ille sapiens fuit: quo modo enim (ut alia omittam) mortem filij tulit? memineram Paulum, uideram Caium: sed hi nec comparantur Catoni maximo, & spectato ulro. quamobrem caue Catoni anteponas ne istum quidem ipsum, quem Apollo (ut ais) sapientissimum iudicauit: huius enim facta, illius di



Et laudantur. De me autem, ut iam cum utroque lo-  
 quar, sic habetote. ego, si Scipionis desiderio me moue-  
 ri negem, quàm id recte faciam, uiderint sapientes: sed  
 certe mentiar: moueor enim tali amico orbatus, qualis  
 (ut arbitror) nemo unquam erit, & ut confirmare pos-  
 sum, nemo certe fuit. sed non egeo medicina: me ipse  
 consolor, & maxime illo solatio, quòd eo errore careo,  
 quo amicorum decessu plerique angi solent: nihil enim  
 mali accidisse Scipioni puto: mihi accidit, si quid acci-  
 dit: suis autem incommodis grauiter angi, non amicū,  
 sed se ipsum amantis est. cū illo uero quis neget actum  
 esse praeclare? nisi enim, quod ille minime putabat, im-  
 mortalitatem optare uellet: quid non est adeptus, quod  
 homini fas esset optare? qui summam spem ciuium, quā  
 de eo iam puero habuerant, continuo adolescens incredi-  
 bili uirtute superauit: qui Consulatum petijt nūquam,  
 factus est Consul bis, primum ante tempus, iterum sibi  
 suo tempore, Reip. penè sero: qui duabus urbibus euer-  
 sis inimicissimis huic imperio, nō modo praesentia, uerū  
 etiam futura bella deleuit. quid dicam de moribus fa-  
 cillimis? de pietate in matrem, liberalitate in sorores,  
 bonitate in suos, iustitia in omnes? haec nota sunt uobis.  
 quàm autem ciuitati charus fuerit, mœrore funeris in-  
 dicatum est. quid igitur hūc paucorum annorum ac-  
 cessio iuuare potuisset? senectus enim, quamuis non sit  
 grauis, ut memini Catonem uno anno, antequam mor-  
 tuus est, mecum, & cum Scipione differere, tamen au-  
 fert eam uiriditatem, in qua etiam nunc erat Scipio.  
 quamobrem uita quidem talis fuit uel fortuna, uel glo-  
 ria, ut nihil posset accedere: moriendi autem sensum

celeritas est  
 est: quid h  
 luer dicere,  
 liberrimos,  
 fuisse cum f  
 est a patrib  
 pnde quam  
 gradu ad su  
 uispe. neq  
 ceptant, cu  
 uenia morte  
 rias uider, u  
 gale iura tri  
 ad eos per  
 uita fuerunt  
 elina est, non  
 dunt; uel  
 est indicatus  
 sed idem dicit  
 uiquam e c  
 tate optimoq  
 idem Scipion  
 perparis a  
 lina adesse  
 uerissus tri  
 fuit exarom  
 se in quiera  
 si ita est, u  
 uolet tanq  
 scimus ceter



celeritas abstulit . quo de genere mortis difficile dictu  
est : quid homines suspicentur, uideatis . hoc tamen uere  
licet dicere, P. Scipioni ex multis diebus, quos in uita ce-  
leberrimos, lætissimosq; uiderit, illum diem clarissimum  
fuisse, cum senatu dimisso domum reductus ad uesperā  
est à patribus cōscriptis, à populo R. socijs, & Latinis,  
pridie quā excessit è uita : ut ex tam alto dignitatis  
gradu ad superos uideatur potius, quā ad inferos per-  
uenisse . neq; enim assentior ijs, qui hæc nuper disserere  
cœperunt, cum corporibus simul animos interire, atque  
omnia morte deleri . plus apud me antiquorum aucto-  
ritas ualet, uel nostrorum maiorū, qui mortuis tam reli-  
giosa iura tribuerunt, quod non fecissent profecto, si ni-  
hil ad eos pertinere arbitrarentur ; uel eorū, qui in hac  
terra fuerunt, magnamq; Græciam, quæ nunc quidem  
deleta est, tunc florebat, institutis, & præceptis suis eru-  
dierunt ; uel eius, qui Apollinis oraculo sapientissimus  
est iudicatus: qui non tum hoc, tum illud, ut in plerisq;  
sed idem dicebat semper, animos hominum esse diuinos,  
ijsq; cum è corpore excessissent, reditum ad cælum pa-  
tere, optimoq; et iustissimo cuique expeditissimū : quod  
idem Scipioni uidebatur : qui, idem quasi præ sagiret,  
per paucis ante mortem diebus, cum & Philus, & Mani-  
lius adessent, & alij plures, tuq; etiam Scauola mecum  
uenisses, triduum disseruit de Rep. cuius disputationis  
fuit extremum ferè de immortalitate animorum : quæ  
se in quiete per uisum ex Africano audisse dicebat . id  
si ita est, ut optimi cuiusq; animus in morte facillime e-  
uolet tanquam è custodia, uinculisq; corporis : cui cen-  
semus cursum ad deos faciliorem fuisse, quā Scipioni?



## C I C E R O N I S

quocirca mœrere hoc eius euentu, uereor, ne inuidi ma-  
gis, quàm amici sit. sin autem illa uereor, ut idem inte-  
ritus sit animorum, & corporum, nec ullus sensus ma-  
neat: ut nihil boni est in morte, sic certe nihil mali: sen-  
su enim amisso, fit idem, quasi natus non esset omnino:  
quem tamen esse natum & nos gaudemus, & hæc ci-  
uitas, dum erit, lætabitur. quamobrem cum illo quidē  
(ut supra dixi) actum optime est, mecum autem incom-  
modius, quem fuit æquius, ut prius introieram in uitā,  
sic prius exire de uita. sed tamen recordatione nostræ  
amicitiæ sic fruor, ut beate uixisse uidear, quia cum Sci-  
pione uixerim. quocum mihi coniuncta cura de Rep.  
& de priuata fuit: quocum domus fuit, & militia cō-  
munis, & id in quo est omnis uis amicitiae, uolūtatum,  
studiorum, sententiarum summa consensio. itaq; non  
tam ista me sapientia, quam modo Fannius commemo-  
rauit, fama delectat, falsa præsertim; quàm, quòd a-  
micitiæ nostræ memoriam spero sempiternam fore. idq;  
mihi eo magis est cordi, quòd ex omnibus seculis uix  
tria, aut quatuor nominantur paria amicorum: quo  
in genere sperare uideor Scipionis amicitiam, & Lælij  
notam posteritati fore. F A N. Istud quidem Læli ita  
necesse est. sed quoniam amicitiae mentionem fecisti, et  
sumus otiosi, pergratum mihi feceris, spero item Scæ-  
uolæ, si, quemadmodum soles de cæteris rebus, cum ex  
te quærentur, sic de amicitia disputabis, quid sentias,  
qualem existimes, quæ præcepta des. S C A E. Mihi ue-  
ro pergratum hoc erit: atq; id ipsum cum tecum age-  
re conarer, Fānius anteuertit. quamobrem utrique no-  
strum gratum admodum feceris. L A E. Ego uero  
non

non graua  
re ista res  
quis ego so  
et ista con  
de quo dis  
per exerci  
ari de ami  
proferantur  
ca omnes  
cum nature  
ad aduersa  
nam esse n  
quibus sub  
nam ut illi  
non bonum  
sapientiam n  
et consecuti  
nam, non e  
bent. mor  
un, T. Con  
cabent, ad i  
habent sap  
concedant  
dient: neg  
igitur pri  
uisione, ue  
ralitas, me  
cia; sunt  
nominata  
pellendos



non grauarer, si mihi ipse confiderem : nam & præcla-  
 ra uisa res est ; & sumus, ut dixit Fannius, otiosi : sed  
 quis ego sum ? aut quæ in me est facultas ? doctorum  
 est ista consuetudo, eaq; Græcorum, ut is proponatur,  
 de quo disputent quamuis subito . magnum opus est, e-  
 getq; exercitatione non parua . quamobrem quæ dispu-  
 tari de amicitia possunt, ab eis censeo petatis, qui ista  
 profitentur . ego uos hortari tantum possum, ut amici-  
 tiâ omnibus rebus humanis antepontis : nihil est enim  
 tam naturæ aptum, tam cōueniens ad res uel secundas,  
 uel aduersas . sed hoc primum sentio, nisi in bonis ami-  
 citiam esse non posse : neque id ad uiuum refeco, ut illi,  
 qui hæc subtilius differunt, fortasse uere, sed ad com-  
 munem uilitatem parum : negant enim quenquam ui-  
 rum bonum esse, nisi sapientem . sit ita sanè : sed eam  
 sapientiam interpretantur, quam adhuc mortalis nemo  
 est consecutus . nos autem ea, quæ sunt in usu, uitæq; cō-  
 muni, non ea, quæ finguntur, aut optantur, sperare de-  
 bemus . nunquam ego dicam C. Fabritium, M. Curi-  
 um, T. Coruncanum, quos sapientes nostri maiores iudi-  
 cabant, ad istorum normam fuisse sapientes . quare sibi  
 habeant sapientiæ nomen, & inuidiosum, & obscurum;  
 concedantq; , ut hi boni uiri fuerint . ne id quidem fa-  
 cient : negabunt id, nisi sapienti, posse concedi . agamus  
 igitur pingui Minerva, ut aiunt . qui ita se gerunt, ita  
 uiuunt, ut eorum probetur fides, integritas, aq̄uitas, libe-  
 ralitas, nec sit in eis ulla cupiditas, uel libido, uel auda-  
 cia ; sintq; magna constantia, ut hi fuerunt, quos modo  
 nominauī : hos uiros bonos, ut habiti sunt, sic etiam ap-  
 pellandos putemus ; qui assequuntur, quantum homines

N



## C I C E R O N I S

possunt, naturam optimam recte uiuendi ducem: sic enim mihi perspicere uideor, ita natos esse nos, ut inter omnes esset societas quædam, maior autem, ut quisque proxime accederet. itaque ciues potiores sunt, quàm peregrini; & propinqui, quàm alieni: cum his enim amicitiam natura ipsa peperit: sed ea non satis habet firmitatis: nanque hoc præstat amicitia propinquitati, quòd ex propinquitate beneuolentia tolli potest, ex amicitia autem non potest: sublata enim beneuolentia, amicitie nomen tollitur, propinquitatis manet. quanta autem uis amicitie sit, ex hoc intelligi maxime potest, quòd ex infinita societate generis humani, quam conciliauit ipsa natura, ita contracta res est, & adducta in angustum, ut omnis charitas aut inter duos, aut inter paucos iungere tur. est autem amicitia nihil aliud, nisi omnium diuinarum, humanarumq; rerum cum beneuolentia, & charitate summa consensio. qua quidem haud scio an, excepta sapientia, quidquam melius homini sit à dijs immortalibus datum. diuitias alij præponunt, bonam alij ualitudinem, alij potentiam, alij honores, multi etiam uoluptates. belluarum hoc quidem extremum est: illa autem superiora caduca, & incerta, posita non tam in nostris consilijs, quàm in fortune temeritate. qui autem in uirtute summum bonum ponunt, præclare illi quidem, sed hæc ipsa uirtus amicitiam gignit, & continet: nec sine uirtute amicitia esse ullo pacto potest. iam uirtutem ex consuetudine uitæ, sermonisq; nostri interpretemur; nec metiamur eam, ut quidam indocti, uerborum magnificentia; uirosq; bonos eos, qui habentur, numeremus, Paulos, Catones, Caios, Scipiones, Philos. his communis uita



contenta est . eos autem omittamus, qui omnino nusquā  
 reperiuntur . tales igitur inter uiros amicitia tantas op-  
 portunitates habet, quantas uix queo dicere . Principio  
 quis potest esse uita uitalis, ut ait Ennius, qui non in ami-  
 ci mutua beneuolentia conquiescat? quid dulcius, quā  
 habere quocum omnia audeas sic loqui, ut tecum? quis  
 esset tantus fructus in prosperis rebus, nisi haberes, qui  
 illis æque, ac tu ipse, gauderet? aduersas uero ferre dif-  
 ficile esset sine eo, qui illas grauius etiam, quā tu, fer-  
 ret . denique ceteræ res, quæ expetuntur, opportuna  
 sunt singulæ rebus ferè singulis; diuitiæ, ut utare; opes  
 ut colare; honores, ut laudare; uoluptates, ut gaude-  
 as; ualetudo, ut dolore careas, & muneribus funga-  
 re corporis: amicitia plurimas res continet; quoquò te  
 uerteris, præsto est; nullo loco excluditur; nunquam  
 intempestiua, nunquam molesta est. itaque non aqua,  
 non igni, non aere ( ut aiunt ) pluribus locis utimur,  
 quā amicitia . neque ego nunc de uulgari, aut de me-  
 diocri, quæ tamen ipsa delectat, & prodest; sed de ue-  
 ra, & perfectâ loquor; qualis eorum, qui pauci nomi-  
 nantur, fuit: nam & secundas res splendidiores facit  
 amicitia, & aduersas partiens communicansq; leuiore.  
 cumq; plurimas, & maximas commoditates amicitia  
 contineat, tum illa nimirum præstat omnibus, quod bo-  
 na spe præluceat in posterum, nec debilitari animos, aut  
 cadere patitur . uerum etenim amicum qui intuetur,  
 tanquam exemplar aliquod intuetur sui . quocirca &  
 absentes adsunt, & egentes abundant, & imbecilles  
 ualent, & quod difficilius dictu est, mortui uiuunt:  
 tantus eos honos, memoria, desiderium prosequitur



## C I C E R O N I S

amicorum . ex quo illorum beata mors uidetur, horum uita laudabilis . quòd si exemeris ex natura rerum beneuolentiae coniunctionem ; nec domus ulla , nec urbs stare poterit ; ne agri quidem cultus permanebit . id si minus intelligitur ; quanta uis amicitiae, concordiaeque sit, ex dissensionibus, atque ex discordijs percipi potest : quæ enim domus tam stabilis, quæ tam firma ciuitas est, quæ non odijs, atque dissidijs funditus possit eueri ? ex quo, quantum boni sit in amicitia, iudicari potest . Agrigentinum quidem doctum quædam uirum carminibus græcis uaticinatum . ferunt ; quæ in rerum natura , totoque mundo constarent , quæque mouerentur , ea contrahere amicitiam, dissipare discordiam . atque hoc quidem omnes mortales & intelligunt, & re probant . itaque , si quando aliquod officium existit amici in periculis aut adeundis, aut communicandis, quis est, qui id non maximis effrat laudibus ? qui clamores tota cauea nuper hostijs, & amici mei M . Pacuuij in noua fabula ? cum, ignorante Rege, uter eorum esset Orestes, Pylades Orestem se esse diceret, ut pro illo necaretur ; Orestes autem, ita ut erat, Orestem se esse perseueraret ? stantes autem plaudebant in re ficta : quid arbitramur in uera fuisse facturos ? facile indicabat ipsa natura uim suam ; cum homines, quod facere ipsi non possent, id recte fieri in altero iudicarent . Haetenus mihi uideor, de amicitia quid sentirem potissime , dixisse . si qua præterea sunt ( credo autem esse multa ) ab ijs, si uidebitur, qui ista disputant, queritote . F A N . Nos autem à te potius . quanquam etiam ab istis sæpe quasiui, & audiui, non inuitus equidem : sed aliud quoddam expetimus fi-

lum orati  
si si nup  
tatum est  
contra acc  
quidem sui  
Quid ami  
ma fide, con  
nam ceperi  
cum refere  
du enim g  
le est tum  
or mihi de  
dum uideri  
pian deside  
ueris, quod  
du, uicij  
amitie, so  
na ipsa pr  
micitia est  
tangendone  
pionetur se  
struatur  
itum, nihil  
rum, &  
uideatur p  
catione m  
cogitatio  
quidem e  
ueri pot  
pus, &



lum orationis tuæ. S C A E. Tu magis id diceris Fan-  
 ni, si nuper in hortis Scipionis, cum de Republica dispu-  
 tatum est, affuisses. qualis tum patronus iustitiæ fuit  
 contra accuratam orationem Phili? F A N. Facile id  
 quidem fuit iustitiam iustissimo viro defendere. S C A E.  
 Quid amicitiam? non ne facile ei erit, qui ob eam sum-  
 ma fide, constantia, iustitiâq; seruata, maximam glo-  
 riam ceperit? L A E. Vim hoc quidem est afferre: quid  
 enim refert, qua me ratione cogatis? cogitis certe: stu-  
 dijs enim generorum, præsertim in re bona, cum diffici-  
 le est tum ne æquum quidem obsistere. Sapissime igitur  
 mihi de amicitia cogitanti, maxime illud considerân-  
 dum uideri solet, num propter imbecillitatem, atque ino-  
 piam desideranda sit amicitia, ut in dandis, recipiendisq;  
 meritis, quod quisque minus per se posset, id acciperet ab  
 alio, uicissimq; redderet; an esset hoc quidem propriū  
 amicitiae, sed antiquior & pulchrior, & magis à natu-  
 ra ipsa profecta alia causa esset: amor enim, ex quo a-  
 micitia est nominata, princeps est ad beneuolentiam con-  
 iungendam. nam utilitates quidem etiam ab ijs perci-  
 piuntur sæpe, qui simulatione amicitiae coluntur, & ob-  
 seruantur temporis causa: in amicitia autem nihil fi-  
 ctum, nihil simulatum; & quidquid in ea est, id & ue-  
 rum, & uoluntarium est. quapropter à natura mihi  
 uidetur potius, quàm ab indigentia, orta amicitia, appli-  
 catione magis animi cum quodam sensu amandi, quàm  
 cogitatione, quātum illa utilitatis esset habitura. quod  
 quidem quale sit, etiam in bestijs quibusdam animad-  
 uerti potest, quæ ex se natos ita amant ad quoddam tē-  
 pus, & ab eis ita amantur, ut facile earū appareat sen-

N iij



## C I C E R O N I S

sus : quod in homine multo est euidentius : primum ex  
 ea charitate, quæ est inter natos, et parentes, quæ dirimi  
 nisi detestabili scelere non potest: deinde, cum similis sen-  
 sus extitit amoris, si aliquem nati sumus, cuius cum  
 moribus, & natura congruamus; quod in eo quasi lu-  
 men aliquod probitatis, et uirtutis perspicere uideamur:  
 nihil est enim amabilius uirtute; nihil, quod magis alli-  
 ciat homines ad diligendum; quippe cum propter uirtu-  
 tem, & probitatem eos etiam, quos nunquam uidimus,  
 quodam modo diligamus. quis est, qui C. Fabritij, M.  
 Curij cum charitate aliqua, & beneuolentia memoriã  
 non usurpet, quos nunquam uiderit? quis autem est, qui  
 Tarquinium Superbum, qui Sp. Cassium, Sp. Melium  
 non oderit? cum duobus ducibus de imperio in Italia de-  
 certatum est, Pyrrho, & Annibale. ab altero propter  
 probitatem eius non alienos animos habemus: alterum  
 propter crudelitatem eius semper hæc ciuitas oderit.  
 quod si tanta uis probitatis est, ut eam uel in eis, quos  
 nunquam uidimus, uel, quod maius est, in hoste etiam  
 diligamus: quid mirum, si animi hominum mouean-  
 tur, cum eorum, quibuscum usu coniuncti esse possunt,  
 uirtutem, bonitatem perspicere uideantur? quanquam  
 confirmatur amor & beneficio accepto, & studio per-  
 specto, & consuetudine adiuncta. quibus rebus ad illũ  
 primum motum animi, & amoris adhibitis, admirabilis  
 quædam exardescit beneuolentiæ magnitudo. quam si  
 qui putant ab imbecillitate proficisci, ut sit per quam  
 quisque assequatur quod desideret; humilem sanè re-  
 linquunt, & minime generosum (ut ita dicam) ortum  
 amicitie; quam ex inopia, atque indigentia natam uo-

lunt. qui  
 obliuaret  
 longe se  
 de. ut  
 nati est,  
 iudicet; it  
 collit. qu  
 ante hercu  
 ratione qua  
 uis non m  
 is: excite  
 latus mult  
 de terram s  
 pi. liberales  
 anim benefi  
 bonitatem  
 dicit. sed  
 copuland  
 lapatum. o  
 ram: nati  
 nam. si p  
 certate m  
 drem hos  
 ducem in  
 & beneu  
 nati: que  
 us adme  
 rone. fr  
 apudales  
 rouscen



lunt . quod si ita esset ; ut quisque minimum in se esse  
arbitraretur , ita ad amicitiam esset aptissimus : quod  
longe secus est : ut enim quisque sibi plurimum confi-  
dit , & ut quisque maxime uirtute , & sapientia sic mu-  
nitus est , ut nullo egeat , suaq; omnia in se ipso posita  
iudicet ; ita in amicitijs expetendis , colendisq; maxime  
excellit . quid enim ? Africanus erat indigens mei ? mi-  
nime hercule : at ne ego quidem illius : sed ego admi-  
ratione quadam uirtutis eius , ille uicissim opinione for-  
tasse non nulla , quam de meis moribus habebat , me dile-  
xit : auxit benvolentiam consuetudo . sed quanquam uti-  
litates multa , & magna consecuta sunt , non sunt tamē  
ab earum spe causa diligendi profecta : ut enim bene-  
fici , liberalesq; sumus , non ut exigamus gratiam ( neque  
enim beneficium foeneramur ) sed natura propensi ad li-  
beralitatem sumus ; sic amicitiam non spe mercedis ad-  
ducti , sed quod eius omnis fructus in ipso amore inest ,  
expetendam putamus . ab ijs , qui pecudum ritu ad uo-  
luptatem omnia referunt , longe dissentimus : nec mi-  
rum : nihil enim altum , nihil magnificum , nec diui-  
num suspicere possunt , qui omnes suas cogitationes abie-  
cerunt in rem tam humilem , tamq; contemptam . quā-  
obrem hos quidem ab hoc sermone remoueamus : ipsi  
autem intelligamus à natura gigni sensum diligendi ,  
& benevolentie charitatem , facta significatione probi-  
tatis : quam qui appetuerunt , applicant sese & propi-  
us admovent , ut & usu eius , quem diligere coepe-  
runt , fruantur , & moribus ; sintq; pares in amore , &  
æquales , propensioresq; ad bene merendum , quàm ad  
repositendum ; atque hæc inter eos sit honesta certatio .



## C I C E R O N I S

sic & utilitates ex amicitia maximæ capientur : et erit eius ortus à natura,quàm ab imbecillitate,grauior, & uerior . nam si utilitas amicitias conglutinarct, eadem commutata dissolueret : sed , quia natura mutari non potest , iccirco ueræ amicitie sempiternæ sunt . ortum quidem amicitia uidetis, nisi quid adhuc forte uultis.

F A N. Tu uero perge Læli : pro hoc enim, qui minor est natu, meo iure respondeo. S C A E. Recte tu quidem. quamobrem audiamus. L A E. Audite uero optimi uiri ea, quæ sapissime inter me , & Scipionem de amicitia differebantur . quanquam ille quidem nihil difficilius esse dicebat,quàm amicitiam usque ad extremum uitæ diem permanere : nam , uel ut non idem expediret utrique, incidere sæpe, uel ut de Republica non idem sentirent . mutari etiam mores hominum sæpe dicebat, aliàs aduersis rebus , aliàs ætate ingrauescente . atque earum rerum exemplum ex similitudine capiebat incuntis ætatis,quòd summi puerorum amores sæpe unà cum prætexta , sumpta toga deponerentur : sin autem ad adolescentiam perduxissent,dirimi tamen interdum contentione uel luxuriæ , uel conditionis , uel còmodi alicuius,quod idem adipisci uterque non posset: quòd si qui longius in amicitia prouecti essent,tamē sæpe labefactari , si in honoris contentionem incidissent : pestem enim maiorem esse nullam in amicitijs , quàm in plerisque pecuniæ cupiditatem , in optimis quibusque honoris certamen,& gloriæ: ex quo inimicitias maximas sæpe inter amicissimos extitisse : magna etiam dissidia & plerunque iusta nasci, cum aliquid ab amicis,quod rectum non esset,postularetur,ut aut libidinis

ministris,  
clarent q  
na dixer  
le aut q  
lone ip  
no: cor  
cogit sol  
citra: h  
copia s  
lucis d  
adima  
peli d  
mre p  
lucum  
uore d  
uolent  
tam uid  
le aut  
lucio Co  
e si i  
Graciam  
cum p  
pudum  
si id qu  
quam m  
quam d  
tari sed  
tem p  
terriss  
no Reip



ministri, aut adiutores essent ad iniuriam : quod qui recusarent, quamuis honeste id facerent, ius tamen amicitiae deserere argueretur ab ijs, quibus obsequi nollēt: illos autē, qui quiduis ab amico auderent postulare, postulatione ipsa profiteri omnia se amici causa esse facturos : eorum querela inueterata nō modo familiaritates extinguere solere, sed etiam odia gigni maxima, atq; semperiterna: hæc multa ita, quasi fata, impendere amicitijs, ut, omnia subterfugere, non modo sapientiæ, sed etiam felicitatis diceret sibi uideri. quamobrem id primum uideamus, si placet, quatenus amor in amicitia progredi debeat. Num, si Coriolanus habuit amicos, ferre contra patriam arma illi cum Coriolano debueret? num Becillinum amici regnum appetentem, num Sp. Melium iuuare debuerūt? Tiberium quidem Gracchum Remp. uexantem, à Q. Tuberone, aequalibusq; amicis derelictum uidebamus. at C. Blossius Cumanus, hospes familiaris uestræ Scauola, cum ad me, qui aderam Lenati, & Rutilio Consulibus in consilio, deprecatum uenisset, hæc, ut sibi ignoscerem, causam afferebat, quod tanti Ti. Gracchum fecisset, ut, quidquid ille uellet, sibi faciendum putaret. tum ego, etiam ne, inquam, si te in Capitolium faces ferre uellet? nunquam, inquit, uoluisset id quidem: sed, si uoluisset, paruissem. uidetis, quam nefaria uox: & hercle ita facit, uel plus etiam, quam dixit: non enim paruit ille Ti. Gracchi temeritati, sed præfuit; nec se comitem illius furoris, sed duccem præbuit: itaque hac amentia, quæstione noua perterritus, in Asiam profugit: ad hostes se contulit: pœnas Reip. graues, iustasq; persoluit. nulla est igitur ex-



## C I C E R O N I S

excusatio peccati, si amici causa peccaueris : nam cum cō-  
 ciliatrix amicitiae uirtutis opinio fuerit, difficile est ami-  
 citiam manere, si à uirtute defeceris. quòd si rectum  
 statuerimus, uel concedere amicis, quidquid uelint; uel  
 impetrare ab amicis, quidquid uelimus : perfecta qui-  
 dem sapientia sumus; si nihil habeat res uitij : sed loqui  
 mur de ijs amicis, qui ante oculos sunt, quos uidemus,  
 aut de quibus memoriam accepimus, quos nouit uita cō-  
 munis. ex hoc numero nobis exempla sumenda sunt, et  
 eorū quidem maxime, qui ad sapientiam proxime acce-  
 dunt. uidemus Papum Aemiliū C. Luscinio familiarem  
 fuisse (sic à patribus accepimus) bis unā Consulē, et col-  
 legas in Censura. tum etiam cum ijs, et inter se coniun-  
 ctissimos fuisse M. Curium, et T. Coruncanum, memo-  
 riā traditum est. igitur ne suspicari quidem possumus,  
 quenquam horum ab amico quidpiam cōtendisse, quod  
 contra fidem, contra iusiurandum, contra Remp. esset.  
 nam hoc quidem in talibus uiris quid attinet dicere? si  
 contendisset, scio impetraturū non fuisse; cum illi san-  
 ctissimi uiri fuerint, aequē autē nefas sit, tale aliquid et  
 facere rogatum, et rogare. at uero Ti. Gracchum se-  
 quebantur C. Carbo, C. Cato, et minime tunc quidem C.  
 frater, nūc idem acerrimus hostis. hac igitur prima lex  
 in amicitia sancitur, ut neq; rogemus res turpes, nec fa-  
 ciamus rogati: turpis enim excusatio est, et minime acci-  
 pienda cum in ceteris peccatis, tum si quis contra Rēp.  
 se amici causa fecisse fateatur : etenim eo loco Fanni, et  
 Scaeuola locati sumus, ut nos longe prospicere oporteat  
 futuros causas Reip. deflexit enim iam aliquantulum de  
 spatio, curriculoq; consuetudo maiorū. Ti. Gracchus



regnum occupare conatus est, uel regnavit is quidem paucos mēses. num quid simile populus R. audierat, aut uiderat? hunc etiam post mortem secuti amici, et propinqui quid in P. Scipionē effecerint, sine lacrymis non queo dicere. nam Carbonem quoq; quem modo posuimus, propter recētem poenam Ti. Gracchi sustinuius. de C. Gracchi autem Tribunatu quid expectem, non libet augurari: serpit enim deinde res, quæ proclivis ad pernitiem, cum semel coepit, labitur. uidetis in tabella iā ante quanta sit facta labe, primo Gabinia lege, biennio autem post Cassia. uidere iam uideor populum R. a senatu disiectum, multitudinisq; arbitrio res maximas agi: plures enim discent, quemadmodū hæc fiant, quāmodum his resistatur. quorsum hæc? quid sine socijs nemo quidquam tale conatur. præcipiendū est igitur bonis, ut, si in eiusmodi amicitias ignari casu aliquo inciderint, ne existiment ita se alligatos, ut ab amicis in magna re aliqua in Rep. peccantibus non discedant. improbis autem poena statuenda est, nec minor uero ijs, qui secuti erunt alterum, quā ijs, qui ipsi fuerint impietatis duces. quis clarior in Græcia Themistocle? quis potētior? qui, cum imperator bello Persico seruitute Græciam liberasset, propterq; inuidiam in exilium pulsus esset, ingrata patriæ iniuriam non tulit, quam ferre debuit. fecit idem, quod uiginti annis ante apud nos fecerat Coriolanus. his adiutor contra patriam inuentus est nemo: itaque mortem sibi uterque conscivit. quare talis improborum consensio non modo excusatione amicitiae tegenda non est, sed potius omni supplicio uendicanda; ut ne quis sibi concessum putet, amicum bel-



## C I C E R O N I S

lum patriæ inferentem sequi . quod quidem , ut res ire  
 coepit , haud scio an aliquando futurum sit . mihi au-  
 tem non minori curæ est , qualis Resp. post mortem me-  
 am futura sit , quàm qualis hodie sit . hæc igitur pri-  
 ma lex amicitiae sancitur , ut ab amicis honesta petam-  
 us , amicorum causa honesta faciamus ; nec expecte-  
 mus quidem , dum rogemur ; sed studium semper ad-  
 sit , cunctatio absit ; consilium uerum dare gaudeamus  
 libere ; plurimum in amicitia amicorum bene suaden-  
 tium ualeat auctoritas ; eaque adhibeatur ad monen-  
 dum non modo aperte , sed etiam acriter , si res posu-  
 labit ; & adhibita pareatur . nam quibusdam , quos au-  
 dio sapientes habitos in Græcia , placuisse opinor mira-  
 bilia quædam . sed nihil est , quod illi non persequantur  
 suis argutis ; partim fugiendas esse nimias amicitias , ne  
 necesse sit , unum sollicitum esse pro pluribus ; satis superq;  
 esse sibi suarum cuiq; rerum curam ; alienis nimis im-  
 plicari molestum esse ; commodissimum esse , quam laxis-  
 simas habenas habere amicitiae , quas uel adducas , cū ue-  
 lis , uel remittas : caput enim esse ad beate uiuendum se-  
 curitatem ; qua frui non possit animus , si tanquam par-  
 turiat unus pro pluribus . alios autem dicere aiunt etiā  
 multo inhumanius ; quē locum breuiter perstrinxi pau-  
 lo ante : præsidij , adiumentiq; causa , non beneuolentiae ,  
 neq; charitatis amicitias esse expetendas : itaq; , ut quisq;  
 minimū firmitatis habeat , minimumq; uirium , ita ami-  
 citias appetere maxime : ex eo fieri , ut mulierculæ ma-  
 gis amicitiarum præsidia quærant , quàm uiri ; et ino-  
 pes , quàm opulenti ; & calamitosi , quàm ij , qui putan-  
 tur beati . o præclaram sapiētiā : solem enim è mū-



do tollere uidentur , qui amicitiam è uita tollunt : qua nihil à dijs immortalibus melius habemus, nihil iucundius: quæ est enim ista securitas ? specie quidem blāda, sed re ipsa multis locis repudianda est : neq; enim est cōsentaneum, ullam honestam rem, actionem uē, ne sollicitus sis, aut non suscipere, aut susceptam deponere . quòd si curam fugimus, uirtus fugienda est, quæ, necesse est, ut cum aliqua cura res sibi contrarias aspernetur, atq; oderit, ut bonitas malitiam, temperantia libidinem, ignauiam fortitudo . itaque uideas rebus iniustis iustos maxime dolere , imbecilibus fortes , flagitiosis modestos . ergo hoc proprium est animi bene constituti , & lætari bonis rebus , & dolere contrarijs . quamobrem si cadit in sapientem animi dolor , qui profecto cadit , nisi ex eius animo extirpatam humanitatem arbitremur : quæ causa est , ut amicitiam funditus tollamus è uita , ne aliquas propter eam suscipiamus molestias ? quid enim interest motu animi sublato , non dico inter pecudem , & hominem , sed inter hominem , & saxum , aut truncum, aut quiduis generis eiusdem ? neque enim sunt isti audiendi , qui uirtutem duram , & quasi ferream esse uolunt : quæ quidem est tum multis in rebus, tum in amicitia tenera, atq; tractabilis ; ut ex bonis amici quasi diffundatur, et incommodis contrahatur . quamobrem angor iste, qui pro amico sæpe capiendus est, non tantum ualet, ut tollat è uita amicitiam; nō plus, quàm ut uirtutes, quia non nullas curas, & molestias afferunt, repudiantur . cum autem contrahat uirtus amicitiam (ut supra dixi) si qua significatio uirtutis eluceat, ad quam se similis animus applicet, et adiungat :



## C I C E R O N I S

id cū cōtingit, amor ibi exoriat̃ur necesse est: quid enim tam absurdum, quā delectari multis inanibus rebus, ut honore, ut gloria, ut edificio, ut uestitu, cultuq; corporis; animo autem uirtute prædico, eo, qui uel amarē, uel (ut ita dicam) redamare possit, non admodum delectari? nihil est enim remuneratione beneuolentiæ, nihil uicissitudine studiorū, officiorūq; iucundius. quod si etiam illud addimus, quod recte addi potest, nihil esse, quod ad se rem ulla tam alliciat, et tam attrahat, quā ad amicitiam similitudo: concedatur profecto uerum esse, ut bonos boni diligant, asciscantq; sibi quasi propinquitate coniunctos, atq; natura: nihil est enim appetentius similitudinis sui, nihil rapacius, quā natura. quam obrem hoc quidem Fanni, et Scæuola, cōstat (ut opinor) bonis inter bonos quasi necessariam beneuolentiā esse: qui est amicitiae fons à natura cōstitutus. sed eadem bonitas etiam ad multitudinem pertinet: non est enim inhumana uirtus, neq; superba; quæ etiā populos uniuersos tueri, eisq; optime consulere soleat: quod non faceret profecto, si à charitate uulgi abhorreret. atq; etiam mihi quidem uidentur, qui utilitatis causa fingunt amicitias, amabilissimum nodum amicitiae tollere: non enim tam utilitas parata per amicum, quā amici amor ipse delectat: tumq; illud fit, quod ab amico est profectum, iucundum, si cum amore, et studio est profectum: tantumq; abest, ut amicitiae propter indigentiam colantur, ut ij, qui opibus, et copijs, maximeq; uirtute præditi, in qua plurimum est præsidij, minime alterius indigant, liberalissimi sint, et beneficentissimi. atque haud scio an ne opus sit quidem, nihil unquam omnino deesse

(amicis: t  
nam studi  
ne nec don  
cittatem ad  
un ergo er  
pando de ar  
opiam di  
qui boni  
ne ipse ab ul  
que in omni  
d ty amoru  
uolentia. m  
la omnia sen  
amicitia: q  
at cum, à qu  
one amicitiae  
latinq;) cec  
ne amicitia  
a col effec  
quāq; infideli  
quæquam m  
quæquam ha  
nites ueros  
que præpot  
mum solam  
tanque effi  
nouer fusi  
insipientie f  
quidem uel  
mortalis,



se amicis : ubi enim studia nostra uiguisſent , ſi nunquam ſtudio , nunquam conſilio , nunquam opera noſtra nec domi , nec militiae Scipio eguiſſet ? non igitur utilitatem amicitia , ſed utilitas amicitiam conſecuta eſt . non ergo erunt homines diuitijs affluentibus audiendi , ſi quando de amicitia , quam nec uſu , nec ratione habent cognitam , diſputabunt . nam quis eſt , pro deum fidem , atque hominum , qui uelit , ut neque diligat quenquam , nec ipſe ab ullo diligatur , circumfluere omnibus copijs , atque in omnium rerum abundantia uiuere ? hæc enim eſt tyrannorum uita nimirum : in qua nulla fides , nulla charitas , nulla ſtabilis beneuolentia poteſt eſſe fiducia , omnia ſemper ſuſpecta , atque ſolicita , nullus locus eſt amicitia : quis enim aut eum diligat , quem metuit ; aut eum , à quo ſe metui putat ? coluntur tamen ſimulatione amicitia duntaxat ad tempus . quod ſi forte ( ut fit plerunq ; ) ceciderint , tum intelligitur , quam fuerint inopes amicorum . quod Tarquinium dixiſſe ferunt , tum , cū exul eſſet ; ſe intellexiſſe , quos fidos amicos habuiſſet , quosq ; infidos , cum iam neutris gratiam referre poſſet . quanquam miror , in illa ſuperbia , & importunitate ſi quenquam habere potuit . atque ut huius , quem dixi , mores ueros amicos parare non potuere : ſic multorum opes præpotentium excludunt amicitias fideles : non enim ſolum ipſa fortuna cæca eſt , ſed eos etiam plerunq ; efficit cæcos , quos complexa eſt : itaque illi efferruntur ſaſtudio ferè , & contumacia ; neque quidquam inſipiente fortunato intolerabilius fieri poteſt . atq ; hoc quidem uidere licet , eos , qui antea commodis fuerunt moribus , imperio , poteſtate , proſperis rebus immuta-



## C I C E R O N I S

ri; sperniq; ab ijs ueteres amicitias, & indulgeri nouis. quid autem stultius, quàm, ut plurimum copijs, facultatibus, opibus possint, cetera parare, quæ parant, pecuniam, equos, famulos, uestes egregias, uasa pretiosa; amicos non parare, optimam, & pulcherrimam uitæ (ut ita dicam) supellectilem? etenim cetera cum parant, cui parent, nesciunt, nec cuius causa laborent: eius enim est istorum quodque, qui uincit uiribus: amicitiarum sua cuique permanet stabilis, & certa possessio; ut etiam si illa maneant, quæ sunt quasi dona fortunæ, tamen uita inculta, & deserta ab amicis, non possit esse iucunda. sed hæc hæctenus. Constituendi autem sunt, qui sint in amicitia fines, & quasi termini diligendi. de quibus tres uideo ferri sententias, quarum nullam probō; unam, ut eodem modo erga amicum affecti simus, quo erga nosmet ipsos; alteram, ut nostra in amicos beneuolentia, illorum erga nos beneuolentiæ pariter, æqualiterq; respondeat; tertiam, ut, quanti quisq; se ipse facit, tanti fiat ab amicis. harum trium sententiarum nulli prorsus assentior: nec enim illa prima uera est, ut, quæ admodum in se quisque, sic in amicum sit animatus: quàm multa enim, quæ nostra causa nunquam faceremus, facinus causa amicorum? precari ab indigno, supplicare, tum acerbius in aliquem inuehi, insectariq; uehementius: quæ in nostris rebus non satis honeste, in amicorum fiunt honestissime. multæ quoque res sunt, in quibus de suis commodis uiri boni multa detrahunt, detrahiq; patiuntur, ut ijs amici potius, quàm ipsi fruantur. Altera sententia est, quæ definit amicitiam paribus officijs, ac uoluntatibus. hoc quidem est nimis



nimis exigue, & exiliter ad calculos reuocare amicitia,  
ut par sit ratio acceptorum, & datorum. ditior mihi,  
& affluentior uidetur esse uera amicitia, nec obseruare  
strictē, ne plus reddat, quā acceperit: neq; enim uerē  
dum est, ne quid excidat, aut ne quid in terram defluat,  
aut ne plus æquo quid in amicitia congeratur. Tertius  
uero ille finis deterrimus, ut, quanti quisq; se ipse faciat,  
tanti fiat ab amicis: saepe enim in quibusdam aut ani=  
mus abiectionis est, aut spes amplificandæ fortunæ fracti=  
or. non est igitur amici, talem esse in eum, qualis ille in  
se est; sed potius eniti, & efficere, ut amici iacentem ani=  
mum excitet, inducatq; in strem, cogitationemq; melio=  
rem. Alius igitur finis ueræ amicitiae constituendus est,  
si prius, quid maxime reprehendere Scipio solitus sit, edi=  
xero. negabat ullam uocem inimiciorem amicitiae po=  
tuisse reperiri, quā eius, qui dixisset, ita amare oportere,  
ut aliquando esset osurus: nec uero se adduci posse,  
ut hoc, quemadmodum putaretur, à Biante dictum esse  
crederet, quā sapiens habitus esset unus è septē; sed im=  
puri cuiusdam, aut ambitiosi, aut omnia ad suam poten=  
tiam reuocantis esse sententiam: quoniam enim modo  
quisquā amicus eius esse poterit, cuius se putabit inimi=  
cū esse posse? quin etiam necesse erit cupere, etiā optare,  
ut quamsepiissime peccet amicus, quo plures det sibi tan=  
quam ansas ad reprehendendum. rursus autem recte  
factis, cōmodisq; amicorum necesse erit angi, dolere, in=  
uidere. quare hoc quidem præceptum, cuiuscunq; est, ad  
tollendam amicitiam ualet. illud potius præcipiendum  
fuit, ut eam diligentiam adhiberemus in amicitijs com=  
parandis, ut ne quando amare inciperemus eum, quem

O



## C I C E R O N I S

aliquando odisse possemus . quin etiam , si minus felices  
in deligendo fuisset , ferendum id Scipio potius , quàm  
inimicitiarum tempus cogitandum putabat . his igitur  
finibus utendum arbitror , ut , cum emendati mores ami-  
corum sint , tum sit inter eos omnium rerum , consiliorum ,  
& uoluntatum sine ulla exceptione cõmunitas ; & , si  
qua fortuna acciderit , ut minus iustæ amicorum uolun-  
tates sint adiuvandæ , in quibus eorum aut de capite aga-  
tur , aut fama , declinandum sit de uia , modo ne summa  
turpitudine sequatur : est enim , quatenus amicitia dari  
uenia possit . nec uero negligenda est fama : nec medio-  
cre telum ad res gerendas existimare oportet beneuolen-  
tiam ciuium , quam blanditijs , & assentationibus collige-  
re turpe est . uirtus , quam sequitur charitas , minime re-  
pudianda est . sed ( sæpe enim redeo ad Scipionem , cuius  
omnis sermo erat de amicitia ) querebatur , quòd in om-  
nibus rebus homines diligentiores essent : capras , et oues  
quot quisq; haberet , dicere posse ; amicos quot haberet ,  
non posse dicere : & in illis quidem parandis adhibere  
curam , in amicis eligendis negligentes esse ; nec habere  
quasi signa quædam , & notas , quibus eos , qui ad amici-  
tiam essent idonei , iudicarent . sunt igitur firmi , & sta-  
biles , & constantes deligendi : cuius generis est magna  
penuria : & iudicare difficile est , sanè nisi expertum :  
experiendum autem est in ipsa amicitia : ita præcurrit  
amicitia iudicium , tollitq; experiendi potestatem . est igi-  
tur prudentis sustinere , ut cursum , sic impetum beneuo-  
lentia , quo utamur , quasi aquis tentatis , sic amicitijs , ali-  
qua parte periclitatis moribus amicorum . quidam sæ-  
pe in parua pecunia perspicuntur , quàm sint leues . qui=



dam autem, quos parua mouere non potuit, cognoscuntur in magna . si uero erunt aliqui reperti, qui pecuniā præferre amicitiæ sordidum existiment : ubi eos inuenimus, qui honores, magistratus, imperia, potestates, opes amicitiæ non anteponant ; ut, cum ex altera parte proposita hæc sint, ex altera uis amicitiæ, non multo illa malint ? imbecilla enim natura est ad contemnendam potestatem : quam etiam si neglecta amicitiâ consecuti sunt, excusari se arbitrantur, quia non sine magna causa sit neglecta amicitiâ . itaq; ueræ amicitiæ difficillime reperiuntur in ijs, qui in honoribus reque publica uersantur : ubi enim istū inuenias, qui honorē amici anteponat suo ? quid ? (hæc ut omittam) quā graues, quā difficiles plerisque uidentur calamitatum societates ? ad quas, non est facile inuentus, qui descendat . quāquam Ennius recte, Amicus certus in re incerta cernitur .

tamen hæc duo leuitatis, et infirmitatis plerosque conuincunt ; aut si in bonis rebus contemnunt ; aut si in malis deserunt . qui igitur utraq; in re grauem, constantem, stabilemq; se in amicitiâ præstiterit, hunc ex maxime raro hominum genere iudicare debemus, et penè diuino . firmamentum autem stabilitatis, constantiaque eius, quam in amicitiâ quærimus, fides est : nihil enim stabile est, quod infidum est . simplicem præterea, et communem, et consensientem, idest qui rebus iisdem moueatur, eligi par est : quæ omnia pertinent ad fidelitatem : neque enim fideum potest esse multiplex ingenium, et tortuosum : neque uero, qui non iisdem rebus mouetur, et natura consensit, aut fidus, aut stabilis potest esse . addendum eodem est, ut ne criminibus aut inferendis delectetur amicus ,



## C I C E R O N I S

aut credat illatis . quæ pertinent omnia ad eam, quam  
iam dudum tracto, constantiam . ita fit uerum illud ,  
quod initio dixi, amicitiam nisi inter bonos esse nō posse:  
est enim boni uiri, quem eundem sapientem licet dicere,  
hæc duo tenere in amicitia ; primū, ne quid fictum sit,  
ne ue simulatum (aperte enim uel odisse magis ingenuū  
est, quā fronte occultare sententiam) deinde nō solum  
ab aliquo oblatas criminationes depellere, sed ne ipsum  
quidem esse suspiciosum, semper aliquid existimantem  
ab amico esse uiolatum. Accedat huc suauitas quædam  
oportet sermonum, atq; morum haud quaquam medio-  
cre condimentum amicitiae . tristitia autem, & in omni  
re seueritas absit . habet illa quidem grauitatem : sed  
amicitia remissior esse debet, & liberior, & dulcior, &  
ad omnem comitatem, facilitatemq; procliuior . existit  
autem hoc loco quædam quæstio subdifficilis ; nū quan-  
do amici noui, digni amicitia, ueteribus sint anteponen-  
di, ut equis uetulis teneros antepondere solemus . indigna  
homine dubitatio : non enim amicitiarum esse debent,  
sicut aliarum rerum, satietates : ueterrimæ quæq; ( ut  
ea uina, quæ uetustatem ferunt) esse debent suauissimæ:  
uerumq; illud est, quod uulgo dicitur, multos modios sa-  
lis simul edendos esse, ut amicitiae munus expletum sit .  
nouitates autem, si spem afferunt, ut tanquam in her-  
bis non fallacibus fructus appareat, non sunt illæ quidē  
repudiandæ, uetustas tamen suo loco conseruanda est :  
maxima est enim uis uetustatis, & cōsuetudinis . atqui  
in ipso equo, cuius modo mentionem feci, si nulla res im-  
pediat, nemo est, qui non eo, quo consueuit, libentius uta-  
tur, quā intraetato, & nouo . nec modo in hoc, quod

et animal  
modo ualeat  
et fluestris  
maximū e  
fieri : sape e  
cipimus in  
le Philo, nūq  
hæc nunquam  
maximū, si  
nequeum par  
priorem col  
in uolbat . q  
ut, si quā p  
fieri sunt, in  
maximū ; ut  
pripus habea  
nam angel  
filiis, qui al  
generis in fa  
dunt, aut  
um in paf  
uerunt . quo  
rū pafitū  
et uirtutis  
cum in pro  
sunt in am  
res, exaqua  
dolere non  
tuna, aut  
tuntur se



est animal, sed in ijs etiam, quæ sunt inanimata, consue-  
tudo ualet; cum locis etiam ipsis montosis delectemur,  
et siluestribus, in quibus diutius commorati sumus. Sed  
maximum est in amicitia, superiorem parem esse infe-  
riori: sepe enim excellentiæ quadam sunt; qualis erat  
Scipionis in nostro (ut ita dicam) grege. nunquam se il-  
le Philo, nunquam Rutilio, nunquam Mummiio antepo-  
suit, nunquam inferioris ordinis amicis. Quintum uero  
Maximum, fratrem, egregium uirum, omnino sibi ne-  
quaquam parem; quod is anteibat etate, tanquam su-  
periores colebat; suosque omnes per se esse posse amplio-  
res uolebat. quod faciendum, imitandumque est omnibus;  
ut, si quam præstantiam uirtutis, ingenij, fortunæ con-  
secuti sunt, impartiant eam suis, communicentque cum  
proximis; ut, si parentibus nati sunt humilibus, si pro-  
pinquos habeant imbecilliores uel animo, uel fortuna,  
eorum augeant opes, eisque honori sint, et dignitati: ut in  
fabulis, qui aliquandiu propter ignorantiam stirpis, et  
generis in famulatu fuerint, cum cogniti sunt, et aut  
deorum, aut regum filij inuenti, retinent tamen charita-  
tem in pastores, quos patres suos multos annos esse du-  
xerunt. quod quidem est multo profecto magis in ue-  
ris patribus, certisque faciendum: fructus enim ingenij,  
et uirtutis, omnisque præstantiæ tum maxime capitur,  
cum in proximum quæque confertur. ut igitur ij, qui  
sunt in amicitia, coniunctionisque necessitudine superio-  
res, exæquare se cum inferioribus debent: sic inferiores  
dolere non debent, se à suis amicis aut ingenio, aut for-  
tuna, aut dignitate superari. quorum plerique aut que-  
runtur semper aliquid, aut etiam exprobrant, eoque ma-



gis, si aliquid habere se putant, quod officiose, aut amice, & cum labore aliquo suo factum queant dicere. o= diosum sanè genus hominum officia exprobrantium : quæ meminisse debet is, in quem collata sunt, non cōme= morare, qui contulit. quamobrem, ut u, qui superiores sunt, submittere se debent in amicitia, sic quodam modo inferiores extollere : sunt enim quidam, qui molestas amicitias faciunt, cum ipsi se contemni putant. quod nō ferè contingit nisi ijs, qui etiam contemnendos se arbitrantur : qui hac opinione non modo uerbis, sed etiam opere leuandi sunt. tantum autem cuique tribuendum est, primum quantum ipse efficere possis; deinde etiam, quantum ille, quem diligas, atque adiuues, possit sustinere : non enim tu possis, quantumuis licet excellas, omnes tuos ad honores amplissimos perducere : ut Scipio P. Rutilium potuit Cōsulem efficere, fratrem eius Lucium non potuit. quod si etiam possis quiduis deferre ad alterum ; uidendum est tamen, quid ille possit sustinere. omnino amicitia corroboratis iam, confirmatisq; & ingenijs, & atatibus iudicanda sunt : nec, si qui ineunte atate uenandi, aut pilæ studiosi fuerint, eos habere necessarios oportet, quos tum eodem studio præditos dilexerunt : isto enim modo nutrices, & pædagogi iure uetustatis plurimum beneuolentiæ postulabunt : qui negligēdi quidem nō sunt, sed alio quodam modo colendi : aliter enim amicitia stabiles permanere non possunt : disparēs enim mores disparia studia sequuntur : quorum dissimilitudo dissociat amicitias : nec ob aliam causam ullam boni improbis, improbi bonis amici esse non possunt, nisi quod tanta est inter eos, quanta maxima po=

est esse,  
precipi p  
beneuolen  
us amicos  
Neoptolen  
erat educa  
tum audiri  
descende dum  
desiderium  
tota, & ob  
aque in or  
de amico, &  
si quodam e  
quam necessi  
hu ad uolga  
pae sepe uici  
nos : quorum  
la igitur at  
(ut Catonem  
sordenda si  
inuria exat  
neque facti p  
cienda sit.  
quodam ut  
dissensio in  
non de sepe  
dum erit,  
tis etiam  
cum eo be  
amicitia



test esse, morum, studiorumq; distantia. Recte etiam  
præcipi potest in amicitijs, ne quis intemperata quadam  
benevolentia (quod persæpe fit) impediat magnas utilita  
tes amicorum: nec enim (ut ad fabulas redeam) Troiã  
Neoptolemus capere potuisset, si Lycomedẽ, apud quem  
erat educatus, multis cum lacrymis iter suum impediẽ  
tem audire uoluisset; & sæpe incidunt magnæ res, ut  
discedẽdum sit ab amicis: quas qui impedire uult, quod  
desiderium non facile ferat; & infirmus est, mollisq; na  
tura, & ob eã ipsam causam in amicitia parum iustus.  
Atque in omni re considerandum est, & quid postules  
ab amico, & quid patiare à te impetrari. Est etiã qua  
si quædam calamitas in amicitijs dimittendis non nun  
quam necessaria: iam enim à sapientum familiaritati  
bus ad uulgares amicitias oratio nostra delabitur. erũ  
pũt sæpe uicia amicorũ tum in ipsos amicos, tum in alie  
nos: quorum tamen ad amicos redundet infamia. ta  
les igitur amicitie sunt remissione usus eleuandæ, &  
(ut Catonem dicere audiui) dissuendæ magis, quàm di  
scindendæ sunt; nisi quædam admodum intolerabilis  
iniuria exarserit, ut neque rectum, neque honestum sit,  
neque fieri possit, ut non statim alienatio, disunctioq; fa  
cienda sit. si autem morum, aut studiorũ commutatio  
quædam (ut fieri solet) facta erit, aut in Reip. partibus  
dissensio intercesserit (loquor enim, ut paulo ante dixi,  
non de sapientum, sed de communibus amicitijs) cauẽ  
dum erit, ne non solum amicitie depositæ, sed inimici  
tie etiam susceptæ uideantur: nihil enim turpius, quàm  
cum eo bellum gerere, quicum familiariter uixeris. ab  
amicitia Q. Pompeij meo nomine se remouerat (ut sci



tis) Scipio . propter diffensionem autem , quæ erat in Rep. alienatus est à collega nostro Metello . utrunque egit grauitè , auctoritate , & offensione animi non acerbè . quamobrem primum danda opera est , ne quæ amicorum dissidia fiant : sin tale aliquid euenerit , ut extinetur potius amicitia , quàm oppressæ uideantur . Cauendum uero est , ne etiam in graues inimicitias conuertant se amicitia : è quibus iurgia , maledicta , contumelia gignuntur . quæ tamen si tolerabiles erunt , ferendæ sunt : & hic honos ueteri amicitia tribuendus est , ut is in culpa sit , qui faciat , non qui patiatur iniuriam . omnino omnium horum uitiorum , atque incommodorum una cautio est , atque uno pruisio , ut ne nimis cito diligere incipiamus , ne ue indignos . digni autem sunt amicitia , quibus in ipsis inest causa , cur diligantur . rarum istud genus : & quidem omnia præclara rara : nec quidquam difficilius , quàm reperire , quod sit omni ex parte in suo genere perfectum . sed plerique neque in rebus humanis quidquam bonum norunt , nisi quod fruetuosum sit : & amicos , tanquam pecudes , eos potissimum diligunt , ex quibus sperant se maximum fruetum esse capturos : itaque pulcherrima illa , & maxime naturali carèt amicitia , per se , & propter se expendenda : nec ipsi sibi exemplo sunt , hæc uis amicitia qualis , & quanta sit : ipse enim se quisque diligit , non ut aliquam à se ipso mercedem exigat charitatis suæ , sed quòd per se sibi quisque charus est : quod nisi idem in amicitiam transferatur , uerus amicus nunquam reperiatur : est enim is amicus quidem , qui est tanquàm alter idem . quòd si hoc apparet in bestiis , uolucris , agre-

stus , nat  
ligant; (it  
dende, ut  
con. cui de  
derio, et cu  
io id magi  
pi. & alie  
miser, ut  
peracti, ne  
uolent, quæ  
bona amicit  
monipsum  
querere. in  
peditas am  
neulentia o  
ceteri seruati  
gaudere  
quidquam  
dico possit  
gent. sed et  
non amicitia  
in is parati  
ceterorumq;  
cum erant  
tiorum ci  
ed ea, quæ  
ciata cu  
ant est,  
summe  
tus. ha



stibus, natantibus, cicuribus, feris, primum, ut seipsæ diligant; (id enim pariter cum omni animante nascitur) deinde, ut requirant, atque appetant, ad quas se applicent eiusdem generis animantes; idque faciunt cum desiderio, et cum quadam similitudine amoris humani: quāto id magis in homine fit natura? qui & se ipse diligit, & alterum acquirit, cuius animum ita cum suo commisceat, ut efficiat penè unum ex duobus. sed plerique peruerse, ne dicam impudenter, amicum habere talem uolunt, quales ipsi esse non possunt: quæque ipsi non tribuunt amicis, hæc ab ipsis desiderant. par est autem primum ipsum esse uirum bonum, tum alterum simile sui querere. in talibus ea, quam iam dudum tractabamus, stabilitas amicitiae confirmari potest; cum homines beneuolentia coniuncti, primum cupiditatibus ipsis, quibus ceteri seruiunt, imperabunt; deinde æquitate, iustitiisque gaudebunt; omniaque alter pro altero suscipiet; neque quidquam unquam nisi honestum, & rectum alter ab altero postulabit; neque solum colent se inter se, ac diligunt, sed etiam uerebuntur: nam maximum ornamentum amicitiae tollit, qui ex ea tollit uerecundiam: itaque in ipsis perniciosus est error, qui existimant libidinum, peccatorumque omnium patere in amicitia licentiam: uirtutum enim amicitia adiutrix à natura data est, non uitiatorum comes; ut, quoniam solitaria non posset uirtus ad ea, quæ summa sunt, peruenire, coniuncta, & consociata cum altera perueniret. quæ si quos inter societas aut est, aut fuit, aut futura est; eorum est habendus ad summum naturæ bonum optimus, beatissimusque comitatus. hæc est inquam societas, in qua omnia insunt, quæ



## C I C E R O N I S

putant homines expetenda; honestas, gloria, tranquillitas animi, atque iucunditas; ut, cum hæc adsint, beata uita sit, & sine his esse non possit. quod cum optimum, maximumq; sit, si id uolumus adipisci, uirtuti opera danda est: sine qua neque amicitiam, neque ullam rem expetendam consequi possumus: ea uero neglecta, qui se amicos habere arbitrantur, tum se denique errasse sentiunt, cum eos grauis aliquis casus experiri cogit. quod circa (dicendum est enim sæpius) cum iudicaueris, diligere oportet, nō cū dilexeris, iudicare. sed cum multis in rebus negligentia plectimur, tū maxime in amicis et diligendis, et colendis: præposteris enim utimur consilijs, & acta agimus; quod uetamur ueteri prouerbio: nā implicati ultro et citro uel usu diuturno, uel etiā officijs, repente in medio cursu amicitias exorta aliqua offensione dirumpimus, quo etiam magis uituperanda est rei tam maxime necessaria tanta incuria: una est enim amicitia in rebus humanis, de cuius utilitate omnes uno ore consentiunt. quanquam à multis ipsa uirtus contemnitur, & uenditatio quædam, atq; ostentatio esse dicitur: multi diuitias despiciunt, quos paruo contentos tenuis uictus, cultusq; delectat; honores uero, quorum cupiditate quidam inflammantur, quàm multi ita contemnunt, ut nihil inanius, nihil esse leuius existiment? itemq; cætera, quæ quibusdā admirabilia uidentur, permulti sunt, qui pro nihilo putent: de amicitia omnes ad unum idē sentiunt, & ij, qui ad Remp. se contulerunt; & ij, qui rerum cognitione doctrinaq; delectantur; & ij, qui suum negotium gerunt otiose; postremo ij, qui se totos tradiderunt uoluptatibus; sine amicitia uitam esse nul-

lam, si  
serpit eni  
tis; nec m  
perem su  
monitate  
fugiat, atq  
sio quem  
aquitat m  
sue. atq;  
coningere,  
ita tolleret.  
sapphica  
lanciam. q  
tem erigeret  
re possit i  
suscipio i  
chysa; ut q  
re audiret  
dissert. nara  
sperasset in  
curatissim  
sic nara a  
tanquam  
quoque d  
tura decl  
surdescit  
monem  
amicitia  
tur. q  
qj. una



lam, si modo uelint aliqua ex parte liberaliter uiuere :  
serpit enim nescio quo modo per omnium uitam amici-  
tia; nec ullam ætatis degendæ rationem patitur esse ex-  
pertem sui. quin etiam, si quis ea asperitate est, & im-  
manitate naturæ, ut congressus, societatemq; hominum  
fugiat, atq; oderit, qualem fuisse Athenis Timonem ne-  
scio quem accepimus : tamen is pati non possit, ut non  
acquirat aliquem, apud quem euomat uirus acerbitalis  
sux. atq; hoc maxime iudicaretur, si quid tale posset  
contingere, ut aliquis nos deus ex hac hominum frequē-  
tia tolleretur, & in solitudine uspiam collocaret, atque ibi  
suppeditans omnium rerum, quas natura desiderat, abū-  
dantiam, & copiam, hominis omnino aspiciendi potesta-  
tem eriperet : quis tam esset ferreus, qui eam uitam fer-  
re posset ? cuiq; non auferret fructum uoluptatū omnīū  
solitudo ? uerum igitur illud est, quod à Tarentino Ar-  
chyta (ut opinor) dici solitum nostros senes commemora-  
re audiui ab alijs senibus auditum ; si quis cælum ascē-  
disset, naturamq; mundi, & pulchritudinem siderū per-  
spexisset, insuauem illam admirationem ei fore, quæ iu-  
cundissima fuisset, nisi aliquem, cui narraret, habuisset.  
sic natura solitarium nihil amat ; semperq; ad aliquod  
tanquam adminiculum annititur ; quod in amicissimo  
quoque dulcissimum est. sed cum tot signis eadem na-  
tura declaret, quid uelit, ac quærat, quid desideret : ob-  
surdescimus tamen nescio quo modo, nec ea, quæ ab ea  
monemur, audimus : est enim uarius, & multiplex usus  
amicitiæ ; multaq; causæ suspicionum, offensionumq; dā-  
tur. quas tum euitare, tum eleuare, tum ferre sapientis  
est. una illa subleuanda offensio est, ut & utilitas in ami



## C I C E R O N I S

citia, & fides retineatur: nam & monendi amici sæpe sunt, & obiurgandi; & hæc accipienda amice, cum beneuole fiunt. sed nescio quo modo uerum est, quod in Andria familiaris meus Terentius dixit:

Obsequium amicos, ueritas odium parit.

molesta ueritas est, si quidem ex ea nascitur odiū, quod est uenenum amicitiae: sed obsequium multo modestius, quod peccatis indulgens præcipitem amicum ferri sinit. maxima autem culpa in eo est, qui & ueritatem aspernatur, & in fraudem obsequio impellitur. omnis igitur hac in re habenda ratio, & diligentia est, primum ut monitio acerbitate, deinde obiurgatio contumelia careat. in obsequio autem (quoniam Terentiano uerbo libenter utimur) comitas adsit, assentatio uitiorum adiutrix procul amoueatur; quæ non modo amico, sed ne libero quidem digna est: aliter enim cum tyranno, aliter cum amico uiuitur. cuius autem aures clausæ ueritati sunt, ut ab amico uera audire nequeant; huius salus desperanda est: scitum est enim illud Catonis, multo melius de quibusdam acerbos inimicos mereri, quàm eos amicos, qui dulces uideantur: illos uerum sæpe dicere, hos nunquam. atq; illud absurdum est, quod ij, qui monentur, eam molestiam, quam debent capere, non capiunt; eam capiunt, qua debent carere: peccasse enim se, non anguntur; obiurgari, moleste ferunt: quod cōtra oportebat, delicto dolere, obiurgatione gaudere. ut igitur & monere, & moneri proprium est ueræ amicitiae; & alterum libere facere, non asperere; alterum patienter accipere, non repugnanter: sic habendum est, nullam in amicitijs pestem esse maiorem, quàm adulationem, blandi-

itas, assentatio  
hoc uicium  
ad uoluntatem  
cum autem  
eius iudici  
grat maximam  
amicis ad  
eius ueritas  
potes, si ne  
per sed uari  
tate esse tam  
qui ad aliter  
eius uoluntatem  
Negat qd, neg  
Omnia assent  
ne ad idem  
amici genus  
Catonem  
ro; bonum  
accessit am  
ro, & in  
omnia faciat  
cio, quæ ex  
quid inters  
nem ciuem  
quibus bla  
aures conu  
ciendis e  
dicam lib  
tas, quant



tias, assentationem: quamuis enim multis nominibus est hoc uitium notandum, leuium hominum, atque fallaciū, ad uoluntatem loquentium omnia, nihil ad ueritatem. cum autem omnium rerum simulatio est uitiosa, (tollit enim iudicium ueri, idq; adulterat) tum amicitiae repugnat maxime: delet enim ueritatem, sine qua nomen amicitiae ualere non potest: nam cum amicitiae uis sit in eo, ut unus quasi animus fiat ex pluribus; qui id fieri potest, si ne in uno quidem unus animus erit, idemq; semper, sed uarius, commutabilis, multiplex? quid enim potest esse tam flexibile, tam deuium, quam animus eius, qui ad alterius non modo sensum ac uoluntatem, sed etiam uultum, atque nutum conuertitur?

Negat q̄s, nego: ait, aio. postremo imperaui egomet mihi, Omnia assentari:

ut ait idē Terentius: sed ille sub Gnatonis persona: quod amici genus adhibere, omnino leuitatis est. multi autē Gnatonum similes cum sint, loco, fortuna, fama superiores; horum est assentatio molesta, cum ad uanitatem accessit auctoritas. secerni autem blandus amicus à uero, & internosci tam potest adhibita diligentia, quam omnia fucata, & simulata à sinceris, atque ueris. concio, quæ ex imperitissimis constat, tamen iudicare solet, quid intersit inter popularem, idest assentatorem, & leuem ciuem, & inter constantem, seuerum, & grauem. quibus blanditijs C. Papius Cos. nuper influebat in aures concionis, cum ferret legem de Tribunis pl. reficiendis? dissuasimus nos. sed nihil de me: de Scipione dicam libentius. quanta illi, dii immortales, fuit grauitas, quanta in oratione maiestas? ut facile ducem popu-



li R. non comitem diceret . sed affuisti : & est in ma-  
 nibus oratio . itaque lex popularis suffragijs populi re-  
 pudata est . atque (ut ad me redeam) meministi , Q.  
 Maximo fratre Scipionis , & L. Mancino Coss. quàm  
 popularis lex de sacerdotijs C. Licinij Crassi uidebatur :  
 cooptatio enim collegiorum ad populi beneficium transfe-  
 rebatur . atque is primum instituit in forum uersus age-  
 re cum populo . tamen illius uendibilem orationem reli-  
 gio deorum immortalium nobis defendentibus facile uin-  
 cebat . atq; id actum est Prætor me, quinquennio ante,  
 quàm Consul sum factus : itaq; re magis, quàm auctori-  
 tate causa illa defensa est . quòd si in scena, idest in con-  
 cione, in qua rebus fictis, & adumbratis loci plurimum  
 est, tamen uerum ualet, si modo id patefactum, & illu-  
 stratum est : quid in amicitia fieri oportet, quæ tota ue-  
 ritate perpeditur ? in qua nisi (ut dicitur) apertum ami-  
 ci pectus uideas, tuumq; ostendas, nihil fidum, nihil ex-  
 ploratum habeas, ne amare quidem, aut amari possis,  
 cum, id quàm uere fiat, ignores . quanquam ista assen-  
 tatio pernitiōsa sit, nocere tamen nemini potest, nisi ei,  
 qui eam recipit, atque ea delectatur . ita fit, ut is assen-  
 tatoribus patefaciat aures suas maxime, qui ipse sibi as-  
 sentetur, & se maxime ipse delectet . omnino est amans  
 sui uirtus : optime enim se ipsa nouit ; quamq; amabilis  
 sit, intelligit . ego autem non de uirtute nunc loquor, sed  
 de uirtutis opinione : uirtute enim ipsa non tam multi  
 præditi esse, quàm uideri uolunt . hos delectat assenta-  
 tio : his fictus ad eorum uoluntatem sermo cum adhi-  
 betur, orationem illam uanam testimonium esse laudū  
 suarum putant . nulla est igitur hæc amicitia, cum alter

utrum de  
 est . nec pa  
 te uideret  
 Magnas ue  
 facti erat re  
 per auger  
 dent . uult  
 ista uarietas  
 inuener : ed  
 uendi sunt, m  
 pueri : apu  
 ni admodum  
 infans . studi  
 fitor, quippe  
 se simulati  
 mo pueri : se  
 deat . quid  
 idat, magis  
 Hæc me an  
 Versari, atq;  
 hæc enim in  
 ram, & cre  
 amicitias per  
 dico sapient  
 leus amicit  
 mam rede  
 Virtus, inq  
 amicitias, i  
 ram, in ea  
 men suum



uerum audire non uult, alter ad mentiendum paratus est. nec parasitorum in comœdijs assentatio nobis facta uideretur, nisi essent milites gloriosi.

Magnas uero agere gratias Thais mihi?

satis erat respondere, Magnas: Ingentes, inquit. semper auget assentatio id, quod is, cuius ad uoluntatem dicitur, uult esse magnum. quamobrem, quamuis blanda ista uanitas apud eos ualeat, qui ipsi illam allectant, et inuitant: tamen etiam grauiiores, constantioresq; admonendi sunt, ut animaduertant, ne callida assentatione capiantur: aperte enim adulantem nemo non uidet, nisi qui admodum est excors; callidus ille, et occultus ne se insinuet, studiose cauendū est: nec enim facillime agnoscitur, quippe qui aduersando saepe assentetur, et ligare se simulans blandiatur, atque ad extremum det manus, uinciq; se patiatur, ut is, qui illusit sit plus uicisse uideatur. quid autem turpius, quàm illudi? quod ne accidat, magis cauendum est: ut in Epicureo,

Hodie me ante omnes comicos stultos senes

versaris, atque luseris lautissime:

hæc enim in fabulis stultissima persona est improvidorum, et credulorum senum. sed nescio quo pacto ab amicitijs perfectorum hominum, idest sapientum (de hac dico sapientia, quæ uidetur in hominem cadere posse) ad leues amicitias deflexit oratio. quamobrem ad illam primam redeamus; camq; ipsam concludamus aliquando. Virtus, inquam, C. Fanni, et tu Q. Muti, et conciliat amicitias, et conseruat: in ea est enim conuenientia rerum, in ea constantia: quæ cum se extulit, et ostendit lumen suum, et idem aspexit, agnouitq; in alio, ad id se



## C I C E R O N I S

admouet, uicissimq; accipit illud, quod in altero est. ex-  
 ardescit amor, siue amicitia: utrunque enim dictum est  
 ab amando: amare autem nihil aliud est, nisi cum ip-  
 sum diligere, quem ames, nulla indigentia, nulla utilita-  
 te quesita: quæ tamen ipsa efflorescit ex amicitia, etiam  
 si tu eam minus secutus sis. hæc nos adolescentes beneuo-  
 lentia senes illos L. Paulum, M. Catonem, C. Gallum,  
 P. Nasicam, Ti. Gracchum Scipionis nostri socerum di-  
 leximus. hæc etiam magis elucet inter æquales, ut inter  
 me, & Scipionem, & L. Furium, P. Rutilium, Sp. Mum-  
 mium. uicissim autem senes in adolescentium charita-  
 te acquiescimus, ut ego in uestra, & Q. Tuberonis:  
 equidem etiam admodum adolescentis P. Rutilij Virgi-  
 nij familiaritate delector. quoniamq; ita ratio compa-  
 rata est uitæ, naturæq; nostræ, ut alia ætas oriatur ex  
 alia: maxime quidem optandum est, ut cum æquali-  
 bus possis, quibuscum tanquam e' carceribus emissus sis,  
 iisdem ad calcem (ut dicitur) peruenire: sed quoniam  
 res humanæ fragiles, caducæq; sunt, semper aliqui acqui-  
 rendi sunt, quos diligamus, & à quibus diligamur:  
 charitate enim, beneuolentiæq; sublata, omnis est e' uita  
 sublata iucunditas. mihi quidem Scipio, quanquam est  
 subito ereptus, uiuit tamen, semperq; uiuet: uirtutem  
 enim amari illius uiri; quæ extincta non est; nec mi-  
 hi soli uersatur ante oculos, qui illam semper in mani-  
 bus habui; sed etiam posteris erit clara, & insignis.  
 nemo unquam animo, aut spe maiora suscipiet, qui sibi  
 non illius memoriam, atque imaginem proponendam  
 putet. equidem ex omnibus rebus, quas mihi aut fortu-  
 na, aut natura tribuit, nihil habeo, quod cum amicitia

Scipionis

Scipionis  
 (scilicet, in  
 quibus plen-  
 ma quidem  
 diu ex eo  
 etiamq; co-  
 ngruunt  
 de studiis di-  
 scendi: in  
 uicissimq; co-  
 memoria su-  
 etiam scri-  
 tum: sed ma-  
 gis cogit  
 hanc effem-  
 latum: diu-  
 sum: omni-  
 si magna  
 nos autem  
 uita esse  
 si diuina e'



Scipionis possim comparare . in hac mihi de Rep. consensus, in hac rerum privatarum consilium , in hac requies plena oblectationis fuit . nunquam illum ne minima quidem re offendi, quod quidem senserim : nihil autem diu ex eo ipse, quod nollem . una domus erat, idem uictus, isque communis : neque solum militia, sed etiam peregrinationes, rusticationesque communis . nam quid ego de studiis dicam cognoscendi semper aliquid , atque discendi ? in quibus remoti ab oculis populi omne otium, tempusque contriuiimus ? quarum rerum recordatio, et memoria si una cum illo occidisset, desiderium coniunctissimi uiri , atque amantissimi ferre nullo modo possem : sed nec illa extincta sunt, alunturque ; potius, et augentur cogitatione , et memoria ; et, si plane illis orbatus essem, magnum tamen afferret mihi atas ipsa solatium : diutius enim iam in hoc desiderio esse non possum : omnia autem breuia, tolerabilia esse debent, etiam si magna sunt. Hæc habui, de amicitia quæ dicerem. uos autem hortor, ut ita uirtutem locetis, sine qua amicitia esse non potest, ut, ea excepta, nihil amicitia præstabilius esse putetis .



MARCI TVLLII CICERONIS  
PARADOXA SEX, AD  
MARCVM BRVTVM.

Nimaduerti Brute sæpe Catonem auunculum tuum, cum in senatu sententiam diceret, locos graues ex philosophia trahere, abhorrentes ab hoc usu forensi, et publico; sed dicendo consequi tamen ut illa etiam populo probabilia uiderentur. quod eo maius est illi, quàm aut tibi, aut nobis; quia nos ea philosophia plus utimur, quæ peperit dicendi copiam, et in qua dicuntur ea, quæ non multum discrepant ab opinione populari; Cato autem, perfectus mea sententia Stoicus, et ea sentit, quæ non sanè probantur in uulgus; et in ea hæresi est, quæ nullum sequitur florem orationis, neque dilatat argumentum, sed minutis interrogationibus, quasi punctis, quod proposuit, efficit. sed nihil est tam incredibile, quod non dicendo fiat probabile: nihil tam horridum, tam incultum, quod non splendeat oratione, et tanquam excolatur. quod cum ita putarem feci etiam audacius, quàm ille ipse, de quo loquor: Cato enim duntaxat de magnitudine animi, de continentia, de morte, de omni laude uirtutis, de dijs immortalibus, de charitate patriæ Stoice solet, nullis oratoris ornamentis adhibitis, dicere. ego uero illa ipsa, quæ uix in gymnasijs, et in otio Stoici probant, ludens conieci in communes locos. quæ quia sunt admirabilia, contrâque opinionem omnium, ab ipsis etiam παράδοξα appellantur: tentare uolui, possent ne proferri in lucem, id est in



forum, & ita dici, ut probarentur; an alia quædam  
esset erudita, alia popularis oratio: eoque scripsi liben-  
tius, quod mihi ista παρὰ σοφῶν quæ appellantur, maxime  
uidentur esse Socratica, longeq; uerissima. Accipies igitur  
hoc paruum opusculum lucubratum his iam con-  
tractioribus noctibus, quoniam illud maiorum uigilia-  
rum munus in tuo nomine apparuit: & degustabis ge-  
nus hoc exercitationum mearum, quibus uti consueui,  
cum ea, quæ dicuntur in scholis βεταῖς, ad nostrum hoc  
oratorium transfero dicendi genus. hoc tamen opus in-  
apertum ut referas, nihil postulo: non enim est tale,  
ut in arce poni possit, quasi illa Minerva Phidiæ: tale  
tamen est, ut ex eadem officina exisse uideatur.

ὅτι μόνον ἀγαθόν, τὸ καλόν.  
quod solum bonum, honestum.

V Errores, ne cui uestrum ex Stoicorum homi-  
num disputationibus, non ex meo sensu de-  
prompta hæc uideatur oratio: dicam ta-  
men, quod sentio; & dicam breuius, quàm res tanta  
dici possit. Nunquam mehercule ego neque pecunias isto-  
rum, neque tecta magnifica, neque opes, neque imperia,  
neque eas, quibus maxime astricti sunt, uoluptates in bo-  
nis rebus esse numerandas duxi; quippe cum uiderem,  
homines his rebus circumfluentes, ea tamen desiderare  
maxime, quibus abundarent: neq; enim unquam exple-  
tur, nec satiatur cupiditatis sitis: neq; ea solum, quæ ha-  
bent, libidine augendi cruciantur, sed etiam amittendi  
metu. in quo equidem continentissimorum hominum  
maiorum nostrorum sæpe requiro prudentiam, qui hæc



imbecilla, & commutabilia pecuniae membra solo uerbo bona putauerunt appellanda, cum re, ac factis longe aliter iudicauissent: potest enim bonum cuiquam malo esse? aut potest quisquam in abundantia bonorum ipse esse non bonus? atqui ista omnia talia uidemus ut & improbi habeant, & obsint probis. quamobrem (licet irrideat, si quis uelit) plus apud me uera ratio ualebit, quam uulgi opinio: neq; ego unquam illum bona perdisse dicam, si quis pecus, aut supellectilem amiserit: nec non saepe laudabo sapientem illum Biantem, (ut opinor) qui numeratur inter septem sapientes: cuius cum patriam Prienem cepisset hostis, ceteriq; ita fugerent, ut multa de suis rebus secum asportarent, cum esset admonitus à quodam, ut idem ipse faceret, ego uero, inquit, facio: nam omnia mea mecum porto. ille hæc ludibria fortunæ ne sua quidem putauit, quæ nos appellamus etiam bona. quid est igitur, quæret aliquis, bonum? si quid recte fit, & honeste, & cum uirtute, id bene fieri uere dicitur, & quod rectum, & honestum, & cum uirtute est, id solum opinor bonum. sed hæc uideri possunt obscuriora, cum sine appositione exemplorum lentius disputantur: uita, atque factis illustranda sunt summorum uirorum hæc, quæ uerbis subtilius, quam satis est, disputari uidentur. Quæro enim à uobis, num ullam cogitationem habuisse uideantur ij, qui hanc Remp. tam præclare fundatam nobis reliquerunt, aut auri atq; argenti ad auaritiam, aut amœnitatum ad delectationem, aut supellectilis ad delicias, aut epularum ad uoluptates, ponite ante oculos unumquemque regum. uultis, incipiam à Romulo? uultis, post liberam ciuitatem, ab ijs

ianis  
dictum

ipsi, q  
gradib  
pellant  
Numa P  
capedine  
rum pati  
omnes pa  
si quis rog  
liquos iten  
fuerit sine  
cia deniqu  
quam alia  
cem Porfes  
sue i qua  
copias ten  
fictum deu  
quid conti  
Curiu sequ  
Cneus, &  
mentum  
quid A. Fr  
states im  
domefici  
horum.  
quod la  
igitur i  
ipsi iud  
rectis,  
qui co  
abund



ipsis, qui liberauerunt eam? quibus tandem Romulus gradibus ascendit in coelum? us ne, quæ isti bona appellant; an rebus gestis, atque uirtutibus? quid autem Numa Pompilius? minus ne gratas dijs immortalibus capedines, ac fictiles urnulas fuisse, quàm delicatas aliorum pateras arbitramur? amitto reliquos: sunt enim omnes pares inter se, præter Superbum. Brutum uero si quis roget, quid egerit in patria liberanda; si quis reliquos item eiusdem consilij socios, quid spectarint, quid secuti sint: num quis existat, cui uoluptas, cui diuitiæ, cui denique præter officium fortis, & magni uiri, quidquam aliud propositum fuisse uideatur? quæ res ad necem Porſenæ Q. Mutium impulit sine ulla spe salutis suæ? quæ uis Horatium Coclitem contra omnes hostiū copias tenuit in ponte solum? quæ patrem Decium, quæ filium deuouit, ac immisit in armatas hostium copias? quid continentia C. Fabricij? quid tenuitas uictus M. Curiij sequebatur? quid duo propugnacula belli Punici Cneus, & Publius Scipiones, qui Carthagenensium aduentum corporibus suis intercludendum putauerunt? quid Africanus maior? quid minor? quid inter horum states interiectus Cato? quid innumerabiles alij? nam domesticis exemplis abundamus. an putamus quinquam horum cogitasse quidquam in uita sibi experendum, nisi quod laudabile esse, & præclarum uideretur? ueniant igitur irrisores huius orationis, ac sententiæ; et iam uel ipsi indicent, utrum se horum alicuius, qui marmoreis tectis, ebore, & auro fulgentibus, qui signis, qui tabulis, qui cœlato auro, & argento, qui Corinthijs operibus abundant; an C. Fabricij, qui nihil eorum habuit, nihil



habere uoluit, similes esse malint. atque hæc quidem, quæ modo huc, modo illuc transferuntur, facile adduci solent, ut in rebus bonis esse negent: illud tamen arête tenent, accurateq; defendunt, uoluptatem esse summum bonum. quæ quidem mihi uox pecudum uidetur esse, non hominum. tu, cum tibi siue deus, siue mater (ut ita dicam) rerum omnium natura dederit animum, quo nihil est præstantius, neque diuinus; sic te ipse abijcies, atque prosternes, ut nihil inter te, atque inter quadrupedem aliquid putes interesse? quidquam ne bonum est, quod non eum, qui possidet, meliorem faciat? ut enim quisque est maxime boni particeps, ita & laudabilis maxime: neque est ullum bonum, de quo non is, qui id habeat, possit honeste gloriari. quid autem est horum in uoluptate? meliorem ne efficit, aut laudabiliorem uirum? an quisquam in potiundis uoluptatibus gloria sese, & prædicatione effert? atqui si uoluptas, quæ plurimarum patrocinijs defenditur, in rebus bonis habenda non est, eaq; quo est maior, eo magis mentem ex sua sede, & statu dimouet: profecto nihil est aliud bene, & beate uiuere, nisi honeste, & recte uiuere.

ὅτι αὐτάρκης ἡ ἀρετὴ πρὸς εὐδαιμονίαν.

quòd se ipsa contenta uirtus ad beate uiuendum.

Ec uero ego M. Regulum erumnosum,  
 nec infelicem, nec miserum unquam putau:  
 non enim magnitudo animi eius cruciabatur à Pœnis, non grauitas, non fides, non constantia, non ulla uirtus, non denique animus ipse; qui tot uirtutum præsidio munitus, tãtoq; comitatu circum



septus, cum corpus eius caperetur, capi certe ipse non po-  
 tuit. Caium uero Marium uidimus: qui mihi secundis  
 in rebus unus ex fortunatis hominibus, in aduersis unus  
 ex summis uiris uidebatur: quo beatius esse mortali ni-  
 hil potest. Nescis insane, nescis, quantas uires uirtus ha-  
 beat. nomen tantum uirtutis usurpas: quid ipsa ua-  
 leat, ignoras. nemo potest non beatissimus esse, qui est  
totus apertus ex sese, quique in se uno sua ponit omnia. cu-  
 ius autem spes omnis, & ratio, & cogitatio pendet ex  
 fortuna, huic nihil potest esse certi, nihilque, quod explora-  
 tum habeat permansurum sibi ne unum quidem diem.  
 cum tu hominem terreto, si quem eris nactus istiusmo-  
 di, mortis, aut exilij minis. mihi uero quidquid accide-  
 rit in tam ingrata ciuitate, ne recusanti quidem euenie-  
 rit, non modo non repugnanti: quid enim ego labora-  
 ui, aut quid egi, aut in quo euigilauerunt curae, & cogi-  
 tationes meae, si quidem nihil peperit tale, nihil consecu-  
 tus sum, ut in eo statu essem, quem neque fortuna teme-  
 ritas, neque inimicorum labefactaret iniuria? Mortem ne  
 mihi minitaris, ut omnino ab hominibus; an exilium,  
 ut ab improbis demigrandum sit? mors terribilis est  
ijs, quorum laus emori non potest: exilium autem terri-  
bile illis, quibus quasi circumscriptus est habitandi locus;  
 non ijs, qui omnem orbem terrarum unam urbem esse  
 ducunt. te miseriae, te erumnae premunt omnes, qui te  
 beatum, qui te florentem putas: tuae libidines te tor-  
 quent: tu dies, noctesque cruciaris, cui nec satis est, quod  
 est, & id ipsum, quod habes, ne non diuturnum sit futu-  
 rum, times: te conscientiae stimulant maleficiorum tuo-  
rum: te metus exanimant iudiciorum, atque legum:



quocunq; aspexisti, ut furia sic tuæ tibi occurrunt iniuriæ, quæ te respirare non sinunt. quamobrem ut improbo, & stulto, & inertī nemini bene esse potest: sic bonus uir, & fortis, & sapiens miser esse nemo potest. nec uero, cuius uirtus, moresq; laudandi sunt, eius non laudanda uita est: neque porro fugienda uita, quæ laudanda est: esset autem fugienda, si esset misera. quamobrem quidquid est laudabile, idem & beatum, & florens, & expetendum uideri debet.

ὅτι ἴσα τὰ ἀρετῆματα:  
quod æqualia peccata:

N Ec enim peccata rerum euentu, sed uitæ hominum metienda sunt. in quo peccatur, id potest aliud alio maius esse, aut minus: ipsum quidem illud peccare, quoquò te uerteris, unum est. aurī nauem euertat gubernator, an paleæ, in re aliquantum, in gubernatoris inscitia nihil interest. lapsa est libido in muliere ignota: dolor ad pauciores pertinet, quàm si petulans fuisset in aliqua generosa, ac nobili uirgine; peccauit uero nihilo minus; si quidem est peccare, tanquam transire lineas: quod cum feceris, culpa commissa est; quàm longe progrediare, cum semel transieris, ad augendam transeundi culpam nihil pertinet. peccare certe licet nemini. quod autem non licet, id hoc uno tenetur, si arguitur non licere. id nec maius, nec minus unquam fieri potest; quoniam in eo est peccatum, si non licuit. quod semper unum, & idem est: quæ ex eo peccata nascantur, æqualia sint oportet. quod si uirtutes pares sunt inter se, paria esse etiā

uirtutis necess  
ro meliorem  
fortiorem, n  
est perfici  
lo esse, cum  
reddiderit, si  
aut temperat  
in aliqua  
ratione, & pe  
quo magis uir  
quidat. et uir  
recto rectus  
uiri potest.  
quidem pra  
qui, quoniam  
quando a uiri  
uirtutis peccat  
necesse est.  
boni, ne, a la  
do. bene her  
tem uirtu fuit  
ro ex te, (qua  
grus) uirtutem  
etq; operat  
ferim cum  
quidem ho  
que magis  
si senserim  
peccare se  
tam e qua



uitia necesse est. atqui pares esse uirtutes, nec bono uiro meliorem, nec temperante temperantio rem, nec forti fortio rem, nec sapiente sapientio rem posse fieri, facile potest perspicui. an uirum bonum dices, qui depositum nullo teste, cum lucrari impune posset, auri pondo decem reddiderit, si idem in decem millibus non idem fecerit? aut temperantem eum, qui se in aliqua libidine continuerit, in aliqua effuderit? una uirtus est consentiens cum ratione, et perpetua constantia. nihil huic addi potest, quo magis uirtus sit: nihil demi, ut uirtutis nomen relinquatur. etenim si bene facta, recte facta sunt, et nihil recto rectius: certe nec bono quidem melius quidquam inueniri potest. sequitur igitur, ut etiam uitia sint paria: si quidem prauitates animi recte uitia dicuntur. atqui, quoniam pares uirtutes sunt, recte etiam facta, quando a uirtutibus proficiuntur, paria esse debent: itemque peccata, quoniam ex uitijis manant, sint equalia necesse est. A philosophis, inquis, ista sumis. metuebam, ne, a lenonibus, diceres. Socrates disputabat isto modo. bene hercule narras: nam istum doctum, et sapientem uirum fuisse, memoria traditum est. sed tamen quaero ex te, (quando uerbis inter nos contendimus, non pugnis) utrum potius de bonis est quaerendum, quid baiuli, atque operarij, an quid homines doctissimi senserint; praesertim cum hac sententia non modo uerior, sed ne utilior quidem hominum uitae reperiri ulla possit: quae uis enim, quae magis arceat homines ab improbitate omni, quam si senserint nullum in delictis esse discrimen? et aequae peccare se, si priuatis, ac si magistratibus manus inferant? quamcunque in domum stuprum intulerint, eandem



esse labem libidinis ? nihil ne igitur interest, (nam hoc dicet aliquis) patrem quis necet, an seruum ? nuda ista si ponas, iudicari, qualia sunt, non facile possunt. patrem uita priuare, si per se scelus est; Saguntini, qui parentes suos liberos emori, quam seruos uiuere maluerunt, patricidæ fuerunt. ergo & parenti non nunquam adimi uita sine scelere potest; & seruo sæpe sine iniuria non potest. causa igitur hæc, non natura distinguit: quæ quædo alteri accessit, id fit propensius: si utriq; adiuncta sit, paria fiant necesse est. illud tamen interest, quod in seruo necando, si adsit iniuria, semel peccatur; in patris uita uiolanda, multa peccantur; uiolatur is, qui procreauit; is, qui aluit; is, qui erudiuit; is, qui in sede, ac domo, atque in Rep. collocauit. multitudo peccatorum præstat, eoq; poena maiore dignus est. sed nos in uita, non quæ cuiq; peccato poena sit, sed quantum cuiq; liceat, spectare debemus. quidquid non oportet, scelus esse; quidquid non licet, nefas putare debemus; etiam in minimis rebus ? etiam; si quidem rerum modum fingere non possumus, animorum tenere possumus. histrio si paulo se mouit extra numerum, aut si uersus pronūciatus est syllaba una breuior, aut longior, exhibitur, & exploditur: in uita, quæ omni gestu moderatior, omni uersu aptior esse debet, ut in syllaba te peccare dices ? poetam non audio in nugis: in uitæ societate audiam ciuem digitis peccata dimetientem sua, si uisa sint breuiora, leuiora, qui possint uideri ? cum, quidquid peccatur, perturbatione peccetur rationis, atque ordinis; perturbata autem ratione semel, & ordine, nihil possit addi, quo magis peccari posse uideatur.



ὅτι πάντες οἱ μοῦνι μαινόμενται :  
quod omnes stulti insaniunt .

Go uero te non stultū, ut sepe; non improbū,  
E ut semper, sed dementem, & insanum rebus  
addicam necessarijs. sapientis animus magni-  
tudine consilij, tolerantia rerum humanarum, contem-  
ptione fortunæ, uirtutibus deniq; omnibus, ut mœnibus,  
septus, uincetur, & expugnabitur: qui nec ciuitate qui-  
dem pelli potest. quæ est enim ciuitas? omnis ne conue-  
tus ferorum, & immanium? omnis ne etiam fugitiuo-  
rum, ac latronum congregata unum in locum multitu-  
do? certe negabis. num igitur erat illa tum ciuitas, cū  
leges in ea nihil ualebant; cum iudicia iacebant; cum  
mos patrius occiderat; cum, ferro pulsus magistratibus,  
senatus nomen in Rep. non erat? prædonum ille concur-  
sus, & te duce latrocinium in foro constitutum, & reli-  
quæ coniurationis à Catilinæ furys ad tuum scelus, fu-  
roremq; conuersæ num ciuitas erat? itaque pulsus ego  
ciuitatē non sum, quæ tum nulla erat: acersitus in ci-  
uitatem sum, cum esset in Rep. Consul, qui tum nullus  
fuerat; esset senatus, qui tum occiderat; esset consen-  
sus populi liberi; cum esset iuris, & æquitatis, quæ uin-  
cula sunt ciuitatis, repetita memoria. at uide, quàm ista  
tui latrocinij tela contempserim. iactam, & immissam  
à te nefariam in me iniuriam semper duxi, peruenisse  
tamen ad me nunquam putauī: nisi forte, cum parie-  
tes disturbabas, aut cū tectis sceleratas faces inferebas,  
tunc meorum aliquid ruere, aut deflagrare arbitraba-  
re. nihil neq; meum est, neq; cuiusquam, quod auferri,



quod eripi, quod amitti potest. si mihi eripuisses diuinā animi mei constantiam, meas curas, uigilias, consilia, quibus Resp. inuicta stat; si huius æterni beneficii immortalē memoriam deleuisses; multo etiam magis, si illā mentem, unde hæc consilia manarunt, mihi eripuisses: tum ego accepisse me confiterer iniuriam: sed si hæc nec fecisti, nec facere potuisti; reditum mihi gloriosum tua dedit iniuria, non exitum calamitosum. ergo ego semper ciuis eram, et tum maxime, cum meam salutem senatus exteris nationibus, ut ciuis optimi, cōmendabat: tu ne nunc quidem es ciuis: nisi forte idem hostis, & ciuis esse potest. an tu ciuem abloste natura, ac loco, nō animo, factisq; distinguis? cædem in foro fecisti: armatis latronibus templa tenuisti: priuatorū domos, ædesq; sacras incendiisti. cur hostis Spartacus, si tu ciuis? potes autem esse tu ciuis, propter quem aliquando ciuitas non fuit? & me exulem tuo nomine appellas? cum omnes meo discessu exulasse Remp. putent. nunquam ne, homo amentissime, te circumspecies? nunquam ne, quid facias, considerabis, nec quid loquare? nescis, exiliū scelerum esse pœnam, meū illud iter ob præclarissimas res à me ante gestas esse susceptum? omnes scelerati, atq; impij, quorum tu te ducem esse profiteris, quos leges exilio affici uolunt, exules sunt, etiam si solum non mutarunt. an, cum omnes leges te exulem esse iubeāt, non eris tu exul? non appellatur inimicus, qui cum te lo fuerit ante senatum? tua sica depressa est: qui hominem occiderit? tu plurimos occidisti: qui incendium fecerit? ædes nympharum manu tua disflagnarūt: qui templa deorum occupauerit? in foro etiam castra

posuisti. sed  
militis es ex  
sile, ut, si in  
e id fecisse, et  
legibus electus  
fuit: Romæ sa  
m iuratur, ubi  
non legibus eff  
in di roq  
quod  
And  
L. p  
modo  
mō potest cog  
u dicitur, sper  
ut caritiam,  
ha dūq; imper  
uari, ac turpit  
cedit, non ma  
u nō erit: pr  
mō, quorum d  
nos agros es h  
prudētissim  
ur ego simul  
rim, perdidisti  
rō; nisi sapie  
libertas? pot  
uale? nisi pr  
cio; cui uita



posuisti . sed quid ego cōmunes leges profero, quibus omnibus es exul? familiarissimus tuus de te priuilegium tulit, ut, si in opertum Bonæ deæ accessisses, exulares. at te id fecisse, etiam gloriari soles . quo modo igitur tot legibus eiectus in exilium, nomen exulis non perhorrescis? Romæ sum, inquis: & tu quidem in operto fuisti. non igitur, ubi quisque erit, eius loci ius tenebit, si ibi eum legibus esse non oportebit .

ὅτι οἱ σοφοὶ ἐλεύθεροι, καὶ οἱ μαργοὶ δούλοι:  
quod sapientes liberi, & stulti serui .

Audetur uero hic imperator, aut etiam appelletur, aut hoc nomine dignus putetur: quo modo? aut cui tandem hic libero imperabit, qui nō potest cupiditatibus suis imperare? refrenet prius libidines, spernat uoluptates, iracundiam teneat, coercet auaritiam, ceteras animi labes repellat: tum incipiat alijs imperare, cum ipse improbissimis dominis, de decori, ac turpitudini parere desierit: dum quidem his obediet, non modo imperator, sed liber habendus omnino nō erit: præclare enim est hoc usurpatum à doctissimis, quorum auctoritate non uterer, si mihi apud aliquos agresstes hæc habēda esset oratio: cum uero apud prudentissimos loquar, quibus hæc inaudita non sunt; cur ego similem me, si quid in his studijs operæ posuerim, perdidisse? dictum est igitur ab eruditissimis uiris; nisi sapientem, liberum esse neminē: quid est enim libertas? potestas uiuendi, ut uelis: quis igitur uiuit, ut uult? nisi profecto, qui recta sequitur; qui gaudet officio; cui uiuendi uia considerata, atq; prouisa est; qui



ant. ex su  
vno vero ne  
dis: sed, ut  
ingunt, qui se  
bonum seruam  
verum cupidita  
tem infirmu  
imperius, & p  
cale dignum  
nam aliquod  
in modo habet  
mentem cum a  
tuto: nam ne i  
mq; oculos tra  
iudocantur i  
lectamenta p  
nias aliquem i  
pidissime tra  
mpisset; ut  
m seruam di  
ne eorum aliq  
tidum, nihil o  
quan summis  
os exceptante  
narum copia  
seruum iudic  
re aliquo ne  
qui cupidita  
nissima seru  
seruendo n



Etant . ex summis, inquit, ciuitatis principes sumus .  
 uos uero ne conseruorum quidem uestrorum principes  
 estis : sed, ut in familia, qui tractat ista, qui tergunt, qui  
 ungunt, qui uerrunt, qui spargunt, non honestissimum  
 locum seruitutis tenent ; sic in ciuitate, qui se istarum  
 rerum cupiditatibus dediderunt, ipsius ciuitatis locum  
 penè infimū tenent . magna, inquis, bella gessi : magnis  
 imperijs, & prouincijs præsui . gere igitur animum  
 laude dignum . Actæonis tabula te stupidū detinet, aut  
 signum aliquod Polycleti . omitto, unde sustuleris, &  
 quo modo habeas : intuentem te, admirantem, clamores  
 tollentem cum uideo, seruum te esse ineptiarum omniū  
 iudico . non ne igitur sunt illa festiua ? sunt : nam nos  
 quoq; oculos eruditos habemus : sed, obsecro te, ita uenue  
 sta habeantur ista, non ut uincula uirorum sint, sed ut  
 oblectamenta puerorum . quid enim censes ? si L. Mum  
 mius aliquem istorum uideret matellionem Corinthium  
 cupidissime tractantem, cum ipse totam Corinthum cō  
 tempisset ; utrum illum ciuem excellentem, an atriens  
 sem seruum diligentem putaret ? reuiuiscat M. Curius,  
 aut eorum aliquis, quorum in uilla, ac domo nihil splen  
 didum, nihil ornatum fuit, præter ipsos ; & uideat ali  
 quem summis populi beneficijs usum, barbatulos mulu  
 los exceptantem de piscina, & pertreçantem, & muræ  
 narum copia gloriantem : non ne hunc hominem ita  
 seruum iudicet, ut ne in familia quidem dignum maio  
 re aliquo negotio putet ? an eorum seruitus dubia est,  
 qui cupiditate peculij nullam conditionem recusant du  
 rissimæ seruitutis ? hereditatis spes quid iniquitatis in  
seruendo non suscipit ? quem natum locupletis orbi se



## C I C E R O N I S

nis non obseruat? loquitur ad uoluntatem: quidquid  
 nuntiatum sit, facit, assentatur, assidet, miratur: quid  
 horum est liberi? quid denique non serui inertis? quid  
 iam illa cupiditas, quæ uidetur esse liberior, honoris, im=  
 perij, prouinciarum, quàm dura est domina, quàm im=  
 periosa, quàm uehemens? Cethego homini non probatis=  
 simo seruire coegit eos, qui esse amplissimi uidebantur,  
 mittere munera, noctu uenire domum ad eum, precari,  
 denique supplicare. quæ seruitus est, si hæc libertas exi=  
 stimari potest? quid? cum cupiditatum dominatus ex=  
 cessit, & alius est dominus exortus, ex conscientia pecca=  
 torum, timor; quàm est illa misera, quàm dura seruitus?  
 adolescentibus paulo loquacioribus est seruiendum; om=  
 nes, qui aliquid scire uidentur, tanquam domini timen=  
 tur: iudex uero quatum habet dominatum? quo timore  
 nocentes afficit? an non est omnis metus seruitus? quid  
 ualet igitur illa eloquentissimi uiri L. Crassi copiosa ma=  
 gis, quàm sapiens oratio? ERIPITE NOS EX  
 SERVITUTE. quæ est ista seruitus tam claro ho=  
 mini tamq; nobili? omnis enim animi debilitati, & hu=  
 milis, & fracti timiditas, seruitus est. NOLITE  
 SINERE NOS CUIQVAM SERVIRE.  
 in libertatem uindicari uult. minime: quid enim adiun=  
 git? NISI VOBIS VNIVERSIS. dominum  
 mutare, non liber esse uult. QVIBVS ET POS=  
 SVMVS, ET DEBEMVS. nos uero, si quidem  
 animo excelsi, & alto, et uirtutibus exaggerato sumus,  
 nec debemus, nec possumus. tu posse te dicito, quando=  
 quidem potes: debere ne dixeris: quoniam nihil quisquã  
 debet, nisi quod est turpe non reddere. Sed hæc hæte=  
 nus.



nus. ille uideat, quo modo imperator esse possit, cū, eum  
ne libertum quidem esse, ratio, & ueritas ipsa cōuincat.

ὅτι μόνος ὁ σοφὸς πλούσιος :  
quòd solus sapiens diues .

Vae est ista in cōmemorāda pecunia tua tam  
9 insolens ostentatio ? solus ne tu diues ? pro  
dij immortales, ego ne me audisse aliquid, &  
didicisse non gaudeam ? solus ne tu diues ? quid, si ne  
diues quidem ? quid, si pauper etiam ? quem enim intel  
ligimus diuitem ? aut hoc uerbum in quo homine poni  
mus ? opinor in eo, cui tanta possessio est, ut ad liberali  
ter uiuendum facile contentus sit ; qui nihil quærat, ni  
hil appetat, nihil optet amplius : animus enim tuus o=  
portet se iudicet diuitem, non hominū sermo, neq; posses  
siones tuæ . qui si tibi nihil deesse putas, nihil curas am=  
plius, satiatus es, aut contentus etiam pecunia : concedo,  
diues es. sin autem propter auiditatem pecuniæ nullum  
quæstum turpem putas, cum isti ordini ne honestus qui  
dem esse possit ullus ; si quotidie fraudas, decipis, poscis,  
pacisceris, aufers, eripis, si socios spolias, ærarium expilas,  
si testamenta amicorum expectas, aut ne expectas qui=  
dem, atq; ipse supponis: hæc utrum abundantis, an egen  
tis signa sunt ? animus hominis diues, non arca appella  
ri solet . quamuis illa sit plena, dum te inanem uidebo,  
diuitem non putabo: etenim ex eo, quantum cuique sat  
est, metiantur homines diuitiarum modū . filiam quis  
habet, pecunia est opus ; duas, maiore ; plures, maiore ;  
& si (ut aiunt) Danaï quinquaginta sint filia, tot dotes  
magnam quærunť pecuniam : quantum enim cuiq; sa=  
Q



is est, ad id accommodatur (ut ante dixi) diuitiarum modus. qui igitur non filias plures, sed innumerabiles cupiditates habet, quæ breui tempore maximas copias exhaurire possint; hunc quo modo ego appellabo diuitem, cum ipse egere se sentiat? multi ex te audierunt, cum diceres, neminem esse diuitem, nisi qui exercitum alere posset suis fructibus, quod populus R. ex tantis uectigalibus iam pridem uix potest. ergo hoc proposito nunquam eris diues ante, quam tibi ex tuis possessionibus tantum reficiatur, ut ex eo tueri sex legiones, & magna equitum, ac pedum auxilia possis. iam fateris igitur non esse te diuitem, cui tantum desit, ut expleas id, quod exoptas: itaque istam paupertatem, uel potius egestatem, ac mendicitatem tuam nunquam obscure tulisti. nam, ut ipsi, qui honeste rem quærunt mercaturis faciendis, operis dandis, publicis sumendis, intelligimus opus esse quaesito: sic, qui uidet domi tuæ pariter accusatorum, atque iudicum consociatos greges, qui nocentes, & pecuniosos reos eodem te auctore corruptelam iudicii molientes, qui tuas mercedum pactiones in patrocinijs, intercisas pecuniarum in coitionibus candidatorum, dimissiones libertorum ad foenerandas, diripiendasque prouincias, qui expulsionem uicinorum, qui latrocinia in agris, qui cum seruis, cum libertis, cum clientibus societates, qui possessiones uacuas, qui proscriptiones locupletum, qui cades municipiorum, qui illam Syllani temporis messem recordetur, qui testamenta subiecta, qui sublatis tot homines, qui denique omnia uenalia, delectum, decretum; alienam, suam sententiam; forum, domum; uocem, silentium; quis hunc non putet confiteri, sibi quaesito opus

esse? cui a  
re dixerit  
pia: copias  
denia: qu  
quam omni  
pecuniam c  
ninem mea  
ne silbo: d  
da res sit, ut  
p. r. r. r. r. r.  
qui illam pec  
tum. an res  
an denia  
simo fratri  
sunt summa  
illa que sunt  
que quod p  
s. r. r. r. r. r.  
nulla posse  
uirtus affi  
gunt homi  
uenio enim  
capit ille e  
ex meis  
cienti, &  
te conue  
sed etiam  
detract  
bit. ut  
eger, &



esse? cui autem quæsito opus sit, quis unquam hunc uere dixerit diuitem? est enim diuitiarum fructus in copia: copiam autem declarat satietas rerum, atq; abundantia: quam tu quoniam nunquam assequere, nunquam omnino es futurus diues. meam autem quoniam pecuniam contemnis, & recte; est enim ad uulgi opinionem mediocris, ad tuam nulla, ad meam modica: de me silebo: de te loquar. si censenda nobis, atq; æstimanda res sit, utrum tandem pluris æstimabimus pecuniam Pyrrhi, quam Fabritio dabat, an continentiam Fabritij, qui illam pecuniam repudiabat? utrum aurum Samnitum, an responsum M. Curij? hæreditatem L. Pauli, an liberalitatem Africani, qui eius hæreditatis Q. Maximo fratri partem suam concessit? hæc profecto, quæ sunt summarum uirtutum, pluris æstimanda sunt, quam illa, quæ sunt pecuniæ. quis igitur (si quidem, ut quisque, quod plurimi sit, possideat, ita ditissimus habendus sit) dubitet, quin in uirtute diuitiæ posita sint, quoniam nulla possessio, nulla uis auri, & argenti pluris, quam uirtus æstimanda est? O dii immortales, non intelligunt homines, quam magnum uectigal sit parsimonia: uenio enim ad sumptuosos, relinquo istum quæstuosum. capit ille ex suis prædijs sexcenta sestertia: ego centena ex meis, illi aurata tecta in uillis, & sola marmorea facienti, & signa, tabulas, supellectilem, & uestem infinite concupiscenti, nō modo ad sumptum ille fructus est, sed etiam ad fœnus, exiguus. ex meo tenui uectigali detractis sumptibus cupiditatis aliquid etiam redundabit. uter igitur est ditior, cui deest, an cui superat? qui eget, an qui abundat? cuius possessio quo est maior, eo

Q ij



plus requirit ad se tuendam ; an quæ suis se uiribus sustinet ? sed quid ego de me loquor, qui morum, ac temporum uitio aliquantum etiam ipse fortasse in huius seculi errore uerser ? M. Manilius patrum nostrorum memoria (ne semper Curios, & Luscinios loquamur) pauper tandem fuit : habuit enim ædículas in Carinis, & fundum in Labicano . nos igitur ditiores, qui plura habemus ? utinam quidem essemus : sed non æstimatione census, uerum uictu, atq; cultu terminatur pecuniæ modus . non esse cupidum, pecunia est : non esse emacem, uectigal est : contentum uero suis rebus esse, maximæ sunt, certissimæq; diuitiæ . etenim, si isti callidi rerum æstimatores prata, & areas quasdam magni æstimant, quod ei generi possessionū minime quasi noceri potest : quanti est æstimanda uirtus, quæ nec eripi, nec surripi potest unquam, neq; naufragio, neq; incendio amittitur, nec tempestatum, nec temporum permutatione mutatur ? qua qui præditi sunt, soli sunt diuites : soli enim possident res & fructuosas, et sempiternas ; soli q; quod est proprium diuitiarum, contenti sunt rebus suis : satis esse putant, quod est ; nihil appetunt, nulla re egent, nihil sibi deesse sentiunt, nil requirunt : improbi autem, & auari, quoniam incertas, atque in casu positas possessiones habent, & plus semper appetunt, nec eorum quisquam adhuc inuentus est, cui, quod haberet, esset satis ; non modo non copiosi, ac diuites, sed etiam inopes, ac pauperes existimandi sunt.

de censu an  
senex collat  
et p. 200. in  
huc, quod an  
regno, & huius  
nomine ipso  
illius optimi  
illius de sen  
est: multisq;  
peus est die  
nem in mo  
de African  
sed etiam d  
mos, me &  
gilassent,  
hic mihi  
enim feri  
quid in  
quo uide  
qui) Afr



M. TVLLII CICERONIS, SCIPIONIS  
SOMNIVM EX LIBRO  
SEXTO DE REPUBLICA.

PERSONA, SCIPIO.

C Vm in Africam uenissem à Manlio  
Consule ductus, ad quartam legionem  
(ut scitis) Tribunus militum; nihil mi  
hi potius fuit, quàm ut Masinissam cō  
uenirem, regem familiæ nostræ iustis  
de causis amicissimum. ad quem ut ueni, cōplexus me  
senex collacrymauit; aliquantoq; post suspexit in cœlū,  
& grates, inquit, tibi ago summe Sol, uobisq; reliqui cœ  
lites, quòd, antequā ex hac uita migro, conspicio in meo  
regno, & his tectis P. Cornelium Scipionem, cuius ego  
nomine ipso recreor: nunquam ex animo meo discedit  
illius optimi, atq; inuictissimi uiri memoria. deinde ego  
illum de suo regno, ille me de nostra Rep. percunctatus  
est: multisq; uerbis ultero citroq; habitis, ille nobis cōsum  
ptus est dies. post autem regio apparatu accepti, sermo  
nem in multā noctem produximus, cum senex nihil nisi  
de Africano loqueretur, omniaq; eius non solum facta,  
sed etiam dicta meminisset. deinde, ut cubitum discessi  
mus, me & fessum de uia, et qui ad multam noctem ui  
gilassem, arētior, quàm solebat, somnus complexus est.  
hic mihi (credo equidem ex hoc, quod eramus locuti: fit  
enim ferè ut cogitationes, sermonesq; nostri pariant ali  
quid in somno tale, quale de Homero scribit Ennius, de  
quo uidelicet sapissime uigilans solebat cogitare, & lo  
qui) Africanus se osēdit illa forma, qua mihi ex imagi=

Q ii



ne eius, quàm ex ipso erat notior. quem ut agnoui, equi-  
dem cohortui: sed ille, ades, inquit, animo, & omitte ti-  
morem Scipio, & quæ dicam, trade memoriæ. Vides ne  
illam urbem, quæ parere populo R. coacta per me, reno-  
uat pristina bella, nec potest quiescere? (ostendebat au-  
tem Carthaginem de excelsis, & pleno stellarum, illustri,  
& claro quodam loco) ad quam tu oppugnandam nunc  
uenis penè miles? hanc hoc biennio Consul euertes: eritque  
cognomen id tibi per te partum, quod habes ex nobis ad-  
huc hereditarium. cum autem Carthaginem deleue-  
ris, triumphum egeris, censorque fueris, & obieris Lega-  
tus Aegyptum, Syriam, Asiam, Græciam, delegere iterum  
absens Consul, bellumque maximum conficies, Numantiam  
excindens. sed cum eris curru Capitolium inuectus, of-  
fendes Remp. perturbatam consilijs nepotis mei. hic tu  
Africane ostendas oportebit patriæ lumen animi, inge-  
nium, consiliumque tui. sed eius temporis ancipitem uideo qua-  
si fatorum uiam: nam, cum ætas tua septenos octies so-  
lis anfractus, reditusque conuerterit, duoque in numeri, quo-  
rum uterque plenus, aliter altera de causa habetur, circui-  
tu naturali summam tibi fatalem confecerint; in te u-  
num, atque tuum nomen se tota conuertet ciuitas; te se-  
natus, te omnes boni, te socii, te Latini intuebuntur; tu  
eris unus, in quo nitatur ciuitatis salus. ac, ne multa, Di-  
etator Remp. constituas oportet, si impias propinquorum  
manus effugeris. Hic cum exclamasset Lælius, ingemuis-  
sentque ceteri uehementius, leniter arridens Scipio, quæso,  
inquit, ne me è somno excitetis, et pax sit rebus. audite  
cetera Sed quo sis Africane alacrior ad tutandam Remp.  
sic habeto, omnibus, qui patriam conseruauerint, adiue-

rim, aut  
beati au-  
cipi deo,  
in terris  
iure socia  
& confer  
ego, est er  
dium a  
lus, & ali  
inquit, si u  
carere, eua  
est. quoniam  
quem ut uel  
meum me a  
que ego, ut p  
iniquam q  
est uia, ut  
in quoniam  
ille: nisi em  
conficis, i  
dum pete  
generati q  
plo median  
tus est ex i  
uocatis; i  
tibus circ  
quare &  
mus in c  
nobis dai  
mus tuum



rint, auxerint, certū esse in cælo, ac diffinitum locū, ubi beati auo sempiterno fruuntur : nihil est enim illi principi deo, qui omnem hunc mundum regit, quod quidem in terris fiat, acceptius, quā concilia, cætusq; hominum iure sociati, quæ ciuitates appellantur. harum reētores, & conseruatores hinc profecti, huc reuertentur. Hic ego, etsi eram perterritus non tam metu mortis, q̄ insidiarum à meis, quā siui tamen, uiueret ne ipse pater Paulus, & alij, quos nos extinctos arbitremur. immo uero, inquit, hi uiuunt, qui ex corporum uinculis, tanquam è carcere, euolauerūt : uestra uero quæ dicitur uita, mors est. quin tu aspicias ad te uenientem Paulum patrem : quem ut uidi, equidem nim lacrymarum profudi : ille autem me amplexus, atq; osculans flere prohibebat. atque ego, ut primum fletu represso loqui posse cæpi, quæso, inquam, pater sanctissime, atque optime, quando hæc est uita (ut Africanum audio dicere) quid moror in terris, quin huc ad uos uenire propero ? non est ita, inquit ille : nisi enim deus, is, cuius hoc templū est omne, quod conspicias, isis te corporis custodis liberauerit, huc tibi aditus patere non potest : homines enim sunt hac lege generati, qui tuerentur illum globum, quem in hoc templo medium uides, quæ dicitur terra : hisq; animus datus est ex illis sempiternis ignibus, quæ sidera, & stellas uocatis ; quæ globosæ, & rotundæ diuinis animatæ mētibz circulos suos, orbisq; conficiunt celeritate mirabili. quare & tibi Publi, & pijs omnibus retinendus est animus in custodia corporis : nec iniussu eius, à quo ille est nobis datus, ex hominum uita migrandum est : ne munus humanum assignatum à deo defugisse uideamini.

Q. iiij



sed sic Scipio, ut auus hic tuus, ut ego, qui te genui, iusti-  
tiam cole, & pietatem: quæ cum sit magna in parenti-  
bus, & propinquis, tum in patria maxima est; quia ea  
uita uia est in cælum, & in hunc coetum eorū, qui iam  
uixerunt, & corpore laxati illum incolunt locum, quem  
uides, (erat autem is splendidissimo candore inter flam-  
mas circulus clucens) quem uos, ut à Graijs accepistis, or-  
bem lacteum nuncupatis. ex quo omnia mihi contem-  
planti, præclara cætera, & mirabilia uidebantur. erant  
autem eæ stellæ, quas nunquam ex hoc loco uidimus; et  
eæ magnitudines omnium, quas esse nunquam suspicati  
sumus. ex quibus erat illa minima, quæ ultima cælo, ci-  
tima terris luce lucebat aliena. stellarum autem globi  
terrarum magnitudinem facile uincebant. iam uero ip-  
sa terra ita mihi parua uisa est, ut me imperij nostri,  
quo quasi eius punctum attingimus, pœniteret. quam  
cū magis intuerer, quæso, inquit Africanus, quousq; hu-  
mi defixa tua mens erit? non ne aspicias, quæ in templa  
ueneris? nouem tibi orbibus, uel potius globis connexa  
sunt omnia; quorum unus est cælestis extimus, qui reli-  
quos omnes complectitur, summus ipse deus, arcens, &  
continens cæteros, in quo infixi sunt illi, qui uoluuntur,  
stellarū cursus sempiterni, cui subiecti sunt septem, qui  
uersantur retro, contrario motu, atq; cælum. ex quib-  
us unum globum possidet illa, quam in terris Satur-  
niam nominant. deinde est hominum generi prosper,  
& salutaris ille fulgor, qui dicitur Iouis. tum rutilus,  
horribilisq; terris, quem Martem dicitis. deinde subter  
mediam ferè regionem Sol obtinet dux, & princeps, et  
moderator luminum reliquorum, mens mundi, & tem-  
peratio,

peratio  
& con  
neris, al  
dis solis  
nisi mor  
num ma  
eterna:  
uener, &  
tu ponde  
quæ hic, q  
& tam d  
conuicta  
finctis, im  
acta com  
centis effu  
sunt; &  
uener, ex  
summus i  
ciorior, &  
autem hi  
bilis man  
mundi lo  
uis est de  
finctos  
ferè no  
cantib  
qui pro  
coluer  
est ulla  
ad illa



peratio, tanta magnitudine, ut cuncta sua luce lustret,  
 & compleat. hunc, ut comites, consequuntur alter Ve-  
 neris, alter Mercurij cursus. in infimoq; orbe Luna ra-  
 dijs solis accensa conuertitur. infra autē iam nihil est,  
 nisi mortale, & caducum, præter animos generi homi-  
 num munere deorum datos. supra Lunam sunt omnia  
 æterna: nam ea, quæ est media, & nona, tellus neq; mo-  
 uetur, & infima est, & in eam feruntur omnia suo mo-  
 tu pondera. Quæ cum intuerer stupens, ut me recepi,  
 quis hic, inquam, quis est, qui complet aures meas tātus,  
 & tam dulcis sonus? hic est, inquit ille, qui interuallis  
 coniunctus imparibus, sed tamen pro rata portione di-  
 stinctis, impulsu, & motu ipsorum orbium efficitur: qui  
 acuta cum grauib; temperans, uarios æquabiliter con-  
 centus efficit: nec enim silentio tanti motus incitari pos-  
 sunt; & natura fert, ut extrema ex altera parte gra-  
 uiter, ex altera autem acute sonent. quam ob causam  
 summus ille cœli stelliferi cursus, cuius conuersio est con-  
 citatior, acuto, & excitato mouetur sono, grauissimo  
 autem hic lunaris, atq; infimus. nam terra nona immo-  
 bilis manens, ima sede semper hæret, complexa medium  
 mundi locum. illi autem octo cursus, in quibus eadem  
 uis est duorum, Mercurij, et Veneris, septem efficiunt di-  
 stinctos interuallis sonos: qui numerus rerum omnium  
 ferè nodus est. quod docti homines neruis imitati, atq;  
 cantibus, aperuere sibi reditū ad hunc locum; sicut alij,  
 qui præstantibus ingenijs in uita humana diuina studia  
 coluerunt. hoc sonitu completæ aures obsurduerunt, nec  
 est ullus hebetior sensus in uobis, sicut in illis, ubi Nilus  
 ad illa, quæ Catadupa nominatur, præcipitat ex altissi-



## C I C E R O N I S

mis montibus; ea gens, quæ illum locum accolit, propter  
 magnitudinem sonitus sensu audiendi caret. hic uero  
 tantus est totius mundi incitatissima conuersione soni-  
 tus, ut eum aures hominum capere non possint; sicut  
 intruere solè nequitis aduersum, eiusq; radius acies uestra  
 sensusq; uincitur. Hæc ego admirans, referebam tamen  
 oculos ad terram identidem. tum Africanus, sentio, in-  
 quit, te sedem etiam nunc hominum contemplari, ac do-  
 mum. quæ si tibi parua, ut est, ita uidetur, hæc coelestia  
 semper spectato, illa humana contemnito: tu enim quæ  
 celebritatem sermonis hominum, aut quam expetendam  
 gloriam consequi potes? uides habitari in terra raris, et  
 angustis in locis, & in ipsis quasi maculis, ubi habita-  
 tur, uastas solitudines interiectas, hosq; qui incolunt ter-  
 ram, non modo interruptos ita esse, ut nihil inter ipsos  
 ab alijs ad alios manare possit, sed partim obliquos, par-  
 tim auersos, partim etiam aduersos stare uobis; à qui-  
 bus spectare gloriam certe nullam potestis. cernis au-  
 tem terram eandem quasi quibusdam redimitam, &  
 circumdatam cingulis: è quibus duos maxime inter se  
 diuersos, & coeli uerticibus ipsis ex utraque parte sub-  
 nixos, obriguisse pruina uides, medium autem illum,  
 & maximum solis ardore torrerì. duo sunt habitabi-  
 les: quorum australis ille, in quo qui insistant, aduersa  
 uobis urgent uestigia, nihil ad uestrum genus. hic au-  
 tem alter subiectus aquiloni, quem incolitis, cerne, quàm  
 uos tenui parte contingat: omnis enim terra, quæ coli-  
 tur uobis, angusta uerticibus, lateribus latior, parua quæ-  
 dam insula est, circumfusa illo mari, quod Atlanticum,  
 quod Magnum, quod Oceanum appellatis in terris: qui

tamen  
 cultis, m  
 strum m  
 dere pot  
 quis orien  
 sine par  
 tu, cernis p  
 citari ne  
 du loquer  
 ram totius  
 partibus ad  
 ne, ex p  
 ne, q  
 quidem glo  
 quæ po  
 in m  
 certe melior  
 ipso, quæ  
 anni memo  
 riter anno  
 metuitur  
 sunt, cuncti  
 pationem lo  
 tens anno  
 quam m  
 olim defu  
 multi an  
 cinque e  
 cerie, t  
 reuocati  
 non dui



tamen tanto nomine quam sit parvus, uides. ex his ipsis  
 cultis, notisq; terris num aut tuum, aut cuiusquam no=  
 strum nomen uel Caucasum hunc, quem cernis, transce=  
 dere potuit, uel illum Gangem transnare? quis in reli=  
 quis orientis, aut obeuntis solis ultimis, aut aquilonis, au=  
 siriue partibus tuum nomen audiet? quibus amputa=  
 tis, cernis profecto, quantis in angustis uestra gloria se=  
 dilatari uelit. ipsi autem, qui de nobis loquentur, quam=  
 diu loquentur? quin etiam, si cupiat proles illa futuro=  
 rum hominum deinceps laudes uniuscuiusq; nostrum à  
 patribus acceptas posteris prodere, tamen propter eluui=  
 nes, exustionesq; terrarum, quas accidere tempore certo  
 necesse est, non modo non æternam, sed ne diuturnam  
 quidem gloriam assequi possumus. quid autem interest,  
 ab ijs, qui postea nascentur, sermonem fore de te, cum ab  
 ijs nullus fuerit, qui ante nati sint? qui nec pauciores, et  
 certe meliores fuerunt uiri: cum præsertim apud eos  
 ipsos, à quibus nomē nostrum potest audiri, nemo unius  
 anni memoriam consequi possit: homines enim popula=  
 riter annum tantummodo solis, idest unius astri, reditu  
 metiuntur. cum autem ad idem, unde semel profecta  
 sunt, cuncta astra redierint, eandemq; totius cœli descri=  
 ptionem longis interuallis retulerint, tum ille uere uer=  
 tens annus appellari potest: in quo, uix dicere audeo,  
 quam multa secula hominum teneantur: nanque, ut  
 olim deficere sol hominibus, extinguiq; uisus est, cum Ro=  
 muli animus hæc ipsa in templa penetrauit; quando=  
 cunque eadem parte sol, eodemq; tempore iterum defe=  
 cerit, tum signis omnibus ad idem principium, stellisq;  
 reuocatis, expletum annum habeto. huius quidem anni  
 non dum uigesimam partem scito esse conuersam. quo



## C I C E R O N I S

circa, si reditum in hunc locum desperaueris, in quo omnia sunt magnis, & præstantibus uiris: quanti tandem est ista hominum gloria, quæ pertinere uix ad unius anni partem exiguam potest? igitur alte spectare si uoles, atque ad hanc sedem, & æternam domum contueri; neque sermonibus uulgi dederis te, nec in præmijs humanis spem posueris rerum tuarum; suis te illecebris oportet ipsa uirtus trahat ad uerum decus. quid de te alij loquantur, ipsi uideant: sed loquentur tamen. sermo autem omnis ille & angustijs cingitur ijs regionum, quas uides; nec unquam de ullo perennis fuit; & obruitur hominum interitu; & obliuione posteritatis extinguitur. Quæ cum dixisset, ego uero, inquàm, ò Africane, si quidem benemeritis de patria quasi limes ad coeli aditum patet, quanquàm à pueritia uestigijs ingressus & patris, & tuis, decori uestro non defui, nunc tamen tanto præmio proposito enitar multo uigilantius. & ille, tu uero enitere; & sic habeto, te non esse mortalem, sed corpus hoc: nec enim is es, quem forma ista declarat; sed mens cuiusque is est quisque, non ea figura, quæ digito demonstrari potest. deum te igitur scito esse; si quidem deus est, qui uiget, qui sentit, qui meminit, qui præuidet, qui tam regit, & moderatur, & mouet id corpus, cui præpositus est, quàm hunc mundum princeps ille deus; & ut ipsum mundum ex quadam parte mortalem ipse deus æternus, sic fragile corpus animus sempiternus mouet: nam quod semper mouetur, æternum est: quod autem motum affert alicui, quod ipsum agitur aliunde, quando finem habet motus, uiuendi finem habeat necesse est: solum igitur, quod sese mouet, quia nunquam deseritur à se, nunquam ne moueri quidem



desinit. quin etiam cæteris, quæ mouentur, hic fons, hoc principium est mouendi. principio autem nulla est origo: nam ex principio oriuntur omnia: ipsum autem nulla ex re fieri potest: nec enim esset hoc principium, quod gigneretur aliunde. quod si nunquam oritur, nec occidit quidem unquam: nam principium extinctum, nec ipsum ab alio renascetur, nec ex se aliud creabit; si quidem necesse est à principio omnia oriri: ita fit, ut motus principium ex eo sit, quod ipsum à se mouetur: id autem nec nasci potest, nec mori; uel concidat omne cœlum, omnisq; natura consistat, necesse est, nec uim ullam nanciscatur, qua primo impulsu moueatur. cū pateat igitur æternum id esse, quod à se ipso moueatur: quis est, qui hanc naturam animis esse tributam neget? inanimatum est enim omne, quod impulsu agitur externo: quod autem anima est, id motu cietur interiore: nam hæc est natura propria animæ, atq; uis. quæ si est una ex omnibus, quæ sese moueat, neq; nata est certe, & æterna est. hanc tu exerce in optimis rebus. sunt autē optimæ, curæ de salute patriæ: quibus agitur, & exercitatus animus, uelociter in hanc sedem, & domū suam peruolabit: idq; ocyus faciet, si iam tum, cum erit inclusus in corpore, eminebit foras, & ea, quæ extra erunt, contemplans, quammaxime se à corpore abstrahet: nā eorū animi, qui se corporis uoluptatibus dederunt, eorumq; se quasi ministros probauerunt, impulsuq; libidinum uoluptatibus obedientiū, decorum, & hominū iura uiolauerunt, corporibus elapsi circum terram ipsam uolutantur, nec in hunc locū nisi multis exagitati seculis reuertuntur. Ille discessit: ego somno statim solutus sum.



Varia lectiones ex antiquis libris.

Vitæ conform.	2:	oppetat	17.
Verissimum sit, isq;	4.	Facilitas, & μεγαλοφυχία	
Laudabitur: ut in astrono		quæ	17:
mia	4.	Ad eius, qui punitur al. (ex	
Studijs cognitionis etiã	5.	Nonio)	17:
Ira, aut alia pert.	5:	Quidem omnino sine ratio	
Id modo temeritas	6.	ne	18:
Cogitato	6.	Nulla neque turpi	18:
Ad ea, quæ posui	7.	Potest, quàm oratione	19.
In qua scribit	8.	Etiã in uitiosis,	19:
Ab homines, sed	9.	Sedandosq; esse, excitant	
In moribus. De ben.	10.	damq; an.	20:
Licet, modo	10:	Bestijs antecellat.	20:
Obiurgationes in amici		Drufo adolescentibus	21.
tij	12.	Ideoq; nihil	21.
Vicinum potius a.	12.	Aequabilitas tum un.	21.
Muliebrẽ, illa uirago	12:	Perpeti ab ullo mal.	22:
Quasi pleno ore	12:	Nobis à natura data	22:
Excellens.	12:	Spatium etiã del	23.
Dicunt pugnantem	12:	Cõstãtior: ut tamẽ for.	23:
Oportere, nulli neq;	13:	Eam mutationem	23:
Vtiles, sed tum ueh.	13:	Opera, ut & am.	24.
Magniq; duc.	13:	Molle; ne quid	25:
Autem Remp. nihilo	14:	Scenam	25:
Committere, ut	16.	Muliebrem dic.	25:
Tempus necess.	16.	Forma uirili rem.	25:
Discordie in	17.	Omnes, ut etiã in	26:
Offendat aliquos, mortẽq;		Res, (neq; e. i. d. r. n. i. o. t. n.	

f.d.  
erit,  
Facere  
Adiuv  
Scdm  
Ratio m  
Quam  
Velimus,  
Aguntur  
Sic videm  
Quale qu  
Sermone  
Opus q  
Nec enim  
Ergo cog  
Velut  
Op.  
Quidem  
Inutile: cu  
n. aut  
maxi.  
Malis hoc  
Ceteri ali  
Contra, q  
Deducta  
ners, o  
Confusa  
Parum  
Pietas e  
Autem



s.d.) animaduertendum	Earumq; item rerum	34.
erit, quatenus	26: Noceant, & prosint	34.
Facere ne uid.	27: Effecta opera	34.
Adiuncta, ut & seu.	27: Manu, atque opere	34.
Scaurus filius dem.	27: Pascere eas, aut	34.
Ratio non sui	27: Eisdemq; & eae	34.
Quarū quidā certus	27: Vita hominū omnino	34.
Velimus, ut ne ue	27: Tantum distitit	34.
Aguntur, aut dic.	28: Collectis exteris	35.
Sic uidendum	28: Per eosdemq; siquid	35.
Quale quidque	28: Pretio, ac m.	35.
Seruare. iam	29: Hominum ualeat	36.
Opifices quoque	29: Ita se instituunt	36.
Nec enim quicquam	29: Hasta non rec.	37.
Ergo cogn.	30: Viros, & que	37.
Utioresq; rebus & suis	Hanc enim homines	38.
& p.	30: Opinata quādam	39.
Quidem propter se	31: Quādā uero afficiūt ū, 39.	
Inutile: tū ex duobus util. q.	Perspectum sit, hunc igni	
u. aut ex pluribus quid	spectatum	39.
maxi.	32: Vis est, ut ne	39.
Malis hoc tamen	32: Prædæ partitionem	39.
Cæteri alia	33: Cui quidem etiā exer.	39.
Contra, alia non pr.	33: Iudicia in constituta	
Deducta est, u. a. h. u. secer	Rep.	40.
nens, const.	33: Gloria & quær.	40.
Confusa cognitione	33: Optime impræm.	41.
Parum persp.	33: Nō est id quidem dub.	41.
Pietas efficit	34: Intelligere eum, & s.	41.
Autem secundum	34: Patrocinij	41.



C I C E R O N I S

Etiā,quā larg.	42: rum.	52.
Nullā omnino s.r.lib.	43: Disputamus, & m.s.a.ed	
Quoq; in quo	43: comm.	52:
Bene igitur collegit,	43: Officia compareant,	53.
Postularetur, & P.	43: Honeſta dicuntur	53.
Coniecerat.	34: Cōmunia . itaq; iys	53.
Spes,quanto in	45: Tanq̄ à sapiētibus pet.	53.
Reddiderit, h g.a.e.q.r.h.	Fuerunt, ne illi	53.
e.q.h.reddidiſſe	46. Celſitas animi, &	55.
Acceperint : atq; etiā	46. (ex Nonio)	
Illud item,	46: Vacent iniuſtitia.	55.
Sibi à te par.	46: Commodis detra.	55.
Pauperi, an m.	46: Idem h. nihil hon.	56.
Oratio, ad	47. Re & utilitas, & tur.	56:
Sua tuerentur	47. Condidit, non item	58.
Malo enim alienæ	47. Omnibus cubiculis	60.
Fieri & ſoleat	47: Iuſte, an improbe	60.
Næ illi multa	47: Ex eo quæreretur,	61:
Iudicijs, ærarij expil.	47: Vendat quidquam	61:
Quid ni laudet?	47: Emptor apponet	61:
Vnde digr.	47: Vere i.q. ſiquidē, id eſſe	62.
Data, etiam	48. Omnis e. quod e. ſciri	63:
Secute ſ. ut & tyr.	48: Furtis, præſtatur	63:
Continere . habitas	49. Quibus ſe pecc.	63:
Modo, ualere utrum	50. Carcere fatigandi.	63:
Africani o.n. hæc ſol.	50. Illorum (num erat	64.
Inopia, non requ.	50. Premium ſibi pr.	66:
Cogitant : tum	51. Velit, quia ſua ſit.	67.
Cratippi . quò cum	51: Hiq; ſint æque ſap.	67:
Neminem eſſe perſecutu=	Vitia ? non , niſi ea quā	

ni d.  
Mille d  
Impetre  
Faciend  
m.n.c.g  
Arbitror  
Quo imp  
At uile, a  
Rechſant  
h.s.m.eſſi  
Neque uer  
Turpitud  
Fides alia p  
Corporis h  
Cum hoc me  
Tempore L  
lib. (ex L  
ſi hæc non  
Tallibus m  
Deſeruat, p  
Ante conſu  
rem f.  
Male r.g. i  
Adoleſcent  
Viribus e  
Quæſtor  
Quidem  
fatigat  
Niſi uol  
Dedidiſſ



ni d.	67: (Diuinitus enim	82:
Mille denarium?	67: Naturalis motus	83:
Impetret, ut iterum	68. Vicissim hyeme	83:
Faciendum sit? c. f. i. i. q. n. c	Quemuis cum adm.	84:
u. n. e. q. f. iniuria;	68. Longe à mea)	85:
Arbitror fuisset	68. Elogiū, uno ore quāp.	86:
Quo impetrato,	68. Notum est carmen	86:
At utile, aliquis	68: Appeti, assurgi,	86:
Recusauit, quoniā dū iur.	Sperare item	88:
h. t. n. esset senator.	69: Dixi) ante	88:
Neque uero tum ign.	69. Possis, & inde mortēq;	88:
Turpitude i. habebat,	70. Tandem re fr.	88:
Fides alta pinnis	70: Deos i. spirauisse	89:
Corporis habet	70: Habitandi locū dedit	91:
Cum hoc nec f.	70: Animorū diuinū conc.	91:
Tempore L. Liuius Qu. Me	Nemo unq. fuit, q. q. m. c. d	
lius, (ex Liuiio)	71. f. quisquam,	93:
Si hæ non	73. Sorores, benignitate	93:
Talibus monitis,	73: Catonem anno a.	93:
Deferunt, ne in	78: In uita c. l. uiderat,	94:
Ante consulatum postero=	Rebus, quæ ex	94:
rem f.	77. Optantur, spectare d.	95:
Male r. g. patrijs	78. Putemus, q. sequuntur	95:
Adolescens uires	79. Proxime adhæreret.	95:
Viribus esse extremo	79: Iungatur. est enim	95:
Quæstor eodem	80. Amicitiam & g.	95:
Quidem exercitationū de=	Quidam docti	95:
fatigatione	81. Catones, Gallos,	95:
Nisi uoluptatis	82. Igni (ut aiunt) pl.	96:
Dedidissent.	82: Ipsa & d.	96:



Contineat, tamen	96.	Auget assentator	110.
Persuaderet? adst	96:	Solet, oratoris	111:
S C AE. Tum m.	97.	Vero tibi illa	111:
Consuetudo. & q.	98.	Septem. cuius	112:
Hæc ita multa, q.	99.	Efficit, ac l.	113:
Quidem. si uol?	99	Temperantem, qui	115.
Cato, at minime	99:	Discrimen? æque	115.
Consilium uero libere	da=	Necando, si absit	115:
re g.	100:	Vita tu, quæ	115:
Causa est, cur am.	101.	Rebus aduincam	116.
Vt & bonis	101.	Populi liber,	116.
Contrahat amicitia	101.	Loco, an animo	116:
Amicitia secuta	102.	Eris tu exul? num	116:
Qui habitus	103.	Tamē serui: sic i; pari	117:
Minime r. e. f. n. (f. r.	103:	Sat est, metiuntur	119.
Oblatas cr. rep.	104:	Venalia, delicta, & d.	119:
Famulatu fuerant	105.	Feruntur o. f. mutu	123.
Expetenda. næ	106:	Vobis, sicut, ubi	123:
Fit à natura	107.	obliquos, p. trāuersos	123:
Gerunt otiosi.	107:	Quibus sperare	123:

Varie lectiones ex ingenio.

Amici; atq; pl.	5.	Leuētris, Stratoq;	12:
Afferre mutuat	5:	Videbatur. parui	15:
Depositum etiam, nec	6:	Hoc sit, esse id quidē et	37:
Indictum. Paulus Aemilius		Aliquid, aut palam er.	39:
(sub hoc. n. militasse Cato		Sardis cōtra T. Albutiū (ex	
nis Censorij filiū, auctōr		orat. uol. 1. 64:)	41:
Plutarchus)	8.	Ministrū, & diribitorē	41:
Lumen de lumine	11.	Deterrendo à lib.	44:

Tertius  
Nemini  
Inficiat  
Pecunia  
q. cu  
esse aequ  
Congreg  
Mortem Q  
et Gellio  
Hic quicunq  
Carnius (ex  
Gratia, quā  
dix  
Pecunia. illa  
Igitur hanc

A B C D

Omni

A P V

V E



Tertium: b. vitire 50. Solatio q. e. mœrore 93:  
 Nemini: certe istum 62. Adolescentiam perueni=  
 Inficiatus e. dupli pœnâ 62. sent, 98:  
 Potius d. n. e. æ. q. n. e. u. R. q̄ in improbis pec. 98:  
 q̄, cū utile nō esse diceret, Cōsentiūt. nanq; à m. 107:  
 esse æquā fateretur 67. Rutilij Virginiani 110:  
 Congregātur: quers 15. Autem illis 114.  
 Mortem Q. filij (ex Liuiō Insanum rombus conuin=  
 & Gellio) 16. cam 116.  
 Hic quintus, & tr. 11: Fam'lia sunt alij 117:  
 Comicos (ex 114:) 81. Delectāt. at inquit 118.  
 Gratia, quid quoque die Dignū. Echionis 118  
 dix. 81: Patrocinijs, intercessionēs  
 Putaui. ille 82. pec. 119:  
 Igitur iuuenes sibi 85: Duorum, septem 123.

A B C D E F G H I K L M N O P Q R.

Omnes sunt quaterniones, præter Q, qui  
est quinternio


A P V D A L D I F I L I O S,  
 V E N E T I I S, M. D. XLV.  
 M E N S E M A R T I O.

005266367






































6.<sup>f</sup>